

100 410

9/09
h-38
323.2 (05)

რევოლუციის

h-38

889

გატიანე

ისტორიული ჟურნალი.

306

№ 4.

~~1.551.~~
~~6/13.~~

1923



ნ. დ. სამხ. ცენზ.

სტამბა გაზ. „ზარია ვოსტოკა“-სი, კრუზენშტერნის ქუჩა, № 4.
ტირაჟი 1500 ც. შეკვ. № 497.

ბათუმი
1907
საქართველოს
განმანათლებლო
სისტემა

ამხანაგებს და უკულ კვალ ჩვეოლიუციონერებს!

რევოლიუციისა და საქართველოს კომპარტიის ისტორიკოსისა სვეტს 1917 წლამდის ბრძოლაში დადებულ ძველ „ვოლიუციონერთა მოკლე ბიოგრაფიების კრებულს, — „კაპიტალიზმის წინააღმდეგ მებრძოლ რევოლიუციონერთა ალბომი“-ს სახით.

ამის შესახებ ჩვენ წინათ ვაცხადებდით გაზ. „კომუნისტში“, „მუშაში“ და თვით ჩვენს ისტორიულ ჟურნალ „რევოლიუციის მატთანში“, რითაც ვთხოვდით ამხანაგებს მოეწოდებინათ ცნობები ბრძოლაში დადებულ ყველა რევოლიუციონერების შესახებ (1917 წლამდე) მოკლე ბიოგრაფიებით.

ქვევით ჩვენ ვაცხადებთ შედარებით სრულ მისას, მუფისა და კაპიტალისტურ რეჟიმთან ბრძოლაში დადებულ ამხანაგებისას და ვთხოვთ კიდევ განმეორებით ამხანაგებს, ყველა ძველ რევოლიუციონერებს: ნუ დაიზარებენ და მოგვანოღონ ხასწრაფოდ ამათი მოკლე ბიოგრაფიები, — ვისაც კი მოეპოება ფოტოგრაფიული სურათების თანდართვით.

ს ი ა

- | | |
|-------------------------|-------------------------------|
| ა | ე |
| 1. არავიაშვილი ილხემი | 15. ეგრეელიძე ცახურო |
| 2. არავიაშვილი არჩილი | 16. ელიავა მარო |
| 3. ახობაძე | 17. ელიავა ესტარტე |
| ბ | 18. ელიავა ბ. |
| 4. ბაბილაძე | |
| 5. ბოჭორიძე მისა | 3 |
| 6. ბურჭულაძე | 19. ვახურო |
| გ | თ |
| 7. გალდავა დოლმატი | 20. თალაკვაძე ბანტელეიმონ |
| 8. გალდავა ფაცია | 21. თვარაძე ვახო |
| 9. გელოვანი შამში | 22. თედეიშვილი ბ. |
| 10. გიორგობიანი ბ. | 23. თელია გიორგი |
| 11. გორდეზიანი აკაკი | |
| დ | ი |
| 12. დადეშკელიანი ლევანი | 24. ივანიაძე ხილევანი |
| 13. დარჩიაშვილი ლადო | 25. იმნაიშვილი გერმანე |
| 14. დვალი | 26. ინწვირველი ვანო (სტეპანო) |

- 27. კალაძე მინა
- 28. კალაძე გერონტი
- 29. კალანდაძე ვანო
- 30. კალანდაძე გერონტი
- 31. კალანდაძე ბესარიონი
- 32. კაციაშვილი კოლა
- 33. კახეთელიძე
- 34. კეცხეველი ლადო
- 35. კილაძე აფრასიონ
- 36. კობალეიშვილი ალექსანდრე
- 37. კუჩუკვი მიშა

ლ

- 38. ლაზარაშვილი ტ.
- 39. ლეჟავა პრეკლატი
- 40. ლომთათიძე ჯოლა
- 41. ლომთათიძე სოლომონი
- 42. ლომინაძე ელისო
- 43. ლორთქიფანიძე პოლიო

მ

- 44. მათითაიშვილი გიგო
- 45. მაძაცოვი გ.
- 46. მარსაკოვი გიორგი
- 47. მარცვალავი გ.
- 48. მკვრელიძე იასონი
- 49. მკვრელიძე მოხე
- 50. მერტხელი მიხეილი
- 51. მერტვეელი გ.
- 52. მერტვეელი ლ.
- 53. მერტვეელი მ.
- 54. მინდიაშვილი
- 55. მონტინი ბეტრე

რ

- 56. რეინაშვილი ა.

ს

- 57. სტურუა რაქდენი
- 58. სტურუა ვასილი
- 59. სულხანიშვილი

ტ

- 60. ტაბუკაშვილი
- 61. ტიბელაიშვილი ვასო
- 62. ტოგო
- 63. ტორიკაშვილი

ფ

- 64. ფარჯანაძე კონსტანტინე
- 65. ფრუიძე მ.

ღ

- 66. ღლონტი

ყ

- 67. შევარდნაძე დათიკო

ჩ

- 68. ჩაჩავა კლტა გიორგის-ძე
- 69. ჩაჩავა მ.
- 70. ჩიტაძე ვოლა
- 71. ჩოდრიშვილი ზაქრო

ც

- 72. ცინცაძე იასე

წ

- 73. წულუკიძე ალექსანდრე

ჭ

- 74. ჭაჭიაშვილი ილიკო
- 75. ჭელიძე
- 76. ჭინჭარაძე

ხ


- 77. ხირსელი გ.
- 78. ხუცურაშვილი

ჯ

- 79. ჯავარიძე არჩილი
- 80. ჯიბლაძე ხიმონი
- 81. ჯიბუტი ვარდენი.
- 82. ჯღრჯაშვილი არსენი
- 83. ჯღზაძე ლადო
- 84. ჯუღელი ხევრიანე
- 85. ჯუღელი გიგა

რეგოლიუციისა და საქარ. კომპარტიის ისტორიის კომისიის მდივანი ს. ტალაკვაძე.

5



განყოფილება

= | =

ისტორიული წიგნი

ს. თაღაიანი

საქართველოს რევოლუციონური მოძრაობის წარსული

(1870 წლიდან 1905 წლამდე)

მეორე ნაწილი

III.

1900 წლის ბოლო ხანებში,—1901 წლის დასაწყისიდან,—რუსეთის აყვავებული, გაფურჩქნის გზაზე შემდგარი მრეწველობა მწვავე კრიზისმა მოიცვა....

საჭიროებაზე მეტი დამზადებული, ერთობ ბლომათ დაგროვილი საქონლები ფაბრიკა-ქარხნებიდან, გასავალ გზას,—საქონლის მომთხოვნელ თავისუფალ ბაზარს ვერ ჰპოულობდა.

ფაბრიკა-ქარხნის პატრონები,—კაპიტალისტები ურცხვათ, მოურიდებლათ ითხოვდნენ მუშებს,—ძალზე ამოკლებდნენ მუშების რიცხვს ფაბრიკა-ქარხნებში. მუშები, რომლებიც რჩებოდნენ ადგილებზე, დათხოვნილებში არ ხედებოდნენ, იმათი ეკონომიური და პოლიტიკური მდგომარეობაც არ უმჯობესდებოდა ამით; შრომის ფასი ეცემოდა, შრომის პირობები აუტანელი ხდებოდა ყოველ მხრივ... ეს კი გახდა გართულებული ცხოვრების მძიმე პირობებისაგან წაკრული მაგარი მუჯღუფენი მუშათა კლასისადმი... ამან მისცა საბაბი, ფართო მუშათა კლასი დიდი მონარქიული რუსეთის სიფართოვე—სიგრძით გამოფხიზლებულიყო, ამოძრავებულყო, მებრძოლთა რიგებში ჩარაზმულნი ისინი იერიშით მისულიყვნენ თავიანთ მტერზე,—ფაბრიკა-ქარხნის პატრონებზე,—ეკონომიური მდგომარეობის გაუმჯობესების მიზნით; აგრეთვე მოეხდინათ დემონასტრაციები პოლიტიკური გამოსვლების სახით, გამძვინვარებულ მონარქიულ მთავრობის თვითნებობის შესახლუდავთ,—პოლიტიკური უფლებების მოსაპოვებლათ.

ფაბრიკა-ქარხნებში წარმოებულ გაფიცვების გარდა, მუშათა რევოლუციონური მასები გამოდიოდნენ ქუჩებში ბრძოლის წითელი დროშებით ხელში და გაბედულათ აცნობდნენ ქვეყანას თვითმპყრობელ ნიკოლოზის მონარქიულ მთავრობასთან დაუნდობელ, შეურიგებელ ბრძოლის საჭიროებას.

საქართველოს
საბჭოთაო
სამართალი



დობროლიუბოვი-ჩერნიშევსკის რევოლიუციონურ მოძღვრებაზე აღზრდილ რუსეთის მოსწავლე ახალგაზრდობაშიც ღვივდებოდა ამ დროს რევოლიუციონური მოძრაობის ცეცხლი; მოწაფეთა გამოსვლები, განსაკუთრებით სტუდენტთა საპროტესტო პოლიტიკური ხასიათის დემონსტრაციები ხშირი მოვლენა ხდებოდა... ზრდა-განვითარების პროცესში მყოფი მუშათა ფართო რევოლიუციონური მოძრაობა გავლენას ახდენდა მოსწავლე ახალგაზრდობაზე და ისინიც მასიური ჩარევით უერთდებოდნენ ამოძრავებულ რუსეთის პროლეტარიატს.

ამ დროს, ერთად ერთი რევოლიუციონური ძალა, რომელიც იზიდავდა თავისაკენ საბრძოლველათ განწყობილ მუშათა კლასს,— იყო მარქსისტული მოძღვრებაზე დამყარებული,— ჯერ კიდევ სუსტი, განვითარება-განმტკიცების პროცესში მყოფი,— სოციალ-დემოკრატიული ორგანიზაციები.

სოციალ-დემოკრატიულ ორგანიზაციებს მოეპოვებოდა ამ ხანებში აქა-იქ სამრეწველო დიდ ქალაქებში გამოსული ყოველ-ღლიური თუ კვირეული ბეჭდვითი ორგანოები, მაგრამ არც ერთი ამ ორგანოთაგან არ იდგა თავის მოწოდების შესაფერ სიმალღზე; ესენი სუსტნი იყვნენ, ესენი დაშორებული იყვნენ პრაქტიკულად მომქმედ რევოლიუციონურ ორგანიზაციებს; ესე იგი, ეს ბეჭდვითი სოციალ-დემოკრატიული ორგანოები არ აძლევდა სოციალ-დემოკრატიულ პარტიის ორგანიზაციებს იმ პრაქტიკულ და თეორიულ *) საკვებს, რაც მათ ესაჭიროებოდა, რაც მათ გამოადგებოდა სახელმძღვანელოთ უკვე გაჩაღებულ რევოლიუციონურ მოძრაობისათვის. მარქსისტულ-რევოლიუციონურ მოძღვრებაზე დამყარებულ სოციალ-დემოკრატიულ ორგანიზაციებს ესაჭიროებოდა რევოლიუციონური მოძრაობის ხელმძღვანელი, ერთი მთლიანი, რკინის დისციპლინაში ჩამოსხმული ძლიერი პარტია,— სწორი ტაქტიკისა და მტკიცე პოლიტიკის მატარებელი, რომელიც ამ ამოძრავებულ, რევოლიუციისათვის მოწოდებულ ფართო მშრომელ მასებს მებრძოლთა რიგებში ჩააყენებდა და წინ, უკეთესი მომავლისაკენ წასასვლელ რევოლიუციონურ გზას უჩვენებდა.

სოციალ-დემოკრატების 1-ელ ყრილობაზე ჩასახული, საფუძველ დადებული, მაგრამ ჯერ კიდევ განუვითარებელი, გაუმაგრებელი სო-

*) „შრომის განთავისუფლების“ ჯგუფის გამოცემები ნაზღვარ-გარეთიღის აღწევდა რუსეთის ქალაქებში და თეორიულ შიმშილს სოციალ-დემოკრატიული პარტიისას რამოდენიმეთ ანკლუბდა, მაგრამ ორგანიზაციის შექმნისათვის, პარტიის გაზრდა-განმტკიცების მხრივ მას არაფერი თითქმის არ გაუკეთებია; ამ გამოცემებში მოთავსებული მეცნიერულ-ხადისკუსიო ხასიათის თეორიული წერილები მიმართული იყო მარტო და მხოლოდ ნაროდნიკების წვრილ ბურჟუაზიული მოძღვრების წინააღმდეგ.





ციალ-დემოკრატიული მუშათა პარტია არ იყო ამ ხანათ კიდევ შექმნილი ერთი რევოლიუციონური ტაქტიკის, ერთი რევოლიუციონური პოლიტიკის მატარებელ შემადგენელი ნაწილებით. პარტიაში და პარტიის ირგვლივ თავი მოეყარათ ლიბერალურს, არარევოლიუციონურს,—ასე ვსთქვათ,—ლეგალურ და ნახევრათ ლეგალურ სოციალ-დემოკრატებს და შეჭკონდათ ეს არა-რევოლიუციონური სული მუშათა მოძრაობაში. ლეგალურ მარქსისტების ჯგუფის—თუ შეიძლება ეწოდოს მას ჯგუფი,—ლიდერნი და სულის ჩამდგმელნი იყვნენ ჯერ კიდევ რუსეთში მარქსიზმის ჩასახვის დღიდან—80-90 წლებიდან პ. სტრუვე, ტუგან-ბარანოვსკი და ბულგაკოვი. *)

პარტიის საფუძველის ჩაყრამ, მისი რევოლიუციონურ ორგანიზაციათა მუშაობის განვითარებამ და იმ მიმე თვითმპყრობელურმა რეჟიმმა, რომელშიც ამ ორგანიზაციებს უხდებოდა მუშაობა 90 წლების დასასრულიდან და 1900 წლის დასაწყისიდან, წარმოშვა სოციალ-დემოკრატიულ პარტიაში ორი ჯგუფი—„ეკონომისტებისა“ და „პოლიტიკებისა“. ჯგუფი „ეკონომისტებისა“,—მარტინოვი, ლოხოვი, პროკოფოვიჩი, კუსკოვა, კიჩევსკი და სხვა,—ხელმძღვანელობდნენ რა თითქო მარქსიზმის თეორიით, მარქსისტული პრინციპით, ცდილობდნენ გამოეცალათ წარმოებულ მუშათა მოძრაობისათვის რევოლიუციონური სული, რევოლიუციონური ხასიათი: „ეკონომისტებს“ დაუშვებლათ მიაჩნდათ რომ მუშათა მოძრაობა წმინდა ეკონომიურ და ისიც ნაწილობრივ ხასიათის გაფიცვებს,—ფაბრიკა-ქარხნის კედლებში შიგნით, მხოლოდ და ფაბრიკა-ქარხნის პატრონების წინააღმდეგ მიმართული,—გადმომცდარიყო, დაეტოვებია მას ეს საზღვრები და

*) მარქსიზმზე აგებულ სოციალ-დემოკრატიისა და მისი რევოლიუციონური ორგანიზაციის დაარსება-განვითარებით „ლეგალურ მარქსისტების“ ეს ჯგუფი მოკვდა. 1904—1905 წლებიდან პ. სტრუვემ და მათმა თანამოაზროვეებმა სრულებით ჩამოიხიეს პირზე აფარებული მარქსისტული პირბადე და საშუალოთ გადაბარდნენ გამოღვიძებულ რუსეთის პროლეტარიატის კლასობრივ მტრების,—ბურჟუა-კაპიტალისტების ბანაკში. უნდა ითქვას, რომ ამათი გავლენა, როგორც „უბარტო“ უორგანიზაციო მარქსისტულ-ლიტერატურული ჯგუფისა, არ იყო საგრძნობი იმდენათ, რომ რევოლუციონურ მუშათა კლასს დასტყობოდა თავიანთი მოტანილი ვენებითა თუ სარგებლობით. ვენების მოტანის მხრივ, როგორც ეს უკვე დავანახვა ოქტომბრის დიდმა პროლეტარულმა რევოლიუციამ რუსეთში (შორს მჭვრეტელი, გენიალური მარქსისტი რევოლიუციონერი მთელი მსოფლიოსი ნ. ლენინი ამას მაშინაც აგრძნობდა და მოურიდებლათ აცხადებდა) დიდი როლი ითამაშა პარტიაში, თვით პარტიის შიგნით მოკალათებულმა, მიმართულმა-საქმიანობით ლეგალობის გზაზე დამდგარმა ჯგუფმა, ეგრეთ წოდებულ „ეკონომისტების“—ამ, ეს ჯგუფი დაბოლოს,—თუმცა არა პირდაპირ, არა აშკარა სახით,—სულიერი მემკვიდრე გახდა მოკვდარ „ლეგალისტების“ ჯგუფისა სხვა სახით და სხვა სამოსელში მოვლინებული. „ეკონომისტების“ ჯგუფზე ქვევით მოგვიხდება ლაპარაკი. სადაც მათი ხსენ და ნახაჭვევის სურათი უფო ნათლათ იქნება წარმოდგენილი.



მიელო გადამჭრელი, მომქმედი, მებრძოლი პოლიტიკური სახე. „ეკონომისტები“ აკლიდენ რა რევოლიუციონურ სულს მუშათა მოძრაობას, ამით სდევნიდენ სოციალ-დემოკრატიის რევოლიუციონურ ორგანიზაციებიდან პოლიტიკას, გზას უღობავდენ დაძრულ რევოლიუციონურ ნაბიჯებს და აქ გამთიშველი ფრონტით პირველი ისინი უპირდაპირდებოდენ პარტიის იმ ძლიერ *) ჯგუფს, რომელიც დამყარებული ეკონომიკაზე, მეცნიერულ სოციალიზმზე, თავისი სოციალ-დემოკრატიული რევოლიუციონური ორგანიზაციისა და მუშათა მოძრაობის განმავითარებელ საფუძვლათ **პოლიტიკას**, მტკიცე შეურიგებელ რევოლიუციონურ **პოლიტიკას** სთვლიდა. **)

„ეკონომიზმის“ თეორეტიკი, ამ ჯგუფის სულის ჩამდგმელი და ხორცის შემსხმელი სოციალ-დემოკრატიულ ორგანიზაციებში იყო მარტინოვი ***) , ხოლო ამისი მოპირდაპირე „პოლიტიკი“, „ეკონომიზმის“ შეურიგებელი მტერი, პარტიაში და პარტიის გარეთ **რევოლიუციონური პოლიტიკის** გამტარებელი, მისი თეორეტიკი და

*) რუსეთის სოციალ-დემოკრატიული პარტიის დამაარსებელი და ცნობილი ლიდერები—გ. პლ ხანოვი, აქსელროდი, ვ. ხასულინი, პოტრესოვი და მარტოვი ლენინთან ერთად არ იზიარებდენ „ეკონომისტების“ პარტიულ ხაზს პარტიის მეორე ყრილობამდე და ამით ჯგუფი ვერედ წოდებულ „პოლიტიკების“ პარტიაში უძლიერესი იყო.

**) 90 წლების მიწურულში „შრომის განთავისუფლების“ ჯგუფის მიერ აშკარათ და გადაჭრით იქნა დაგმობილი „ეკონომიზმი“, რომელსაც მათი აზრით რევოლიუციონურ სოციალ-დემოკრატიულ ორგანიზაციებში შექმნდა გახრწნა დაშლა: იგი ჰქმნიდა საფრთხეს შექმნა-განმტკიცების პროცესში მყოფ პროლეტარულ პარტიისათვის.

***) მარტინოვი ეხლა, როცა მასში, მრავალი რევოლიუციონური წლების განვლის შემდეგ,—ოქტომბრის დიდმა პროლეტარულმა რევოლიუციამ წარმოებულ ძველი პარტიული ხაზის გადაფასება გამოიწვია, უკვე უარს ამბობს ამ პარტიაზე და კომუნისტი გახდა,—უარყოფს ამას თავის ეხლანდელ ისტორიულ მოგონებებში („კრასნაია ნოვი“). მარტინოვი ამბობს, რომ იგი „შეცდომით იქნა მოწინააღმდეგების მიერ ჩათვლილი „ეკონომისტების“ რიცხვში და კიდევ მეტი—მის ლიდერთათც მონათლული. მაგრამ მიუხედავად ამისა, ჩვენ მიანც ვფიქრობთ, რომ ეს არსებითად არ ხსკლის მარტინოვის მიერ გათავაშებულ როლს წარსულში „ეკონომიზმის“ წარმოშობა—განვითარებისათვის... მარტინოვი თავის ისტორიულ მოგონებებში ქვევით უმატებს: „ეკონომისტების“ რიგებში მოქცეული, მე ნამდვილი „პოლიტიკი“ ვიყავი...—ამბობს ქვევით მარტინოვი, ისტორიამ უკვე დაგვანახა, რომ „ეკონომიზმის“ შემდეგი განვითარებით წარმოშობილი მენშევიზმი ბურჟუაზიასთან, პროლეტარიატის კლასობრივ მტერთან ბრძოლაში იყო ღმობიერი, არა „პოლიტიკი“, არა-რევოლიუციონერი, თორემ მუშათა კლასთან, პროლეტარულ პარტიასთან ბრძოლაში ისინი „პოლიტიკები“ იყვნენ და თავგანწირული „რევოლიუციონერები“. აჰ. მარტინოვის მტკიცებას,—რომ იგი „ეკონომისტების“ რიგებში ნამდვილი „პოლიტიკი“ იყო,—მხოლოდ ეს აზრი და მნიშვნელობა აქვს და სხვა არაფერი.

პრაქტიკი, „პოლიტიკის“ სული და გული, „ეკონომიზმის“ მრღვეველ ბაცილებთან საბრძოლველათ მოწოდებული, — რკინის ენერჯით, ფოლადის ნებით და სიმტკიცით შეიარაღებული მებრძოლი იყო ნ. ლენინი, —ახლანდელ ეპოქის ეს მსოფლიო გენია.

IV

ლენინის ინიციატივით და მეოხებით 1900 წლის მიწურულში საზღვარ-გარეთ დაარსდა „ისკრის“ (ნაპერწყალი“) ჯგუფი, რომელმაც 1901 წლის დასაწყისიდან იწყო გამოცემა თავისი ორგანოსი გაზეთ „ისკრა“-ს სახელწოდებით. „ისკრას“ სარედაქციო კოლეგიაში შედიოდნენ: ნ. ლენინი, გ. პლენხანოვი, ვ. ზასულიჩი, აქსელროდი, მარტოვი და პოტრესოვი, — „ზრომის განთავისუფლების“ ჯგუფის თითქმის. მთელი შემადგენლობა გაზეთ „ისკრა“-ს პირდაპირი დანიშნულება და მიზანი იყო ზრდა-განვითარების პროცესში მყოფ რუსეთის სოციალ-დემოკრატიული პარტიისათვის პოლიტიკური და იდეური ხელმძღვანელობა, ორგანიზაციებში დაბადებულ, გაურკვეველ თეორიულ და პრაქტიკულ კითხვების გადაჭრა, სოციალ-დემოკრატიის რევოლიუციონურ ორგანიზაციების შენება და განმტკიცება, და ბოლოს ბრძოლა, შეურიგებელი ბრძოლის წარმოება „ეკონომისტებთან“ და მომზადება მომავალში პარტიის მეორე ყრილობისა.

როგორც ინიციატორი „ისკრა“-ს დაარსების, აგრეთვე მისი იდეური ხელმძღვანელი და სულის ჩამდგმელი — რაც შემდეგ აშკარათ დაინახეს და აღნიშნეს მისმა ყოფილმა ამხანაგებმა, — იყო ლენინი. „ისკრა“-ში მთლიანათ იყო ვადმოშლილი ლენინის მოუსვენარი, მტრებთან (პირდაპირ და არაპირდაპირებთან) შეურიგებელი მებრძოლი, აღსავსე რევოლიუციონური სული. და აქ აღსანიშნავია განსაკუთრებით ის, რომ „ისკრა“-ს სარედაქციო კოლეგიაში სხვა არა ნაკლები (იმ ხანებში თავიანთი წარსულით უფრო დიდებიც) ტიტანი სოციალ-დემოკრატებიც შედიოდნენ ლენინთან ერთად, მაგრამ ისე კი იყო გამეფებული რედაქციაში ლენინის ძლიერი ნება და ხასიათი, რომ „ისკრა“-ს მოწინააღმდეგეები ლენინის გაზეთს, — მის საკუთარ ორგანოს ეძახდნენ „ისკრა“-ს. ხსენებულ გაზეთს დასტყობოდა მთლიანათ ლენინის ძლიერი ხელი.

ამ ხანებში დაარსებულ იქნა „ეკონომისტების“ საკუთარი ორგანოც, — „რაბოჩეე დელო“-ს (მუშათა საქმე) სახელწოდებით, რომელიც დაუპირდაპირდა ისკრას და მთელ თავის ენერჯიას ანდომებდა პარტიაში და პარტიის გარეთ, — მუშათა მოძრაობიდან „პოლიტიკის“, რევოლიუციონური სულის გამოდევნას. „რაბოჩეე დელოს“ იდეური და უმთავრესი ხელმძღვანელი იყო მარტინოვი. ყველა სერიოზული და პრინციპიალური ხასიათის წერილები „ისკრას“ პოლიტიკური მი-

მართულების წინააღმდეგ დაწერილი „რაბოჩე დელოში“ ეკუთვნოდა მარტინოვს, ისე, როგორც „რაბოჩე დელო“-ს წინააღმდეგ დაწერილი წერილები „ისკრა“-ში უმეტესათ და უმთავრესად ეკუთვნოდა ნ. ლენინის კალამს.

ამ რიგათ, რუსეთის სოციალ-დემოკრატიულ პარტიაში წარმოიშვა და 1901 წელში უკვე მომწიფდა, ჩამოყალიბდა, ორი ერთი მეორის მოპირდაპირე გარკვეული ჯგუფი, ეგრეთ წოდებული—„ისკროვცებისა“ და „რაბოჩედელცები“-სა. ესენი, სოციალ-დემოკრატიულ პარტიის პირველ პერიოდში ცდილობდნენ შემოეკრიბათ ცალ-ცალკე თავიანთ ირგვლივ რაც შეიძლება მეტი ნაწილი მუშათა კლასისა და მის თანამგრძობ ყველა რევოლიუციონურ ელემენტებისა.... ხოლო მოქმედების დროს, პარტიის ორგანიზაციულ საქმიანობის პროცესში ეს უთანხმოება, ჯგუფთა შორის შეხლა-შემოხლა კიდევ უფრო ძლიერდებოდა, ღრმავდებოდა.*)

ეს ბრძოლა და აზრთა დაპირდაპირება რუსეთში, ერთი მიზნით აღქურვილ სოციალ-დემოკრატიულ ორგანიზაციების შიგნით, გავლენას ახდენდა კავკასია—ამიერ კავკასიაზე; აგრეთვე ჩვენზეც, —საქართველოზეც, როგორც ნაწილზე რუსეთის სოციალ-დემოკრატიულ პარტიისა, და თუმცა პირველ ხანებში აქ ეს არ იყო საგრძნობი, შესამჩნევი, მაგრამ სხვა და სხვა სახეებითა და ფორმებით წარმოდგენილს მას აქაც ჰქონდა ადგილი.

ზოგიერთი ძველი, დღევანდლამდის მოღწეული რევოლიუციონერები და მენშევიკების სახით წარმოდგენილი ყოფილი რევოლიუციონერები ირდგენენ პარტიული მუშაობის შორეულ წარსულს და თითქო რწმუნდებიან, —ცდილობენ დაგვარწმუნონ ჩვენც, —რომ საქართველოში მარქსისტული ორგანიზაციების შიგნით პარტიული მუშაობის პირველ პერიოდში იმის მსგავსი შეხლა-შემოხლა და უთანხმოება არ ყოფილა, რაც იმ დროს რუსეთის ორგანიზაციაში ხდებოდა; ისინი ამბობენ: აქ არ უჩენია თავი არც „ეკონომისტებს“ და არც მის მოპირდაპირე „პოლიტიკებს“-ო, რომ საქართველოში პარტიული ორგანიზაციების შიგნით არ ჰქონია ადგილი არც პრინციპიალურ და არც ტაქტიკურ უთანხმოებასო, რომ აქ მუშაობა პარტიაში იმ დროს, როცა მას რუსეთში მღრღნელი ბაცილები ეკიდებოდა, შეთანხმებული, ერთსულოვანი იყო და სხვა. მაგრამ ეს მართალი არ არის; იგი არ შეიცავს სრულ სინამდვილეს. ამიტომ მეტი არ იქნება, რომ აქ დროებით შევაჩეროთ ჩვენი მოთხრობა და გადავხე-

* *) 1901 წელს, ენევის პარტიულ თათბირზე მიღწეულ შეთანხმებას „ისკროვცებისა“ და „რაბოჩედელცებისა“-ს არსებითად არაფერი არ შეუკვლია; ბრძოლა აქ ორ ჯგუფთა შორის წინანდებურათ გრძელდებოდა.



დოთ პარტიული მუშაობის შორეულ წარსულს, გადმოვშალოთ იმ დროინდელ რევოლუციონური მუშაობის მარცხენებელი დოკუმენტები, წინააღმდეგ მეტყველი ფაქტები.

უთანხმოება პოლიტიკურ და ტაქტიკურ კითხვებში იყო რა თქმა უნდა აქაც, მაგრამ იგი სხვა სახით იყო წარმოდგენილი და სხვა ფორმებში სწარმოებდა. თუ რუსეთის ორგანიზაციებში ამ უთანხმოებას ორი სხვა და სხვა პოლიტიკური და ტაქტიკური მიმართულება—ხაზი წარმოეშვა, მას აშკარა მოპირდაპირე ჯგუფები შეექმნა საკუთარი ბეჭდვითი ორგანოებით, იყო კამათი, პოლემიკა ლიტერატურული საშუალებით, იყო მოურიდებელი, დაუცხრომელი ძრძოლა, — აქ საქართველოში ყოველივე ეს ხდებოდა შეუმჩნეველათ არა-გარკვევით. მუშებისგან შემდგარ სოციალ-დემოკრატიული ორგანიზაციისა *) და მის ირგველივ შემოკრებილ მარქსისტ-ინტელიგენტების თვით ბუნებაში და პრაქტიკა-საქმიანობაში სჩანდა ყოველივე ეს, სჩანდა მათ მიერ თითქო ამ ფაქტის შეუგნებლათ.

ჯერ კიდევ 94-5-6 წლებში პირველ მარქსისტულ იაჩიკების დაარსებიდან ტფილისში და ამ იაჩიკებით წარმოშობილ კომიტეტის მუშაობის დასაწყისში, როცა ორგანიზაციაში უმეტესათ და თითქმის მთლიანათ მუშები იყვნენ, ინტელიგენტი მარქსისტები, წარმოდგენილი უმეტესათ ერგეთ წოდებულ „მესამე დასელების“ ჯგუფის სახით, იმით იყვნენ გატაცებულნი, რომ როგორმე რაც შეიძლება სასწავლებლიდან დათხოვნილი, მარქსისტულათ მოაზროვნე ინტელიგენტები ბევრი და თან საჩქაროდ გაეგზავნათ საზღვარგარეთ სწავლის დასასრულებლათ და სოციალიზმის საბუთინათ შესწავლისათვის. **) მათთვის არ არსებობდა, წაშლილი იყო ამ ხანებში ყოველი პრაქტიკული და პოლიტიკური ხასიათის საქმიანობა ორგანიზაციაში; იმათ დიდი ხნით გადაედოთ ან სულ არ ფიქრობდენ გადაედგათ რევოლუციონური ნაბიჯები ორგანიზაციის მეოხებით იმ დროს, როცა ორგანიზაციის წევრები, მის გარშემო შემოკრებილი მუშები ერთობ რევოლუციონურათ იყვნენ განწყობილნი, მთლიანათ ჩაფლულნი და მინდობილნი იყვნენ ორგანიზაციაში პრაქტიკულ და პოლიტიკური ხასიათის საქმიანობზე.

ამ ნიადაგზე ორგანიზაციაში მომუშავე მუშებსა და მის გარშე-

*) 90 წლების პირველ ნახევარში ახლად ჩასახულ ტფილისის სოციალ-დემოკრატიულ კომიტეტში შედიოდენ მხოლოდ მუშები. შემდეგ გამხდარი პარტიის ინტელიგენტი—ლიდერები, წარმოდგენილი ე. წ. მესამე დასის (მარქსისტული ჯგუფის) სახით შეკავშირებული იყო ამ ორგანიზაციასთან იდეურათ და არა ორგანიზაციულათ. რამოდენიმე წლის შემდეგ იქნენ შიგ შეყვანილი პრაქტიკული ომუშავე ინტელიგენტები, მხოლოდ, მაგრამ ისიც უმნიშვნელო რიცხვი.

**) ემყარები აშხ. თ. მანარაძისა და ვახო ცაბაძის ცნობა—ნაიშობებს.

მო შემოკრებილ მარქსისტ ინტელიგენტებს შორის იყო უკმაყოფილება, უთანხმოება, ჩუმი შეუმჩნეველი ბრძოლაც.

უკმაყოფილო მუშებში ხშირად გაისმოდა საყვედურის ხმები, იყო ლაპარაკი პრაქტიკული საქმიანობის სფეროში ინტელიგენტებთან შეუთანხმებლობაზე; ისინი შესჩიოდნენ ერთმანეთს იმათი საზღვარგარეთ წასვლის უაზრობაზე, მიზან შეუწონლობაზე და გამოსთქვამდნენ ექვს, საზღვარგარეთ სწავლის გასაგრძელებლათ გამგზავრებულ მარქსისტ-ინტელიგენტების მარქსისტათვე უკან დაბრუნების შესახებ. მიუხედავად იმისა, რომ ორგანიზაციაში ჩაბმულ მუშებს შორის საგრძნობი გამზდარიყო თეორეტიკოსების არ ყოლა,—ინტელიგენტ-მარქსისტული ძალების სიცოტავე, ორგანიზაციული მუშაობა მაინც არ ფერხდებოდა; ორგანიზაცია მაგრდებოდა, მტკიცდებოდა, რევოლიუციონური მუშაობა ვითარდებოდა. დაყრდნობოდენ რა ისინი საკუთარ ძალებზე ორგანიზაციის პრაქტიკული მუშაობისათვის, პირიქით მეტი სიცოცხლე გამოეჩინათ, მეტი შინაარსი მიეცათ მისთვის. მოწინავე, რევოლიუციონურ მოძრაობის ისტორიაში გათვითცნობიერებული, მარქსიზმის და მისი პოლიტიკური ეკონომის ასე თუ ისე მკოდნე მუშები, როგორც იყვნენ: ზაქრო ჩოდრიშვილი, არჩილ არავიაშვილი, ვასო ცაბაძე და სხვები, რევოლიუციონურ მუშათა წრეებში კითხულობდნენ რეფერატებს მარქსიზმზე, რევოლიუციონური მოძრაობის ისტორიის შესახებ; კითხულობდნენ არა-ლეგალურ რევოლიუციონურ ლიტერატურას, ეწეოდნენ სისტემატიურ მაცადინებობას მათთან და ამით წვრთვნიდნენ, ამზადებდნენ მუშებს რევოლიუციონერებათ, მონარქიულისა და კაპიტალისტური წესწყობილების დაუნდობელ მებრძოლებათ. მუშაობის ასეთი ინტენსივობით მათ შესძლეს დაეძრათ პასიურ, გაყინულ მუშაობა-თანაგრძნობის წერტილიდან ირგველივ შემოკრებილი, მუშებთან უფრო ახლო მდგომი მარქსისტ-ინტელიგენტების უფრო თავდადებული, რევოლიუციონური იდეით გატაცებული ნაწილი, მაგალითად: ფ. მახარაძე, ლადო კეცხოველი, რაედენ კალაძე*) სევერიან ჯუღელი, ს. ჯიბლაძე და სხვები.

ხსენებულმა ინტელიგენციამ ეგრეთ წოდებულ „მესამე დასიდან“ გარდა ზოგიერთების გამოკლებით, მიუხედავად მუშების საწინააღმდეგო სულიერი განწყობილებისა, მაინც შესძლეს თავიანთ შორის საუკეთესოების გავზავნა საზღვარგარეთ; ასეთები იყვნენ: ნოე ყორდანი, ლადო დარჩიაშვილი, ფ. გოგიჩაიშვილი და სხვები.

ეს იყო მარქსისტული ჩანასახების მუშაობის პირველი პერიოდი. ორგანიზაციის მუშაობის მეორე პერიოდს შეიცავს რუსეთის

*) მიხა ცხაკია ასეთი პრაქტიკული მუშაობის შედეგით უკვე გადასახლებული იყო საქართველოსა და კავკასია—ამიერ კავკასიის საზღვრებდან.



სოციალ-დემოკრატიული მუშათა პარტიის საფუძველის ჩაყრა 90 წლის მემორანდუმის მეორე ნახევრის მიწურულში (1898 წ.), როცა საზღვარგარეთიდან დაბრუნებული ნოე ჟორდანიას ადგილობრივად მყოფ მარქსისტ-ინტელიგენტების დახმარება—ხელის შეწყობით იწყებს სოციალ-დემოკრატიული მიმართულების ორგანოს,—ყოველ კვირულ ჟურნალ „კვალის“ გამოცემას.

ჟურნალი „კვალი“ ამ დროს ერთად ერთი ლეგალური მარქსისტული ორგანო იყო, რომლის უმთავრეს ხელმძღვანელ და რედაქტორ ნოე ჟორდანიას ხელმოწერილი მეთაური წერილები მიმართული იყო ილია ჭავჭავაძის ნაციონალისტურ გაზეთ „ივერიის“ წინააღმდეგ მხოლოდ; ნოე ჟორდანიას თავის ჟურნალ „კვალში“ მარქსისტული მოძღვრებით გაღესილ იარაღს სცვეთდა, ბლაგვავდა მარტო და მხოლოდ ქართველ ნაციონალისტებთან იდეურ ბრძოლაში; ამის გარეშე მას და მის ჟურნალ „კვალს“ არ აინტერესებდა თითქო რა; ჟურნალი „კვალი“ და მისი სულის ჩამდგმელი ნოე ჟორდანიას რევოლიუციონურ სოციალ-დემოკრატიის სხვა კიდევ უფრო მნიშვნელოვან მოვალეობას თითქო ვერ ხედავდა, ან არ უნდოდა დაენახა.

არც ერთი წერილი მუშათა საკითხზე, პროლეტარიატის დღიურ ღირ-ვარამზე ჟურნალ „კვალში“ არ მოიპოვებოდა. ჟურნალი „კვალი“ მომქმედ სოციალ-დემოკრატიული პარტიის რევოლიუციონურ ორგანიზაციებს პილიტიკურ და ტაქტიკურ კითხვებში არ ჰმატებდა, არ აძლევდა არაფერს. არა-ლეგალური ფურცლები, არა-ლეგალური გაზეთი და ლიტერატურული გამოცემები, სადაც მუშების ეკონომიური და პოლიტიკური ცხოვრება იქნებოდა გაშუქებული, კაპიტალით დაჩაგრული, მქონებელ კლასისგან გაყვლეფილ მუშების ღირვარამი იქნებოდა მოთხრობილი, სადაც რევოლიუციონური მუშაობის გაღრმავებაზე და რევოლიუციონური ნაბიჯების გადადგმაზე იქნებოდა მითითებული,—მინც ისევ საჭირო და აუცილებელი ხდებოდა. ჟურნალ „კვალსა“ და მისი იდეურ ხელმძღვანელის პროგრამაში არც ერთი ზემოთ ჩამოთვლილი,—ეკონომიურ, პოლიტიკურ და ტაქტიკურ ხასიათის,—კითხვების ჟურნალის ფურცლებზე გადმოღება და თვით მუშებისვე ჩარევით გადაქრა არ შედიოდა. ჟურნალ „კვალის“ ხელმძღვანელმა ნოე ჟორდანიამ ასე შეათასა „რევოლიუციონური“ ძალები საქართველოში: ქართველი ერი უკანასკნელ 10-15 წლის განმავლობაში შედგა განვითარების ახალ გზაზე; ეს გზა ითრევს ქართველებს თანამედროვე მოქალაქეობაში; მოქალაქეობაზე არის დამყარებული დღევანდელი ცხოვრება. გაქალაქებული, გაკულტუროსნებული საქართველო თავდება ჩვენი მერმისის. თანამედროვე ცხოვრებამ ქართველობა ორ ნაწილად დაჰყო; ერთია მოქალაქეობის, გაკულტუროსნების გზაზე შემდგარი,—ე. ი. სწავლა-განათლება მიღებული



ინტელიგენტები, ალებ-მიცემის მცოდნე ვაჭრები, მსხვილი და წვრილი ხელოსნები და შავი მუშები (პროლეტარულ კლასზე, ფაბრიკა-ქარხნებში ჩაბმულ მრავალ-რიცხოვან მუშებზე არაფერს არ ამბობს, მას არც იგონებს. ს. თ.), რომლებიც თავიანთი შრომით და კვათაგონებით ირჩენენ თავს; მეორეა ჩამორჩენილნი, ფეოდალური ცხოვრების გავლენისაგან ჯერ კიდევ გაუნთავისუფლებელნი, აზარმაცული, პატრიარქალური ბნელი ცხოვრების მიმდევარნი. პირველნი, ეს ახალი საზოგადოებაა, ახალი ხალხია. პრესა, ლიტერატურა*) და „მწერლობაც მათი მიდრეკილების გამოხატველი უნდა იყოს“-ო, ასკვნის ნოე ჟორდანიას. აქედან ცხადია უკვე თუ სად, საზოგადოების რა ელემენტებში ხედავს ნოე ჟორდანიას „რევოლიუციის“ მამოძრავებელ, ანუ—მის ფრთხილ, არა-რევოლიუციონურ ენაზე რომ ვთქვათ,—ქვეყნის განმანახლებელ, პროგრესისაკენ მავალ ძალებს და რაში უნდა გამოიხატოს აქ სოციალ-დემოკრატიული პარტიის ვალი-საქმიანობა. აქ უკვე სჩანს აშკარათ, თუ რამდენათ ახლო იდგა ნოე ჟორდანიას თავისი სოციალ-დემოკრატიული ჟურნალი „კვალით“ საქართველოს მუშათა კლასთან და მის პროლეტარულ, რევოლიუციონურ ორგანიზაციასთან. ნოე ჟორდანიასთვის ამ ჟამად არ არსებობდა მუშათა კლასი, რომელზედაც შესაძლებელი ყოფილიყო დამყარება და „ქვეყნის განახლებისათვის“ რევოლიუციონური ნაბიჯების გადადგმა. და იგი ამ „განახლებისათვის“ არც სცნობდა რევოლიუციონერობას: „ქვეყნის განახლებისათვის“ მას თითქო სრულებითაც უარეყო ბრძოლის რევოლიუციონური მეთოდები და მიელო არა რევოლიუციონური, არამედ **ვეოლიუციონური ბრძოლის მეთოდები**. ეს კი იყო რევოლიუციონურ პროლეტარიატის ენაზე **ოპორტიუნისში**,—მუშათა კლასის რევოლიუციონურობის, მშრომელ კლასის წარსამატებლათ რევოლიუციონური ნაბიჯების ზედმეტათ მთვლელი და სხვა. ეს ყალბი მარქსისტულ-რევოლიუციონური პოზიცია ნოე ჟორდანიასი, გაუსწორებელი, რევოლიუციონურ მოძრაობისათვის დიდი ვნების მომტანი ნაკლი ჟურნალ „კვალისა“ არ შეიძლებოდა არ შეემჩნია, არ დაენახა რევოლიუციონურ ორგანიზაციებში ჩაბმულ ტფილისის პროლეტარიატს, ტფილისის სოციალ-დემოკრატიული კომიტეტის სახით, და აი ისინი კიდევაც აცხადებდენ უკმაყოფილებას ჟურნალ „კვალისადმი“ და არ სთვლიდენ მას თავიანთ ორგანოთ, **მუშათა გაზეთათ**. ტფილისის სოციალ-დემოკრატიული კომიტეტი, შედგენილი თავისი დიდი უმეტესობით ფაბრიკა-ქარხნებსა და მსხვილ სახელოსნოებში ჩაბმულ მრეწველი მუშებით, რომლებშიც ოპორტიუნისტული ხასია-

*) ნ. ჟორდანიას წიგნაკ—„ქართული პრესა“-დან ვიღებ აზრს ჩემი საკუთარ სიტყვებით, რომ უფრო ვასაგებ ენაზე იყოს ავტორის სიტყვები.




თის, — „ეკონომიზმის“ მსგავსი რამ ფეხს ვერ იკიდებდა, ადგილს ვერ პოულობდა და იყო მუდამ პოლიტიკური, რევოლუციონური, სოციალ-დემოკრატიულ ფორმის ქვეშ გამოსულ ჟურნალ „კვალის“ შესახებ ასე აყენებდა კითხვას *): 1) არის თუ არა საერთოდ ჟურნალი „კვალი“ მუშათა მოძრაობის ორგანო, 2) შეუძლია თუ არა მას ლეგალურათ მუშათა საკითხი გაარკვიოს და 3) შეუძლია მას იყოს პირდაპირი რევოლუციონური ბრძოლის ორგანო თუ არა?

„კომიტეტი ამაზე ასე უპასუხებდა: 1) საერთოდ ჟურნალი „კვალი“ შეიძლება მუშათა მოძრაობის თეორეტიულ ორგანოთ ჩაითვალოს, მაგრამ 2) ის ვერ შესძლებს, რაკი ლეგალური ორგანოა, მუშათა საკითხი ჯეროვნათ გაარკვიოს და 3) მით უფრო ვერ შესძლებს მუშათა რევოლუციონურ ორგანოთ გახდეს“. რეზოლიუცია კომიტეტის მიერ გამოტანილი ერთობ კომპრომისული იყო და ნაკლებათ გამოხატავდა კომიტეტის წევრების ნამდვილ შეხედულებას, მათ სულიერ განწყობილებას ჟურნალ „კვალისადმი“. არ მოეპოვებოდათ რა ჯერ-ჯერობით სხვა ბეჭდვითი ორგანო მათ, ისინი იჭერდნენ თავს, — ოფიციალურად გამოსულიყვნენ ჟურნალის წინააღმდეგ და მკაცრ ფორმებში გამოეხატათ შეხედულება მაზე. ტფილისის კომიტეტის წევრი, ინტელიგენტი სილიბისტრო ჯიბლაძე ამ კომპრომისულ რეზოლიუციის წინააღმდეგ იყო. იგი ასეთ შეხედულებას მეტად გავრცელებულ ლეგალურ მარქსისტულ ორგანოზე — „კვალზე“ ვერ ურიგდებოდა. „მას უკვალოთ“ და უფორდანიოთ სოციალისტური მოძრაობა ჩვენში ვერ წარმოედგინა. — ამბობს თავის ისტორიულ წერილში — „მუშათა ქართული ჟურნალ-გაზეთის ისტორია“ — „ში იმ დროინდელ ტფილისის კომიტეტის წევრი ამხ. რაჟდენ კალაძე. — მეორე უკიდურესობას მაშინ ჩვენ შორის, — განაგრძობს ქვევით იგი, ლადო კაცხოველი წარმოადგენდა; მისი აზრით სულ არ იყო საჭირო „კვალი“ და თვითონ ნოე ჟორდანიას მწერლობაც მუშათა მოძრაობისათვის „არაფერი არ იყო“. ის ფანატიკური მომხრე იყო არალეგალური მუშათა მწერლობის“.

„... კვალის გარშემო შემოკრებილ ლეგალისტ-მარქსისტ-ინტელიგენტებსა და სოციალ-დემოკრატიულ ორგანიზაციაში ჩაბმულ რევოლუციონურ მუშებს შორის ასეთი უთანხმოება, დავა, ჩუმი შეუმჩნეველი ტაქტიკური და პრინციპიალური დაპირდაპირება არ ეპარებოდათ „კვალის“ ხელმძღვანელ ნოე ჟორდანიას და ორგანიზაციაში მომუშავე ჟორდანიას მათაყვანებელ სილიბისტრო ჯიბლაძეს. ისინი

*) აქ ვიყარები იმდროინდელი ტფილისის კომიტეტის წევრის, ძველ რევოლუციონერ-კომუნისტის, ამხ. რაჟდენ კალაძის ცნობებს, მოყვანილს ამ ჟურნალის მე-8 №-ში, მოთავსებულ ისტორიულ წერილებში — „მუშათა ქართული ჟურნალ-გაზეთის ისტორია“ სტოქჰოლმში და ვიღებ სიტყვა-სიტყვით (გვერდი 82).



ხედავდნენ ყოველივე ამას; მას ვერ ხედებოდნენ და ვერ ითვისდნენ მის საბედისწერო შედეგს ორგანიზაციაში ჩაბმული, რევოლიუციონური საქმეებით დატვირთული და მისით გატაცებული გულუბრყვილო მუშები. ისინი (მარქსისტ-ინტელიგენტები) უწევდნენ რა ანგარიშს ამ უთანხმოების მნიშვნელობას შემდეგისთვის, აღარ აყოვნებდნენ აქ და სვამდნენ თავიანთ წერტილს. „წერტილის“ დასმის შედეგი კი ის გახდა მომავალში, რომ ნოე ჟორდანიას გავლენის ქვეშ მოქცეულ ტფილისის კომიტეტის წევრ—სილიბისტრო ჯიბლაძის, სევერიან ჯუღელისა და შატილოვის მეოხებით კომიტეტის შემადგენლობა გაივსო ჟორდანიას მომხრე-მათაყვანებელ მარქსისტ-ინტელიგენტებით.—ეს იყო 1900-1901 წლებში, როცა რევოლიუციონური მოძრაობა, რევოლიუციონური დუღილი რუსეთში, კავკასიაში, ამიერ კავკასიაში და განსაკუთრებით—კი ჩვენში—საქართველოში სწრაფათ ვითარდებოდა, ძლიერდებოდა და იპყრობდა ქალაქებთან ერთად სოფლებსაც.

ამ რიგად შექმნილი ახალი პირობები ტფილისის კომიტეტში ორგანიზაციონური მუშაობის პროცესში შენიშნული იქნა მუშებიდანაც და ამან კიდევ უფრო გაამწვავა დამოკიდებულება კომიტეტის წევრ ინტელიგენტ-მარქსისტებსა და მუშებს შორის.

ორგანიზაციის ნაბიჯებს, მის მუშაობას შემომქმედი რევოლიუციონური ხასიათი ეკარგებოდა, გამტაცი რევოლიუციონური სული ერთმეოდა.

...რევოლიუციონურათ განწყობილი მუშების რიცხვი კომიტეტში მცირე იყო, სჭარბობდა ეგრეთ წოდებული „კვალისტი“ ინტელიგენტ-მარქსისტების რიცხვი და აქ ეხლა ისინი (კომიტეტის წევრი მუშები) ჩვეულებრივ ველარ ახდენდნენ გავლენას რევოლიუციონურ მოძრაობის სასარგებლო პოლიტიკურ და ტაქტიკურ კითხვების გადაჭრის დროს.

კომიტეტის წევრ მუშებს და მათ გარშემო შემოკრებილ სოციალ-დემოკრატიული წრეების წევრ მუშებს აღელვებდათ კიდევ ის გარემოება, რომ წინათ,—საერთოდ მიღებულ ნორმით, კომიტეტში შემოდიოდნენ მუშათა წრეების მიერ წამოყენებული მოწინავე პირები (ფართო არჩევნები პირველ ხანებში, როცა ჯერ კიდევ არ იყო განმტკიცებული სოციალ-დემოკრატიული წრეები, კონსპირატიული მიზნით არ ხდებოდა), ხოლო ეხლა კი ყველა ეს პრინციპი გათვლილიყო ფეხქვეშ „კვალის“ გარშემო შემოკრებილ ინტელიგენტ-მარქსისტების მიერ; ისინი კომიტეტის წევრებს მუშათა წრეების დაუკითხავათ, საკუთარი გაპირებისა და შეხედულებისამებრ ნიშნავდნენ თავიანთივე წრიდან, და თუ საჭიროთ დაინახავდნენ, მუშათა წრეებიდანაც თითონვე წამოაყენებდნენ ხოლმე მუშებს კომიტეტის წევრებათ.

ამ დროის მომსწრე, მარქსისტ-ინტელიგენტებთან ახლო მდგომი და მერმინდელი იდეური თანამოაზრე მათი **ს. ტ. არკომედი** თავის ისტორიულ წიგნაკში, — „მუშათა მოძრაობა და სოციალ-დემოკრატია კავკასიაში“ ტფილისის კომიტეტის ამ ხანის საქმიანობას ასე აგვიწერს: „ინტელიგენტ-მარქსისტების წრე კომიტეტის წევრებათ ირჩევედა, ანუ უფრო სწორათ რომ ვსთქვათ, ნიშნავედა თავიანთ შორისვე გამონახულ შესაფერ პირებს. კომიტეტის შემადგენლობა იყო განსაკუთრებით „ინტელიგენტური“. ყოველივე დადგენილება, გარდაწყვეტილება, ან ნაბიჯები, რომელიც უნდა გადაედგა კომიტეტს **ეცნობებოდა** (კურსივი ჩვენია **ს. თ.**) მუშებს; კომიტეტი ანგარიშს უწევდა უფრო მოწინავე მუშების აზრს და სულიერ განწყობილებას; მაგრამ უფრო ხშირ შემთხვევაში, მეტად საქირო რთულ კითხვების გადაწყვეტის დროს მუშებს არც კი იწვევდენ, მუშები არ შეყავდათ ხელმძღვანელ ცენტრში, — უშვალთ. მათი მონაწილეობის მიუღებლათ გამოჰქონდათ დადგენილება. მუშები ასრულებდენ უმთავრესად პრაქტიკულ სამუშაოს, იმათ აკისრებდენ საქმის ტენიკურ მხარეს მხოლოთ. ამ სახით ასე თუ ისე მომზადებული, ორგანიზაციასა და კომიტეტთან ახლო მდგომი შეგნებული მუშები წარმოადგენდენ მხოლოთ „დამატებას“ „კულს“ უკანასკნელისას. აუხსნელი, გაუგებარი იყო ზოგიერთ ამხანაგ-ინტელიგენტების მედგარი, დაჟინებითი ტენდენცია, — მოესპოთ მუშებისთვის შესაძლებლობა კომიტეტის შემადგენლობაში მონაწილეობის მიღებისა, თქვეხა ფიქრობთ, რომ ისინი ვერ ჰპოულობდენ ამისათვის შესაფერ შეგნებულ მუშებს და კონსპირაციის შენახვის მიზნით არ უშვებდენ მათ ადგილობრივ ცენტრალურ ორგანოში მონაწილეობის მისაღებათ? — იძლევა კითხვას **არკომედი** და თითონვე უპასუხებს — სრულებითაც არა! **არკომედს** მოაყავს აქ ფაქტები, მაგალითები 90 წლის მეორე ნახევრიდან, — როცა ჩაისახა და ფითარდებოდა მარქსისტული ორგანიზაცია, კომიტეტი — 1900 წლამდე, ამ ორგანიზაციებში, ამ კომიტეტების სათავეში, როგორი შეგნებული, მომზადებული პრაქტიკითა და რევოლიუციონური სინდიკატიზმით რამდენათ იმ ინტელიგენტებზე უფრო მალლა მდგომი მუშები იყვნენ ჩამბოლნი ორგანიზაციაში მაშინ, რომლებითაც ეხლა გაავსებულყო ტფილისის კომიტეტიო. **არკომედს** მოჰყავს ქვევით კიდევ ერთი დამახასიათებელი ფაქტი: „...„გადაწყდა, რომ კომიტეტში შემოეყვანათ ყველა ეროვნებიდან თითო პირი; მაგალითად: ერთი ქართველი, ერთი სომეხი და ერთიც რუსი. შემოსული რუსი და სომეხი ორივენი მუშები იყვნენ, ხოლო ქართველი კი ინტელიგენტი; და ეს იმ დროს, როცა ქართველ მუშებში მრავალჯერ უფრო მეტი მომზადებული პირები მოიპოვებოდენ. ამ ფაქტის მიწერა უბრალო შემთხვევაზე არც თუ მაინცა და მაინც სწორი, სიმართლესთან ახლო



იქნება“ — გაკვირვებით ასკვნის არკომედი. მას უკვირს ეს, არ ტურებს მის სისწორეს, ეჭვები შეაქვს ორგანიზაციის ხელმძღვანელების გულწრფელობაში პარტიული მუშაობის ამ პერიოდის განვლის შემდეგ: ხოლო ორგანიზაციებში ჩაბმულ და მის გარშემო შემოკრებილ გულწრფელ რევოლიუციონურ მუშებს არ შეეძლო დაენახათ, ეგრძნოთ ეს მაშინ. ეს „საიდუმლოება“ იცოდა, ამ ნაბიჯების შედეგი გათვალისწინებული და წარმოდგენილი ჰქონდა მაშინ, ჯერ კიდევ უფორმო, ჩამოუყალიბებელ, გაუბედავ, მაგრამ სულით უკიდურეს ოპორტიუნისტ ნოე ჟორდანიას და ბუნებით რევოლიუციონერს, უშიშარ რევოლიუციონურ მუშაკს მაგრამ ჟორდანიას გავლენის ქვეშ მოქცეულ, მის მარჯვენა ხელათ გამხდარ სილიბისტრო ჯი ზლაძეს...

არკომედს უკვირს, გაუგებრათ მიაჩნია ის გარემოება, რომ მარქსისტი ინტელიგენტები ერეკებოდნენ მუშებს კომიტეტიდან, რომ მათ არ შეჰყავდათ მუშები კომიტეტში; არკომედი ვერ ხედავდა მაშინ, არ აძლევდა თავისი ყალბი იდეური და პოლიტიკური ხაზი ნებას მას და მის თანამოაზრეებს დაენახათ შემდეგ მაინც, რომ მათ („კვალისტ“ ინტელიგენტებს) კომიტეტში შემოჰყავდათ მარტო ინტელიგენტები და ერეკებოდნენ მუშებს იმიტომ, რომ მუშებს შორის, „კვალის“ მომხრე ოპორტიუნისტული იდეით გაჟღენთილ მუშებს ვერ ჰპოულობდნენ; ხოლო „კვალის“ გარშემო შემოკრებილ მარქსისტ-ინტელიგენტების ჯგუფს შორის ასეთი არა-რევოლიუციონურათ განწყობილ ოპორტიუნისტული ელემენტები ბლომათ მოიპოვებოდნენ; არკომედმა და მისმა თანამოაზრეებმა ვერ შესძლეს დანახვა შემდეგაც, რომ ამას ისინი სჩადიოდნენ შეგნებულათ, სრულებით გარკვეულათ პრინციპიალურისა და პოლიტიკურის მოსაზრებით. ჟორდანიას ჯიბლაძეს უნდოდათ კომიტეტი გაეფსოთ „კვალის“ მომხრე ოპორტიუნისტული ელემენტებით იმიტომ, რომ მარქსისტული მიმართულების ლეგალურ გაზეთ „კვალის“ გამოცემა არ შეფერხებულიყო, რომ იგი გამხდარიყო, პირიქით, კომიტეტის იდეურ ორგანოთ, რომ მას დარქმეოდა „მუშათა გაზეთი“...

და ამ დროიდან მართლაც არავითარი არა-ლეგალური ორგანო, რომელიც უფრო ნათლათ და გარკვევით გააშუქებდა მუშათა საკითხს, რევოლიუციონური მარქსიზმის გზას, მათ არა ჰქონიათ; არც ყოფილა კომიტეტში დასმული კითხვა ოდესმე მის საჭიროებაზე, მის გამოცემაზე, კმაყოფილდებოდნენ მხოლოთ „კვალით“.

ამ „ინტელიგენტური“ კომიტეტის ორგანიზაციული მუშაობა, მუშაობის არა „რევოლიუციური მეთოდი შემდეგ და შემდეგ გავლენას ახდენდა მუშებზე: „მუშათა ორგანიზაციათ“ წოდებული ინტელიგენტური კომიტეტი თან და თან იქცევდა თავის გავლენის ქვეშ



ფაბრიკა-ქარხნებში ჩაბმულ რევოლიუციონური წარსულით ახალგაზდა მუშებს და ამით კომიტეტის შემადგენლობაშიც უკვე ჩნდებოდენ „კვალისტი“ **ოპორტიუნისტი** მუშები... ძველი, გამოცდილი, რევოლიუციონური სულით აღსავსე შეგნებული მუშები, ბევრი ითქვიფებოდა მათში, დროებით ურიგდებოდა ამ მდგომარეობას ან სულ გადაჰქონდა თავისი მუშაობის სარბიელი სხვაგან, სხვა ქალაქებში. ეს იყო მიზეზი იმისა, რომ დაუდგარი პრაქტიკი რევოლიუციონერი ლადო — კეცხოველი, აბელა ენუქიძე, ლადო დუმბაძე, სილვა თოდრია და სხვები ბაქოში გადასახლდნენ და იქ, მრავალრიცხოვან ბაქოს პროლეტარიატში გააჩაღეს მარქსისტულ-რევოლიუციონური მუშაობა, შექმნეს რა არა-ლეგალური ბეჭდვითი ორგანო მათ მიერ მოწყობილ არა-ლეგალურ სტამბის საშუალებით. აქ აღსანიშნავია კიდევ ერთი დამახასიათებელი ფაქტი: ლადო კეცხოველისა და მისი ბაქოელი ამხანაგების ინიციატივით იქ ეწყობოდა გამოცემა არა-ლეგალურ მარქსისტულ ორგანოსი „**ბრძოლისა**“ ქართულ ენაზე. გამოცემისათვის საჭირო გახდა მატერიალური დახმარება. ლადო კეცხოველმა ამისათვის მიმართა ტფილისის კომიტეტს, როგორც უფრო ძლიერს და ნივთიერათ მდიდარს სხვებთან შედარებით. ტფილისის კომიტეტმა, გავსებულმა „კვალისტ“ ინტელიგენტებით, რომელსაც ჰქონდა ლეგალური ორგანო გაზეთი „კვალი“ და პრინციპიალურათ წინააღმდეგი იყო არა-ლეგალური ბეჭდვითი ორგანოსი ბაქოს ორგანიზაციას, ლადო კეცხოველის სახით, უარი უთხრა დახმარებაზე; ემყარებოდა თითქო რა სხვა და სხვა ტაქტიკურ და პოლიტიკურ მოსაზრებებს, ტფილისის კომიტეტმა დაუშვებლათ მიიჩნია ლეგალურ მარქსისტულ გაზეთ „კვალის“ გვერდით ბაქოში დაარსებულ იყო არა-ლეგალური, მარქსისტული, მუშათა რევოლიუციონური ორგანო. ამ ამბავმა ისე კი შეაწუხა „კვალისტების“ კომიტეტი, რომ ამის გამო მან აფრინა ბაქოში მუშებისაგან *) შემდგარი დელეგაცია, რომლის მიზანი იყო, როგორმე დაერწმუნებია ბაქოს ორგანიზაცია და მისი ხელმძღვანელი ლადო კეცხოველი არა-ლეგალურ გაზეთ „ბრძოლის“ „ზედმეტობაში“. ამის შესახებ მოუსმინოთ ამ ამბის მომსწრე და აქტიურ მონაწილე აბელა ენუქიძეს **).

*) „პოლიტიკანობაში“ დახელოვნებულ „კვალისტ“ ინტელიგენტებს მუშები მხოლოდ ასეთი შემთხვევებისთვის უნდოდათ... მათ იცოდნენ ვისთან ჰქონდათ საქმე; მათ საქმე ჰქონდათ შეტრიფებულ რევოლიუციონერ ლადო კეცხოველთან, რომელიც მთლიანათ ემყარებოდა მუშებს, მათ რევოლიუციონერ ტემპერამენტს და არა წამდა არაფერი ოპორტიუნისტ თეორეტიკ ინტელიგენტების, როგორც იყო ნოე ჟორდანია და მისი ამჟღავნები.

**) ბაქოს დიდი ისტორიული არა-ლეგალური სტამბის ერთი თვალსაჩინო მუშაკი იატაკ ქვეშ მუშაობათ ცნობილი რევოლიუციონერი.



„იმ დროს, „ისკრის“ ზეგავლენით (ვლემულობდით მას) ჩვენ განვიზრახეთ გამოცემა არა-ლეგალური ორგანოსი ქართულ ენაზე და გავმართეთ მოლაპარაკება ტფილისის ორგანიზაციასთან, რომელშიც მაშინ და შემდეგაც ბატონობდნენ ისეთი ცნობილი მოღვაწეები, როგორიც იყვნენ ნოე ჟორდანი, ჯიბლაძე და სხვები. ჟორდანი მუშაობდა მაშინ ტფილისში და სცემდა ლეგალურ გაზეთს „კვალს“, რომელიც სარგებლობდა საქართველოში დიდი გავლენით. როდესაც ჩვენ მოგვიწია გაზეთ „კვალის“ „ისკრასთან“ შედარება, მაშინვე გახდა ჩვენთვის ცხადი, რომ დადგა უკვე დრო, როცა ლეგალურ პრესაში აღარ შეიძლებოდა ჩვენი ლოზუნგების დაცვა. თანახმით „ისკრისა“ და ამხ. ვალპერინისა, როგორც წარმომადგენელის „ისკრისა“, გადაწყდა არა-ლეგალური გაზეთის გამოცემა. ამ გაზეთს დავარქვით „ბრძოლა“. ტფილისის ორგანიზაცია, ჟორდანიასი და „კვალის“ ზოგიერთი ლიტერატორების სახით არა-ლეგალური გაზეთის გამოცემას შეხვდნენ ერთობ უარყოფით. ისინი ამბობდნენ, რომ ჩვენ მხოლოდ დავკარგავთ გამოსაცემ საშუალებას და შეიძლება ხალხსაც ამ საქმეზე. რაც შეეხება ქართველი მასის სამსახურს, ლეგალურ „კვალის“ საშუალებით ეს სამსახური სრულებით მიღწეულია. ამ მიმართულებით სწარმოებდა მთელი ბრძოლა ბაქოსა და ტფილისისა. საქმე მივიდა თითქმის კონფერენციამდის, რომლის მიზანი იყო მოეხდინა გავლენა ამხ. ლადო კეცხოველზე: უკანასკნელი დაჟინებით თხოულობდა არა-ლეგალური ორგანოს შექმნას, ამბობდა რა „ლეგალური მარქსიზმი რყვნის მასებს, ის არ ასალკდევებს მათ ბრძოლაში, რადგან მათ ეძლევათ გაუქვილი გამოფიტული მარქსიზმი“. აი ამ მოსაზრებით იგი დაჟინებით თხოულობდა არა-ლეგალური ორგანოს გამოცემას. ლადო კეცხოველზე გავლენის მოხდენის მიზნით მოკრებილი იქნა მუშები უმთავრესი სამრეწველო დაწესებულებებიდან ტფილისში, რომლებიც გამოგზავნეს ბაქოში. მე კარგათ მახსოვს ჩვენი შეხვედრა ამ მუშებთან, რომლებთანაც ჩვენ გაცნობილი ვიყავით ჯერ კიდევ 1896-97 წლებში ტფილისში მარქსისტული წრეების საშუალებით. ეს მუშები დაბეჯითებით გვარწმუნებდნენ ჩვენ არ დაგვენარჯა არც საშუალება და არც ძალები არა-ლეგალური გაზეთის გამოცემისათვის ქართულ ენაზე, არამედ გვირჩევდნენ მიგვეპყრო მთელი ჩვენი ყურადღება იქეთკენ, რომ გამოცემულიყო პატარა ბროშურები, ფურცლები და ამით განესაზღვრათ თავიანთი მუშაობა. „პოლიტიკური ორგანო—გვეუზნებოდნენ ისინი,—ჩვენ არ გვესაჭიროება, რადგანაც ჩვენ გვაქვს ისეთი ორგანო, როგორიც არის „კვალი“. სხვა და სხვა მოყვანილ მაგალითებით „ისკრა“—ში ამოწერილ ზოგიერთ წერილებიდან ლადო კეცხოველმა შესძლო დაერწმუნებია ეს მუშები, რომ ასეთი ორგანო მართლაც აუცილებელი საჭიროა. მთე-



ლი დღის დავის შემდეგ ისინი დაბოლოს დარწმუნდნენ, რომ არა-
ლეგალური ორგანო აუცილებელი სიჭიროა და ალგვიტქვეს კიდევ
როგორც კი მივლენ ტფილისში შეეცდებიან მთელის არსებით და-
იცვან, რომ ტფილისის ორგანიზაციამ,—ამ მომენტში საკმაოდ მდი-
დარმა საშუალებით და ძალებით,—ხელი შეგვიწყოს, დაგვეხმაროს ჩვენ...

„როდესაც ტფილისის ორგანიზაცია დათანხმდა დახმარება გაე-
წია თავის საშუალებით არა-ლეგალურ ორგანოს გამოცემისათვის
ბაქოში—განაგრძობს ქვევით აბ. ენუქიძე—დაიბადა მეორე სადაო
კითხვა ჩვენსა და ტფილისის ორგანიზაციის შორის. ტფილისის
ორგანიზაცია თხოულობდა, რომ გაზეთის რედაქცია ყოფილიყო
ტფილისში, ხოლო ბაქოს წინადადება ეძლეოდა ტენიკურათ აესრუ-
ლება ყოველივე ის, რასაც ტფილისი გადასწყვეტდა. ასეთი წინადა-
დება გადაჭრით უარყოფილი აქნა ამხ. კეცხოველისა და მთელი ჩვე-
ნი სარედაქციო ჯგუფის მიერ. რომ დაეყოლებათ ამხ. კეცხოველი,
ტფილისელებმა წარმოგზავნეს ბაქოში ერთი თავიანთ შორის გავლენი-
ანი წევრი, პირადი მეგობარი ამხ. კეცხოველისა და სახელმწიფო
სათათბიროს მომავალი წევრი—სევერიანე ჯუღელი; ხანგრძლივმა მო-
ლაპარაკებამ ჯუღელს და ჩვენს ჯგუფ შუა სრულებით უშედეგოთ
ჩაიარა; საქმე იქომამდის მივიდა, რომ კეცხოველმა ძლიერ მკაცრ
ფორმებში გამოთქმული სიტყვებით უარყო ტფილისელების წამოყე-
ნებული ყველა პირობები და წინადადება მისცა ბოლოს ჯუღელს სა-
ჩქაროთ წასულიყო უკან და გადაეცა ტფილისის ამხანაგებისათვის,
რომ იგი უარს ამბობს ყოველგვარ დახმარებაზე იმათგან, როგორც
არ უნდა იყოს იგი; და თუ ისინი მაინც შეეცდებიან თავისას და
ასე ულტიმატიურათ დაგვისვამენ კითხვებს რედაქციის ადგილ-მდე-
ბარეობის შესახებ, უარს ვამბობთ ვიქონიოთ მათთან დამოკიდებუ-
ლება, როგორც არ უნდა იყოს. ჩვენი სარედაქციო ჯგუფი, ჰქონ-
და რა კავშირი „ისკრასთან“ ვალპერინის შემწეობით, იცავდა იგიც
ტფილისის ორგანიზაციისაგან დამოუკიდებელ არსებობას და ემორ-
ჩილებოდა მხოლოდ ძველს, პარტიის მეორე ყრილობამდე არსებულ
„ისკრის“ დირექტივებს“.

ძველ რევოლიუციონერ აბელა ენუქიძის მოგონებიდან მოყვა-
ნილი ეს ვრცელი ამონაწერი საკმაოდ ხდის ფარდას ქართველ ინ-
ტელიგენტ-მარქსისტების ოპორტიუნისტულ მოღვაწეობას შორეულ
წარსულში, —პარტიულ-რევოლიუციონური მუშაობის პირველ და
მეორე პერიოდში. აბელა ენუქიძის მოთხრობიდან აქ ნათლად სჩანს
თუ როგორ ღრმად იყო ქართველ ინტელიგენტ-მარქსისტების *) სულ-

*) ჩვენ აქ გამოაკლისებ არ ვლაპარაკობთ, როგორც იყვნენ და არიან დღე-
საც თ. მაზარაძე, მიხა ცხაკაია, ლადო კეცხოველი, სოსო ჯუღაშვილი-სტალინი

ში დასადგურებული „ეკონომიზმის“ ოპორტიუნისტული ბაცილები და ედებოდა იგი ქართველ მუშებს. აბელ ენუქიძის მოგონებიდან ამოღებული ეს ეპიზოდი აშკარათ გვაჩვენებს იმას, თუ როგორი იყო ბრძოლა რევოლიუციონურათ განწყობილი, „პოლიტიკურ“ ხაზზე დამდგარ მუშებსა და არა-რევოლიუციონური სულის პატრონ ოპორტიუნისტ მარქსისტ-ინტელიგენტებს შუა.

აქედან ჩვენ ვხედავთ, რომ ორგანიზაციებში ჩამბული ქართველი მარქსისტ-ინტელიგენტები, წარმოდგენილნი ჟორდანია-ჯიბლაძის სახით, მზგავსათ რუსეთელ „ეკონომისტებისა“, წინააღმდეგი იყვნენ მუშების ყოველგვარ პოლიტიკურ რევოლიუციონურ გამოსვლა-ნაბიჯებისა; ორგანიზაციის მიერ აქეთკენ მიმართული მოქმედება მათის აზრით ვნების მომტანი იყო მუშათა კლასისათვის და აქ მის წინააღმდეგ არავითარ საშუალებას არ ერიდებოდენ, არ ერიდებოდენ თვით ობიექტს სოციალ-დემოკრატიული პარტიისას, — მუშათა კლასს. რ. კალაძისა, არკომედისა და აბელა ენუქიძის მოთხოვნა-ჩვენებით მეორე მხრით, ჩვენ ვხედავთ სოციალური მდგომარეობით „პოლიტიკს“, ბუნებით რევოლიუციონერ ქართველ მუშებს, რომლებიც მუდამ წინ უსწრებდენ თავიანთ ლიდერ ინტელიგენტებს და მიუხედავთ იმისა, რომ ისინი ცდილობდენ ამოეცალათ რევოლიუციონური სული მუშებისათვის, პირიქით მუშები კოლექტიურათ აღებულნი ახდენდენ გავლენას ორგანიზაციებში მოკალათებულ ოპორტიუნისტ ქართველ ინტელიგენტებზე. სწორეთ ამით აიხსნება ის, რომ სოციალ-დემოკრატიული ორგანიზაციების ნაბიჯები საქართველოში უფრო რევოლიუციონური იყო, ვიდრე „ეკონომისტების“ ხაზის გამტარებელი ორგანიზაციებისა რუსეთში.

V

1901 წელს, რევოლიუციონურათ განწყობილ მუშების გავლენის ქვეშ მოქცეული ტფილისის კომიტეტი განსაკუთრებით ემზადებოდა მოახლოებულ I—ლ მაისობის დემონსტრაციის მეოთხეჯერ ჩასატარებლათ.

ამ წელს, მეოთხეხელ წარსული წლის ფართლათ ჩატარებულ მაისობაზე მიღებულ გადაწყვეტილებისამებრ I — ლ მაისობის დემონსტრაცია უნდა გამართულიყო ღიათ, საჯაროთ ტფილისის ცენტრალურ ქუჩებში გამოსვლით.

ამ წლის მაისობის დემონსტრაციას უნდა ეჩვენებინა პროლეტარიატის მტრებისათვის მტკიცე რევოლიუციონურ ნებაში გამოხა-

და სხვები. ესენი თავიდანვე აზლო იდგენ მუშებთან; მასწავლებლობდენ, წინ უძღებოდენ მუშათა კლასს, მშრომელთა რევოლიუციონურ მოძრაობას და ასეთივე არიან უკვე მოხუცებულები დღესაც.



ტული შიშის მგვრელი ძალა, ერთი მხრივ, ხოლო მეორე მხრივ მეზობლი პროლეტარიატი მას კიდევ უფრო უნდა აედფროთოვანებია, წაეხალისებია, კიდევ უფრო მჭიდროთ და მრავლათ უნდა შემოეკრიბა მას თავის რევოლუციონური ორგანიზაციის გარშემო მშრომელი რევოლუციონური ელემენტები.

პოლიცია-ქანდარმებმა, თავიანთი აგენტების შემწეობით იცოდნენ რა რევოლუციონურ ორგანიზაციებში ჩაბმულ მუშების განზრახვა საპირველმასისო გრანდიოზული დემონსტრაციის მოწყობის შესახებ, მათ წინ და წინ შეეცადნენ, რევოლუციონური ორგანიზაციის წევრების მასიური დაჭერით ეს განზრახვა დასაწყისშივე ჩაეკლათ. წინა დღეებში ჰქონდა ადგილი საყოველთაო დაჭერა-დაპატიმრებას; დაპატიმრებულთა რიცხვში მოხდნენ: ფილიპე მახარაძე, სილიბისტრო ჯიბლაძე, ფრანჩევსკი, გიგო წულუკიძე, გიორგი ყარაჯიანი, ბილანაშვილი, ასალო ვადაჩკორია, კალისტრატე გოგუა, კურნატოვსკი, დიმიტრი კალანდარიშვილი, ჩანტლაძე, მაისურაძე და მრავალი სხვები, მაგრამ მიუხედავად ამისა განზრახული დემონსტრაცია მაინც არ ჩაიშალა. იგი გაიმართა ხალხით მუდამ საესე ქალაქის ცენტრში—საღდათის ბაზარში.

რევოლუციონური ცეცხლით ანთებული ტფილისის მუშები მოუთმენლათ ელოდნენ ამ დღეს. ტფილისის კომიტეტს აღარ ძალუძდა შეეკავებია სადემონსტრაციოთ აღტყინებული მუშები. „მუშები ეხლა, თანახმად წარსული წლის გადაწყვეტილებისა, პირდაპირ გარბოდნენ ქუჩებში. კომიტეტს უნდა გაეწია ანგარიში მუშების საერთო სულიერ განწყობილებისათვის და მიეღო ყოველივე ზომა და საშუალება, რომ ეს პოლიტიკური დემონსტრაცია, როგორც პირველი აშკარა რევოლუციონური ექსპერიმენტა, მომხდარიყო დიდი წარმატებით, რომელიც, თქმა არ უნდა, წაახალისებდა მუშებს, ღრმა აღმზრდელობითი მნიშვნელობა ექნებოდა მათთვის“—სწერს არკომედი თავის ისტორიულ წიგნში—„მუშათა მოძრაობა და სოციალ-დემოკრატია კავკასიაში“.

1901 წლის მაისობის დემონსტრაცია ტფილისის რევოლუციონურმა მუშებმა ბრწყინვალედ, სამაგალითოთ ჩაატარეს. ამ დემონსტრაციამ გამოაფხიზლა, აალაპარაკა და მოძრაობაში მოიყვანა საქართველოსა და კავკასია-ამიერ კავკასიის ყველა მუშები ერთი მხრივ, ხოლო ჩააფიქრა, დაუკარგა სიმშვიდე და რევოლუციონურ მუშებთან საბრძოლველათ დარაზმა მქონებელი კლასი, მისი დამცველი პოლიცია-ქანდარმერია.

„...16 აპრილს, ჩემს სახელოსნოში ტატიანოვის ქუჩაზე შეიკრიბნენ ორგანიზაციიდან გამოყოფილი, მაისობის მომწყობი კომისია. „კომისიაში“ შედიოდნენ: გიორგი თელია, მიხა ბოჭორიშვილი (ბოჭორი-



ძე), არაქელა ოქუაშვილი, ზაქარია ჩოდრიშვილი და მე. გად-
საწყვეტი იყო ორი კითხვა. 1—ელი,—დემონსტრაციის ადგილი
და მარშრუტი, მეორე დემონსტრაციის ფორმა და ხასიათი. „კომი-
სიამ“ გადასწყვიტა,—მოვგროვილიყავით ალექსანდროვის ბაღის კუთ-
ხეში ჯოხებით, ქვებით შეიარაღებული და აქედან აღმარული წი-
თელი დროშით ხელში გაგვეარა სალდათის ბაზარი (კვირა დღე იყო
და სალდათის ბაზრის გავლით ჩვენ შევსძლებდით ბაზარში მყოფ
მრავალ ხალხის თან გაყოლებას), შემოგვეარა თამამშვევის ქარვასლი-
სათვის, გავსულიყავით სასახლის ქუჩაზე და აქედან თავი ამოგვეყო-
დიდ და ფართო გოლოენის (ეხლა რუსთაველის) პროსპექტზე. 17
აპრილს საღამოთი, უკანასკნელათ (მაისობას ვდღესასწაულობდით
ევროპიული სტილით 18 აპრილს) შვეიკრიბენით ნაძალადევში ზაქ-
რო ჩოდრიშვილის ბინაზე დემონსტრაციის მომწყობი შემდეგი ამხა-
ნაგები: მიხა ბოჭორიშვილი, ძმანი ჩოდრიშვილები, არაქელა ოქუა-
შვილი, გიორგი ჩხეიძე და რამდენიმე სხვები. აქ ფიცი დავდევით
ამხანაგებმა, რომ დილით ხვალ 18 აპრილს უუქველათ გავსულიყავით
დანიშნულ მოსაგროველ ადგილზე და თან გავგვეყოლებია რევოლიუ-
ციონურათ განწყობილი, წარმოებებში ჩაბმული მრავალი მუშები.

„დილით 18 აპრილს, შემუშავებულ გეგმის მიხედვით ჩვენ
თავი მოვიყარეთ ხსენებულ პუნქტზე,—ალექსანდროვის ბაღთან სა-
ხელმწიფო ხაზინის გასწვრივ,ყოფლანოვისა და ვანქის ქუჩის კუთ-
ხეში. აქ სწრაფად შემოკრბენ მრავალი მუშები, მუშები ყველანი
ჯოხებით იყვნენ შეიარაღებულნი. ჩვენ აქ ბრძოლის წითელი დროშა
პირველად ავაფრიალეთ აშკარათ, მტრებისა და მოყვრების დასანა-
ხათ. ჩვენ აქ პირველათ დავანახვეთ და ვავრძობინეთ ჩვენი,—მუ-
შების დარაზმული შიშის მგვრელი ძალა პროლეტარიატის კლასო-
ბრივ მტრებს—ბურჟუაზიას და მის დამცველ პოლიცია-ჟანდარმერიას.
წითელი დროშა, „ჩოტკის“ ტარზე გვქონდა ჩამობმული, რომელიც
ამართული ხელში ეჭირა არაქელა ოქუაშვილს და გ. თათანაშვილს...
ჩვენ აქედან დავიძარით სალდათის ბაზრისაკენ; სალდათის ბაზართან
მიახლოვებისას ჟანდარმებისა, პოლიციელებისა და კაზაკების ხროვამ
მოგვისწრო და გაიმართა ბრძოლა, შეხლა-შემოხლა; წითელი დროშა
ვაშმაგებულ კაზაკებისა და მამაც ამხანაგების ხელიდან ხელში გა-
დადიოდა; უკანასკნელნი არ ეშვებოდნენ, არ ანებებდნენ მას თავს;
შეწყდა ბრძოლა დროშის გარშემო მაშინ, როცა იგი ნაკუწ-ნაკუწათ
იქნა ქცეული პოლიცია-ჟანდარმებისაგან.

„დემონსტრაციიდან მრავალი მონაწილე ამხანაგები გალახულ-
ნი, ნაცემი დაბრუნდნენ; ბევრნი კი დაჭერილნი იქნენ დემონსტრა-
ციაზე, რომელნიც შემდეგ გადაასახლეს რუსეთის ცივ ადგილებში“.—
ასე მოგვითხრობს მონაწილე, ძველი რევოლიუციონერი მიხა ჩოდრი-

შვილი დემონსტრაციის ჩატარების ამბავს 1901 წელს, თავის ხელით ნაწერ მოგონებებში.

ამ ამბების მონაწილე არკომედიც, რომელიც 1901 წლის მაისობის დემონსტრაციის აღწერას ფართო ადგილს უთმობს თავის ბროშურაში,—მოგვითხრობს შემდეგს:

„22 აპრილს *) (ძველი სტილით) ტფილისში მომხდარ ამბებს მთელი კავკასიისათვის აქვს მეტად დიდი ისტორიული მნიშვნელობა: ამ დროიდან კავკასიაში იწყება აშკარა რევოლუციონური მოძრაობა. ადგილობრივმა კომიტეტმა გადასწყვიტა გადაეხადა დღესასწაული 1-ელ მაისობისა ქალაქში მანიფესტაციის მოწყობით, ესევე უნდოდათ თვით მუშებსაც... და დაიწყო ყოველ დღეობით ჩხრეკა, დაპატიმრება. მთავრობამ 22 აპრილზე ერთი კვირით ადრე გაამწკრივა ღრაგუნები და კახაკები რკინის გზისა და ქალაქის ფაბრიკა-სახელოსნოების ირგვლივ, რომ ამით შიშის ზარი დაეცა სადემონსტრაციოთ განწყობილ მუშებისათვის და უარი ეთქმევინებინა 1-ელ მაისის დღესასწაულის გადახდაზე. მაგრამ მუშები არ შეშინდნენ: მათ გადასწყვიტეს ედღესასწაულათ თავიანთი დღესასწაული—22 აპრილი (პირველი კვირა პირველ მაისის შემდეგ); მოსაგროვებელ პუნქტად იყო ქალაქის ცენტრი—სალდათის ბაზარი. აქედან დემონსტრანტებს უნდა გაეწიათ პუშკინის ქუჩით ერევნის მოედანზე, ხოლო შემდეგ სასახლის ქუჩით გოლოვნის პროსპექტისაკენ. დანიშნულ დროზე მოგროვილ მუშების რიცხვი აღწევდა 3,000 კაცამდის. სიგნალი მისცეს და წითელი მუშათა დროშა აფრიალდა ჰაერში. მასზე იყო მიკრული მარქსისა, ენგელსისა და ლასალის სურათები ქართულ, რუსულ და სომხურ წარწერებით“. (ეს იყო წარსული წლის დროშა).

დროშის დანხავისთანავე გაისმა მქუხარე ხმა: „გაუმარჯოს რესპუბლიკას, გაუმარჯოს თავისუფლებას, გაუმარჯოს რვა სათის მუშაობას“.

ადმინისტრაციას წინ და წინ მიეღო ზომები; როგორც კი დაიძრა პროცესია, პროცესიის მონაწილეებს ყოველ მხრივ მოაწყდნენ ეანდარმები, მაძებრები, პოლიციელები და სალდათები, ისინი სცემდნენ მანიფესტანტებს თოფის კონდახებით და ამოშიშვლებულ ხმლებით; მუშებს კი არაფერი თითქმის არ გააჩნდათ გარდა თვით დამცველი ძლიერი ხელებისა. შეუძლებელია აღწერა იმ აღმაშფოთებელ სურათისა, რომელსაც იძლეოდა მანიფესტანტების საერთო ცემა. საშინელ პანიკამ მოიცვა მთელი ქალაქი. ზოგიერთ ალავას შეჩერდა ტრამვაი: მეეტლეები გადმოდიოდნენ ეტლებიდან და მირბოდნენ ცემა-

*) მინა ჩოღრიშვილი 18 აპრილს იხსენიებს დემონსტრაციის დღეთ. აქ შესაძლებელია ცდებოდნენ დატებში, მაგრამ ოთხი დღით წინ თუ უკან დაყენება ისტორიისათვის დიდათ მნიშვნელოვანი არ არის.



ტყეების ადგილას თავიანთ ძმა-მუშების დასახმარებლათ. სასოწარმკვეთელი ბრძოლა გრძელდებოდა სამი მეოთხედი საათი; ამ ხნის განმავლობაში დაიღვარა მრავალი სისხლი, დაეცა მრავალი დაჭრილები. აი ეცემა დაჭრილი მუშა; იგი მთლათ სისხლშია ამოსვრილი... პოლიციელები იწყებენ მის ფეხით გათელვას, მაგრამ ის შეუწყვეტლათ განაგრძობს ყვირილს: „გაუმარჯოს სოციალიზმს, გაუმარჯოს რვა საათის მუშაობას“. მეორე ადგილას ერთმა ქალმა (იქ იყო რამოდენიმე მანიფესტანტი ქალი), დაინახა რა მხეცური დარტყმა ერთი ბოქაულისაგან, გაშმაგებული ეცა მას, შემოახია მუნდირი და მუჭებით დაუწყო გლეჯა თმებს თავიდან; დროშის ამღმართველმა არაქელამ მას გამოსტაცა ცალი ხელით ამოშიშვლებული ხმალი, რომელიც მის თავთან იყო მოღერილი და გადაამტვრია ის შუაზე. *) მუშა მამალადემ, რომელმაც მიიღო სამი ჭრილობა, გაისროლა რამდენჯერმე რევოლვერი და დასჭრა ორი „წესიერების დამცველი“ (გოროდოვოი), ბოქაული გედევანოვი მძიმეთ დაიჭრა. თვით პოლიცემისტერ კოვლოვმა მიიღო რა ძლიერი გარტყმა ფეხებში, იძულებული გახდა ჩამხტარიყო ცხენიდან და ეტლში დამჯდარიყო; ცოტა ხნის შემდეგ გამოჩნდნენ კაზაკები, მათ მოჰყვა გუბერნატორიც. მანიფესტაცია გაფანტულ იქნა. ამის შემდეგ მთელ ტფილისში სამი დღის განმავლობაში სამხედრო წესები იყო გამოცხადებული.... ქვევით არკომელს მოჰყავს კიდევ ზოგი დამატებითი ცნობები ერთ მუშა მომთხრობელისაგან— „მ ათასამდის მუშა ხალხი, არეული სალდათებში, პოლიციელებში, ჟანდარმებში (ეს უკანასკნელნი გადაცმულნი იყვნენ) და მშვიდობიან მყიდველებში და გამყიდველებში, აღელვებული ელოდნენ სიგნალს წითელი დროშით: ყველა დროშები იყო აქ, მაგრამ უმთავრესი დროშა, რომელიც სოციალ-დემოკრატიის წარმომადგენლის დღიდან ჩვენს კრებებზე ფრიალებდა, არ იყო; ხომ არაფერი მოხდა? აი უკვე მოიტანეს, იქ მახლობლათ მე მეჩვენება, რომ რალაც შრიალებს... დიდებულათ და საშიშრათ აღიმართა წითელი დროშა მალა ხალხის თავზე, რომელიც გარკვევით, ნათლათ იძახოდა პოლიტიკურ თავისუფლებას, რვა საათის სამუშაო დღეს და შემდეგ მოუწოდებდა: „მუშებო ყველა ქვეყნისა შეერთდით“!

რა აღმაფრთოვანებელი, სადღესასწაულო წუთები იყო! ყველა მუშებმა ქულები მოიხადეს, მდაბლათ თაყვანი სცეს და გაისმა ხნები: „გაუმარჯოს პოლიტიკურ თავისუფლებას“! აქ აღარ დაუცდია პოლიცია-კაზაკებს და ამოშიშვლებული ხმლებით მივარდნ დროშასთან, რომელიც დაშორებული იყო ასი ნაბიჯით. მუშების ცენტრთან და

*) არკომელი თუმცა გვაფრთხილებს, რომ ამ უკანასკნელ ცნობას არაქელას გვირობის შესახებ მთლათ არ დაეწყო, კრიტიკულათ მოგვეტეო მას.

ამიტომ დროშა დამცველებით (დაახლოვებით 25 კაცი) გადაჭრილი და გამოყოფილი იქნა ხალხისაგან. აქა თუ იქ ხალხში იჭრებოდნენ კაზაკები, ჯარის კაცები და მშვიდობიანი გამყიდველი მოვაჭრეები შიშისაგან თავზარდაცემულნი ბაზრიდან იღვებოდნენ, ხოლო მუშები კი ჯარის მიერ იქნა გაფანტული სხვა და სხვა ქუჩებში თავიანთი ნების წინააღმდეგ. დროშასთან სწარმოებდა სიკვდილის წუთებამდე მიმყვანი, გაშმაგებული ბრძოლა, მედროშეთ არა თუ უნდოდათ ჩაბარებოდნენ მტრებს, პირიქით. სისხლის ვალებით, სიცოცხლის ფასით იცავდნენ მას. ხმლებით ცემაზე მუშები უპასუხებდნენ ჯოხებითა და ტაბურეტებით. მაგრამ შემდეგ იძულებული შეიქმნენ მაინც დაეთმოთ ძალისთვის. ამ ხელჩართულ ბრძოლაში იქნა დაჭრილი სულ 24 კაცი; ამათ შორის 13 სრულებით არაფერ შუაში მყოფი, გარეშე პირი, რომლებიც შექმნილიყო მსხვერპლი მხოლოდ გაშმაგებულ კაზაკების; დანარჩენი 11 კაცი მუშები. დროშის აღმმართველთან ერთად, იყვნენ დაჭრილნი უმეტეს ნაწილად თავში. პოლიციელების მხრით მძიმეთ იყვნენ ნაცემი 7 „წესიერების დამცველნი“ (გოროდოვოი), დაჭრილი ერთი წესიერების დამცველი, პოლიცემისტერი და ბოქაულის თანაშემწე გედევანოვი. მუშა მამალაძემ ესროლა რევოლვერი მცემავ პოლიციელებს, მხოლოდ შაშინ, როცა დაეკარგა ძალა და დაეცა ქვაფენილზე.

პირველ მაისის დღესასწაულზე დაჭრილი იქნენ დემონსტრანტ მუშების გარდა გარეშეებიც, სამი კურსისტი ქალი, რომლებმაც დაიკვენ პოლიციის განყოფილებაში (უჩასტკაში) მიმავალი დაჭერილი მუშები გზაზე ცემისაგან. იჭერდნენ აგრეთვე სტუდენტებსაც, „წესიერების დამცველნი“ ყოველი შეხვედრის დროს ქუჩებში“.

„მაისის დემონსტრაციით (1901 წ. ს. თ.) კავკასიის სოციალ დემოკრატიამ პირველათ ჩააგდო თესლი თავისუფლების და გახდა იგი ავანგარდი ყველა ოპოზიციონური ძალებისა კავკასიაში. ეს ისტორიული მომენტი, რომელიც ასე ბობოქრობით დაიწყო, კავკასიას წარმართავს ერთი შტოით და შეიქმნება ის დიდი მდინარე, რომელიც წალეკავს სისხლის მსმელ ტირანულ მთავრობას, ერთნაირათ მჩაგვრელს, როგორც ჩერქეზების, სომხების, ისე ქართველი და ყველა ერის მუშებისას“. ათავეებს ამ სიტყვებით მუშა თავის მოთხრობას.

ამით ვათავებ მეც 1905 წელში ჩატარებულ მაისობის დემონსტრაციის აღწერას.

ზედმეტათ მიმანია დაუმატო კიდევ რამ აქ გადმოშლილ სურათს ჩატარებულ მაისობის შესახებ.

მაისობის დემონსტრაციის ჩატარება ბაქოში და ბათუმში ჯერ კიდევ ამ წელსაც ვერ მოხერხდა.

მეურომწმებელ ცნობების მიხედვით, თითქო ჰქონებია მას აღდი-



ლი ხსენებულ ქალაქებში ამ წელს პირველათ, მაგრამ ეს ისე უმნიშვნელო რიცხოვანი, ვიწრო და მკრთალი ყოფილა, რომ მას კვალი არ დაუჩენია, არც მტერს და არც მოყვარეს იგი არ შეუნიშნავს, ამიტომ მასზე შეჩერებაც არ ღირს.

Vi.

პირველ ხანებში, პარტიულ მუშაობის პირველ და მეორე პერიოდში, 1897 წლიდან 1901 წლამდე, იყო რა მხედველობაში მიღებული მოუმზადებელი, განუვითარებელი, პოლიტიკურათ მოუმწიფებელი მუშები, კომიტეტის არჩევა სოციალ-დემოკრატების ძირითადი ჩანასახების შემწეობით, დემოკრატიული პრინციპით არ ხდებოდა ხოლმე.

სოციალ-დემოკრატიულ მუშათა პარტიის ტფილისის კომიტეტი 1901 წლამდე სდგებოდა კოოპტაციის საშუალებით მოწვეულ პირებისაგან.

1901 წელს დაახლოვებით ოქტომბერ-ნოემბერში შესდგა ფაბრიკა-ქარხნებში ჩაბმულ სოციალ-დემოკრატ მუშების ფართო კრება ამ კრებაზე პირველად მიეცა სოციალ-დემოკრატებს საშუალება აერჩიათ ხელმძღვანელი რევოლუციონური ორგანო-კომიტეტი ძირიდან, დემოკრატიული პრინციპით. სხვათა შორის ყოფილიყვნენ ამხანაგები ამ კრებაზედაც, რომლებიც ობიექტიურ და სუბიექტიურ პირობებს არჩევნების დემოკრატიული პრინციპით ხელმძღვანელობისათვის,—სადაც შესაძლებელი იქნებოდა კონსპირაციის დაცვა, ორგანიზაციის საიდუმლოთ შენახვა,—ჯერ კიდევ ვერ ხედავდნენ და წინააღმდეგობოდნენ კომიტეტის ასეთი წესით არჩევას,*) სახელდობრ სოსო ჯულაშვილი (კობა, სტალინი) და ვასო ცაბაძე არწმუნებდნენ არჩევნების მომხრე ამხანაგებს, რომ ასეთი წესით არჩეული კომიტეტი საფრთხეში იქნება ჩავარდნილიო, რომ კომიტეტში გავლენ არა საიმედო საექვო პირები, პოლიცია-ქანდარმერიის აგენტები და ამით ორგანიზაცია ჩავარდება, კომიტეტი დანივრევა-დაიშლებაო**). ასეთი შეხედულობის ელემენტები კრებაზე ერთობ მცირე, უმნიშვნელო იყო და, რა თქმა უნდა, თავიანთი აზრისა და შეხედულების გატარება მათ ვერ შესძლეს. კომიტეტი იქნა არჩეული ამ მოწვეულ ფართე კრების მიერ, სადაც შევიდნენ შემდეგი პირები: ზაქრო ჩოდრიშვილი, ვასო ცაბაძე, სილიბისტრო ჯიბლაძე, გ. ყარაჯიანი, სევე-

*) ვეყარებენ ვასო ცაბაძის ცნობებს.

**) ეს მათი ეჭვი და შიში ორგანიზაციის ჩავარდნის შესახებ გამართლდა კიდევ. კომიტეტში გავიდა პროვოკატორი მუშა-სტარესენკო, რკინის ვაზის სახელოსნოდან, რომლის მეოხებით 1902 წელს თებერვალში მოხდა დაჭერა და სრულა განადგურება კომიტეტისა.



რიანე ჯუღელი, ქეშემიანცი, არაქელა ოქუაშვილი, გიორგი ჩხეიძე, სტროსენკო და სხვები.*)

1901 წლის მიწურულიდან, ტფილისის ორგანიზაციაში ჩამბულ რევოლიუციონურ მუშებისა და ინტელიგენტების შემწეობით, სოციალ-დემოკრატიული კომიტეტი მოეწყო, მრეწველობა განვითარებულ ქ. ბაქოში და ბათუმშიც.

მარქსიზმის საფუძვლებზე აგებულ რევოლიუციონურ ორგანიზაციების მოწყობით ამ წლის დასასრულიდან ჯკვე გაიბა დამოკიდებულების ძლიერი ძაფი ტფილისსა, ბაქოსა და ბათუმს შუა.

ხსენებული ორგანიზაციების ხელმძღვანელნი და სულის ჩამდგმელნი იყვნენ ამ დროს: ტფილისში—ნოე ქორდანია, სილიბისტრო ჯიბლაძე, სევერიან ჯუღელი და ფილიპე მახარაძე (უკანასკნელს ამხანაგებს შორის შექმნილ თავისებურ მუშაობის პირობების გამო კომიტეტთან ნაკლები ორგანიზაციონური დამოკიდებულება ჰქონდა, მაგრამ მას მაინც უწევდენ ანგარიშს, როგორც „კვალის“ თანამშრომელ თეორეტიკ მარქსისტს); ბაქოში—ლადო კეცხოველი, კრასინი, აბელ ენუქიძე და კნუიანცი; ბათუმში—სოსო ჯულაშვილი, კარლო ჩხეიძე და ისიდორე რამიშვილი.

გაჩაღებულ ინტენსიურ ორგანიზაციონურ მუშაობის შედეგით, ს. ჯულაშვილი დაპატიმრებული იქნა მოკლე ხანში რამდენიმე სხვა ამხანაგებთან ერთად, რომლის მაგიერობას ორგანიზაციაში შეეცადა ლადო ღუმბაძე და სილვა თოდროია, ბეჭდავდენ რა და ავრცელებდენ ქალაქში არა-ლეგალურ, ფურცლებს თავიანთ მიერ შედგენილს.

ლადო კეცხოველის ინიციატივით ბაქოში მოეწყო ამ ხანებში დიდი არა-ლეგალური პარტიული სტამბა, რომელშიც იბეჭდებოდა მრავალი რევოლიუციონური ლიტერატურა, ბროშურებისა და ფურცლების სახით.

ამის შესახებ უფრო დაწვრილებით ლაპარაკი გვექნება ქვევით:

(გაგრძელება იქნება).

*) ვხსოვარები ცნობით კომიტეტის წევრათ არჩეული იქნა ამხ. სტალინ-ჯუღელი; კრების მონაწილე და კომიტეტის წევრათ არჩეული ამხ. გიორგი ჩხეიძე უარყოფს ამის თავის მოგონებაში—„მვირფხისი და მუდამ დაუფიწყარი ზაქრო ჩოდრაშვილი“. „რევოლ. მატ.“ № 1—შ.

რ. კალაძე

მუშათა ქართული ჟურნალ-გაზეთის ისტორია.

VI.

მასიური მუშათა პოლიტიკური მოძრაობის პირველი ხანა და ამ ხანის მუშათა ქართული ლეგალური და არალეგალური „ორგანოები“.

(1900—1905 წლ.)

I.

ტფილისის რკინის გზის მთავარ სახელოსნოების მუშათა გაფიცვის შემდეგ, 1898 წლიდან და განსაკუთრებით 1899 წლის პირველ მაისობის (18 აპრილს ძველი სტილით) გამართვის შემდეგ მუშათა წრეები ძალიან განმრავლდნენ. არ დარჩენილა წარმოების დარგი, რომ იქ „წრე“ არ გამართულიყოს. რევოლუციონერთა ჯგუფს რამდენიმე ახალი ამხანაგი შემოემატა, ხოლო პირველი და მეორე რიგის მუშათა წრეების წევრნი იმდენათ გაიწვრთნენ და მოემზადნენ, რომ სოციალისტურ პროპაგანდას დამოუკიდებლათ აწარმოებდნენ. ასე რომ ძალები მასიურ მოძრაობის ხელმძღვანელობისათვის საკმაო იყო. არ იყო მხოლოდ მუშათა ქართული არა-ლეგალური **ლიტერატურა**.

ლადო კაცხოველი ამ გარემოებას ვერ იტანს: იგი ყველაფერს თავს ანებებს და ექვთიმე ხელაძის სტამბის კანტორაში სამსახურში შედის და სტამბის პატრონის უფროს შეილს, სტამბის გამგეს უახლოვდება. ის ასოთ-ამწყოებესაც უმეგობრდება და ცდილობს ასოთ-ამწობა შეისწავლოს, ხშირად საბეჭდავ მანქანაზედაც ადის და ვარჯიშობს. ამას ყველაფერს ისე ოსტატურათ ჩადის, რომ არა თუ სტამბის პატრონები. არამედ ამხანაგებიც ვერ მიმხვდარან თუ ლადო რად იქცევა ასე.

— ლადო, წუხელის სად იყავი იმდენ ხანს, რომ ძილი დამიფრთხე მოლოდინით? ეკითხება ერთ დღეს მას სევერიანე ჯუღელი, რომელთანაც ლადო ცხოვრობდა. — „იმ ოხერთან“ (სტამბის პატრონის შეილთან) ექვიფობდი, უპასუხებს ლადო სევერიანეს ჩვეულებრივი უზრდელი ხუმრობით.

აქედან ამხანაგებს გონიათ, რომ ლადო „გაოხრდა“ და დღუხჭირი პირობებისა და უიმედობის გამო ლოთობას მიჰყო ხელი. ამ-

ხანაგებში დიდ სიბრაალულს იწვევს ეს და ცდილობენ, რომ ანარქისტსაც რამე პოლიტიკური საქმე მისცენ, მუშების „წრეში“ გაზაენონ და მით ანუგეზონ. მას მალე „წრეში“ გზავნიან; მაგრამ ლადო ხაზინის შვილთან ქეიფს მაინც განაგრძობს. 1899 წლის ზაფხულში ხაზინის შვილი ქორწილს მართავს და ლადოს ქორწილში საქეიფოთ პატიჟობს. ლადო მას პირდება: მარა არ მიდის, არ ესწრება ქორწილს.

სტამბის შენობის ზემო სართულში (ყოფილ „ალექსანდროვის ბაღთან“ ლორის მეღიქოვის ქუჩის ბოლოზე) ხაზინის ბინაზე ქორწილია გაჩაღებული, ხოლო ქვედა სართულში საბეჭდავი მანქანების განყოფილებაში ლადო საბეჭდავ მანქანაზე გამალებული მუშაობს.

— აბა, ჩქარ-ჩქარა მომაწოდე ქალადი შესძახის თავის ერთგულ პატარა მოწაფეს იგი და ფანჯრის ქუქრუტანიდან იკვრიტება: განთიადმა ხომ არ მომისწრო, ხომ არ დამიგვიანდაო.

გათენებისას „ბროშურა“ მზათ აქვს. ეს იყო პირველი არა ლეგალური ბროშურა „ვინ რით ცხოვრობს“ დიკშტეინისა, რომელიც ლადოს თვითონვე ეთარგმნა ჩუმათ (ამხანაგების დაუკითხავათ და გაუგებინებლად) და თვითონვე დასტამბა კომიტეტის დაუკითხავათ, ინციატიურმა კომიტეტმა ამაზე არაფერი არ იცოდა, ვიდრე ლადომ თავისი დაბეჭდილი თარგმნის რამოდენიმე ეგზემპლარი „ფეშქაშათ“ არ მიუძღვნა მას. კომიტეტმა დიდი მადლობით მიიღო ეს ძღვენი და მეძღვნეც შესაფერათ დაასაჩუქრა: ყველა გაწეული ხარჯები (გარდა ლადოს შრომისა) აუნაზღაურა მას. აი რატომ ეძახდნენ ამხანაგები ლადოს „ანარქისტს“.

ლადო ამით არ დაკმაყოფილდა: იგი შეუდგა უფრო დიდი საქმის მოწყობას, საკუთარი სტამბის შექმნას, მაგრამ, ამავ წლის დამლეც (1899 წლის დასასრულს) ლადო „კონკის“ (ტრამაგაის იმ დროს, კონკას ეძახდნენ) კონდუქტორების გაფიცვის საქმეში ჩააბა კომიტეტმა და ამის გამო სტამბის საქმე მან შემდეგისათვის გადასდო.

ამ გაფიცვის გამო ჟანდარმერიამ ლადოს და ერთ „დიდ წვერა“ მის ამხანაგს დევნა დაუწყო. ცნობა მისვლოდათ, რომ გაფიცვის ორგანიზატორები ესენი იყვნენ: ლადო კეცხოველი და „დიდ-წვერა“ კაცი (ჟანდარმერიას ჩემზე ამ დროს სხვა ცნობა არ ჰქონდა). ამის შემდეგ არც ლადოს და არც „დიდ-წვერა“ ამხანაგს ტფილისში არ ედგომებოდათ. ამიტომ კომიტეტმა უსაგძლა მათ ჰმ მანეთი და ბაქოში გაისტუმრა. ეს იყო 1900 წლის იანვარში.

ბაქოში რომ ჩავიდა, ლადო მიიხედ-მოიხედა და რა ნახა რომ, მუშათა მოძრაობის ჩამი-ჩუმი არ ისმოდა, ხოლო ქალაქი და ბალახანასაბუნჩი-ბიბიეიბათი დახელოვნებული მუშებით იყო სავსე, გადასწყვიტა თავის საყვარელ საქმეს—სტამბის მოწყობას შესდგომოდა.



ამ მიზნით მან რომელიღაც თვითმასწავლებელი წიგნის „ოსტატი“ მუშების, ტექნიკების საშუალებით თვით შეისწავლა სტამბის დაზგების და მანქანების მექანიზმი და ამ მიზნით ბაქოში მყოფ ყველა ქართველ მემანქანეებს, ტოკრებს და ტექნიკებს დაუახლოვდა დაუკავშირდა. განსაკუთრებული ამხანაგური კავშირი დაიჭირა ამხანაგ მიტო ბაქრაძესთან, ვანო სტურუასთან და ენუქიძეებთან—აბელთან და სიმონთან, რომლებთანაც თვითონვე მოვიდა ბალახანაში, მან იცოდა სადაც ისინი მუშაობდნენ.

ეს იყო 1900 წელს ოქტომბერში, როცა ვანო სტურუას მეთაურობით უკვე არსებობდა რუს-ქართველ მუშების სამი წრე (იუს. გოგოძე, დოლიძე, ს. გორიშვილი). ამათთან (ვანოსთან და სიმონთან) იმ ხანათ საჩქაროთ მხოლოდ გექტოგრაფი მოაწყვეს. რაკი დაატყო ლადომ, რომ ამ საქმეს ურუსეთით ბაქოში ისე ვერ მოაწყობდა, როგორც საჭირო იყო, ამიტომ გასწია რუსეთში და იქ სტამბის საქმე დაწვრილებით შეისწავლა, დაჰყო დაახლოვებით ერთი თვე და ისევ ბაქოში დაბრუნდა. აქ მან ვანო სტურუას და სიმონ ენუქიძის დახმარებით ვერხნეტაზიპირის ქუჩაზე „პატარა სტამბა“ მოაწყო დაახლოვებით 1901 წლის დამლევს. სასტამბო დაზგა ლევენსონის თუჯის ქარხანაში ჩამოასხეს გიორგი რთველაძემ და იუსტინე გოგვაძემ, რომლებმაც იმავე ქარხანაში მანქანის სხვა ნაწილებიც დაამზადეს. საჭირო იყო ახლა ლადო ლიტერატურულ მზადებას შედგომოდა. აქ აღმოჩნდა, რომ ამ საქმეში მას თანამშრომელი იქ, ბაქოში თითქმის არავინ ყავდა. ამიტომ განიზრახა საქართველოში დაბრუნება და აქ ლიტერატურული მასალის შეგროვება და მერე იმისი ბაქოში დასტამბვა. მან გადასწყვიტა გამოეცა ჟურნალი, რომელსაც სახელად დაარქვა „ბრძოლა“. თითქმის მთელი წელიწადი №-ების მასალის მზადებას მოუწია. პირველ ხანებში ყველაფერი თითონ იყო: ამწყობიც, მბეჭდავიც, კორექტორიც, მკერავ-მკეცავი, რედაქტორიც, თანამშრომელიც და დამტარებელ-გამავრცელებელიც კი. პირველი №№-რები გამოვიდა 1902 წლის დასაწყისში და ლადოს დატუსალების გამო იმავე წელსვე შეწყდა.

ლადოს ჟურნალი „ბრძოლის“ სრული დახასიათება სამწუხაროთ შეუძლებელი ხდება, ვინაიდან პირველი № №-რები არ მოგვეპოვება. ჩვენ შეგვიძლია მხოლოდ აღვადგინოთ ზეპირ გადმოცემით მისი დამახასიათებელი წარწერა ლოზუნგის—„პროლეტარებო ყველა ქვეყნისა შეერდი“—შემდეგ ასეთი წარწერა იყო: „ვუძღვნი მებრძოლ მუშებს, გრდემლის მზგვხთ, კაჟივით მაგართ, ფოლაღივით გამოწრთვნილთ და ბრძოლის მეთაურთ“. „ბრძოლის“ პირველ №-ში სხვათა შორის მოთავსებული იყო შემდეგი წერილები: 1) მუშათა დამოუკიდებელ ორგანიზაციაზე, და ამ აზრით მოწოდებაც იყო.



2) ესერების საწინააღმდეგო წერილი. ამ წერილს პოლემიკური ხასიათი ჰქონდა.

ლადო რომ ბაქოში სტამბის დაარსება—შექმნაზე ზრუნავდა და ძალღონეს არ ზოგავდა, იმ დროს არც ტფილისელი ამხანაგები იფიწყებდნენ ამ საქმეს, მით უმეტეს, რომ მათ მუშათა მოძრაობის მასიური ხასიათი ამას პირდაპირ აიძულებდა.

1900 წელს პირველ აგვისტოს აქ რკინის გზის სახელოსნოში გაფიცვამ ისევ იფეთქა და სწრაფად პოლიტიკური ხასიათი მიიღო. საჭირო იყო აუცილებლად ბეჭვდითი „ორგანო“.—სააგიტაციო ფურცელი მაინც—მუშების გასამხნეველად და გაფიცვის მწყობრათ ჩასატარებლათ, ასოები უკვე ჰქონდა იმ დროს ცოტ-ცოტათ დაგროვებული სტამბის მბეჭდავს ერასტო ჩანტლაძეს, რომელსაც ნაწილ-ნაწილათ, მუქ-მუქათ გამოქონდა სტამბიდან (სადაც მუშაობდა) „შრიფტი“ ჩუმათ და თავის ბინაზე ინახავდა. იყო ასოთ ამწყობთა შორის გაბედული და რევოლიუციონური სულისკვეთების ასოთ ამწყობი—ლასა მგელაძე, რომელიც მზათ იყო ყველაფრისათვის, ოღონდ „საქმე“ გაკეთებულყო. ლიტელატურული მხარე და ფურცლის შედგენა იკისრა სილიბისტრო ჯიბლაძემ, მალე მოიძებნა ბინაც, სადაც ლასას სახელდახელო დაზგა უნდა დაედგა და საიდუმლოთ ემუშავნა: ფურცლები კიდევ უნდა აეწყო და კიდევ უნდა დაებეჭდა. ასეთი ბინა ამ საქმეს დაუთმო ამხანაგ ბარონ ბიბინეიშვილმა, რომელთანაც მაშინ ნესტორ კალაძეც ცხოვრობდა. ესენი ორივე ლასას შველოდენ და ბეჭვდაში ხელს უწყობდენ. („ქრასნოგორის ქუჩაზე“) ეს ტფილისში პირველი დაბეჭდილი ფურცლები იყო.

მეტად ძლიერი და ამაფორიაქებელი გავლენა მოახდინა ამ ფურცლებმა, როგორც ჟანდარმერიაზე, ისე რკინის გზის სახელოსნოს ადმინისტრაციაზე; ეს ერთი მხრით, ხოლო მეორე მხრით მუშები ძალზე გაამხნევა და მათი ერთსულოვნება შექმნა. ორივე მხარე კი გაოცებული იყო იმით, რომ ასეთ ამბავს ტფილისში არ მოელოდნენ: ეს მათთვის მეტად ახალი და მოულოდნელი ამბავი იყო. ქართული სააგიტაციო ფურცელი და ისიც საიდუმლო სტამბაში დაბეჭდილი!

გაფიცვა დასრულდა, ფურცლების გამოცემაც შეწყდა: ჟანდარმერია დაფაცურდა, მარა ვერავითარ კვალს ვერ მიაგნო. მხოლოდ ნახევარი წლის შემდეგ ს. დ. ირეთელის (პოლიო კალანდაძის) ბინაზე პროკლამაციის რამოდენიმე ცალი აღმოაჩინა, რისთვისაც პოლიო კალანდაძე სამი წლით ციმ ირში, სოფ. ირეთში გადაასახლეს.

ლადოს ნათარგმნი „ბროშურა“ („ვინ რით ცხოვრობს“ 1899 წ.) სილიბისტროს ფურცელი 1900 წ. და ისევ ლადოს „ბრძოლა“ (1902 წ.)



აი რით დაიწყო მუშათა ქართული არა-ლეგალური მწერლობა ჩვენში. დაიწყო და სამწუხაროთ ისევ მალე შეწყდა.
რა იყო ამის მიზეზი?

2.

— ისევ მეფის თვითმპყრობელი მთავრობის რეპრესიები.

ტფილისიდან გადასახლებულმა თუ გაქცეულმა ქართველმა რევოლიუციონერმა მარქსისტებმა, მუშა იყო ის თუ ინტელიგენტი, მუშათა რევოლიუციონური მოძრაობა მთელი ამიერ კავკასიის სივრცეზე გადაიტანეს; ბაქოში ვანო სტურუამ და ლადომ, ხოლო ბათუმში „კობამ“ და მუშებმა: ზაქარია ჩოდრიშვილმა, სილია თოდრიამ, კოწია კანდელაკმა, გიორგი თელიამ, ილიკო კობალეიშვილმა, დათიკო „მოხვევამ“ (ხარტიშვილმა) და სხვებმა. ბათუმიდან მუშათა მოძრაობა გურიის გლეხკაცობას მოედო და რადგან ამ წლებში უკრაინაში და რუსეთშიც გლეხთა დიდი მოძრაობა მემამულეების წინააღმდეგ იყო გაჩაღებული, გურიის სოციალ-დემოკრატებმა ეს გარემოება დიდათ გამოიყენეს და გურიის გლეხ-კაცობა ერთიანათ ფეხზე დააყენეს.

ამნაირათ მუშათა მოძრაობა მთელ საქართველოს ედებოდა. ამიტომ თვითმპყრობელური მთავრობა, მისი ბიუროკრატია და ჟანდარმერია არაფერს არ ერიდებოდა და ყოველგვარ სასტიკ ზომებს ხმარობდა, რომ მოძრაობა როგორმე შეეჩერებია— შეეწყვიტა. როტშვილდის ნავთის ქარხნის მუშების გაფიცვის დროს 1902 წელს, მაგალითად, მუშების მიტინგზე, რომელიც „კობას“ ინიციატივით იყო გამართული, თოფის გასროლით 13 მუშა იქვე მოკლეს. ამ ხანებში დაისტამბა ბათუმში „კობას“ რამოდენიმე სააგიტაციო საიდუმლო ფურცელი, კობას დატუსაღების შემდეგ, ფურცლების გამოცემას სილია თოდრია განაგრძობდა.

ბაქოში ლადო კეცხოველი დაატყვევეს და ტფილისში ჩამოიყვანეს. ის „მეტეხში“ მოკლეს. სილიბისტრო ჯიბლაძე და სხვები ციმბირში გადასახლეს, ხოლო-დანარჩენები პროვინციის სხვა და სხვა კუთხეებში იყვნენ გაფანტულნი.

ნოე ჟორდანიასაც რევოლიუციონერობა შესწამეს და 1901 წ. იენისში ქუთაისის საგუბერნიო ციხეში მოათავსეს. მისი ნაწერები „კვალში“ სულ ერთიანათ გადათარგმნეს და შიგ რევოლიუციონურ ელემენტებს ეძებდნენ. ჟანდარმერიამაც ამ ნაწერებში „ისეთი რამ“, რა თქმა უნდა ვერ აღმოაჩინა და ნოე ჟორდანია გაანთავისუფლეს. მაგრამ იგი იმ ხანათ თავის „სამშობლო“ სოფელში წავიდა, ალბათ „დასასვენებლათ“, როცა გურიაში გლეხთა მოძრაობა დაიწყო, იქიდან კიდევ უფრო შორს გადასახლდა, ევროპაში გაემგზავრა. ამნაირათ სამწერლო ასპარეზი, როგორც ლეგალური, ისე არა-ლეგალური ერთიანათ დაცალიერდა. მუშათა ქართული მწერლობა დროებით შეწყდა.



მაგრამ ნოე ჟორდანიას მემკვიდრე მალე გამოუჩნდა, ეს იყო ევროპიდან ჩამოსული დ. თოფურაძე და შემდეგ რუსეთიდან ჩამოსული სტუდენტი, გიორგი წერეთლის შვილი, კაკი წერეთელი. ახლა ამ ახალგაზრდებმა ვითომდა „მარქსისტებმა“ ჩაიბარეს ჟურნალი „კვალი“ სახელმძღვანელოთ. ეს იყო 1903 წელს. იმავე დროს მემკვიდრე ლადო კეცხოველსაც გამოუჩნდა: ეს იყო იოსებ (სოსო) ჯულაშვილი (სტალინი), რომელიც ქართულ მწერლობაში შემდეგი ფსევდონიმით არის ცნობილი „კობა“ და „ბესოშვილი“.

ამნაირათ, თუ ნოე ჟორდანიას წინათ ლადო კეცხოველი უპირდაპირდებოდა, ახლა თვითონ ნოე ჟორდანიას და მის მემკვიდრესაც — ირაკლი წერეთელს სოსო ჯულაშვილი და ფილიპე მახარაძე დაუპირდაპირდენ. ირაკლი წერეთელმა აღადგინა ისევ ჟურნალი „კვალი“, ხოლო სოსო ჯულაშვილმა — ლადოს „ბრძოლა“, რომელსაც ახლა ეწოდებოდა სახელი: „პროლეტარული ბრძოლა“. როგორც ხედავთ „წასულსა და აწმყოს შორის ძაფი არ შეწყვეტილა“, მხოლოდ ახლა უფრო მკაფიოთ დაისვა საკითხი: **ლეგალური თუ არა-ლეგალური „ორგანო“?**

მუშათა მასიური მოძრაობის სულ უფრო და უფრო გაფართოებამ, რევოლუციონური ტალღების უფრო და უფრო აზვირთებამ და 1905 წლის რევოლუციის მოახლოებამ ეს საკითხი თავის-თავად გადაჭრა. ახლა ნოე ჟორდანია მაინც და მაინც არ ეტანებოდა ლეგალურ „კვალს“, ისიც იძულებული გახდა „გურიის მოძრაობაში“ ჩარეოდა და ერთხანს არა-ლეგალური ფურცლები ეწერა.. მაგრამ მან რაკი დაატყო, ბრძოლა მწვავედებოდა, ევროპას მიაშურა და იქ 1905 წლამდე დაჰყო და როცა საქართველოში ჩამოვიდა რევოლუციის დაწყების გამო 1905 წლის დამდეგს, მალე იძულებული გახდა საკუთარი არა-ლეგალური ჟურნალი „სოციალ-დემოკრატი“ გამოეცა. მაგრამ ამაზე ადრე ჯერ ისევ 1904 წ. მუშათა ქართულ-გაზეთის წარმომადგენლათ თითქმის ყველა, განურჩევლათ მიმართულებისა, „კობას“ ჟურნალს, „პროლეტარიატის ბრძოლას“ თვლიდა, რომლის პირველი ნომერი 1904 წლის მაისში გამოვიდა. ეს ჟურნალი კობას მეთაურობითვე დაარსებულ „სოციალ-დემოკრატიული მუშათა პარტიის კავკასიის კავშირის“ ორგანო იყო. 1905 წ. იგი „კავკასიის კავშირის“ სახელით გამოდიოდა და ამ წელს მისი მთავარი თანამშრომლები იყვნენ: მიხა ცხაკაია, საშა წულუკიძე და ფილიპე მახარაძე. ამნაირად, რაც უფრო 1905 წლის ოქტომბერი ახლოვდებოდა, მით უფრო არა-ლეგალური მუშათა მწერლობა ჩვენში ძლიერდებოდა და ეს ხდებოდა სოციალ-დემოკრატიის მარცხენა ფრთის (ბოლშევიკების) მეთაურობით. ის ამავე წლებში არა-ლეგალურ ბროშურასაც ბლომათ უშვებდა, რადგან ახლა ლადოს

სტამბას გარდა, საიდუმლო სტამბა ტფილისშიაც იყო და ბათუმში-
აც. მაგალითად, 1904 წელს გამოიცა ისეთი საყურადღებო თარგმა-
ნი ორიგინალური წინასიტყვაობით, როგორც არის ლენინის წიგნა-
კი: „კ კრესტიანსკოი ბედნოტე“ (გაჭირვებულ გლეხკაცობას).

3.

რამ გამოიწვია ყოველივე ეს.

ცხადია, არა ჩვენში მომხდარმა რაიმე ღრმა ახალმა ცვლილე-
ბამ, არამედ როგორც ყოველთვის, რუსეთში მომხდარმა ამბებმა
სოციალ-დემოკრატიაში ჩამოვარდნილმა უთანხმოებამ, მის წიაღში
ახალი მიმდინარეობის გაჩენამ, ახალმა მიმართულებამ.

მართალია, როგორც წინა თავში აღვნიშნეთ, ჩვენს სოციალ-
დემოკრატიულ წრეებშიაც ისახებოდა ასეთი უთანხმოება-მიმდინა-
რეობა, მაგრამ მას მეცნიერული დასაბუთება არ ჰქონდა, ვინაიდან
ჩვენი იდეოლოგია სუსტი იყო. ეს შეიძლებოდა მხოლოდ მომწიფე-
ბულ და ძლიერ მარქსისტულ ლიტერატურაში მომხდარიყო და მოხ-
და კიდევ. როგორც ყოველთვის რუსეთის იდეოლოგიურ სფეროში
მომხდარმა ღრმა მოძრაობა-ცვლილებამ გამოიწვია ჩვენში, საქარ-
თველოში ისეთივე ღრმა მოძრაობა-ცვლილება.

როგორც ვიცით, ციმბირიდან ევროპაში „გაქცეულმა“ მარქსისტ-
რევოლუციონერებმა შვეიცარიაში შექმნეს მჭიდრო და მტკიცე
ორგანიზაცია, რომელმაც უპირველესათ ყოვლისა არა-ლეგალური
ორგანო, გაზეთი „ისკრა“ და ჟურნალი „ზარია“ დააარსეს.

„1900—1902 წლებში რუსეთში სასტიკი სამრეწველო კრიზისი
მძვინვარებდა“, სწერს თავის ისტორიულ ბროშიურაში—„რ. კ. პ.
განვითარების ძირითადი მომენტები“—ამხ. ა. ბუზნოვი. (იხ. გვ. 15)
და ამ ნიადაგზე გაჩაღდა და გაძლიერდა, როგორც მუშათა ისე გლე-
ხთა ეკონომიურ-პოლიტიკური მოძრაობა.

ამისთვის საჭირო იყო პოლიტიკური სალიტერატურო სახელ-
მძღვანელო ორგანო, და აი ამ როლის შესრულებას შეუდგა რუს
სოც. დემოკრატების მიერ საზღვარ გარეთ დაარსებული გაზეთი—
„ისკრა“.

იმ ხანათ ევროპაში მოქმედებდა ისევ „შრომის განთავისუფ-
ლების ჯგუფი“—გ. პლენანოვი, პ. აქსელროდი, ვ. ზარსულჩი—და
1900 წელს მას მიემატნენ რუსეთიდან „გამოქცეულები“: ნ. ლენინი,
მარტოვი და პოტრესოვი ნ. ლენინის მეთაურობით. ამ ჯგუფმა იკისრა
ვაზ. „ისკრის“ გამოცემა და პირველი რედაქციააც ამათგან შედგე-
ბოდა.

ვაზ „ისკრამ“ სასტიკი ბრძოლა გამოუცხადა რუსეთის სო-
ციალ-დემოკრატიაში გაპატონებულ მიმდინარეობას—„ეკონომიზმს“



და თავის დროშათ „პოლიტიციზმი“ და „რევოლუციონიზმი“ გამო-
აცხადა. ამ ახალი მიმდინარეობის სულის ჩამდგმელი გაზეთი „ისკრა“
და მისი მთავარი რედაქტორ-თანამშრომელი ნ. ლენინი გახდა. ამ
გაზეთის დევიზი იყო: „რუსეთის მუშათა კლასის დამოუკიდებელი პო-
ლიტიკური პარტიის შექმნა“.

მაგრამ მალე, ძალიან მალე აღმოჩნდა, რომ თვით ეს ჯგუფი,
თვით ნ. ლენინის თანამშრომლები (და არა თვითონ ლენინი) არს-
ებითად „ეკონომიზმის“ საფუძველზე იდგნენ და ლენინის ახალ აზრებს
არ იზიარებდნენ. ამიტომ მათი ერთად მოღვაწეობა მხოლოდ პარტი-
ის მეორე სიეზდამდის (1903 წელს) ვაგრძელთა და როცა მათ შო-
რის ღრმა უთანხმოება წარმოსდგა, ნ. ლენინმა განშორება, განცალკე-
ვება არჩია, იმ მიზნით, რომ თავისი ახალი ორგანოს, „ვპერიოდის“
(„წინ“) საშუალებით რუსეთის მუშათა მასიურ მოძრაობას სათავეში
ჩადგომოდა.

ამნაირათ პირველი წლის „ისკრა“-ამ და ჟურნალმა „ზარია“-მ
თეორეტიულ-პრინციპიალური საფუძვლები ჩაუყარეს რუსეთის სო-
ციალ-დემოკრატიას, ხოლო ტაქტიკის საბოლოო შემუშავება და
პრაქტიკულ ბრძოლის ხელმძღვანელობა ისტორიამ ნ. ლენინს და მის
ორგანოს „პროლეტარს“ („ვპერიოდის“ შემდეგ) დააკისრა.

რუსეთის ს.-დ. მეორე სიეზდი, როგორც ვიცით შედგა ქალაქ
ლონდონში 1903 წელს, სადაც მხოლოდ 57 დელეგატი დაესწრო და
სადაც ს.-დემოკრატია ორი სხვა და სხვა მიმდინარეობის მიხედვით
ორ სხვა და სხვა ფრაქციათ გადაიქცა, თუმცა ეს ფრაქციები დრო-
ებით ერთ ორგანიზაციაში, ს. დ.-ში დარჩნენ.

მაგრამ იმდენათ ღრმა და შეურიგებელი დარჩა უთანხმოების
ძირითადი პრინციპები, რომ ამ დღიდან მათი სალიტერატურო ორ-
განოები საბოლოოთ განცალკევდნენ.

(საქართველოში ეს ცოტა სხვანაირათ მოხდა. აქაც, ცხადია ს.
დ. ორ ფრაქციათ გაიყო, მარა ...ლების სიმციროს და ადგილობრივი
პირობების გამო საერთო ორგანოებში მუშაობა 1917 წლამდე დიდი
ზნით ადრე არ შეწყვეტილა).

რაში მდგომარეობს ამ უთანხმოების ძირითადი პრინციპი?

ეს გაზეთ „ისკრის“ № 1 საპროგრამო წერილის შემდეგ სიტ-
ყვებშია გამოთქმული: „სოციალ-დემოკრატია—ეს მუშათა მოძრა-
ობისა და სოციალიზმის შეერთებაა“.

აი ეს დებულება შეიქმნა მიუღებელი სოციალ-დემოკრატიის იმ
ნაწილისთვის, რომელიც „ეკონომიზმის“ საფუძველზე იდგა და მუ-
შათა მოძრაობას უკან მიყვებოდა.

1902 წელს ვლადიმერ ილიას-ძე ლენინმა გამოსცა თავისი შე-



სანიშნავი წიგნი— „რა ვაკეთოთ“ („ჩტო დელატ“) და საბოლოოთ დაასაბუთა თავისი ახალი მიმართულება.

1903 წელს კი ლონდონში გამართულ პარტიულ სიეზდს საქართველოს წარმომადგენლათ ევროპაში „გაქცეული“ ნოე ჟორდანიაც დაესწრო და ის, რა ნახა პარტიაში ჩამოვარდნილი უთანხმოება, ცხადია, ხელალებით მიემხრო იმ ნაწილს, რომელიც მის მიერ აღიარებულ თეორიას იზიარებდა.

ამ სიეზდზე პარტია გათიშა კითხვამ, თუ ვინ უნდა ითვლებოდეს პარტიის წევრათ. აქ დაუპირდაპირდა ერთიმეორეს ორი პროექტი: ლ. მარტოვის და ვლ. ლენინის. პირველის აზრით პასიური ელემენტიც შეიძლება იყოს პარტიის წევრი, ხოლო ლენინის მტკიცებით პარტიის წევრი აქტიური ელემენტი უნდა იყოს.

აქედან გამომდინარეობს შეხედულება: **პარტია პროლეტარიატის მოწინავე, შეგნებული, რევოლიუციონური და მებრძოლი რაზმია.**

სიეზდზე ლენინს მიემხრო უმრავლესობა, აქედან შედგა სახელი მისი ფრაქციის, ხოლო მარტოვი დარჩა უმცირესობაში, აქედან ამ ფრაქციას „უმცირესობა“ დაერქვა. რუსულათ— „მენშინსტოვ“, ხოლო ლენინის მომხრეებს— „ბოლშინსტოვ“, შემდეგ ეს გადაკეთდა „მენშევიკებათ“ და ბოლშევიკებათ“.

ამ დღიდან გაჩაღდა იდეური და ორგანიზაციული ბრძოლა ამ ორ ფრაქციას შორის და კითხვა ასე დაისვა: ან ერთი უნდა ჩადგომოდა სათავეში რუსეთის სტიქიურ მუშათა მოძრაობას და ხელმძღვანელობა გაეწია მისთვის, ან მეორეს უნდა ეკისრა ეს. ამ კითხვის გადაჭრა თვით ამოძრავებულ მუშათა მასებზე იყო დამოკიდებული, სახელდობრ იმაზე, თუ თვით ეს მასები ვისი, რომელი ფრაქციის მხარეზე დადგებოდენ და თავის წინამძღვრათ და ხელმძღვანელათ რომელ მათგანს იწამებდენ. ეს კითხვა რუსეთის მუშათა მოძრაობის ისტორიამ გადაჭრა 1907 წელს, როცა სახელმწიფო დუმის დეპუტატებათ რუსეთის მუშათა კლასმა ერთხმათ ბოლშევიკი სოციალ-დემოკრატი აირჩია. ამ დღიდან უკვე თავისთავათ გადაწყვეტილი იყო, რომ რუსეთის მუშათა კლასი თავის უმრავლესობით წინამძღოლ-ხელმძღვანელათ მხოლოდ **ბოლშევიკ სოციალ-დემოკრატებს ცნობს.**

მაგრამ, ცხადია, ეს ცნობა, უბრძოლველათ არ მომხდარა. ცხარე და სასტიკი იყო ფრაქციათა შორის ბრძოლა, როგორც წინათ ისე ამ გამარჯვების შემდეგაც: სოციალ-დემოკრატიაში ხან ბოლშევიკები იყვნენ უმრავლესობაში, ხან მენშევიკები, ხან ერთის ბატონობა ჩაღდებოდა, ხან მეორესი და ეს მანამ, ვიდრე 1917 წლის ოქტომბრის რევოლიუციამ საბოლოოთ არ გადაჭრა ეს კითხვა და საბოლოოთ არ ჩაუგდო ხელში მთელი ძალა-უფლება ბოლ-

შევიკებს, რომლებმაც ამ საბოლოო გამარჯვების შემდეგ თავი პარტიით, მსოფლიო პროლეტარიატის პარტიით არ გამოაცხადეს.

და აი ამ ბრძოლის პროცესი თავისი დამარცხება-გამარჯვებით საქართველოს ვიწრო ფარგლებშიც წარმოებდა.

როგორც ზემოთ ვთქვით ამ ბრძოლის წინამორბედება—ლადო კეცხოველის „ბრძოლა“ და მის მიერ მოწყობილი პატარა საიდუმლო სტამბა იყო, ხოლო შემდეგში ამას ქ. ბაქოშივე დიდი საიდუმლო სტამბის დაარსებაც მოჰყვა. მალე 1902 წელსვე სიმონ და აბელ ენუქიძეების ინიციატივით ს. დ. ცენტრალური კომიტეტის ხარჯით (ამხ. კრასინის ხელძღვანელობით) გამოწერილ იქნა დიდი გაუმჯობესებული საბეჭდავი მასალა, რომელზედაც „ისკრის“ ნომრები ასიათასობით დაიბეჭდა მთელი რუსეთის სივრცეზე გასაერცვლებლათ. ამ საქმეს ქ. ბაქოში პირველი პარალელის ქუჩაზე 1903 წელს შემდეგი მუშა ამხანაგები აწარმოებდნენ: ვანო სტურუა, სიმონ და აბელ ენუქიძეები, ვანო ბოლქვაძე, ლადო დუმბაძე და სილვა თოდრია. ამას შემდეგ იმავე წელს კობას მეთაურობით ტფილისში შესდგა სოციალ-დემოკრატიული ორგანიზაცია, რომელსაც დაერქვა: „კავკასიის კავშირი“; და აი ამ „კავშირის“ ორგანოთ კობას გაზეთი—„პროლეტ. ბრძოლა“ გამოცხადდა. ეს იყო 1905 წლის რევოლუციის წინ. 1904 წელს მალე მას გვერდში ამოუდგა ლეგალური ორგანო,—ფილიპე მახარაძის—„მოგზაური“ (1905 წელს) და ამნაირათ ჩვენში ბოლშევიკური იდეები გავრცელდა და ს. დ. ორგანიზაციებიც ბოლშევიკურათ მოეწყო.

რა კითხვები წამოაყენეს ბოლშევიკურმა ქართულმა ორგანოებმა ამ პირველ ხანაში და როგორ გადაჭრეს ისინი?

უპირველესათ კითხვა პარტიულ უთანხმოებას შეეხებოდა; და აქ ჩვენებური მაშინდელი ს. დ. ორგანოები ხელ აღებით ლენინის მხარეზე დადგნენ და კობას მეთაურობით აღიარეს: „ჩვენი, სოციალ-დემოკრატიის ვალია ტრედუნიონისტურ გზას (ოპორტიუნისტულს სხვანაირათ, რ. კ.) ავაშოროთ და სოციალ-დემოკრატიულ გზაზე შევავყენოთ მუშათა სტიქიური მოძრაობა, ჩვენი ვალია, სოციალისტური შეგნება შევიტანოთ ამ მოძრაობაში და შევეართოთ მუშათა მოწინავე ძალები ერთ ცენტრალისტურ პარტიათ, ჩვენი ვალია მუდამ წინ უჟღოდდეთ მოძრაობას და დაუღალავათ ვებრძოლოთ ყველას, მტერი იქნება ეს, თუ „მოყვარე“, ვინც კი ხელს შეგვიშლის ჩვენი წმინდა მიზნის განხორციელებაში...

ასეთია საზოგადო პოზიცია „უმრავლესობის“...

(ნხ. 1905 წ. „პარტიული უთანხმოება“ კობას არა-ლეგალური პროშიურა, გვ. 21).



ამ პოზიციის „აღება“ მაშინ ევროპიდან ჩამოსულმა ნოე კობახიძემ გადასწყვიტა და ქართული მუშის საბედისწეროთ და საეკლესიოთ კიდევ შეასრულა ეს.

მაგრამ ვიდრე ამ ბრძოლის დახასიათებას შეუდგები, საჭიროთ მიმაჩნია აღნიშნულ იქნას ქართული ცხოვრების ის მეორე ძირითადი საკითხი (ეროვნული საკითხი), რომელსაც იმ დროს ვერც ბოლშევიკები აშორდნენ და რომელზედაც მათ მიერაც იმ პირველ ხანაშივე გადამჭრელი სიტყვა და აზრი წარმოითქვა.

აი რას სწერდენ ამ საკითხზე მაშინდელი ბოლშევიკური ჟურნალ-გაზეთები.

„კობას“ (სოსო ჯუღაშვილის) „პროლეტარიატის ბრძოლა“ კავკასიის ს.დ. კავშირის არა-ლეგალური ორგანო) გადაჭრით და გარკვევით სწერდა: „**სხვა და სხვა დროს სხვა და სხვა კლასები გამოდიან ბრძოლის მოედანზე, ყველა კლასს კი თავისებურად ეხმის“ ნაციონალური კითხვა....** ცხადია, სხვა და სხვა დროს სხვა და სხვა ინტერესებს—ემსახურება, „ნაციონალური კითხვა“, სხვა და სხვა ელფერს იღებს იმის და მიხედვით, თუ რომელი კლასი და როდის წამოაყენებს მას“.....

ბრძოლის მოედანზე გამოვიდა ახალი კლასი, პროლეტარიატი,— და მასთან ერთად დაიბადა ახალი „ნაციონალური კითხვა“, პროლეტარიატის „ნაციონალური კითხვა“ (ე. ი. „ნაციონალური კითხვის“ პროლეტარული, კლასობრივი თვალსაზრისით გაგება და გადაჭრა. რ. კ.) ... პროლეტარიატის გამარჯვებისათვის—კი საჭიროა ყველა მუშების შეერთება (უკეთ—შეკავშირება. რ. კ.) განუორჩევლათ ეროვნებისა“.....

კობას ანალიზით პროლეტარიატის საბოლოო გამარჯვებისათვის უპირველესათ საჭიროა „ყველა მუშების შეერთება (შეკავშირება) განუორჩევლად ეროვნებისა“, ხოლო შემდეგ იმავე პროლეტარიატის გამარჯვებისათვის არა ნაკლებ საჭიროა „ნაციონალური კითხვის“ წამოყენება და პროლეტარულად მისი გადაჭრა. მხოლოდ ამ მეორე საჭიროების („ნაციონალური კითხვის“ გადაჭრის) დაკმაყოფილება, როგორც სხვა ყოველგვარი მოთხოვნის, „დროსა და გარემოებაზეა“ დამოკიდებული. სხვანაირათ, მებრძოლი პროლეტარიატისათვის „ნაციონალური კითხვა“ ტაქტიკის კითხვაა, ე. ი. იგი მას მაშინ წამოაყენებს, როცა ეს მისთვის მთავარი მიზანისთვის—საბოლოო კლასობრივი გამარჯვებისათვის ხელსაყრელი და „სასარგებლოა“ და არა ხელშემშლელი. მეფის თვითმპყრობელობის ხანაში რუსეთის პროლეტარიატს „განუორჩევლათ ეროვნებისა“ ამ კითხვის წამოყენება არ სჭირდება, მისი ერთად ერთი საქმე ამ ხანაში ყველა ერების მუშების შეკავშირებაა პროლეტარული კლასობ-



რივი პრაქტიკის და თეორიის ნიადაგზე. ამიტომ „კობას“ ამ სწორ-
 თხში ამ ხანათ მხოლოდ „პოლიტიკური ცენტრალიზმის“ გატარება
 მიაჩნია საჭიროთ: ... „უნდა უარყონ, სწერს იგი, ყოველივე ფედ-
 რალიზმი (ყველა ჯურის ნაციონალ-სოციალ-დემოკრეტებს ეუბნება
 რ. კ.), თამამად ააფრიალონ დროშა ნაციონალურ კედლების დან-
 გრევისა და თავი მოიყარონ რუსეთის სოციალ-დემოკრატიული მუ-
 შათა პარტიის ბანაკში“, ხოლო მეორე მხრით იგივე კობა და იგივე
 ორგანო შესაძლებლათ ცნობს მომავალში, რომ ს.-დ. პარტიამ
 წამოაყენოს „ნაციონალური კითხვა“ და პროლეტარიატის საბოლოო
 გამარჯვებისათვის კიდევ გადაჭრას იგი პრაქტიკულათ.

„რუსეთის პროლეტარიატის ინტერესები ჩაგვიჭრულდება,
 (უფრო კი—ჩაგვძახის. რ. კ.) სწერს კობა „პროლეტარიატის ბრძო-
 ლაში“, რომ მარტო თვითონ ერებს აქვთ უფლება მოსპონ ან განა-
 ვითარონ თავიანთი ნაციონალური კულტურის ესა თუ ის მხარე....

„შესაძლებელია იმნაირათ მოეწყოს ეკონომიური და პოლიტი-
 კური პირობები, რომ „უცხო“ ერების (ე. ი. რუსეთის „მცირე
 ერების“ რ. კ.) ბურჟუაზიის მოწინავე წრეებმა „ნაციონალური გა-
 ნთავისუფლება“ მოინდომონ.

„შესაძლებელია აგრეთვე, რომ ასეთი მოძრაობა სასარგებ-
 ლო დარჩეს პროლეტარიატის კლასიური თვითშეგნების განვითა-
 რებისათვის. როგორ მოიქცეს მაშინ პარტია? კითხულობს კობა და
 იქვე უპასუხებს: „აი სწორეთ ამისთანა შესაძლებელი გარემოებისა-
 თვის ეძლევა ერებს უფლება, რომლის ძალითაც ისინი ეცდებიან
 თავისი სურვილების თანახმად მოაწყონ (მაგალითად, „განთავისუ-
 ფლდენ“) თავიანთი ნაციონალური საქმეები....“

„ცხადია, თვით „უცხო“ ერებს უნდა მივანდოთ ჩვენ ამ კითხვის
 გადაჭრა, მათ ჩვენ უნდა მოუპოვოთ უფლება ამ კითხვის გადაჭრისა
 („თვითგამორკვევის“ უფლება რ. კ.). დღე თვით ერებმა გადაჭრან, როცა
 კი საჭიროება მოითხოვს მათგან, სასარგებლოა მათთვის (ერის პრო-
 ლეტარული ნაწილისათვის რ. კ.) თუ საზარალო „ნაციონალური და-
 მოუკიდებლობა“ და თუ სასარგებლოა, რა ფორმაში უნდა განხორ-
 ცილდეს ეს... ჩვენ (ე. ი. ს.-დ. მუშათა პარტია ბოლშევიკებისა, რ. კ.)
 ვაღდებულებ ვართ შევეცადოთ, რომ ამ ერთა (უკეთ ერის პრო-
 ლეტარული ნაწილისა, რ. კ.) სურვილები ნამდვილი სოციალ-დემო-
 კრატიული (ბოლშევიკური. რ. კ.) იყვეს, რომ ეს სურვილები პრო-
 ლეტარიატის კლასიური ინტერესებიდან გამომდინარეობდეს“.

ერთი სიტყვით „კობას“ აზრით, თუ რუსეთის ჩაგრული ერის
 პროლეტარული ნაწილის შეგნებულ კლასობრივი ნება-სურვილი
 ერთგვარ „ნაციონალურ დამოუკიდებლობას“ მოითხოვს და იმავე
 დროს ეს რუსეთის ყველა ერების მუშათა შეკავშირების“ საქმეს არ



არღვევს, არ ეწინააღმდეგება, საზარალო არაა, არამედ „სასარგებლოა, მასთან შეთანხმებულია“, მაშინ პროლეტარიატის პარტია ვალდებულია ეს „სასარგებლო საქმე“ (ე. ი. „ნაციონალური დამოუკიდებლობა“ რ. კ.) შესაფერ ფორმაში და საჭირო დროზე განახორციელოს. (აქ მოყვანილი ციტატები ამოღებულია 1904 წ. ვაზ. პროლეტარიატის № 7-ში მოთავსებულ სტატიიდან: „როგორ ესმის სოციალ-დემოკრატის ნაციონალური კითხვა“).

რას სწერდა ამავე კითხვაზე 1905 წელს ბალშევიკური ს.-დ. ლეგალური ორგანო, ამხ. ფილიპე მახარაძის ჟურნალი „მოგზაური“. აი რას:

„... ერის უმრავლესობა, აი ვის მივმართავთ ჩვენ... ვინ არის ეს უმრავლესობა? ერის ის ნაწილი, რომელსაც ცხოვრებამ ხელიდან ყოველივე ქონება გამოაცალა. ცხოვრების სახსრათ მათ მარტოოდენ საიშუაო ძალა შერჩენია და ამ ძალით ჰქმნის სიმდიდრეს, ზრდის ერის კულტურულ ძალას... (იხ. „მოგზაურის“ 1905 წ. № 2 სტ. „ჩვენ მკითხველებს“).

„... დღევანდელ პირობებში (1905 წელს) პროლეტარიატისათვის ავტონომია საზიანო და სახიფათოა. (იხ. „მოგზაურის“ იმავე წლის № 17).

„... რომ ენა (სამშობლო. რ. კ.), როგორც ჰაერი ყველასათვის საჭიროა, ამაზე მეტია ლაპარაკი, მაგრამ ვისაც ამ ნიადაგზე უნდა სხვა და სხვა საზოგადოებრივ კლასების შეერთება, მორიგება ან შეთანხმება, ის ან განზრახ იბრძავებს თვალს და ან უნებლიეთ შეცდომაში შედის“.

... ეჭვს გარეშეა, რომ ქართველი ერი არსებობს, ისე როგორც არსებობს რუსის ან სხვა რომელიმე ერი. მაგრამ საზოგადოებრივ ურთიერთობაში მთავარ ძალას წარმოადგენს არა ეროვნული საკითხი, არამედ კლასთა ბრძოლა...

... „მთელი ქვეყნის მუშა ხალხის მიზანს შეადგენს ამ ზღუდეების (სახელმწიფოებრივი ზღუდეებს. რ. კ.) დანგრევა და ყველა ქვეყნების მშრომელთა (დაბეჭდილია „მმართველი“ რ. კ.) შეერთება მაგრამ ამ ზღუდეების დანგრევა არ ნიშნავს, რა თქმა უნდა, ისეთ ეროვნულ განსხვავებათა მოსპობას, რომელიც ბუნების, ე. ი. ფიზიკური პირობების შედეგია“.

„ჩვენში შეხედულებით ეროვნული კითხვა ბოლოს და ბოლოს იგივე სოციალური კითხვაა, მხოლოდ ნაციონალური ქერქში გახვეული. ამიტომ მისი გადაწყვეტა დამოკიდებულია იმაზე, თუ როგორ იგნებს მშრომელი ხალხი თავის კლასობრივ მდგომარეობას. როცა შეერთდებიან (უკეთ-შეკავშირდებიან) ერთი მხრით თითოეული ერის ყველა მუშები და მეორე მხრით ყველა ერების მუშები ყველა



გჩაგვრელების წინააღმდეგ და დაამხობენ ბურჟუაზიულ წყობილებას, ბოლოს მოუღებენ კერძო საკუთრებას, დაქირავებულ შრომას, მაშინ საბოლოოთ გადაწყდება ეროვნული საკითხიც“.

„ასეთია მოკლეთ ჩვენი ტაქტიკა დღეს (უარყოფა. რ. კ.) ეროვნული ავტონომიის შესახებ... ჩვენი ფიქრით, ჯერ კიდევ (ეს 1905 წ.) არ დამდგარა ის დრო, როცა ასეთი ტაქტიკის შეცვლა ჩვენი პარტიისათვის საჭირო იყოს... (იხ. ჟურნალ „მოგზაურის“ №№ 21 და 31—1905 წლ.).

როგორც ხედავთ 1905 წელს ბოლშევიკური ქართული მუშათა პრესა ერთხმით აღიარებდა: 1) რომ ვიდრე რუსეთის მეფის თვითმპყრობელობა და წყობილება რუსეთის შემადგენელ ერების მუშათა კლასის შეერთებული ძალით არ დაემხო, მანამ არც სასაგებლო და არც საჭირო არაა საქართველოს არა თუ სახელმწიფოებრივი დამოუკიდებლობა, არამედ უბრალო დემოკრატიული ავტონომიაც კი: 2) ხოლო თუ პირობები შეიცვლება, თუ თვითმპყრობელობა და ბურჟუაზია დაეცემა, მაშინ რუსეთის შემადგენელ ერების პროლეტარულ ნაწილსაც უფლებაცა და ძალაც ექნება თავ-თავიანთ ერის ფარგლებში „ნაციონალური კითხვა“ წამოაყენოს და ეროვნული საკითხი საბოლოოთ გადაჭრას, ვინაიდან „ქართველი ერი ისევე არსებობს, როგორც რუსის ერი და ყველა სხვა ერი“.

მხოლოდ ერთი დიდი წინააღმდეგობა და აზრთა სხვადასხვაობა უნდა აღინიშნოს აქ: სახელდობრ ის, რომ როცა კობა „ნაციონალური კედლების დანგრევაზე“ დაჟინებით გვეუბნება, მაშინ ფილიპე მახარაძე მხოლოდ სახელმწიფოებრივი ზღუდეების მოსპობას თვლის საჭიროთ. ეს კარგათ უნდა დავიხსომოთ.

ახლა მიუბრუნდეთ პარტიულ უთანხმოების საკითხს და ჩვენში ამ ნაიდაგზე გამართულ ბრძოლის დასაწყისს.

1905 წლის დამდეგს, დაიწყო რუსეთში რევოლიუცია თუ არა, ნოე ჟორდანიას ეგროპიდან ჩამოსული ბათუმში გაჩნდა და იქ კობა ჯულაშვილის მიერ მოწყობილ „მუშათა წრეებში“ მენშევიკური ლექციების კითხვა დაიწყო. რა თქმა უნდა, ჯერ კიდევ იდეოლოგიურათ გაუმეარებელი მუშებბს ყალბ გზაზე დაყენება ადვილი იყო, მით უფრო ეგროპაში განსწავლული „მარქსისტისათვის“, რომელიც თავიდანვე მუშებში დიდი ავტორიტეტით სარგებლობდა. მან ბათუმის მუშები ერთბაშათ მიიმხრო. ეს პირველი გამარჯვება იყო მისი, ისეთი გამარჯვება, რომ ამის გავლენით ისეთი „გაქაქებული ინტელიგენტი ბოლშევიკები“, როგორადაც მაშინ თავს ხომერიკი და ნოე რამიშვილი თვლიდენ, ერთბაშათ გამენშევიკდენ.

ნოე ჟორდანიას ლექციების გარეშე იმავე დროს ლეგალურ ორგანოდანაც იერიშით წავიდა და პარტიულ უთანხმოებაზე პოლიმიკა



ატეხა; და რადგან მას მაშინ საკუთარი ორგანო არ ჰქონდა, თავისი პატარა წერილი—„რა არის პარტია“ ფ. მახარაძის ჟურნალ „მოგზაურის“ მე 6 №-ში ანის ფსევდონიმით მოათავსა. ის სწერდა:

„რა არის პარტია?—ადამიანთა იმ კრებულს, რომელიც ისახავს საერთო მიზანს და მიზნის განსახორციელებლათ ერთად მოქმედებს, ეწოდება პარტია. მაშასადამე პარტიის დამახასიათებელი თვისებაა საერთო მიზანი და საერთო მოქმედება. ხოლო მოქმედება კი არ შეიძლება უპლანოთ, უსისტემოთ, უარგანიზაციოთ. ორგანიზაცია ეს ის ბოძია, რომელზედაც დაყრდნობილია პარტია. შეიძლება მას არ ჰქონდეს მკაფიოდ გამოკვეთული პროგრამა, დაწვრილებით შემუშავებული ტაქტიკა, ეს კიდეც ვერ შეაჩერებს მის მოღვაწეობას. მაგრამ თუ მას რაიმე ორგანიზაცია არა აქვს, თუ ის მოქმედების ორგანოს მოკლებულია—მას არსებობა ერთ დღესაც არ შეუძლია“...

ამის საწინააღმდეგოდ იმავე ჟურ. „მოგზაურის“ იმავე №№-ში „ს“ ფსევდონიმით ალ. წულუკიძემ თავის წერილში—„პატარა შენიშვნა დიდ კითხვაზე“ შემდეგი დებულება წამოაყენა.

„სწორეთ გარკვეული პროგრამა და დაწვრილებით შემუშავებული ტაქტიკაა საჭირო ნამდვილი პარტიის შესაქმნელად“.

1905 წლის შემდეგ თვეებში, როცა ნოე ჟორდანიამ ამ მიზნით თავისი საკუთარი არა-ლეგალური ორგანო—„სოციალ-დემოკრატი“ დაიარსა და იქედან მიიტანა იერიში ქართველ ბოლშევიკებზე, მაშინ კობამ თავისი „პროლეტარიატის ბრძოლის“ მწვერვლიდან გამანადგურებელი ყუმბარები დაუშინა მას და შემდეგი მომაკვდინებელი საბოლოო პასუხი გასცა:

„დღევანდელი ცხოვრება,—სწერდა ის, კაპიტალისტურათაა მოწყობილი; აქ ორი დიდი კლასი არსებობს: ბურჟუაზია და პროლეტარიატი. შეგნებაც (სხვანაირათ—იდეოლოგია რ. კ.) ორნაირი მუშავდება: ბურჟუაზიული და სოციალისტური. პროლეტარიატის გარემოებას (უკეთ მდგომარეობას რ. კ.) სოციალისტური შეგნება შეფერება; ამიტომ პროლეტარიატი იღებს ამ შეგნებას, ითვისებს და გაორკეცებული მოხერხებით ებრძვის კაპიტალისტურ წესწყობილებას... ახლა კითხვა იმაშია, თუ ვინ იმუშავებს... ვის შეუძლია შემომუშაოს სოციალისტური შეგნება (ე. ი. მეცნიერული სოციალიზმი)...

„სოციალისტურ შეგნებას ამუშავებს ზოგიერთი ინტელიგენტი-სოციალ-დემოკრატი; ხოლო მუშათა მოძრაობაში შეაქვს ეს შეგნება მთელ სოციალ-დემოკრატიას, რომელიც შეგნებულ ხასიათს აძლევს პროლეტარიატის სტიქიურ ბრძოლას“. (იხ. 1905 წლის „პროლეტ. ბრძოლის“ № 11 სტატ.: პასუხათ „სოციალ-დემოკრატს“ (აქ უნდა აღვნიშნო ისიც, რომ ამ მთავარ დებულების



დასამტკიცებლათ კობა უმათავრესად კარლ კაუცკის მოსაზრება-საბუთებს იმოწმებს).

ამნაირათ „ძველ ისკრაში“ ლენინის მიერ წამოყენებულმა დებულებამ „სოციალ-დემოკრატია—მუშათა მოძრაობის და სოციალიზმის შეერთება“ ქართულ ბოლშევიკურ პრესაში იმ დროს (1905 წელს) მშვენიერი გამოხატულება ჰპოვა.

ამ დღიდან საქ. ს.-დ. პარტიაში დაიწყო დაუნდობელი ბრძოლა მენშევიკ-ბოლშევიკებს შორის, გაჩაღდა ჩვენშიაც ფრაქციული ბრძოლა და რამდენათაც ისტორიამ ბოლშევიკური ს.-დ. ფრაქცია მუშათა პარტიათ აქცია, იმდენათ იმ დღიდან მუშათა მწერლობათ შეიძლება მხოლოდ ამ (ე. ი. ბოლშევიკური) ფრაქციის მწერლობა ჩაითვალოს. ამიტომ საჭიროა ს.-დ. მწერლობის ბოლშევიკური შტო გამოვეყოთ და მხოლოდ ეს შტო ავწეროთ, როგორც მუშათა ქართული მწერლობის გამომხატველი.

მაგრამ არის ერთი გარემოება, რომელიც გვაიძულებს ყურადღება მივაქციოთ და ავწეროთ, ავუხსნოთ ქართული ს.-დ. ის ორგანოებიც, რომლებიც ორივე ფრაქციას შეერთებულათ გვიხატავენ. იყო ისეთი მომენტები, როცა ორივე ფრაქციას საერთო ორგანოები ჰქონდა და ამ შემთხვევებში საერთოდან მუშათა ფრაქციის ორგანოს გამოცალკეება ყოველათ შეუძლებელია. ასეთი დრო იყო მაგალითად 1906—7 წლ. და შემდეგ რამდენიმეთ 1908—16 წლებშიც. ამნაირათ მუშათა მასიური ამოძრავების პირველ ხანებშივე (1900—05 წლებში) გამოიჩინა, რომ ჩვენებურ სოციალ-დემოკრატიაში, ისე როგორც რუსეთისაში ორმა მიმდინარეობამ იჩინა თავი: მენშევიკურმა და ბოლშევიკურმა. პირველის ორგანოა „სოციალ-დემოკრატია“ და „კვალი“, ხოლო მეორის „პროლეტარიატის ბრძოლა“, „მოგზაური“ და 1906 წელს დაარსებული „ახალი დროება“. პირველი მიმდინარეობა, ე. ი. მენშევიკური ყოველ ღონეს ხმარობს, რომ ამოძრავებული ხალხი ლეგალურ გზაზე შეაყენოს, მისი რევოლიუციური ტემპი შეანელოს და იგი ლიბერალურ ბურჟუაზიასთან ერთად ერთ ბურჟუაზიულ დემოკრატიულ კალაპოტში მოათავსოს.

ხოლო მეორე, ე. ი. ბოლშევიკური სულ წინააღმდეგ ამისა, იბრძვის, რომ ამოძრავებულ მუშა ხალხს რევოლიუციისაკენ გზა გაუნათოს და რევოლიუციური თავდადებული ბრძოლით წინ წამოუძღვეს სოციალიზმისაკენ. პირველი, ცხადია, ოპორტიუნისმის გამოხატულებაა, ხოლო მეორე რევოლიუციონისმის.

როგორც მსოფლიო მუშათა მოძრაობის ისტორია გვიჩვენებს, ყველა ქვეყნებში მუშათა მოძრაობას ეს ორი მიმდინარეობა თანასდევს და ეს იმიტომ, რომ მუშათა მოძრაობა, ისე როგორც სხვა ყოველივე მოძრაობა, დიალექტიურ კანონს ექვემდებარება. ის ერთ



და იმავე დროს სტატუორიკ არის და დინამიურიკ, ე. ი. მუშაობა კლასი თავის მოძრაობაში უკვე მოპოვებულ პოზიციებზე დგება, მაგრადება და იმავე დროს ის კიდევ წინ-წინ მიიწევს, წინ მიექანება და მისი ეს წინ გაქანება ჰქმნის რევოლიუციას, ეს არის მისი რევოლიუციონიზმი, ხოლო უკვე მოპოვებულ პოზიციებზე მისი გამაგრება არის მისი ოპორტიუნიზმი, სხვანაირათ მისი „რეფორმიზმი“, ანუ „ტრედუნიონიზმი“.

ამ სახით მუშათა მოძრაობა რევოლიუციონურიკ არის და ოპორტიუნისტულიკ, ე. ი. „რეფორმისტული“, და ვინკ მუშათა მოძრაობის ოპორტიუნიზმს აქტიურათ ხელს უწყობს და იმავე დროს ხმა მალლა გაიძახის, როგორკ ამას მენშევიკები ჩადიოდენ, ეს ნამდვილი და უკეთესი რევოლიუციონერობააო, იგი რევოლიუციის და რევოლიუციონერების ყველაზე უარესი, უმსგავსი, შემპარავი ძლიერი მტერია. ეს რომ ასე არ იყოს, მაშინ მენშევიზმი და მეორე ინტერნაციონალი დღემდე გაქრებოდა.

ბოლშევიკები, როგორკ რუსეთის მოძრაობის ისტორიიდან ვიცით, მუშათა პროფკავშირებში, კოოპერატივებში და სხვაგან მენშევიკებთან შედარებით გაცილებით მეტ ენერგიას ხარჯავდენ, მარა ეს მათ რევოლიუციონერობათ როდი გამოქონდათ.

საქართველოს მუშათა მოძრაობაკ ამ საერთო კანონს ექვემდებარება. ცხადია, ამიტომ ჩვენი სოციალ-დემოკრატიაკ ორათ გაითიშა: ერთთა ჩვენებური ოპორტიუნიზმის, ცრუ, ყალბი რევოლიუციონიზმის გამომხატველი, ხოლო მეორეა ჭეშმარიტი რევოლიუციონიზმის მატარებელი. და რადგან ეს ჭეშმარიტი რევოლიუციონიზმი არის ნამდვილი მტერი და დამამხოველი ყოველნაირი ბურჟუაზიის, ხოლო ოპორტიუნიზმი, ე. ი. ცრუ და ყალბი რევოლიუციონიზმი ნუგეშის მცემელია და დამაიმედებელი იმავე ბურჟუაზიის, ამიტომ ეს უკანასკნელი შიშით და ძრწოლით კბილთა ღრჭენით შეჰყურებს პირველის მატარებლებს, ე. ი. ბოლშევიკებს, ხოლო ტაშს უკრავს და სიხარულით ეგებება მეორის წარმომადგენლებს, ე. ი. მენშევიკებს. ჩვენს ცხოვრებაშიაკ ასე მოხდა.

ბოლშევიკების მხარეზე დადგენ რევოლიუციონური მუშები და რევოლიუციონური პროლეტარ-ინტელიგენტები, ხოლო მენშევიკებს გაჰყვენ წვრილ ბურჟუაზიული იდეოლოგიით გაჟღენთილი ოპორტიუნისტულ მოძრაობაში ჩაბმული მუშები და მათი გამომხატველი დემოკრატული ინტელიგენცია, ყოველნაირი ბურჟუაზიული ელემენტები და ბოლოს ბურჟუაზიული ინტელიგენციის წარმომადგენლები.

და რადგან ქართველი ხალხი თავისი სოციალური სტრუქტურით წვრილი მწარმოებელი ხალხია, რადგან მუშათა კლასი რიცხვითაკ მცირეა და მისი ფსიხოლოგია წვრილ-ბურჟუაზიული, მესჩანუ-



რი იდეოლოგიური გავლენის ქვეშ იმყოფება, ამიტომ ჩვენში დროს მენშევიკური სოციალ-დემოკრატიამ გაიმარჯვა და ცხოვრებას სადავეები ხელში დაიჭირა. ეს მოხდა 1905 წლის ოქტომბრის შემდეგ, უფრო კი მოსკოვის (დეკემბრის 1905 წ., 2 დეკემბრის აჯანყების დამარცხების შემდეგ.

რამდენათაც 1905 წლის რევოლიუციის დამარცხების დღეებს უახლოვდებოდით, იმდენათ ჩვენში მენშევიკები მრავლდებოდნენ და მაგრდებოდნენ, ასე რომ დეკემბრის დღეებში ისინი აჯანყებაზე იმდენათ არ ზრუნავდნენ, რამდენათაც „ერთი კარგი ლეგალური სოციალ-დემოკრატიულ გაზეთის გამოცემაზე“.

და აი ისინი ისევ ნოე ჟორდანიას მეთაურობით იკრიბებიან (ტფილისში) დეკემბრის პირველ რიცხვებში, სწორეთ იმ დღეებში, როცა მოსკოვის ქუჩებზე მუშების სისხლის რუები სდიოდა, და ყოველ-დღიური ლეგალური დიდი გაზეთის გამოცემას აწყობენ. მათი გაზეთის, „სხივის“ პირველი ნომერი გამოვიდა 1905 წლის 17 დეკემბერს, სწორეთ იმ დღეს, როდესაც მათი „რევოლიუციური შტაბის“ ბელადის, სილიბისტრო ჯიბლადის „გამჭრიახი“ „სტრატეგიის“ წყალობით გენერალ გრიაზნოვის კაზაკების სისხლიანი ხელით ნაძალადევი ცხრა რევოლიუციონერი გმირი—მუშა დაიღუპა.

ჩვენი მუშათა კლასისათვის და რევოლიუციისათვის ეს დღე გლოვის დღეა, ეს დღე ცხრა ძმა გმირი მუშის წმინდა ხსოვნის დღეა, ხოლო მენშევიკებისათვის ეს მათი ბეჭდვითი ორგანოს დაარსების დღე იქნება. ასე იყო და სამწუხაროთ დღესაც ასეა: როცა მუშები გლოვობენ, მაშინ მათი მტრები დღესასწაულობენ.

ცხადია, 1905 წლის რუსეთის რევოლიუციის ბედი, რუსეთსავე „ძალთა ჭიდილმა“ გადაჭრა და მასზე ჩვენებური „მოძრაობა“ ვერავითარ გავლენას ვერ მოახდენდა. მაგრამ ჩვენებურ „ძალთა ჭიდილს“ და ამ ჭიდილში მენშევიკური ოპორტიუნისმის გამარჯვებას, ვამტკიცებთ ჩვენ, საქართველოს მუშათა კლასისათვის „საბედისწერო“ შედეგი მოჰყვა: ქართველი მუშები საერთოდ ამ გამარჯვების შემდეგ მენშევიზმის გავლენის ქვეშ დღესაც (1902 - 23 წ.) იმყოფებიან.

თუ ბოლშევიკური ტრადიციის გავლენის ქვეშ თვით მენშევიკების ჩვენებური ლიდერიც, ნოე ჟორდანიაც კი იმყოფებოდა (1908—13 წლები მოიგონეთ შავი „რეაქციის“ დროის მისი პოზიცია, — „ბოლშევიზმისა და მენშევიზმის სინტეზას თეორია“) ახლა ჩვენდა სავალალოთ ჩვენი მუშათა კლასი ამ ერთ დროს მენშევიკების ჩვენში გამარჯვებას და მის მენშევიკურ ტრადიციას ემორჩილება

როგორ შეჰქმნეს მენშევიკებმა ეს საბედისწერო ტრადიცია ჩვენში?



ამის შექმნაში, ვფიქრობთ ჩვენ, უდიდესი და უმთავრესი როლი შეასრულა მენშევიკურმა ქართულმა პრესამ, რომელსაც ისინი მუშათა პროლეტარულ პრესას ეძახდნენ, ნამდვილად კი ის მხოლოდ ნაციონალისტურ დემოკრატიული იყო. ამას გვიტყვიან ჩვენ ანალიზი და განხილვა ყველა იმ ორგანოებისა, რომლებიც 1905 წლის დეკემბერში მენშევიკების მიერ დაარსებულ „სხივის“ გაგრძელება იყო და რომლებმაც მათ მიერვე 1917 წელს გაზეთ „ერთობის“ დაარსებით და ამ გაზეთის 1921 წლის თებერვალში სიკვდილით თავისი სიცოცხლის დღენი დაასრულეს.

როგორც ხედავთ 15 წელიწადზე მეტი იბატონა და იმეფა ჩვენში მენშევიკურმა პრესამ. ეს საკმაო დროა, დამეთანხმებით, იმისთვის, რომ პრესამ ეგრეთ წოდებული „საზოგადოებრივი აზრი“ შექმნას.

მართალია, ამ ხნის განმავლობაში იყო ისეთი მომენტები, როცა ბოლშევიკური პრესაც არსებობდა: ხან დამოუკიდებლათ, ხან მენშევიკებთან შეერთებული (საერთო ორგანოები), ხან აშკარა და ლეგალური, ხან არა-ლეგალური. და ამ სახით მასაც ერთგვარი გავლენა ჰქონდა ქართველ მკითხველებზე, მაგრამ ეს მხოლოდ წვეთი იყო იმ ლიტერატურულ ტბაში, რომელიც მენშევიკებმა დააყენეს ჩვენში.

და ამ ნაირად „მუშათა პრესისთვის“ ბრძოლაში მათ თითქო პირველობა დაიმსახურეს, და ამით ერთგვარი აღმოუფხვრელი ილიუზია და ტრადიცია შექმნეს. რუსეთში კი ამის სულ წინააღმდეგი მოხდა.

იქ ნამდვილი მუშათა პრესის ისტორია და ტრადიცია ბოლშევიკებმა შექმნეს; იქ ბოლშევიკებმა ჯერ ისევ 1905 წელში მუშათა დამოუკიდებელი პრესა დაარსეს და როცა მისი გაგრძელება „შავი რეაქციის“ გამო რუსეთში არ შეიძლებოდა, ევროპაში გადაიტანეს: ლეგალურ მდგომარეობიდან არა-ლეგალურზე გადავიდნენ და ეს მხოლოდ 1912 წლის 22 აპრილამდე. ამ წელს კი, როგორც ვიცით მუშების „გროშებით“ და მათი ახლო მონაწილეობით დღიური გაზეთი „პრაედა“ დაარსდა, რომელიც დღესაც, სახელმწიფოებრივი ძალა-უფლების დაპყრობის შემდეგაც, ღირსეულათ ემსახურება რუსეთის მუშათა კლასს, რუსეთის პროლეტარიატს.

რათ მოხდა ეს ასე, და არა სხვანაირათ: რატომ ჩვენში ბოლშევიკური პრესა ვერ გაძლიერდა, რატომ მან ჩვენში პრესის ისტორია და ტრადიცია ვერ შექმნა?

— არა მარტო იმიტომ, რომ იქ რუსეთში მრავალ მილიონიანი სამრეწველო პროლეტარიატი იყო, ხოლო ჩვენში კი არა, არა მარტო იმიტომ, რომ იქ შეგნებული, მომზადებული რევოლუციონური მუშები ათასობით ითვლებოდა, ხოლო ჩვენში კი ასობითაც არ იყო, არა

26
საქართველოს
რევოლუციური
კომუნისტი

მარტო იმიტომ, რომ იქ სოციალ-დემოკრატიის ბოლშევიკური ფრაქცია შეუდარებლათ ძლიერი იყო, ხოლო ჩვენში კი, მხოლოდ ათეული კაცისაგან შედგებოდა, არამედ იმიტომაც, რომ იქ, რუსეთში ყოველივე ბოლშევიკურს, განსაკუთრებით მწერლობას, ისეთი ხელი და კალამი ხელმძღვანელობდა, როგორსაც წერმოადგენდა ვლადიმერ ლენინი-ოლიას ძე, ხოლო ჩვენში კი ყოველივე მენშევიკურს, განსაკუთრებით მწერლობას სათავეში ედგა და მესვეურობდა ლენინის მოძულე, ჩვენებური „პლენანოვი“, ნოე ჟორდანიას. რომელიც თავისი კალმით, ერუდიციით და „დიპლომატიური ხრიკებით“ ჩვენს მწირ ნიადაგზე „დიდ ვინმეს“ წარმოადგენდა.

დიდი ოპპორტიუნისტული ძალა მოევიწიე საქართველოს ნოე ჟორდანიას სახით 1905 წლის დასაწყისის ბათუმში და ისიც „მარქსისტის“ „რევოლუციონერის“, საზღვარგარეთ „განსწავლულის“ სახით.

ტყვილა კი არ მიაქცია ლენინმა ყურადღება ცნობილ „ანს“, როპლის ნიღაბ ქვეშ ნოე ჟორდანიას იმალებოდა და რომლის წინააღმდეგ მან ისე სასტიკათ გაილაშქრა თავის ჟურნალ „მისლში“ „შავი რეაქციის“ ხანაში (დაბოლოვებით 908-10 წლებში). ის თავის დროზე მიხვდა, რომ ნოე ჟორდანიას საქართველოს შავს დღეებს უმზადებდა. მაგრამ რა უნდა ექნა: მას საქართველოში მასზე ხელი არ მიუწვდებოდა. „ადგილობრივ კურდღელს ადგილობრივი მწვეარი იჭერს ხოლმე“. საჭირო იყო ეს „მწვეარი“, რომელიც ადგილობრივ კურდღელს ე. ი. ნოე ჟორდანიას დაიჭერდა, ჩვენშივე აღმოჩენილიყო.

აი ამ გარემოებას რა თქმა უნდა დიდი მნიშვნელობა ჰქონდა, მაგრამ გადაძვრელი მნიშვნელობის მაინც ის მოვლენაა, რომ ბოლშევიკური მიმდინარეობა ჩვენში თავიდანვე თავისივე წიაღში ერთ დიდ სისუსტეს ატარებს საერთოდ, სახელდობრ იმას, რომ ჩაგრული ერის ქვეყანაში „ნიჰილისტურ და კოსმოპოლიტურ“ მიდრეკილებას იჩენს.

სწორედ ასეთი მიდრეკილება გამოიჩინეს ჩვენში, ჩვენი ბოლშევიზმის ყველა ლიდერებმა 1905—7 წლებიდანვე.

„კობა“ მავალითად, ბაქოში გადასახლდა და იქ „ბაკინსკი პროლეტარი“ დაარსა, ფილიპემ ეროვნულ საკითხში კოსმოპოლიტიზმი წამოაყენა წინ, ხოლო მიხამ საქართველოს ვიწრო ფარგლები სულ ვერ აიტანა და მის საზღვრებს იგი ათი-თორმეტი წლით სულ გაშორდა, ევროპაში გადასახლდა.

ამნაირათ მუშათა ქართული 34-ისის ასპარეზი ჩვენმა ბოლშევიკებმა მცირე ხნის ბრძოლის შემდეგ თავისივე ნებით (1905—6 წლ.) დატოვეს და მენშევიკებს ჩაუგდეს ხელში. მხოლოდ და მხოლოდ ამით აიხსნება ის მოვლენა, რომ 1906—7 წლამდე მუშათა ქართულ



მწერლობაში გაძლიერებული ბოლშევიზმი 1908 წლიდან 1917 წლის მაისამდე თითქმის აღარა სჩანს და ჩვენებური ბოლშევიკები მხოლოთ ზუსტად მწერლობით კმაყოფილდებიან.

ამნაირათ ისტორიული ფაქტი შემდეგს გვეუბნება: ვიდრე ბოლშევიზმი ჩვენში ქართულ, ე. ი. ადგილობრივ მუშათა ნიადაგზე იდგა, იგი ჩვენშიაც ძლიერი იყო, ხოლო როცა ნიჰილიზმისა და კოსმოპოლიტიზმის გზას გაჰყვა, მაშინ იგიც და მისი გამომხატველი პრესაც დასუსტდა და გაჰქრა. ამას გვასწავლის ჩვენ აღნიშნულ ხანის ჩვენი პრესის ისტორია.

როგორც ზემოთ ვთქვით, შემდეგი ხანა, „შავი რეაქციის“ ხანა მენშევიკური პრესის გაბატონებით ხასიათდება, მაგრამ რამდენადაც ეს საერთო მენშევიკური პრესა ჯერ კიდევ ბოლშევიკურ ელემენტებსაც შეიცავს, იმდენათ ის ნამდვილ მუშათა პრესათ ჩაითვლება, იმდენათ ის ღირსია ისტორიულათ შესწავლისა; აქედან საჭიროა მხოლოთ გამოვყოთ, გამოვაცალკეოთ ეს ბოლშევიკური ნაწილი, გავითვალოსწინოთ მისი მსვლელობა და ვითარება და ამნაირათ „წარსულსა და აწმყოს შორის გაწყვეტილი ძაფი გამოვნახკოთ,

(შემდეგი იქნება)

განყოფილება

= || =

მთბთანებები

პ. ბინცაძე

ჩემი მოგონებანი

1903 წ. 1920 წლამდე.

1906 წ. ტფილისი მუშაობა.

(გაგრძელება)

1906 წლის პირველ თვეებში განსაკუთრებით თებერვლის ბოლო რიცხვებში, მარტში და აპრილში ტფილისი სამხედრო ბანაკს წარმოადგენდა. რეაქცია საზარლათ მძვინვარებდა. ქუჩაში გავლა საშიში იყო. ყოველ ფეხის გადადგმაზე ჩხრეკა და დაპატიმრება. დაჭერილების გზაში ციხემდის ხოცვა. შეურაცხყოფას, დამცირებას, ადამიანის პიროვნების ფეხ-ქვეშ გათელვას სისტემატიური ხასიათი ჰქონდა. „მკვდრეთით ამდგარი“ ძველი მთავრობა შურს ძიობდა. ბატონობდა სამხედრო უწყება. არავითარ კანონიერებას და სამართალს ადგილი არ ჰქონდა. მთავრობის ასეთმა ყოფა-ქცევამ გამოიწვია ჩვენს ორგანიზაციაში ტერორისტული მიმდინარეობა. ჯერ თვით ორგანიზაცია—ტფილისის კომიტეტი—აწყობდა ამ დროს ტერორისტულ აქტებს მთავრობის უფრო გამოჩენილ პირებზე, გენერლებზე, ჯაშუშებზე. მახსოვს მეც დამავალეს ერთი ჯაშუშის მოკვლა, რომელიც მიხაილოვის პროსპექტზე „სხივის“ რედაქციას სდარაჯობდა. მიუხედავად იმისა, რომ მე ქალაქს არ ვიცნობდი და ტერორისტულ აქტზე არას დროს არ ვყოფილვარ, მაინც წავედი მარტოდ მარტო. დავინახე, რომ ჯაშუში ურცხვად დგას რედაქციის შესახვევთან და ყველა შემსვლელ გამომსვლელებს ათვალთვრებს და იმახსოვრებს. მივეპარე ზურგიდგან, დაუმიზნე უკან გულის აპირდაპირ, დავკარი და არ გავარდა. გამოვბრუნდი, გამცდარი პატრონა გამოვაგდე, ახალი მივეცი პირში და ხელმეორეთ ვესროლე, კიდევ არ გავარდა. კიდევ გამოვბრუნდი და ახალი პატრონა რომ მივეცი პირში და მივბრუნდი შევხედე, რომ იქვე გავლილ ორ „წესიერების დამცველს“ გოროდავოის გაჰყვა. თავი დავანებე და გამცდარ პატრონებს დაუწყე ძებნა, მინდოდა გამეგო რა იყო მიზეზი რევოლუციის მტყუნებისა. ამ დროს თავს წამომადგა გიგუცა პარკაძე, რომელსაც აუხსენი რაში იყო საქმე. დღე იყო, ხალხი ხედავდა ჩემს მოქმედებას, მაგრამ ისე სძულდათ რეაქციის დამცველები, რომ არავის ხმა არ ამოუღია.



თითონ ჩემმა სამსხვერპლომაც ვერა გაიგო, რადგან ბრატუნის მტყუნების დროს ხმას არ იძლევა და თან ქუჩის ხმაურობა — ტრამვაი-ეტლები, დროვები და სხვები სავსებით აყრუებდა ყველაფერს. ამავე დროს ამხ. არსენა ჯორჯიაშვილს მინდობილი ჰქონდა გენერალ გრიაზნოვის მოკვლა. აქტის სისრულეში მოყვანა ამხ. ჯორჯიაშვილს დაავგიანდა. დამიძახა კობამ (დღეს სტალინმა) და მითხრა: მოამზადე რამოდენიმე ყოჩაღი ბიჭები და ერთ კვირაში თუ ჯორჯიაშვილმა ვერ შეასრულა, შემდეგ შენ მოგანდობთო. მე ძალიან გამეხარდა. დავამზადე კიდევ ორი ამხანაგი და ველოდებით ერთი კვირას. ამხანაგმა ჯორჯიაშვილმა ჩინებულად შეასრულა თავის მინდობილობა და მე კი დამტოვა პირლია. გრიაზნოვის მოკვლამ კიდევ უფრო გააწიწმატა მთავრობა. რეპრესიები უფრო გაძლიერდა.

ამ დროს მენშევიკ-ბოლშევიკები ერთ ორგანიზაციაში მუშაობდნენ, მხოლოდ პარტიაში ნება დართული იყო კანათი ჩვენში ტაქტიკური განსხვავების შესახებ, ერთ და იმავე გაზეთებშიდაც იბეჭდებოდა სადისკუსიო წერილები. ემზადებოდნენ შემაერთებელი ყრილობისათვის. ამიერ კავკასიამ, ბაქოს გარდა, უმრავლესობა მენშევიკები მისცა.

ყრილობა გათავდა. დაბრუნდნენ დელეგატები. თუმცა შეერთება ფორმალურად მოხდა, მაგრამ არსებითად ეტყობოდა ჩვენი ერთ ორგანიზაციაში მუშაობა შეუძლებელი ხდებოდა. ჩვენ ბოლშევიკები პარტიაში დაჩაგრულ ნაწილს წარმოვადგენდით, რადგან მენშევიკები სკარბობდა და მათი ხაზი ტარდებოდა.

ჯერ კიდევ ერთად ვმუშაობდით, როდესაც მენშევიკების თაოსნობით შესდგა ეგრედ წოდებული ექსპროპრიატორების ჯგუფი. ჯერ ერთი ჯგუფი შესდგა, რომლის ხელმძღვანელად მე დამნიშნეს. ბოლშევიკებს, რასაკვირველია, სახელმწიფო ექსპროპრიაციის წინააღმდეგ არაფერი ექნებოდათ. ორგანიზაციას, რომელშიდაც მენშევიკები უმრავლესობას შეადგენდნენ, გამოყოფილი ყავდათ ჩვენი ჯგუფის სახელმძღვანელოდ მაშინ ამხ. ბანუსიანი. ამას უნდა მიეთითებია ჩვენთვის თუ სად რა სახელმწიფო ქონება გაგვეტაცებინა. შემაერთებელი ყრილობის გათავების შემდეგ, რომელზედაც ექსპროპრიაცია მენშევიკების წყალობით დაგმობილი იყო, მე შევეკითხე ამხ. ბანუსიანს: შეგვიძლია თუ არა აწი „ექსების“ გაკეთება, რას ამბობს ამის შესახებ ნოე ჟორდანიია... მან მიპასუხა სიტყვა სიტყვით შემდეგი: „თუმცა ყრილობამ ოფიციალურად უარყო, მაგრამ შინაურულად ადგილობრივ ორგანიზაციებს მიანდო, სადაც შესაძლებელი იქნება, შეიძლება „ექსები“-ს გაკეთებაო, ნოე ჟორდანიაც ამ აზრისაა და თანახმაა ჩვენი მუშაობის გაგრძელებისო“. ჩვენც შეუდევით საქმეების მოწყობას, მაგრამ ბანუსიანი ვერ გამოდგა კარგი ორგანიზატორი



და ვერას დროს ხეირიანი კავშირი ვერ მოგვცა. მაშინ მე ლადოსთან ვცხოვრობდი. ერთხანს კიდევ ჯიქირე ბანუსიანის ხელმძღვანელობას და ბოლოს, როდესაც არაფერი გამოვიდა, მივანებე თავი და გადავწყვიტე ცალკე წმინდა ბოლშევიკური ჯგუფი შემედგინა. თუ რამეს გავაკეთებ უმჯობესია ფრაქციის სასარგებლოდ წავიდეს მთლიანად, ვიდრე იმ ორგანიზაციის, რომელშიდაც მენშევიკები უმრავლესობას შეადგენდა. ჩვენი მოწინავე ამხანაგები ამ აზრს დაეთანხმა, განაკუთრებით კობა (სტალინი), მაგრამ თუ რამეს მოწყობა გვინდოდა— ამისათვისაც ფული იყო საჭირო, რაც ჩვენ ფრაქციას არ გააჩნდა.

მივიღეთ ცნობა, რომ ქალაქის ლომბარდში რამოდენიმე ათასი მანეთი არისო. რამოდენიმეჯერ სცადეს მენშევიკებმა მისი გატაცება მაგრამ ვერ მოახერხესო. ჩვენ გადავწყვიტეთ ჩაგვედინა გიჟური საქმე. წავედით სამი ამხანაგი... მე, ე. ლომინაძე და ვანო კალანდაძე. დღის ათი საათი იქნებოდა. შევედით ლომბარდში და დაუწყეთ ცდა მისაღებ ოთახში. აქ უნდა გაეტარებიათ ყუთით ფული. სამივე რევოლვერებით ვართ შეიარაღებული. თერთმეტის ნახევარზე შემოიტანეს ყუთი, ჩვენ ვეცით და წავართვით ყუთი, მაგრამ ერთმა მათგანმა გამოსავალი კარები ჩაგვიკეტა. ის იყო ამხანაგ ვანოს უნდა მოეკლა ის, რომელიც კარებს ებლაუჭებოდა, მაგრამ არ დავანებეთ. ვუთხარით* ფანჯრებიდან გადავხტეთ და წავილოთთქვა. იმათაც ამჯობინეს ეს აზრი. გავამტვრიეთ ველიამინოვის ქუჩის მხრით მინის კედლები და სამივენი სროლით გადავხტით ქუჩაში, ერევნის მოედნიდან „წესიერების დამცველებმა“ საშინელი სროლა აგვიტეხეს. მაგრამ ჩვენ ვისარგებლეთ ატეხილი ხმაურობით და ქუჩაში ხალხის არე-დარევით და უგზო-უკვლოთ მივიმალეთ, თან ყუთი რასაკვირველია, ყუთი ხელიდან არ გაგვიშვია. წავიღეთ, მაგრამ მოტყუებული დავრჩით: რამოდენიმე ათასის მაგივრად აღმოჩნდა 2¹/₂ ათასი. ამ ფულების ნაწილი გადავეცით ფრაქციას. ის იყო პირველად გამოვიდა ჩვენი ფრაქციული გაზეთის „ბრძოლის“ პირველი ნომერი. ნაწილი ფულის ფონდათ გადავდევით კიდევ უფრო სერიოზული „ექსის“ მოსახდენათ. ეს აქტი, თუ არ ვცდები, 1906 წლის მაისში მოხდა. ზაფხულის განმავლობაში ვაწყობდით კიდევ სხვა საქმეებს. მაგრამ ტფილისში არაფერი გამოდგა.

მენშევიკებმა სამჯერ სცადეს „ექსების“ გაკეთება, მაგრამ ვერ მოახერხეს: ყარსის გზაზე საფოსტო მატარებელს დაესხენ, სადაც მოკლულ იქნა კარპეზ ჯიბლაძე—გამოჩენილი მკოშა მენშევიკი, მაგრამ ფული ვერ გაიტაცეს. თელავის გზატკეცილზე მოახდინეს კიდევ თავდასხმა, სადაც 6 ათასი წაიღეს, მხოლოდ მენშევიკების ორგანიზაციას ძლიერ ცოტა ხვდა, რადგან მეტი ნაწილი თვით მომქმედმა პირებმა დაინაწილეს.



ჩვენ ჯერ ვსდუმვართ და ვემზადებით „ექსებისათვის“. გავადიდეთ, სადაც შევიყვანეთ რამოდენიმე ჭიათურელი ყოფილი წითელ-რაზმელები.

რომ პირტიულ ამხანაგებს სწორი შეხედულება ჰქონდეს ჩვენს მაშინდელ მოქმედებაზე, საჭიროა გავაშუქოთ პარტიის შეხედულება ექსპროპრიაციაზე. იმ დროს ორი მიმართულება არსებობდა პარტიაში ამ კითხვების შესახებ: მენშევიკები გამოდნენ ექსებს (თუმცა ტფილისში კი აკეთებდნენ) იმ მოსაზრებით, რომ ექსები პარტიულ ამხანაგებს რყვნისო, ეჩვევა მუქთა ხორობას, პირდაპირი პარტიული მუშაობიდან ხრის ცარცვა-გლეჯისაკენ, ფსიხოლოგია უფუჭდება და ბოლო ხენებში „ექსებსაც“ პარტიული ელფერი ეკარგებაო.

ბოლშევიკები სულ წინაღობები აზრისანი იყვნენ: სახელმწიფო „ექსები“ და ხანდახან ტერორისტული აქტებიც პარტიზანულ ომის ნაწილია, რომელსაც ერთგვარი დეზორგანიზაცია შეაქვს მთავრობის მეხანიზმში. ცხოვრებაში მაინც სდგება ექსპროპრიატორთა ჯგუფები ჩვენივე ამხანაგებისაგან. ხდება „ექსები“ ბევრი ჩვენი ამხანაგი, რომლებიც იძულებული არიან რეაქციის შემდეგ იმალონ, რადგან მათ მთავრობა მგლებივით სდგენის, ტყეს თავს აფარებენ და უკიდურეს მდგომარეობაში ვარდებიან. ისინი პარტიის დაუკითხავათ, ორგანიზაციის უნებართვით ახდენენ „ექსებს“, ამისათვის საქმეს იჭერენ ხშირად ცუდ ადამიანებთან, რომლებიც მათ რყვნიან, მათ არა აქვთ შესაფერი კავშირი მთავრობის დაწესებულებებთან, არა ყავთ კარგი ხელმძღვანელები, ამიტომ პარტიული ძალები იქსაქსება, ცუდ გზას ადგება, პარტიას აკლდება მებრძოლი ელემენტები და ამით ის დიდათ ზარალობს. ამიტომ საჭიროა თვით პარტიამ აიღოს ეს საქმე ხელში, უხელმძღვანელოს გაასპეტაკოს თვით მათი რევოლიუციონური აქტები, იდეური საფუძველი დაუდვას „ექსებს“, ამით ჩვენ შევძლებთ მებრძოლი ამხანაგების შენახვას, რომლებიც რევოლიუციის მეორე აფეთქების დროს დაუფასებელ სამსახურს გავვიწვევ; დღეს დღეობით კი რეაქციის ხანაში პარტიას მატერიალურ სარგებლობას გაუწვევენ, მთავრობის დეზორგანიზაციას მოახდენენ, მით უმეტეს, რომ ჯერ რევოლიუცია დამთავრებული არაა და პარტიზანული გამოსვლები აუცილებელიაო. ასეთი შინაარსის წერილები იბეჭდებოდა იმ დროს როგორც მახსოვს არა-ლევალურ ჟურნალ „პროლეტარში“. ეს აზრი იმ დროს ზედმიწევნით სწორი იყო. ავიღოთ საქართველო, სადაც ყველა კუთხეებში შესდგა პატარ-პატარა პარტიზანული ჯგუფები, რომლებიც მიტოვებული იყო პარტიისაგან ღვთის-ანაბარათ, ბევრი ჯგუფები გაირყვნა, უბრალო ყაჩაღებათ გადაიქცა, ცარცვა-გლეჯვას მოჰკიდეს ხელი. საინტერესოა ეს, რომ ბოლშევიკური ფრაქციიდან ცუდ გზას თითქმის არაფერ დას-



დგომია, თუ თითო-ორი პირებს არ ავიღებთ. ეს მიტომ, რომ ჩვენი ფრაქცია თავიდანვე სათავეში ჩაუდგა ასეთ ამხანაგებს და ცუდ გზას ააცილა, მისცა ერთგვარი იდეური საფუძველი მათ მოქმედებას. თან ფრაქციაც მატერიალურად გამაგრდა წელში. მთავრობის დეზორგანიზაციასაც ასე თუ ისე ადგილი ჰქონდა ჩვენი ჯგუფის გამოსვლების გამო. პირიქით, მენშევიკების საუკეთესო მებრძოლი ძალები დაიქსაქსა, ცარცვა-გლეჯის გზას დაადგა და ბევრი საუკეთესო მებრძოლები დაილუპნენ სრულიად უსარგებლოდ პარტიისათვისაც და თავისთვისაც. მაგ. ხარაგაულის ახლოს საფოსტო მატარებელზე თავდასხმის დროს დაილუპნენ მენშევიკები: ცინცაძე, ხოფერია, არაბიძე და სხვები. ამ „ექსში“ თითქო მენშევიკებსაც ჰქონდა წილი, მაგრამ არჩილ მთვარელიძემ (გამოჩენილი მენშევიკი იყო) ორგანიზაციას არაფერი მისცა და თვით გაიქცა საზღვარ-გარეთ. მხოლოდ ლასა მგელაძეს კი ხვდა წილი (კერძოთ მან აიღო თუ ორგანიზაციისათვის. მაშინ ჩვენთვის გამოურკვეველი იყო).

ბათუმში გაიტაცეს ექიმი ტრანდოფოლიდისი, სადაც დაილუპა გამოჩენილი მენშევიკი პროკოფი დოლიძე, ჭიჭინაძე და სხვები. ტფილისში მენშევიკებისაგან შესდგა სხვა და სხვა ჯგუფები, რომლებიც თავის თავს რევოლიუციონურ სოც.-დემოკრატიას უწოდებდნენ. მენშევიკებსაც არ სტოვებდნენ, არც ბოლშევიკებთან მოდიოდნენ. ბოლშევიკებმა კი ამხანაგები, რომლებიც იძულებული იყვნენ დამალულიყვნენ და იარაღით თავი დაეცვათ მთავრობასთან შეტაკების დროს, ცუდ გზას ააცილდნენ, რადგან მათ მეთაურებათ მისცეს ყოველი მხრით სანდო და სპეტაკი ამხანაგები და ამნაირად არც ერთ მათგანს პარტიასთან კავშირი არ გაუწყვეტია და ასრულებდნენ პარტიულ დავალებებს ფრაქციის სამხედრო დარგში. ასე რომ, ეს ჯგუფი ფრაქციული სამხედრო ორგანიზაცია „დრუჟინა“ იყო, რომელიც სახელმწიფო ქონებასთან ერთად იარაღსაც იძენდა, ტერორისტულ აქტებსაც ახდენდა, იაჩიკების მუშაობასაც ეწეოდა, ერთი სიტყვით პარტიული მუშაობის ვითარებაში იდგა.

სწორედ ეს ჯგუფია ის სახელ-განთქმული ჯგუფი, რომელმაც ერევნის მოედანზე 250 ათასი მანეთიანი „ექსი“ მოახდინა და რომელსაც ჩემი დაჭერის შემდეგ ამხ. კამო ხელმძღვანელობდა.

გადვიდეთ დროებით ამ ჯგუფის მოქმედებაზე. ყველა მენშევიკური ჯგუფები გადაგვარდნენ, ნაძირალებათ გადაიქცენ თითქმის. საუკეთესო ელემენტები, რაც კი იყო მენშევიკებიდგან გამოყოფილი ამხანაგებისა—ჩვენ შევიერთეთ, შევიყვანეთ ჩვენს ჯგუფში, მაგ. დ. ჭიბაბეროვი, ილიკო ჭიჭიაშვილი, აკაკი დალაქიშვილი, არკადი ელბაჭიძე (აგორდია) თომა ჩუბინიძე და სხვები. ჩვენი, ბოლშევიკების ჯგუფი კი ბოლომდის შერჩა რევოლიუციას, მასში ადგილი არ ჰქო-



ნებია ხრწნას, დაცემას. კრისტალური სიწმინდე შეინარჩუნა ფრაქციული დისციპლინისათვის არც ერთხელ არ უღალატნია და მთელი თავისი არსებობით მას (ფრაქციას) ემსახურებოდა, მის დირექტივებს ასრულებდა. ასე წმინდათ ჩვენმა ჯგუფმა სწორედ მიტომ შეინახა თავი, რომ მას სათავეში ჩაუდგა ჩვენი ფრაქცია. მის ხელმძღვანელებათ საუკეთესო ამხანაგები გამოჰყო.

ჩვენც განვაგრძეთ მუშაობა. სანამ ჩვენი ჯგუფი მოლონიერდებოდა ერთხელ კიდევ დავიჭირეთ საქმე მენშევაკების ბორჯომის ორგანიზაციასთან. ან, უკეთ რომ ვსთქვათ, ბორჯომის მენშევიკების ორგანიზაციის წარმომადგენელმა დ. მიქელაძემ მიგვიწვია ჩვენ ახალციხის გზაზე ფოსტის წასაღებათ. პირობები ასეთი დავდევით: 2/3 ჩვენ უნდა წეგველო და ერთი იმათ.

მენშევიკებს „ექსისტობა“ ჩვენ სალანძღავ საგნათ მიაჩნდათ. ჩვენის სახელის გასატეხათ ისინი არავითარ საშუალებებს არ ზოგავდენ. ამ ნიადაგზე ჩვენ ყაჩაღებს გვიწოდებდნენ მაშინ, როდესაც მათი უძლიერესი ორგანიზაციები ჩვენთან ერთად სცდილობდნენ ექსპროპრიაციის გაკეთებას. ბ. მარტოვმა ერთი პროსტიტუციული წერილიც კი მოათავსა „სოციალისტურ უწყებაში“ ამ ნიადაგზე ჩვენს წინაღმდეგ ამხ. კამოს სიკვდილის გამო. უსირცხვილობა ამაზე შორს აღარ წავა. განა მარტოვი არ იცნობდა კამოს? მაგ. 1907 წელში ზამთარში ჩვენ უნდა ხელში ჩაგვეგდო ბათუმის ხაზინა. ამ მიზნით გავემგზავრეთ ბათუმში მე და ვანო კალანდაძე. გაიგეს თუ არა ჩვენი ჩასვლა მენშევიკების საუკეთესო წარმომადგენლებმა, იმათი პარტიის ბერკეტებმა—ალექსანდრე დგებუაძემ, გერასიმე კალაძემ, სილევანა ივანიძემ და სხვებმა, მოლაპარაკება გამართეს ჩვენთან ბათუმის ხაზინის შესახებ. გამოირკვა, რომ ისინიც ფიქრობდნენ, მაგრამ საამისო ორგანიზაცია არ ქონდათ. ჩვენ ვერ შევთანხმდით მხოლოდ პირობებში. ისინი მოითხოვდნენ ხაზინის ნახევარს—ჩვენ კი 1/4 ვაძლევდით. ჩვენი მხრით ასე ცოტა ნაწილის მიწოდება იმით აიხსნებოდა, რომ გვინდოდა თავიდგან მოგვეშორებინა. მათ ხელში მხოლოდ კავშირი იყო ხაზინაში, რომელსაც ცოტა მუშაობის შემდეგ ჩვენც გავიჩენდით. ბოლოს 1/3 დავვეთანხმენ, მაგრამ თვით საქმე აღარ გაკეთდა და დავშორდით ერთმანეთს. შემდეგ ამისა ჩვენ ბაქოში ვადავედით 1908 წელში. იქ გადავიყვანეთ მთელი ჩვენი ჯგუფი, აქაც მენშევიკებმა, ბათუმის ორგანიზაციამ, ერთი კაცი მოგვცა—ვარდენ თიკანაძე, რომელიც მონაწილეობას მიიღებდა ჩვენთან ერთად და ერთ წილს მენშევიკების სასარგებლოდ წაიღებდა. თუმცა ამ უკანასკნელ ექსის შესახებ და ვარდენის მონაწილეობაზე ისინი ჩვენ გველაპარაკებოდნენ, რომ მენშევიკების ცენტრმა არ იცის მათი მოქმედების შინაარსი, მხოლოდ ჩემთვის მაშინაც და



ეხლაც დაუჯერებელია, რომ ასეთი გამოჩენილი მენშევიკები, როგორც იყვნენ და არიან ეხლაც ალ. დგებუაძე, გერასიმე კალაძე, სილევანა ივანიძე და ვარდენა თიკანაძე (ორი უკანასკნელი დღეს ცოცხლები არიან) თავის ცენტრის დაუკითხავათ „ექსში“ მონაწილეობას მიიღებდნენ. აქედან ცხადია: თუ „ექსი“ ცუდი საქმე იყო, ჩვენ ორივენი ცუდ საქმეს ვაკეთებდით და რა საბუთით იყო, რომ მენშევიკები ამ ნიადაგზე ჩვენ წინააღმდეგ ილაშქრებდნენ. ჩვენს შორის მხოლოდ ერთი განსხვავება იყო. ჩვენ ასე თუ ისე „ექსებს“ არ უარეყოფდით, გვსურდა, საჭიროდ მიგვაჩნდა და კიდევ ვაკეთებდით. ამ მხრით ჩვენ რევოლიუციონური ნაბიჯის გადადგმა შეგვეძლო. მენშევიკებს კი სურდათ, პირში ნერწყვი უშრებოდათ, მაგრამ ვერ ახერხებდნენ გაკეთებას, ეშინოდათ ნაბიჯის გადადგმა, თუ აკეთებდნენ — ისიც უხეიროდ გამოუდიოდათ, უნაყოფოთ რჩებოდა მათი ღოჭმედება ამ ნიადაგზე. რა უყოთ, ასეთია ყველა უხერხემლო პოლიტიკური პარტიის ხვედრი. დეე მარტოვმაც იცოდეს, რომ ნოე ჟორდანიას და მის მიერ ქმნილი „დემოკრატიაც“ ექსისტობდნენ, მაგრამ უხეიროდ, უნიჭოდ და გაუბედავად, რადგან მათში არ არსებობდა რევოლიუციონური სული, რევოლიუციონური გამბედაობა. დეე იცოდეს ეს და მერმე დაიწყოს გინება ამხ. კამოსი და მისი ამხანაგების. ჩვენ არ უარეყოფთ, რომ სახაზინო ქონების ექსპროპრიაციის მომხრე ვიყავით და კიდევაც ჩავდიოდით ამას პარტიის სასარგებლოდ.

ამ პატარა ექსკურსიის შემდეგ დაუბრუნდეთ ჩვენს ჯგუფს. 1906 წელს გაზაფხულზე ვამზადდით ახალციხის გზაზე ფოსტის წაღება, მაგრამ ენკენისთვეში მე დამიჭირეს და ამით ხელი შეეშალა ამხანაგებს. დამიჭირეს გოლოვინის პროსპექტზე. არც შეიძლებოდა არ დავეჭირეთ. სახლის წინ, სადაც მეფის მოადგილე სცხოვრობდა, გაფიქრდი წითელ ხალათში, გრეხილით წელზე და „ჟოკით“ თავზე (ეს განუყრელი ფორმა იყო მაშინ რევოლიუციონერების). ალბათ ეგონათ სასახლის აფეთქება მინდოდა. იქავე საკომენდანტოდგან გამოვიდნენ და დამიჭირეს. გენერალ გუბერნატორთან მგონი ტიმოფეევთან მიმიყვანეს საკომენდანტოში. უპასპორტო ვიყავი. როცა წავედექი ტიმოფეევის წინაშე, შემეკითხა: როგორ ცხოვრობ, კოტეო. (ნუ კაკ ჟივიოტე კოტე) მე გავიკვირე. თქვენ ცდებით. მე სულ სხვა კაცი ვარ. ალბათ მიმამსგავსეთ ვისმეს-მეთქი. თმა შეღებილი მქონდა შავით. „მაშ ვინ ხართ თქვენ“ მეკითხება. სხვა გზა არ იყო: ჩემი სახელი და გვარი უნდა მეთქვა. მეც უპასუხე: „მე ალიპი ცინცაძე გახლავართ“. „ცინცაძე ხართ ხომ“ ისევ მეკითხება. „ხო, მაგრამ ალიპი და არა კოტე“. „კარგი გავიგებთ ამასაცო“ მითხა მან. იმ დამეს საკომენდანტოში დამარჩინეს. მეორე დღეს დილით მეორე უბნის ბოქაულს დავიდოვს გადამცეს. ცოტა იმედი მომეცა, რადგან

ვიცოდი, რომ დავიდოვი თავზე ხელაღებული მექთამე იყო. ველარ მოასწორეს მასთან მისვლა და მანაც მეორე დღეს პოლიცემისტერთან გამაგზავნა. „რა უყო, არავინ მოვიდა თქვენთვის, უნდა გაგაგზავნო“ გულდაწყვეტით მითხრა მან. პოლიცემისტერთან მგონი ამხანაგებს ვილაც მიეგზავნათ სათავდებოთ. ისიც დათანხმებულიყო, მაგრამ ქალღი დაგვიანდა და მეც გამაგზავნეს მეტეხში სამმართველოდგან. თუმცა შემომითვალეს, რომ ორი საათის შემდეგ გაგანთავისუფლებენო, მაგრამ ფაქტი იყო, რომ ციხეში მივდიოდით. შემთხვევით გამაყოლეს ორი „გოროდოვოი“. გზაში ვფიქრობ: თუ გასანთავისუფლებული ვარ, რაღა ორი კაცი გამაყოლეს. არა, ციხეში შესვლა ადვილია, გამოსვლა კი ძნელი. სჯობია გზაში გაექცე. გადავწყვიტე გაქცევა. ერევნის მოედანზე, სადაც „არმიანსკი“ ქუჩა იწყება, კუთხეში ერთმა ჩემმა მცველმა პაპიროსის საყიდლად მეორე მხარეზე გადავიდა. ერთი კი გვერდში მომყვება. ბევრი აღარ მიფიქრია, რაც ძალი და ღონე მქონდა გადაუდევრი ფეხი ამ „გოროდოვოის“ და ვაკოტრიალე მიწაზე. მოუსვი რაც შემეძლო სალდათის ბაზრისკენ. მარჯვნივ ნორდშტეინის ფოტოგრაფიის ქვეშ პასაჟი გადიოდა ისევ „არმიანსკის“ ქუჩაზე. გზები კარგათ ვიცოდი... ვაი შენს კოტეს. ალყაფის კარები, რომელიც ქუჩაზე გადიოდა დაკეტილი დამიხვდა. მოვინდომე ზევიდგან გადასვლა, მაგრამ მომისწრეს და ფეხებით ჩამომათრიეს ძირს. დახმარება გაუწიეს დაქერაში შემთხვევით მიმავალმა ჯარის კაცებმა. ცემა მომინდომეს, მაგრამ აღარ დავანებე, ზოგი მუქარით და ზოგი ძალით. ხელები უკან შემიკრეს და ისე მიმიყვანეს ციხეში. გზაში ვებეწე „გოროდოვოებს“ ნუ გაამხელთ გაქცევას-თქვა. შემპირდნენ, მაგრამ მომატყუეს. ორი თვე გამაჩერეს. ვერ დაამტკიცეს, რომ მეტ სახელს „კოტეს მეძახდნენ და ეტაპით ჩემს მაზრაში გამაგზავნეს. იქ გამიშვეს და ისევ ტფილისში ამოვედი. ნოემბრის შუა რიცხვები იყო, როდესაც ჭიათურის გზაზე საფოსტო მატარებელს დავესხით და 21 ათასი მანეთი წავიღეთ. ფრაქციამ 15 ათასი წაიღო, დანარჩენი ჯგუფს გადასცა ფონდათ კიდევ სხვა „ექსის“ მოსაწყობათ. ძლიერ თავხედურათ კი ვიქცეოდით. მატარებელს ღამით დავხვდით, 2 საათი სროლა გაგრძელდა. იქიდგან სოფელ სვერში გადავედით. იარაღი დავმაღეთ და ამხანაგები გაუშ-გამოუშვით. მე და ფ. კალანდაძემ ვ. ლომთათიძესთან ერთად იმ ღამესვე ჭიათურაში წავედით და თან ფული წავიღეთ სულ. მეორე დღეს საღამოს მატარებლით ტფილისში წამოვიღეთ ფული იმავე მატარებლით შორაპნამდის, რომლითაც ჩვენ მიერ მოკლული ერთი ჯარის კაცი და ერთი უანდარში წამოიღეს. ტფილისის მატარებელში საშინელი ჩხრეკა იყო, მაგრამ სწორედ ჩვენ არავის გაუჩხრეკივართ. თუ მახსოვრობა არ მღალატობს. გზაში ზ. ტრაპაიძეს შევხვდი და ტფილისში ერთად ჩამოვედით.

1907 წელს ქუთაისში გავემგზავრე ქუთაისის ხაზინის წასაღებად. თებერვლის შუა რიცხვები იყო. ჩემთან ამხ. ვ. კალანდაძე და ბაჭუა კუპრაშვილი წამოვიდნენ. თვით ხაზინაში არ მოხერხდა და გადავწყვიტეთ თავდასხმა მაშინ, როდესაც ხაზინიდან ფოსტაში წაიღებდნენ ხოლმე. წინასწარი მომზადება დავამთავრე და დეპეშა მივეცი ტფილისში, ამხანაგები გამოსულიყვნენ. ამხანაგების გამოსვლამდის მე კიდევ დატყვევებულ ვიქენი ქუჩაში. მქონდა ვილაც მებურიშვილის პასპორტი... როდესაც პოლიცემისტერმა ზუბოვმა პასპორტი გასინჯა, ჩაიცინა და რამდენჯერმე გაიმეორა გვარი მებურიშვილი: „ჰმ მებურიშვილი, ჰმ, მებურიშვილი“. თურმე ის ქუთათური ყოფილა და თან პოლიცემისტერის კარგი მეგობარი და ნაცნობი. წამიყვანა ჯერ სასტუმროში, კარგად ლაზათიანად მან თითონ გამჩხრიკა. მე თითონ არ მახსოვდა ჯიბეში აღმომჩინდა ელისო ლომინაძის ფრიად ცუდი შინაარსის წერილი, სადაც მატყობინებდა რამდენი ბომბები, რევოლვერი გამოიტანეს რუსეთიდან, რამდენი დინამიტი და სხვა. წერილი ისეთი შინაარსის იყო, რომ დახრჩობა ხელში მეჭირა. საბედნიეროდ პოლიცემისტერმა ქართული არ იცოდა და წერილები უფროსს გორდოვოს გადასცა და გამგზავნა საპოლიციო უბანში — ბახტაძესთან. აქ მაშინვე შემოგზავნეს პროტექტორები, მაგრამ არაფერმა უშველა. გადავწყვიტე ბახტაძესათვის აგიტაცია გამეწია და როგორმე წერილი დამეხვევინებია. როცა მარტო დავრჩი, ავდექი და უთხარი, რომ მე მებურიშვილი არა ვარ (ეს მის შემდეგ, როდესაც მან ჩემი პასპორტი ნამდვილად იცნო, გაკვირვებული შემომხედა და მითხრა, როგორ ამზადებ ასე კარგათ პასპორტებსო. მე კი უკვე ვიცოდი, რომ პოლიცემისტერმა იცის, რომ მე მებურიშვილი არა ვარ) მე ცინცაძე ვარ. მანდ ერთი წერილია და აუცილებლად დახიე მეთქი. წერილი წაიკითხა და შევატყე ფერი ეცვალა. ბოლოს მითხრა: „როგორ დავხიო თუ გამიგეს, ხომ მეც შენთან ერთად დამახრჩობენო, თან პოლიცემისტერმა შემომითვალა, რომ სამი წერილი არისო, როგორ ინახავთ ასეთ წერილებსო“. მე უთხარი: „სულ ერთია შენთვის, ჩემმა ამხანაგებმა უკვე იციან, რომ წერილები შენ გაქვს და მე გთხოვე შენ დახევა, მე გადავეცი აფიცერ გელოვანის პირით, რომელიც აქ საპროტექციოთ იყო ჩემთან, თუ ეს წერილი შენ შეინახე და მე დამახჩევს, ხომ იცი შენც და პოლიცემისტერს ცოცხალს არ გაგიშვებენ, იმ ბომბებს და რევოლვერებს, რომელიც მაგ წერილშია ნახსენები შენზე მოიხმარებენ-მეთქი. ამასთან ერთად ის სახიფათო შინაარსის წერილი ერთ გვერდზეა მოთავსებული, ისიც მესამე და მეოთხე გვერდზე. პირველ და მეორეზე მხოლოდ პარტიულ საქმეებზეა ლაპარაკი, ამიტომ მოხიე წერილის მეორე ნახევარი, პირველი დაანარჩუნე და წერილების რიცხვი მაინც სამი დარჩება-თქვა“.



ერთი მძიმეთ ამოიხენეშა, თავი, ვადაქნია და სთქვა: რა მე შევხვდი, რა ვქნა არ ვიცო. „ფიქრი აღარ შეიძლება, უნდა დახიო, თორემ საცაა მოვა პოლიცემისტერი“-მეთქი. კიდევ ამოიხენეშა და ნელა გასწია ხელი წერილისაკენ. ნელა გასწია, მაგრამ ჩქარა მოხია, არავინ დამინახოსო. მოხია და ჯიბეში ჩაიდვა. მე ეს არ მომეწონა. მე კიდევ მივეცი წინადადება დაეხია. ნუ გეშინიაო მითხრა. „არა, შიში იქით იყოს, მხოლოდ მაგ წერილი მე მომეცი და დავხეგ“-მეთქი. როგორც იყო მომცა და დავხეი ნაქუწ-ნაკუწად და კალათში ჩაყვარე. არ გასულა ხუთი წუთი, რომ შემოვიდა ზუბოვი (პოლიცემისტერი) მოათხოვა წერილები. ბოქაულმა წაუკითხა და გადაუთარგმნა. სხვათა შორის მწერდენ, რომ ქუთაისში სახელმწიფო ღუმელში ბუღუ მდივანი წამოაყენეთ როგორმეო. ეს რომ გაიგონა მკითხა: „თქვენ სოც.-დემოკ. ბოლშევიკი ბრძანებულხართო“—„პარტიული სოც.-დემოკრატი კი არა ვარ, მაგრამ კი თანაუგრძნობ“-თქვა. გვარი მკითხა და მეც ჩემი ნამდვილი გვარი და სახელი უთხარი. წაიყვანეთ ციხეშიო. ციხეში მარტო არ წაველი, რადგან ხშირი იყო იმ დროს გზაში მკვლელობა. მით უფრო არ ვაყვევი, რომ ჩემი წაყვანა მოითხოვა უფროსმა „გარადავოიმ“, ვილაც ინგუში იყო, რომელმაც იმ წინაკვირებში სამი კაცი მოკლა გზაში, ვითომდა გაქცევის ნიადაგზე. ჩემმა ჯიუტობამ გასჭრა და გამაყოლეს თვით ბოქაული ბახტაძე და ოფიცერი გელოვანი, ამნაირად სიკვდილს და დახრჩობას გადავრჩი. ციხეში ხუთი თვე დაყვავი.

სამი კვირის შემდეგ ჩემი დაქვრისა ჩამოვიდა ამხ. კამო საზღვარ-გარეთიდან და იმან მიიღო ჯგუფის ხელმძღვანელობა. ქუთაისში საქმე გააკეთეს და წაიღეს 15 ათასი მანეთი.

შემდეგ შეუდგნენ ტფილისში ერევნის მოედანზე 250.000 მან. წაღების მოწყობას. ეს საქმეც ჩემს ციხეში ყოფნის დროს მოასწორეს. ერევნის მოედანმა საშინელი ალიაქოთი გამოიწვია მთელ რუსეთში და საზღვარგარეთაც. ისეთი აურ-ზაური და დეზორგანიზაცია გამოიწვია თვით მთავრობაში, რომ არ იცოდნენ რა ექნათ. ტფილისის პოლიცემისტერმა ამ ნიადაგზე თავი მოიკლა. ხუმრობა საქმე ხომ არ იყო. დილის 11-12 საათზე შუა ქალაქში ერევნის მოედანზე 250.000 მანეთი წაიღეს ბომბების სროლითა და მაუზერების ლიწინით—25 კაცს მცველებს კაზაკებს და ჯარის კაცებს ხაზინა წაართვეს. საინტერესო ის იყო, რომ არც ერთი მონაწილეთაგანი არ დაუჭვრიათ. კვალსაც ვერ მიაგნეს. საზოგადოდ არც ერთ ჩვენ აქტებში მონაწილენი არას დროს მათ ვაკეთებულ საქმეებზე არ ჩავარდნილან. ციხეში ხედებოდნენ, მაგრამ არა როგორც „ექსისტი“-არამედ, როგორც პარტიის წევრი ან და როგორც არა კეთილ საიმედო მოქალაქე. მენშევიკებს კიდევ უფრო აუტირდათ გული, რა-



დგან მათ გაიგეს, რომ ეს საქმე ჩვენი ჯგუფის საქმე იყო. სხვა ვერაფერი და თითქმის პროვოკაციამდის კინალამ მივიდნენ. დაიწყეს გამოძიება პარტიული. ფორმალურად ორგანიზაცია კიდევ ერთი იყო. რუსეთის სოც.-დემ. ც. კ.—მდის მივიდა საქმე. აქ კი პლენალურ სხდომაზე ამნისტია გამოაცხადეს ყველა ჩადენილ ექსპროპრიაციების გამო. მხოლოდ თუ კი განაგრძობდნენ, მაშინ პარტიიდან გამორიცხვით ემუქრებოდნენ.

მე ვიატკის გუბერნიაში გადასახლება გამომიცხადეს. იენისში გამაგზავნეს. ქუთაისის ციხეში ისხდნენ მაშინ ამხანაგები თითქმის ყველა მაზრებიდან 1905 წლის რევოლუციონური გამოსვლების გამო. ისხდნენ მოხუცები, ახალგაზრდები და 16-17 წლის ბავშვებიც. ეს უკანასკნელები უფრო აფრასიონ მერკვილადის რაზმიდან იყვნენ. საინტერესო იყო ამ მხრით აფრასიონის რაზმი: შიგ ნახავდი 60 წლის მოხუცებულიდან 15 წლის ბავშვებამდის რაზმელებს, მაგრამ ყველას ერთი სულით და იდევით გამსქვალულთ და გატაცებულ გმირებს.

ეტაპის გამგზავრების დღეს ციხის ადმინისტრაციას გაუკეთეთ ერთი აგრედ წოდებული „ნომერი“. ერთ-ერთ გადასახლებულის მაგიერ წავიყვანეთ ეტაპში აფრასიონის პატარა რაზმელი ამბაკო სამინიშვილი. ის ვინც უნდა წამოსულიყო (გვარი დამავიწყდა) ნამდვილად ეტაპში, ავით გავხადეთ და საავადმყოფოში დავაწვინეთ. როცა გამოიძახეს მისი გვარი გავიდა ამბაკო სამინაშვილი. სურათებს ქუთაისში არ იღებდნენ მაშინ. ამბაკოს ადმინისტრაცია არ იცნობდა და მოსტყუვდა. ამხანაგებში ვიცოდით მე და მიშა ბიბინეიშვილმა მხოლოდ. მივედით ვიატკის გუბერნიაში, სელტის საზოგადოებაში სოფ მულტანში. იქ დავეყვით 10-თუ 14 დღე და სამივე გამოვიპარეთ. პასპორტები ამანათით მივიღეთ. ორი ძირი ქონდა კალათს გაკეთებული. მულტანში დავიჭირეთ „კალიასკა“ და სადგურ გოლიანაში (მდინარე ვიატკის ნაპირებზეა) მივედით. აქ ბინა მოგვცა ერთმა ესერმა ტყის მცველმა. ღამე იქაურ აბანოში გავათენეთ. დილით გემზე ბიბინეიშვილს გაჰყვა იმ ესერის და, და ამბაკო მას მოსამსახურეთ გავაყოლეთ, მე კი მარტო გამოველ, რადგან სახით ადგილობრივი მცხოვრებლებიდან ბევრად არ განვიჩივდი. მდინარე კამას გემზე გადმოვსხედით და ნიჟნი ნოვგოროდამდის მივედით. აქ ამხ. ბიბინეიშვილი დაგვშორდა და პეტერბურგს გაემგზავრა სასწავლებლად. მე და ამბაკო მდინარე ვოლგის გემით ასტრახანამდის ჩამოვედით, აქ კასპიის გემზე გადავჯექით და ბაქოში ჩამოვედით. ბაქოდგან ტფილისში ჩამოვედით. ტფილისიდან მე ქუთაისში გავეჩქარე, სადაც სისრულეში უნდა მომეყვანა ციხეში მჯდომ ამხანაგებზე დანაპირები: ციხიდან მათი გაქცევის საქმე უნდა მომეწყო. ამბაკო ტფილისში



ქართული
ნაციონალური
ბიბლიოთეკა

ჩავაბარე ამხანაგებს, სადაც მას-შეასწავლეს წერა-კითხვა; განსწავლეს სოც. დემოკ. ბოლშევიკური პროგრამა, რის შემდეგაც საუკეთესო მეტროპოლი ამხანაგი გახდა. გადარჩა სიკვდილით სასჯელის ამხ. ამბაკო.

საინტერესოა ვიატკის გუბერნიაში გადასახლებულთა ყოფაცხოვრება. ვიატკის გუბერნია ერთობ ჩამორჩენილი მხარეა. გლეხების უმრავლესობა ძლიერ დაბეჩავებული და მორწმუნეა. ერთად ერთი მიმზიდველი ის არის, რომ სადმე მიყრუებულ სოფელში შეხვდები ან ექიმს ან მასწავლებელს და ან გადასახლებულს, რომელთანაც შეგიძლიან ლაპარაკი, გულის გადაყოლება. ისე კი მოწყვეტილი ხარ მთელ ქვეყანას. რევოლიუციონური მოძრაობის თითქმის არაფერი არ ესმოდა ადგილობრივ მცხოვრებლებს. მხოლოდ ერთ სოფელში-მულტანში გლეხებს რამოდენიმე თვის წინად ჩვენს ჩასვლამდის „ისაროვნიკი“ ეფრინათ სოფლიდგან და ეს უმაღლეს რევოლიუციონურ აქტად იყო მიჩნეული. გადასახლებულებს, როგორც ურწმუნოებს, მაჰმადიანებს ისე უყურებდნენ. მახსოვს ჩვენ ვერაფრამდის ოთახი ვერ ვიშოვნეთ საცხოვრებლათ: სადაც მივდიოდით ყოველგვარ უარს გვეუბნებოდნენ. მიზეზი ვერ გავიგეთ. უკანასკნელათ ერთ გლეხთან მივედით. ვიცით, რომ ოთახი აქვს. უარი გვითხრა; არა მაქვს ოთახიო. შევეკითხეთ რა მიზეზით არ გვაძლევდა. ამის პასუხად შეგვეკითხა მართლმადიდებელი ქრისტიანები ხართ თუ არაო. ჩვენ უთხარით, თქვენზე ადრე მივიღეთ ქრისტიანობა თქვა. „მაშ რატ პიჯვარს არ იწერთ სახლში რომ შედიხართო“-გვიპასუხა. „ჩვენ არ ვაწუხებთ ღმერთს ბევრი ლოცვითა და პიჯვრის წერით-თქვა. მანაც გაიცინა და როგორც იყო ოთახი ვიშოვნეთ. მხოლოდ იქ არა, არამედ სხვაგან. საშინლად გავრცელებული იყო ლოთობა ადგილობრივ მცხოვრებლებში: „ღვთისგან ნაკურთხი მონაპოვლები“ ყველა სოფლებში არსებობდა. გადასახლებულთა რიცხვი ფრიად დიდი იყო მათი ცხოვრება აუტანელი, რადგან პარტია ღარიბი იყო და დახმარებას ამხანაგებს არავინ არ აძლევდა. მხოლოდ მთავრობიდგან იძლეოდნენ კაცზე ოთხ შაურს. პრივილეგიურ კლასებიდან ვინც იყო ის ოცდათორმეტ ნახევარ კაპიკს ღებულობდა. მხოლოდ ამ შემთხვევაში გამოგვადგა ჩვენ, კავკასიელების ერთ ნაწილს „თავდაუნაურობის“ იარლიკი. ვიღებდით ოცდათორმეტ ნახევარ კაპიკს. ცხოვრობდით კომუნათ, რაც ძლიერ ხელს უწყობდა მატერიალურად შევიწროებულ ამხანაგებს.

ხვრელი ქუთაისის ციხეში.

როდესაც ქუთაისის ციხიდან ეტაპით ვემგზავრებოდი, ციხეში დარჩენილ ამხანაგებს: თომა ჩუბინიძეს, სულიაშვილს, ქუმბურიძეს



და სხვებს, რომელთაც დიდი სასჯელი მოელოდათ, დავბირდი გადასახლებიდან დაბრუნებისას ხელი მომეკიდა მათ ციხიდან განთავისუფლებისათვის. დაპირებისამებრ დავბრუნდი თუ არა, ქუთაისს მივაშურე. იქ დამიხვდა მარო ბოქორიშვილი—ძველი ჩემი ამხანაგი, რომელიც, თუ არ ვცდები, მენშევიკ ზ. გურულს გამოეწვია იმავე მიზნისთვის, მაგრამ მთელი 1 თვის განმავლობაში ვერაფერი გაეწყოთ საქმის მოსაგვარებლად. ჩემი ჩამოსვლის შემდეგ ერთად შეუდექით საქმეს. რამოდენიმე დღეში მიზანს მივალწიეთ. გეგმა ასეთი იყო: ციხის გვერდზე მოქალაქე ფანცხავას სახლი იდგა. საჭირო იყო ამ სახლის დაქირავება და სახლიდან ხვრელის გაყვანა ციხის ქვეშ. სახლისა და ციხის გალავანს შუა ქუჩა გადადიოდა სამი თუ ოთხი საყენი სიგანით, 1 ნახევარი—2 საყენი შემდეგ ციხის გალავნიდან ციხის კედლებამდის იყო, სამი საყენი კი ქუჩამდის იმ ადგილიდან—სარდაფიდან, სადაც ხვრელის თხრა უნდა დაგვეწყო.. სულ გასათხრელი 9—10 საყენი იქნებოდა. გავიგეთ, რომ ფანცხავას იმ სახლიდან გადასვლა უნდოდა და სახლს აქირავებსო. მივგზავნეთ მარო ბოქორიშვილი ფიქტიური ქმრით—ერემია ლომთათიძით. ორივე ბოლშევიკებია. ამათ უნდა აეღოთ სახლი, როგორც ოფიციალურ პირთ—ვითომ ჩუღჭების საქსოგ სახელოსნოს გასაღებათ, სადაც მაროს, როგორც სპეციალისტკას. შეგირდებიც კი ეყოლებოდა, ფანცხავამ შეხედ-შემოხედა მაროს, რომელიც ფრიად დინჯია და გამოცდილი. დათანხმდა სახლის მიქირავებაზე. მარომ წაიღო თავისი ადაპის წლის საქსოვი მანქანა და თავის „ქმრით“ ერემიათი და ნათესავით ნატაშა კალანდაძით (ეგვეც ბოლშევიკია იყო) დასახლდა. ცოტა რამ სახლის მოსაწყობად იყო საჭირო: მაგიდა, სკამი ტახტი, ჭურჭელი და სხვა. ყველა ჩამოთვლილი საგნები კლუბში ჰქონდათ მენშევიკებს, კლუბი დახურული იყო. მივმართეთ მენშევიკებს მოეცათ ოთახებისათვის ცოტა რამ მოწყობილობა კლუბიდან. მენშევიკებმა აქაც ვერ უღალატებს „დემოკრატიზმს“ და მოინდომეს ამ საკითხის „იაჩიეკებში“ გარჩევა. ჩვენ უთხარით, ორგანიზაციაში ნუ დასვამთ ამ კითხვას, არ გვინდა არაფერი თქვა. როგორც მახსოვს არც არაფერი გამოგვირთმევია. შემდეგ მარო-ერემია ნატაშის დასახლებისა გადავიტანეთ შიგ სათხრელი მასალები და ორი ჭიათურის მადნების მუშა (გვარები აღარ მახსოვს) ღამით სახლში შეველით მე, ბაჭუა, მგონი ილიკო ებრალიძე. ჩვენი შესვლის მეორე დღითვე სარდაფი გავასუფთავეთ, რომ მიწის თხრა დაგვეწყო და შიგ მოგვეთავსებია. გარედან სარდაფი დავკეტეთ. ჭურჭუტანები დავაცვით, რომ შემთხვევით არავის შემოეხედა შიგ. სარდაფის ზემოთ ოთახიდან იატაკი გავსჭერით შიგ ჩასაძრომათ და ამოჭრილ ადგილას ტახტი დავდგით.



დავიწყეთ თხრა. ჯერ სიმაღლეზე უნდა გავვექრა 1—3 საყენი და შემდეგ განით ციხისკენ ხერელი გავვეტანა. პირველ 3—4 დღეს ზ. გურულიც დადიოდა, ვითომ ინიერობდა, ხელობით შტეიგერი იყო. მაგრამ შევატყვეთ, რომ ბევრს ლაზლანდარობდა და კონსპირაციის მომიზეზებით, როგორც ციხიდან ახალ გაქცეულს, წინადადება მივეცით ჩვენთან სიარული შეეწყვეტა და ტფილისს გამგზავრებულიყო. დაგვიჯერა და მოგვშორდა, წავიდა მგონი ტფილისში, ჩვენ განვაგრძეთ მუშაობა. ტეხნიკა ძალიან პრიმიტიული იყო. როცა 4—5 საყენი ხერელი გავსჭერით შიგ სულის მოთქმა აღარ შეიძლებოდა ჰაერის უქონლობის გამო. მიწას უბრალო „იაშიკით“ ვათრევდით. მიტომ მიწის უსწორ-მასწორობის გამო ხშირად ბრუნდებოდა „იაშიკი და ანაირად შრომა მოგვდიოდა. მერმე ჩვენ თვითონ ვეცადეთ ტეხნიკის გაუმჯობესებას: ქვეშ დავაწყეთ ფიცრები და იმაზე ვახოხილებდით „იაშიკს“; მხოლოდ ძალიან ხმაურობდა და ამიტომ იაშიკზე ტომრები დავაკარით ქვევიდან, როცა გაცვდებოდა ახალს ვაკრავდით. „იაშიკზე“ ორი თოკი ება ორივე მხარეებზე—ერთით სავსე მიწით გამოგვქონდა, მეორეთი ცარიელს მოათრევდნენ. ხერელში ჰაერი თითქმის გაჰქრა. სუნთქვა აღარ შეიძლებოდა. კართოფილის სანთლები უჰაერობით ჰქრებოდა. უსანთლოთ კი მუშაობა არ შეიძლებოდა. სულ გალურჯებული გამოვდიოდით 5—10 წუთის მუშაობის შემდეგ ხერელიდან, იმდენათ ცოტა იყო ჰაერი. აქაც ტეხნიკის „გაუმჯობესებას“ მივმართეთ. ვიყიდეთ (ფული ჩვენმა ჯგუფმა გადასდო ერევნის მოედნის შემდეგ)—მჭედლის საბერველი, დავდკით ხერელის თავზე, ხერელში გავიყვანეთ საბერველიდგან შლანგი და ჰაერს ვამუშავებდით ხერელში, ან როგორც იტყვიან „ვაკაჩავებდით“. ძალიან დახმარება გავგიწია. ისე აღარ ჰქრებოდა სანთლები, მაგრამ რამდენი შორს მივდიოდით, იმდენი სუსტდებოდა ჩვენი საბერველი და სანთელს ველარ ეხმარებოდა. შევიძინეთ ველოსიპედის ფანარი-კარბიტით ასანთები, და იმით ვინათებდით სამუშოს. მხოლოდ ჩვენთვის კი აუტანელი დარჩა მუშაობა. რას ვიზამდით, მეტი ღონე არ იყო, უნდა გავვეგრძელებია. ჩვენც არ ვზოგავდით ძალასა და ღონეს. იმის გასაგებათ—პირდაპირ მიდიოდა ხერელი თუ არა გავაზავდით თოკს და უბრალო თვალის გახედვით ვიგებდით. როგორც იყო 7 საყენი გავიტანეთ. 9 დღე ვმუშაობდით. დავგრჩა რაღაც ორი საყენი. გვიხარია, რომ ორ დღეში დავამთავრებთ. ღამით არ ვმუშაობდით, რადგან ღამის სიჩუმეში ხმაურობა გადიოდა. ერთ ღამეს ჩვენი სახლის გვერდზე შეიქნა აურ-ზაური, ყვირილი და სროლა. ჩვენ ყურები დავცქვიტეთ. ამხანაგები უცბად შედრკენ და მოინდომეს სახლის დატოვება. არ ვიცოდით რა იყო. მხოლოდ რაღაი სროლა იყო-ვიფიქრეთ, სახლს



გაჩხრეკენ მსროლელის მოსაძებნად და შემთხვევით სხვა რამესაც აწყდებიან. მე არ დავთანხმდი... მაგრამ ყველანი წავიდენ, ოთხის მეტი. ორი ქალი დარჩა. თუ არაფერი იქნებოდა მეორე დღეს დილით ადრე მოვიდოდნენ. გამოირკვა, რომ მთვრალებს ჩხუბი მოსვლოდათ და ერთმანეთისათვის ესროლათ. სროლის გაგონებაზე ციხის ამხანაგებო კინალამ გაგიჟებულიყვნენ. ეგონათ ჩვენ ჩავარდით, მაგრამ მეორე დღეს ეზოში წითელი ჩულქი გავკიდეთ. ეს მშვიდობიანობის ნიშანი იყო.

მეორე დილით მოვიდნენ ამხანაგები სამუშაოთ, მაგრამ შუადღისას მეორე უფრო სერიოზული ინციდენტი მოხდა... სწორედ გაცხარებული მუშაობის დროს ეზოდან სარდაფის კარებთან ისმის ყვირილი: „გააღეთ სარდაფი, გააღეთ სარდაფიო“. ქალის ხმა ეუბნება (მარო) „გასაღები ქმარს აქვს წაღებული და უიმისოთ როგორ გავალოო“. ამ დროს ჩვენი ზარის ხმა მომესმა. ჩვენ ზარი გვქონდა ოთახიდან სარდაფში გაყვანილი. თუ რამე იქნებოდა და მუშაობის შეჩერება იყო საჭირო დაგვირეკავდნენ—მაშინვე შევაჩერეთ მუშაობა და მე ზემოთ ავძვერი. სწრაფად შემოვიდა მარო და მითხრა: სახლის პატრონიაო. მე ვუთხარი, ზევით ამოეყვანა და მისაღებ ოთახში, სადაც ორი სკამი და ერთი მაგიდა იდგა დაეჯდინა და მეც გამოვალთქვა. მარო გავიდა და შემოიპატიჟა. ისიც შემოვიდა. მე უცბათ კრახმალიანი საყელო გავიკეთე და „პიჯაკი“ გადავიცივი. დამავიწყდა, რომ შარვალი მიწისგან იყო სულ გასვრილი. წვერი გაუპარსავი და გამურული მტვრისაგან. ცხვირსახოცი კი მივის-მოვისვი სახეზე, მაგრამ რას გააწყობდა. წარმოსადგენია რა სუფთა სახნავი ვიქნებოდი. გასვრილი ხელებით კრახმალი (საყელო) გავიკეთე კიდევ და როგორი მტვრის დალი ემჩნეოდა-ესეც ადვილი წარმოსადგენია. გავედი. მარომ გააცნო ჩემი თავი: „ეს ჩემი ბიძაშვილია, ესეს არის ეხლა მოვიდა და ჯერ არც კი დაუბანიაო“. „არა უშავსო“—უპასუხა მან. მე დავჯექი და პირველ ყოვლისა ფეხები და მუხლები მაგიდის ქვეშ შევაწყე. რალაზედაც ლაპარაკი დაუწყე, მივდეგ-მოვდევი. ბოლოს ილია ქავჭავაძეზე გადავედი. სწორედ ახალ მოკლული იყო მაშინ და გამომადგა სალაპარაკოთ. ლაპარაკში ეტყობოდა, რომ ჩემი თემები იმას არ აწუხებდა და არც აინტერესებდა. თავის დარდი ჰქონდა. სახლის დაკარგვა უფრინავდა ჰაერში... ბოლოს უთხრა მაროს: „როგორც კი მოვიდეს თქვენი ქმარი, მაშინვე მინახულოს, სამსახურში ვიქნებიო“. „კარგი და პატიოსანი“—მიუგო მარომ. გამოგვემშვიდობა და წავიდა. მე ფანჯრიდან უცქერი. ცალი თვალი სარდაფისკენ ეჭირა, როცა მიდიოდა. შემდეგ ამოვატრინეთ ერემია—„ქმარი“ მაროსი და გაუშვით ფანცხავასთან—სახლის პატრონთან. ერთი საათის შემდეგ მოვიდა ერემია გულ-დაწყვეტილი.



ყურებ ჩამოყრილი და გვითხრა: „გაუგია როგორღაც მაგ შეჩვენებულ-სო“-ითხოვს სახლის დაცლას დღესვეო. მეტი ჯანი არ იყო, ჩაიცივი და ერემიასთან ერთად ვიკადრე მისვლა ფანცხავასთან. უთხარი: „ხომ იცი მე ტყუილად თქვენთან არ მოვიდოდი, საქმე სერიოზულია, მე პარტიის წევრი ვარ, სოციალ-დემოკრატი, თქვენ სახლში სტამბა გვაქვს თქვენ რალაი გაგიგიათ არც ჩვენთვისაა სასარგებლო იქ და ვტოვოთ, ამიტომ სამი დღის განმავლობაში ვიშოვით სხვა ბინას და გადავიტანთ. მანამდის კი არ დაგვლუპო, ღმერთი არ გაგიწყრეს არავის არაფერი უთხრა, თორემ ამას დიდი უბედურება მოყვება“-თქვა.

„დავიღუპე კაცი, რათა ვარ ცოცხალი, რა მომივიდა ეს, არა, ძმავო, ვიცი რაცა სტამბა გაქვთ, ვიცი, დავიღუპე, რათა ვარ ცოცხალი, აბა წაიკითხეთ აი ეს ანონიმური წერილი“ და გადმოძცა, მე გამოვართვი და წავიკითხე. შიგ ეწერა დაახლოვებით: „შენი კეთილის მსურველი ვარ და ამიტომ გწერ ამ წერილს. უშველე სახლს. შენი სახლიდგან „პოდკობი“ კეთდება ციხეზე. ეს ამბავი ბევრმა იცის, სახლიც დაგელუპება და შენც დაიღუპებიო“. გავეკირდი. მხოლოდ რალაც ექვი შემეპარა. წერილი ან მოწაფის ან ქალის დაწერილი უნდა ყოფილიყო. მხოლოდ ფაქტი იყო, რომ დამწერმა იცოდა რაში იყო საქმე და ფანცხავა დარწმუნებული იყო, რაც კეთდებოდა იქ. მე უფიციე, მაგრამ არაფერი გამოვიდა. ბოლოს უთხარი, რომ სალამომდის გეტყვით რას ვიზამთქვა. თავში გამიელვა ორნაირმა აზრმა: ან უნდა დავატყუოთ, ან და ვინმეს გავლენიანს დავაჩუმებინოთ. თუ მეორე არ მოეწყობოდა, უნდა მიგვეტყუილებინა სადმე და დაგვეტუსალდებინა. იქიდან გამოსული მე და ერემიამ ვიფიქრეთ თუ ვის ექნებოდა მასზე გავლენა. ერემიამ დაასახელა მენშევიკი სერგო ჯაფარიძე, მგონი მაშინ ქუთაისის ქალაქის თავი იყო, რომლის მოსამსახურეთ ითვლებოდა სახლის პატრონი ფანცხავა. ჩვენ გავექანეთ ჯაფარიძესთან. გულ-უბრყვილო ვიყავი: კიდევ მეგონა, რომ მენშევიკს შეეძლო რევოლიუციონური საქმისთვის დახმარება. სერგომ მიგვიღო და როცა უაზრეთ რაში იყო საქმე, ცივი უარით გამოგვისტუმრა. „მე ნუ გამრევთ მაგ საქმეშიო, არ შემიძლია მონაწილეობა მივიღო, ვინმეს სხვას მიმართეთო“ გვიპასუხა. ვის მივმართოთ, რომ ვკითხე ამაზედ უარით მიპასუხა. გულში შევაგინე და წამოვედი. თუ მეხსიერება არ მალატობს მივედი მენშევიკ-გრიშა ლორთქიფანიძესთან. მან წაგვიყვანა გიორგი ზდანოვიჩთან, იმ ზდანოვიჩთან, რომელიც ერთ დროს სახელგანთქმულ რევოლიუციონერად ითვლებოდა „ნაროდნიკებში“. მაშინ შავი ქვის გამგეობის თავმჯდომარე იყო. არ ვიცი გაიღვიძა თუ არა ზდანოვიჩში ძველმა რევოლიუციონერმა, თუ სხვა რამ მიზეზი იყო, მან მაშინვე დაუძახა სახლის პატრონის ძმას იაკობ ფანცხავას. ამის საშვალეობით გამოიწვია სახლის



პატრონი და გაბედულათ უთხრა: „უნდა დაჩუმდე, სხვა გზა არ არის, საქმე უნდა დაამთავრონო“. დავილუპე კაცი, სახლს წამართმევინ, მიწას წამართმევინო, დაიწყო ტირილი თანცხადამ. „რა ღირს შენი სახლი და ეზოო“ ჰკითხა ზდანოვიჩმა. „ორი თუ სამი ათასი მანეთიო“ მოუგო მან.

„აჰა ვექსილი სამი ათასისა ჩემგან, თუ რაიმე შენს სახლს მოუვა, მე გადამახდევინე მისი საფასურიო“ უთხრა ზდანოვიჩმა და ვექსილი იქავე დასწერა და მისცა. სახლის პატრონიც დათანხმდა და დაჩუმდა. ჩემს გულს ლოდი ჩამოეცალა. გავსწიე სახარობლად ხერელის ალაგას. მივედი და განვაგრძეთ მუშაობა. ორი დღის შემდეგ ამისა ჩვენი ხერელი თვით ციხის კედელ ქვეშ მივიყვანეთ, კედლის საძირკვლებიდან ჰაერი ამუშავდა და სული მოვითქვით. სანთლებიც აღარ ჰქრებოდა და კარბიტის თანარი გადავაგდეთ, საძაგელი სუნი ჰქონდა. ეხლა ზევით უნდა დაგვეწყო თხრა, მხოლოდ ისე კი, რომ პირველ კუთხის კამერაში ამოგვეყო თავი. იქ იჯდა ჩვენი ამხანაგები, რომლებმაც იცოდენ რაში იყო საქმე და განგებ იყვნენ მოხერხებით იქ გადაყვანილი. ერთის გვარი გრძელიშვილი იყო. მხოლოდ გვეშინოდა განზე არ დაგვეწყო თხრა და სხვა კამერაში არ ამოგვეყო თავი. ამიტომ შევატყობინეთ ციხეში რაშიც იყო საქმე და ვთხოვეთ კამერაში მჯდომ ამხანაგებს ზევიდგან კამერიდგან ეკატუნებიათ, რომ იმაზე მიგვეყოლებინა ჩვენი მუშაობა. ამათაც შეასრულეს, მაგრამ როგორც კი შეუდგენით ზევიდგან მიწის თხრას, ისეთი ხრიალით მოდიოდა ძირს მიწა, რომ სულ გუგუნე გაქონდა. შევეშინდით, რადგან იქავე ჩვენ ზემოთ დარაჯი ჯარისკაცი დადიოდა, რომელსაც თვალ-ყურის დევნებით შევამჩნიეთ, რომ რალაცას ყურს უგდებდა. შევიტყვეთ, რომ გუგუნე ესმოდათ და შევაჩერეთ მუშაობა, იმ დღეს სულ არ გვიმუშავნია, მხოლოდ ციხეში შევატყობინეთ რაშიც იყო საქმე და ვთხოვეთ ერთი საათით ხმაურობა და ბრახუნი აეტეხათ ციხეში, რომ მიწაში გუგუნე არ გაეგონა ჯარისკაცს. თუ როდის უნდა დაეწყოთ ხმაურობა ამას ეზოში ჩულქის გამოკიდებით ვაცნობებდით. ციხის თანჯრიდგან ჩნდა ეზო ჩვენი სახლისა. მეორე დღეს დილით გავკიდეთ ჩულქი. შეუდგენით მუშაობას და ერთ ნახევარ საათში დავამთავრეთ. დიდი სამუშაო არ იყო ზევიდგან მიწის და ისიც ფხვიერი მიწის ჩამოყრა. ამ დროს განმავლობაში ციხეში საშინელი ხმაურობა ასტყდა. ციხის ადმინისტრაციას ეგონა ტუსაღები ვაგიჟდაო, რადგან სულ უმიზეზოთ დაიწყეს ყვირილი და ბრახუნი. ციხეში ხმაურობდენ, მაგრამ იმათგან მხოლოდ 5 თუ 8 კაცმა იცოდა რაში იყო საქმე დანარჩენი ისე, „თანხმათ ტოლუმბაშისა“ ხმაურობდენ.

მუშაობა გავათავეთ. ჩულქი მოვხსენით, ხმაურობა შესწყდა, იმ



დღეს აღარ შეიძლებოდა გაქცეულიყვნენ, რადგან ტუსაღების სერი-
 ნობა უკვე გათავებული იყო და გამოსვლა კი სწორედ სერილობის
 დროს უნდა მომხდარიყო. ხერელი მზათ იყო. შევედი გომურის ქვეშ.
 სადაც დარჩენილი იყო გაუხვრეტავი მხოლოდ კამერის იატაკი, რო-
 მელიც ცემენტისაგან შესდგებოდა, მაგრამ ცემენტი რბილი იყო.
 გავხვრიტე კარანდაშის წვერით და პატარა ბარათი გავაძვრინე კა-
 მერაში, სადაც საქმის ვითარებას ვაცნობდი. თან ცოტა ხანს ველა-
 პარაკეთ კიდევ. კამერიდგან ზევიდგან ტუსალი ამხანაგები მელაპა-
 რაკებოდა. დაბლიდან ზევით მე. ეს შესამჩნევი სურათი იყო. გამოვედი
 და დავწერე ვრცელი წერილი ციხეში. ამ წერილში ვატყობინებდი
 გამოსვლის რიგს, რადგან ვავიგე, რომ ციხეში ზოგიერთებს ისეთებს.
 რომლებსაც არც უნდოდათ წინათ გამოსულიყვნენ და თან ნაკლები
 სასჯელი მოელოდათ, მოენდომებინათ პირველ რიგში გამოსვლა. ასეა
 მუდამ, მყვირალები და მშიშრები ყოველთვის მეტად ისარგებლებენ
 სხვის მიერ გაკეთებულ საქმით. მე ხერელის ორგანიზაციის სახელით
 კატეგორიულად მივსწერე და თან კატეგორიებათ დაყოფილი სია
 გადავეცი, ვინ პირველ რიგში, ვინ მეორეში და მესამეში გამოსულიყო,
 რადგან ყველას ვიცნობდი. ვინც არ შეასრულებს და აურევს რიგს,
 ვეფიცებოდი, რომ სახლიდგან არ გაუშვებდი, სანამ ის არ გამოვი-
 დოდა, ვინც რიგში იყო ჩაწერილი. ამან იმოქმედა, სწორედ გადა-
 ცემულ სიის თანახმად იწყეს დენა. თან ვატყობინებდი ვინ სად უნ-
 და წასულიყო, ვისთან მისულიყო, რა პაროლი ეთქვა და სხვადასხვა.
 მეორე დღეს საღამოს 4 საათზე უნდა დაეწყოთ გამოსვლა. ამ დროი-
 სთვის ჩვენ რამდენიც შეგვეძლო დავავროვეთ ტანისამოსები,
 სახლში, სადაც უნდა გამოსულიყვნენ, დავტოვეთ ორი ამხანაგი, რო-
 მელნიც ბორკილიანებს ბორკილის გატეხაში უნდა დახმარებოდნენ
 დარჩა მარო მანამდის, სანამ დიდ სასჯელიანები გამოვიდოდნენ.
 ხერელი გავაჩირაღდნეთ თავიდან ბოლომდის კართოფილის სანთლე-
 ბით, რომ სინათლე ბლომათ ყოფილიყო. მე აღარ გამაჩერეს ამხანა-
 გებმა. ორი თუ სამი საათის ადრე გამომაგდეს სახლიდგან, რომ მეც
 მივმალულიყავი, რადგანაც მეც გადასახლებიდან გამოქცეული ვიყა-
 ვი. მეც დაუჯერე და წავედი. მივედი ერთი ჩინოვნიკი ნათლია
 მყავდა და იქ გავათიე ღამე. მხოლოდ იმ დღეს საათი ხელში მეჭი-
 რა. წუთი წელიწადებათ მეჩვენებოდა. პირველ რიგში გამოსულებს
 უნდა გამოევიდოთ ეტლით თომას და ისმაილას. ხუთის 10 წუთზე
 უნდა გამოევიდოთ. ხუთის 15 წუთია. არავინ სჩანს. გულს დაგა-დუგი
 გააქვს, გონებით იქ არა ვარ, მხოლოდ გარეგნულ გულ-ცივობას
 ვინახავ.

მეგონა საქმე წახდა. ხუთის 20 წუთზე გამოჩნდა ეტლი. ქუჩაში
 გამოვედი. თომა და ისმაილა დავინახე. სიხარულმა და გრძნობებმა



მძლიეს. გავექანე იქითკენ ჩქარის ნაბიჯით, სადაც ნაკლებად დამინახავდა ვინმე. შეეჩერდი. ეტლს ველოდებოდი. მომიახლოვდნენ. თომა იცინოდა, გააჩერეს ეტლი, მეეტლე ჩვენი კაცი იყო. გადავკოცნე ორივენი და იქვე მივიმალე. ისინი კი წინაღვე დამზადებულ ბინაზე წავიდნენ. ორი საათი გაგრძელდა ჩვენი ამხანაგების გამოსვლა ციხითგან. ვინც სიაში იყვნენ ისინი რომ გამოვიდნენ, მერმე ფართე ციხის მასას გააგებინეს გაიგეს სისხლის სამართლის ტუსაღებმა და იმათაც იწყეს ღენა, მაგრამ ჩქარა გაუგეს. ჩვენი ამხანაგები ჰნ წავიდა. ჰნ კაცში ნ-ნ იმ ღამესვე დაიჭირეს მუხიანის საღვურზე რკინის გზაზე. იმათ არ დაიჯერეს, რომ ქალაქიდან გასვლა არ შეიძლებოდა და წინაღვე დამზადებულ ბინაზე არ წავიდნენ. ამიტომ ჰკუა წააგეს. დანარჩენები კი ყველა დაბინავდა და არც არავინ ჩავარდნილა, მხოლოდ ასეთ საქმეს მუდამ თან დასდევს პროვაკაცია.

აქაც იჩინა თავი პროვაკატორმა, რომელიც პროვოკატორად იქცა, როდესაც გაქცეული ამხანაგების ქუთაისიდან გამოსტუმრების ორგანიზაციას შეუღდექით. უნდა ითქვას, რომ ციხიდან გაქცევის ორგანიზაცია უფრო ადვილი გამოღვა გაქცეული ამხანაგების მოვლასთან შეღარებით. საჭირო იყო ბევრი ამხანაგებისთვის ბინების გამოცვლა, ფულის მიწოდება, ტანისამოსის, რკინის გზაზე გადაყვანა და ტფილისში მათი გამგზავრება, პირის სახის შეცვლა, პარიკები, ერთი სიტყვით საქმე უფრო ძნელი, ვიდრე მიწის თხრა და მათი იქიღგან გამოყვანა. თუ ამ მეორე მხარეს არ მიაქცევ ყურადღებას და გაქცეულებს დაიჭიერენ—ეს ორგანიზაციის თავის მოჭრაა, რევოლიუციონერი საქმის დაკნინება და პრესტიჟის დაცემა. ციხიღგან გაქცევის აქტმა ღიღი ენტუზიაში გამოიწვია არა მარტო მშრომელთა მასაში, არამედ უბრალო მოქალაქეებშიღაც. ყველას უხაროდა, მთელი ლეგენღები შექმნეს ამ ნიაღაღზე ასეთი აქტები მასისათვის, მისი რევოლიუციონერი სულის ასაწეღად ფრიაღ ღიღი მნიშვნელოღანია. მენშევიკები კი ასეთ რამეებს არც კი ეკარებოღნენ. არც ერთ მათგანს მთელი ამ აქტის ორგანიზაციის განმავლობაში თითი-თითზე არ შემოუკრავთ, არც ერთ ამხანაღისათვის ბინა არ უშოღიათ, ფულით დახმარება არ გაუწეღიათ, მიუხეღავათ იმისა, რომ უმრავლესობა გაქცეუღების მენშევიკები იყვნენ.

ჩვენთვის კი, მით უმეტეს იმათთვის, ვინც უშუალოდ მონაწილეობას ვიღებღით ამ აქტში, მოუხერხებელი იყო შუა გზაზე მიღვეტოღებინა საქმე. ისეღ ჩვენ ჯგუფს მიღმართე დახმარებისათვის, ჩვენ ფრადციას—ბოლშევიკებს—მუშაობისათვის. მიღმართავც არ დამჭიღდა, რადღან თითონ იყვნენ დაინტერესებული და ყოველღვარი დახმარება გაუწიეს გაქცეუღთ: სანღო ამხანაღებით, ფულით, მორაღურათ, ბინით და სხვა და სხვა.

წარმოიდგინეთ მთავრობის ჩინოვნიკებმა, ზოგიერთმა თავადებმა, ზოგმა კერძო ნაცნობობით, ზოგმა კიდევ როგორც ძლიერი გრძნობების მატებრებმა, უფრო მეტი დახმარება გაგვიწიეს, ვიდრე მენშევიკებმა. ერთი ამხანაგი, რომელსაც სიკვდილით დასჯა მოელოდა არმიიდან გაქცევისათვის და აჯანყებაში მონაწილეობისათვის, ტენგინის პოლკის ჯარის კაცი იყო ებრაელი, მგონი მოსე შნაიერი, ბადუა ჩიქოვანს ყავდა დამალული საგუბერნიო სამმართველოში სამი დღე, რომლის უფროსადაც იყო ის მაშინ. თავადმა კოწია ერისთავმა ჩაიცივა პოლკოვნიკის ფორმა და რიონამდის ვაგზალზე გამოაცილა თომა ჩუბინიძე და სხვები. აგრეთვე გვატყობინებდა ყოველგვარ მითქმა-მოთქმას ამ ნიადაგზე მთავრობიდან.

ისე გეგონებოდათ, რომ მენშევიკებს სწყინდა რომ ეს აქტი გაკეთდა, საკვირველიც არაა, რადგან ისინი ამას და ასეთ აქტებს პარტიის დეზორგანიზაციად თვლიდნენ.

ჩვენი ფრაქციის ადგილობრივი ამხანაგებიდგან, ქუთაისიდან ფრიად დიდ და ენერგიულ მუშაობას ეწეოდა ამხ. ბ. ბიბინეიშვილი. თამამად შეიძლება ითქვას, რომ ადგილობრივებიდგან მთელი სიმძიმე გაქცეულების მოვლისა მას დააწვა კისერზე. სხვათა შორის მეც მასთან მქონდა ბინა. ბინა იქნებოდა საჭირო, აბა, ბარონ, შენ იცი, პარიკმახერი—აბა, ბარონ, და ბარონიც წელში წყდებოდა, მაგრამ შოულობდა, აწყობდა. მის შემდეგ დიდ დახმარებას გვიწევდა ბაქუა კუპრაშვილი. ასე ამ ნაირად ჩვენ სამი, ბარონი, მე და ბაქუა შეუდექით გაქცეულების მოვლას, მათ ტფილისში გაგზავნას.

(გაგრძელება იქნება).

ა. ვ. ლენინის

ლ ე ნ ი ნ ი

(მისი ბიოგრაფიიდან).

მე არ შევეცდები აქ ლენინის ბიოგრაფიის აღდგენას, ვინაიდან საამისოთ სხვა წყაროებიც ბევრი მოიპოება. მე გადმოქცემთ მხოლოდ იმ ურთიერთ დამოკიდებულების შესახებ, რომელიც ჩვენ შორის უშუალოდ არსებობდა, და იმ დაკვირვებებზე, რომელსაც მე პირდაპირ ვაწარმოებდი.

პირველად ლენინის შესახებ მე გავიგონე აქსელროდიდან „ტულინის“ წიგნაკის გამოსვლის შემდეგ. ეს წიგნაკი მე წაკითხული არ მქონდა, როდესაც აქსელროდმა მითხრა: „ახლა შეიძლება ითქვას, რომ რუსეთში არის ნამდვილი სოციალ-დემოკრატიული მოძრაობა და გამოდიან სამოქმედოთ ნამდვილი სოციალ-დემოკრატიული მოაზრენიო“—როგორ? ვკითხე მე,—მაშ სტრუვე, ტუგან-ბარანოვსკი?—აქსელროდმა გაიღიმა (საქმე იმაშია, რომ წინათ ის დიდი აზრის იყო სტრუვეზე) და მითხრა: „კი, მაგრამ სტრუვე და ტუგან-ბარანოვსკი—ყველა ესენი რუსული უნივერსიტეტის მეცნიერების ფურცლებია, ფაქტებია რუსეთის სწავლულ ინტელიგენციის ევოლიუციის ისტორიიდან, ტულინი კი ნაყოფია რუსეთის მუშათა მოძრაობისა, ეს უკვე ფურცელია რუსეთის რევოლიუციის ისტორიიდან.“

თავის თავად იგულისხმება, რომ ტულინის წიგნი წაკითხულ იქნა საზღვარ გარეთ, სადაც იმ ჟამათ მე ვცხოვრობდი (ციურხში), დიდი ინტერესით და გაუკეთე მას მრავალგვარი კომენტარიები.

ამის შემდეგ ჩემამდე აღწევდა მხოლოდ უბრალო ხმები ლენინის გადასახლებისა და მისი ცხოვრების შესახებ კრასნოიარსკში მარტოვთან და პოტრესოვთან ერთად.

ლენინი, მარტოვი და პოტრესოვი თითქო სრულიად განუყრელი და პირადი მეგობრები იყვნენ, ერთნაირად მოაზროვნენ, წმინდა რუსი ბელადნი ნორჩ მუშური მოძრაობისა. საკვირველია, როგორი სხვა და სხვა გზით წავიდა ეს „სამი მეგობარი“.

შემდეგ ჩვენამდე მოაღწია წიგნმა „კაპიტალიზმის განვითარების შესახებ რუსეთში“. თუმცა პირადათ მე ნაკლებ ყურადღებას ვაქცევდი წმინდა ეკონომიური ხასიათის საკითხებს, და თვით საკითხი



კაპიტალიზმის არსებობისა და განვითარების შესახებ რუსეთში იმ დროს უმისოდაც უდავოთ მიმაჩნდა, მაგრამ ძლიერ გამაკვირვა ამ წიგნში მოთავსებულ აუარებელ სტატისტიკური ცნობების სიმტკიცემ და მისი არგუმენტაციის სიძლიერემ. მე მეგონა მაშინ (და ეს ასედაც იყო), რომ ამ წიგნმა საბოლოოდ ჩასცა მახვილი „ნაროდნიკულ“ (კრუმორწმუნეობას).

მე გადასახლებული ვიყავი, როდესაც ჩვენამდი იწყო მოსვლა ცნობებმა მეორე ყრილობის შესახებ. ამ ხანებში უკვე გამოდიოდა და მტკიცე ნიდაგი მოიპოვა გაზ. „ისკრა“-მ. მე პირადათ უყოყმონოთ გამოვაცხადე ჩემი თავი ისკრის მიმდევრათ. მაგრამ თვით „ისკრას“ კი ცუდათ ვიცნობდი: ნომრები თუმცა უწესოდ, მაგრამ მაინც მოგვდიოდა.

ყოველ შემთხვევაში, ჩვენ გვქონდა ისეთი წარმოდგენა, რომ განუყოფელ სამებას: ლენინი, მარტოვი და პოტრესოვი, თითქო ფარულად შეუკავშირდა საზღვარ-გარეთელი სამება: პლექხანოვი, აქსელროდი და ზასულჩი.

ამიტომ ცნობა მეორე ყრილობაზე მომხდარ განხეთქილების შესახებ ტყვიასავით მოგვხვდა. ჩვენ ვიცოდით, რომ მეორე ყრილობაზე აღდგილი ექნებოდათ „მუშათა საქმესთან“ ბრძოლის უკანასკნელ აქტებს, მაგრამ თუ განხეთქილება იმ მიმართულებას მიიღებდა, რომ მარტოვი და ლენინი სხვა და სხვა ბანაკში ამოყოფდნენ თავს, ხოლო პლექხანოვი კი ორათ „გაიყოფოდა“, ამას ჩვენ სრულებით ვერ წარმოვიდგენდით.

წესდების პირველი მუხლი?—ნუ თუ ღირს ამის გამო გათიშვა. სავარძლების განაწილება რედაქციაში?—რა დაემართათ, ჭკუაზე ხომ არ შეიშალენ საზღვარ გარეთ.

ჩვენ უფრო ალელვებული ვიყავით ამ გათიშვით და ვცდილობდით, იმ ღარიბი ცნობების მიხედვით, რომელნიც ჩვენამდე ახწევდნენ, გამოგვერკვია რაში იყო საქმე? ბევრი ისეთი ცნობებიც მოდიოდა, რომ ვითომ ლენინი იყო უთანხმოებისა და განხეთქილების გამომწვევი, მან მოინდომა თვითმპყრობელობის შემოღება პარტიაში, ვითომდა მარტოვმა და აქსელროდმა არ ინდომეს, ასე ვსთქვათ, აღეარებიათ ის მთელი პარტიის ხანათ.

მაგრამ ამას გაცილებით უფრო ეწინააღმდეგებოდა პლექხანოვის პოზიცია, რომელიც როგორ ვიცით, პირველად ძალიან ეთანხმებოდა ლენინისას.

მართალია, პლექხანოვი მალე გადინხარა მენშევიკებისაკენ, მაგრამ ეს გარემოება ისე მიაჩნდათ ყველა გადასახლებულთ (და არა მარტო ვოლოგოდსკის, როგორც ვფიქრობ), რომელიც ცუდის მხრით ახასიათებდა გიორგი ვალენტინის ძეს.



ასეთი ჩქარ-ჩქარი გამოცვლა პოზიციისა ჩვენ, მარქსისტებს, სამარცხვინოთ მიგვაჩნია.

ერთი სიტყვით, ჩვენ ერთგვარ სიბნელეში ვიყავით. უნდა ვთქვა, რომ არც იმ რუს ამხანაგებს, რომელთაც მხარი დაუჭირეს ლენინს, ქონდათ სავსებით ნათლად წარმოდგენილი საქმის ვითარება. თუ ვილაპარაკებთ ცალკე პიროვნებებზე, უეჭველია, ყველაზე მეტად დაუჭირა მხარი ლენინს ა. ა. ბოგდანოვმა.

ამ მხრივ ბოგდანოვის მიმხრობას ლენინისადმი, შეიძლება ითქვას, რომ გადამწყვეტი მნიშვნელობა ქონდა. რომ ბოგდანოვი არ მიმხრობოდა ლენინს, უეჭველია, საქმე უფრო ნელი ნაბიჯით წავიდოდა წინ.

მაგრამ რატომ მიემხრო ბოგდანოვი ლენინს? ყრილობაზე გაჩაღებული ბრძოლა მან გაიგო, ერთი მხრით, როგორც ბრძოლა დისციპლინის გამო—ვინაიდან ლენინის ფორმულას ხმა მისცა უმეტესობამ (თუმცა ერთი ხმით), უმცირესობა მას უნდა დამორჩილებოდა და მეორე მხრით კი, როგორც ბრძოლა პარტიის რუსული ნაწილისა საზღვარგარეთელების წინააღმდეგ. აკი ლენინის გარშემო არ იყო არც ერთი დიდი სახელის მქონე პიროვნება, მაგრამ, სამაგიეროთ, თითქმის ყველა რუსეთიდან ჩამოსული დელეგატები. იქ კი, პლენარის გადასვლის შემდეგ, თავი მოიყარეს ყველა საზღვარგარეთელმა პატარა ღმერთებმა.

ბოგდანოვმა (არა სავსებით ნათლად) სურათი ასე წარმოიდგინა: საზღვარგარეთელ პარტიულ არისტოკრატისა არ სურს შეიგნოს, რომ ახლა ჩვენ ნამდვილი პარტია გვაქვს და რომ, უპირველესად ყოვლისა, ანგარიში უნდა გაეწიოს რუს პრაქტიკულ მუშაკთა კოლექტიურ ნება-სურვილს.

უეჭველია, რომ ამ ხაზმა, რომელიც, სხვათა შორის, გამოიხატა ლოზუნგში:—ერთი ცენტრი და ისიც რუსეთში—მოხიბლა მრავალი რუსული კომიტეტები, რომელთა ქსელი იმ დროს სქლათ იყო გაბმული რუსეთში.

მალე უკვე ცხადი გახდა თუ რომელ წრეში გაიმარჯვებდა ესა თუ ის ხაზი. მენშევიკებს მიემხრო სატახტო ქალაქების მარქსისტული ინტელიგენციის უმრავლესობა,—მათ უეჭველი გამარჯვება ქონდათ უფრო მეტად კვალიფიციურ მუშათა წრეში; ბოლშევიკებს კი უპირველესად ყოვლისა მიემხრენ კომიტეტები, ე. ი. პროვინციელი მუშაკები—რევოლიუციის პროფესიონალები და ეს იყო, რასაკვირველია, უმთავრესად სხვა ტიპის ინტელიგენცია—არა მომარქსისტე პროფესორები, სტუდენტები და კურსისტები, არამედ ისეთი ხალხი, რომელმაც ერთხელ და სამუდამოთ გაიხადა თავის პროფესიად რევოლიუცია.



უმთავრესად ეს იყო ელემენტი, რომელსაც ლენინი დიდ შინა-შენიშნობას აძლევდა და რევოლუციის ბაქტერიას უწოდებდა, და რომელიც ბოგდანოვის მიერ, ახალგაზრდა კამენევისა და სხვ. ენერგიული დახმარებით, შეკავშირებული იყო უმრავლესობის კომიტეტების ორგანიზაციულ ბიუროში, რომელმაც მისცა ლენინს მისი არმია.

ბოგდანოვმა იმ დროს უკვე გაათავა გადასახლების ვადა და იყო საზღვარ გარეთაც. მე სრულიად დარწმუნებული ვიყავი, რომ მას ცოტათ თუ ბევრათ სწორი წარმოდგენა ექნებოდა ამ საკითხებზე და ამიტომ, ნაწილობრივ იმიტომაც, რომ მე ერთგვარი ნდობით ვეპყრობოდი მას, დავიჭირე ბოლშევიკებთან საერთო პოზიცია.

ერთხელ კიდევ აღვნიშნავ, რომ მაშინდელი ც. კ. მოწვევის თანახმად, რომელიც აწარმოებდა შეთანხმების ხაზს. მე წავედი სმოლენსკში. ამის წინ მე შევხვდი კიევში ამხ. კრიჟანოვსკის, რომელიც იმ დროს თამაშობდა საკმაო დიდ როლს, იყო ამხ. ლენინის ახლო მეგობარი, მაგრამ განიცდიდა ერთგვარ მერყეობას წმინდა ლენინის პოზიციასა და შემთანხმებელთა პოზიციის შუა.

სწორეთ იმან მომითხრო მე დაწვრილებით ლენინის შესახებ. დიდი ალტაცებით ახასიათებდა ის ლენინს, ახასიათებდა მის უდიდეს ნიჭს, ზეკაცობრივ ენერგიას, ახასიათებდა როგორც ფრიად საყვარელს, მხიარულ ამხანაგს, მაგრამ ამავე დროს აღნიშნავდა, რომ ლენინი, უპირველესად ყოვლისა, პოლიტიკის კაცია და თუ ვერ შეუთანხმდება ვინმეს პოლიტიკურად სწყვეტს მასთან პირად ურთიერთობასაც. ბრძოლაში კი, კრიჟანოვსკის თქმით, ლენინი იყო დაუნდობელი და სწორე ხაზის მიმდევარი.

და იმ დროს, როდესაც მე უკვე დავსახე ჩემთვის სათანადო საკმაოდ რომანტიული სახე, კრიჟანოვსკიმ დაუმატა: „გარეგნულობით კი ის გავს იაროსლაველ „კულაკს“, ცბიერ რუს ტეტისას, განსაკუთრებით, როდესაც წვერს ატარებს.

ჩამოვედი თუ არა გადასახლებიდან კიევში, მაშინვე მივიღე უმრავლესობის კომიტეტების ბიუროდან პირდაპირი მოწერილობა დაუყოვნებლივ წავსულიყავ საზღვარ გარეთ და შევსულიყავ პარტიის ცენტრალურ ორგანოს რედაქციაში. მე შევასრულე მოწერილობა.

რამდენიმე თვე დავყავი პარიზში, ერთი მხრით იმიტომ, რომ მინდოდა დაწვრილებით გავსცნობოდი შექმნილ სხვადასხვაობას. თუმცა პარიზში მე დაუყოვნებლივ ჩავუდექი სათავეში ერთ ძალიან პატარა ბოლშევიკურ ჯგუფს და დავიწყე უკვე ბრძოლა მენშევიკებთან.

ლენინმა მომწერა მე ერთი-ორი მოკლე წერილი და მიწვევა შენევაში. ბოლოს კი თვითონ ჩამოვიდა.



მისი ჩამოსვლა ჩემთვის რამდენადმე მოულოდნელი იყო. პირადად ჩემზე პირველი შეხედვით მან ვერ მოახდინა ძალიან კარგი შთაბეჭდილება. თავის გარეგნობით მე ის ცოტათი უფერული მეჩვენა, ისე კი არაფერს გარკვეულს არ ამბობდა, მხოლოდ დაჟინებით მოითხოვდა შენევაში წასვლას.

ამ წასვლაზე მე დავეთანხმე.

ამავე დროს ლენინმა გადასწყვიტა წაეკითხა პარიზში დღიურფერატი რუსეთის რევოლიუციისა და რუსეთის გლეხობის მომავლის შესახებ.

ამ რეფერატზე მე პირველად გავიცანი ის, როგორც ორატორი. აქ ლენინი გამოიცვალა. უდიდესი შთაბეჭდილება მოახდინა ჩემზე იმ დაუღალავმა ენერგიამ, რომლითაც ის ლაპარაკობდა, მსმენელებზე მიშტერებული თვალეები, ის მონოტონური, მაგრამ ძლიერი მოძრაობა ორატორისა ხან წინ და ხან უკან, ის თავისუფალი და თავიდან ბოლომდე ძლიერი ნებით აღსავსე სიტყვა.

მე მივხვდი, რომ ამ კაცმა, როგორც ორატორმა, უნდა მოახდინოს ძლიერი და წარუშლელი შთაბეჭდილება. მე უკვე ვიცოდი, თუ რამდენათ ძლიერი იყო ლენინი, როგორც პუბლიცისტი, თავისი ცოტათი ტლანქი, უაღრესად ნათელი, გარკვეული სტილით, თავის უნარით ყოველივე აზრის, თუ გინდ რთულისაც, უბრალოთ გადმოცემაში; ისეთ ფორმაში გამოხატავდა აზრს, რომ ის ადვილათ აღიბეჭდებოდა თვით განუვითარებელ და პოლიტიკურ აზროვნებას შეუჩვეველ ადამიანების გონებაშიდაც.

მე მხოლოდ გვიან, გაცილებით გვიან გავიგე, რომ არა ორატორობა, პუბლიცისტობა და თითქმის არც აზროვნება წარმოადგენდა ლენინში მის უძლიერს მხარეებს, არამედ კიდევ იმ დროსვე ცხადი იყო ჩემთვის, რომ მისი ხასიათის უძლიერეს მხარეს წარმოადგენდა ნება სავსებით გარკვეული, მტკიცე, რომელსაც შეეძლო მთელი ყურადღება უახლოეს ამოცანაზე შეეჩერებია, მაგრამ არასოდეს არ ასცდებოდა იმ წრეს, რომელსაც დასახავდა მისი ძლიერი ქება, რომელიც ყოველ ცალკე ამოცანას ისე დააწყობდა და გადასკვნიდა ერთი მეორეს, როგორც რგოლს უდიდეს მსოფლიო პოლიტიკურ ჯაჭვში.

ვგონებ, მეორე დღეს რეფერატის შემდეგ, არ მახსოვს რა შემთხვევისა გამო, ჩვენ მოვხვდით მოქანდაგე არონსონთან, რომელთანაც მე იმ დროს საკმაო კარგ განწყობილებაში ვიყივი. არონსონი, დაინახა თუ არა ლენინის თავი, აღტაცებაში მოვიდა და დაუწყობ მას თხოვნა ნება მიეცა გამოექანდაკებია მისი თუ გინდ მედალი მაინც.

მან მიმითითა მე ლენინსა და სოკრატეს შორის შესამჩნევ მსგავსებაზე. თუმცა უნდა ვსთქვათ, რომ ლენინი კიდევ უფრო



შეტად გავს ვერლენს, ვიდრე სოკრატეს. იმ დროს კარიერის დახატული ვერლენის სურათი ახალი გამოსული იყო და იმ დროსვე იყო გამოფენილი ვერლენის ცნობილი „ბიუსტი“, რომელიც შემდეგ შეიძინეს ჟენევის მუზეუმისათვის.

თუმცა აღნიშნული იყო ვერლენისა და სოკრატეს შუა საოცარი მსგავსება. უმთავრესი მსგავსებას შეიცავდა თავის საუცხოო ფორმა.

ვლადიმერ ილიას ძეს თავის ქალა ნამდვილათ საუცხოო ქონდა. საჭიროა ცოტათი ახლოს დააკვირდეთ მას, რომ ნაცვლად პირველი შთაბეჭდილებისა უბრალო დიდი მელოტი თავის შესახებ, თქვენ შეამჩნიოთ ფიზიკური ძლიერება, კოლოსალური შუბლის მოხაზულობა და, მე ვიტყვოდი, სინათლის რალაც ფიზიკური შუქი მისი ზედაპირიდან.

მოქანდაკემ, რასაკვირველია, ეს მაშინვე აღნიშნა. ამასთან ერთად უფრო აახლოვებს ლენინს ვერლენთან, ვიდრე სოკრატესთან, ძალიან ჩაღრმავებული, პატარა და ერთობ დაკვირვებული თვალები, მაგრამ დიდი მგოსანის თვალები რალაც ბნელი და ჩამქრალია (კარიერის სურათის მიხედვით), ლენინის თვალები კი დამკინავია, ირონიით სავსე, ჭკვიანი და რალაც მშფოთვარე მხიარულებით გამომეტყველი. მხოლოდ მაშინ, როდესაც ლენინი ლაპარაკობს, ისინი ხდებიან ბნელი და თითქო ჯადოსნური. ლენინს ძალიან პატარა თვალები აქვს, მაგრამ ისეთი გამომეტყველი, რომ შემდეგში მე ხშირათ ვსტკებოდი მათი უნებური თამაშით.

სოკრატეს თვალები, ბიუსტების მიხედვით, უფრო გარეთ იყო გამოწეული.

ქვემო ნაწილშიდაც დიდი მსგავსებაა, განსაკუთრებით, როდესაც ლენინი ატარებს ცოტათ თუ ბევრათ დიდ წვერს. სოკრატეს, ვერლენს და ლენინს წვერები ერთნაირად ეზრდებოდათ, ცოტა აწეწილი და დაუწყობელი, და ყველას ქვემო ნაწილი რალაც უწნო აქვთ, ტლანქი.

დიდი ცხვირით და სქელი ტუჩებით ლენინი რამდენიმეთ თათარს ჩამოაგავს, რაც რუსეთში, რასაკვირველია, ადვილი ასახსნელია, მაგრამ სრულიად, ანუ თითქმის სრულიად ასეთივე ცხვირი და ტუჩები აქვს სოკრატეს, რაც ძალიან ეჩხირებოდათ თვალში საბერძნეთში, სადაც მზავს ტიპს მხოლოდ ფანტასტიურ სატირებს თუ მიაკუთნებდნენ. ასეთივე ქონდა ვერლენსაც. ერთმა ახლო მეგობარმა ვერლენს კალმიკი უწოდა. დიდი მოაზროვნის სახეს ბიუსტების მიხედვით, უპირველესად ყოვლისა ღრმა აზროვნების ბეჭედი აზის. მე ვფიქრობ, რომ თუ ქსენაფონტესა და პლატონის გადმოცემაში ოდნავი ჭეშმარიტება მაინც იყო, სოკრატე უნდა ყოფილიყო მხია-



რული და ირონიული და მსგავსება ლენინთან ფიზიონომიის ცოცხალი თამაშში უფრო მეტი იქნებოდა, ვიდრე ამას ბიუსტი აღნიშნავს. აგრეთვე ვერლენის ორივე შესამჩნევ გამოხატულებაში სჭარბობს ის ნაღვლიანი გამომეტყველება, ის დეკადენტური მინორი, რომელიც, რასაკვირველია, მის პოეზიის უმთავრეს მხარეს წარმოადგენდა. მაგრამ ყველამ იცის, რომ ვერლენი, განსაკუთრებით თავის გატაცების პირველ ხანებში იყო მხიარული, და მე მგონია, რომ მსგავსება აქ მეტი იყო, ვინემ ეს სჩანს.

რას გვასწავლის ეს საოცარი პარალელი გამოჩენილ ბერძენთა ფილოსოფოსისა, საფრანგეთის დიდი მგონისა და სახელოვან რუს რევოლიუციონერისა?

რასაკვირველია, არაფერს. ის მხოლოდ აღნიშნავს—როგორ შესაძლებელია ერთი და იმავე გარეგნობის ადამიანები, მართალია, დაახლოებით თანასწორი გენიოსები იყვნენ, მაგრამ სრულებით სხვადასხვა დარგში და მეორე მხრით კი, საშვალეობა მომცა ამეწერა ლენინის გარეგნობა უფრო ნათლად და თვალსახებათ.

როდესაც ახლო გავიცანი ლენინი, მე დავაფასე კიდევ ერთი მისი მხარე, რომელიც უცბათ არ გვხვდება თვალში: ეს არის სიცოცხლის საკვირველი ძალა მასში. ის მასში სდულს და თამაშობს. იმ დღეს, როდესაც მე ამ სტრიქონებს ვწერ, ლენინი უკვე 50 წლისა უნდა იყოს, მაგრამ ის ახლაც ისევ ახალგაზრდაა, მთლად ყმაწვილია თავის ცოცხალი აგებულებით. როგორი გადამდები, საყვარელი, ბავშური სიცილი აქვს და რა ადვილია მისი გაცინება, როგორი მიზიდულება აქვს სიცილისადმი ამ გამარჯვების გამოხატულებისადმი გაჭირვებებზე! უსაშინელესი წუთების დროსაც კი, რომელიც ჩვენ გამოვიარეთ, ლენინი იყო ყოველთვის ერთნაირი და იმ გვარათვე განწყობილი სიცილისადმი.

მისი წყრომა ისეთივე არაჩვეულებრივად სასიყვარულოა მიუხედავად იმისა, რომ მის მიერ მეხდაცემულნი უკანასკნელ დროს მართლაც ათეული ადამიანი იღუპება და შეიძლება ასეულიც. ის ყოველთვის ბატონია თავის წყრომისა და ამ უკანასკნელს თითქმის ხუმრობის ფორმა აქვს. მე ბევრჯერ შევნიშნე ეს გარეგანი ბუზღუნი, ეს ჯავრიანი სიტყვები, გესლიანი ირონიის ისრები, რომელთაც გვერდით ახლდა იგივე ღიმილი თვალებში და უნარი ამ გაჯავრების მთელი სცენის ერთ წუთში მოსპობისა, რომელსაც თითქო თვით ლენინი იწვევდეს, ვინაიდან ასეა საჭირო. შიგნით კი ის არამც თუ მშვიდი, არამედ მხიარულიც რჩება.

კერძო ცხოვრებაშიაც ლენინს ყველაზე მეტათ უყვარს იგივე ძალდაუტანებლივ უბრალო, პირდაპირი, ძალთა დუდილით გამსჭვალული მხიარულება. მას ძალიან უყვარს ბავშვები და კატის კნუტე-



ში. მათთან თამაშით შეუძლიან ხანდახან მთელი საათობით შეიქცეონ თავი.

თავის მუშაობაშიდაც ლენინს შეაქვს ცხოვრების კეთილსურ-
ნელება. მე არასოდეს არ ვიტყვი იმას, რომ ლენინი შრომის მოყვა-
რეა, არასოდეს არ დამინახავს ის კითხვით გატაცებული ანუ სამ-
წერლო მაგიდაზე თავჩალუნული. სწერს ის ძალიან ჩქარა, მსხვილათ,
გაკრული ხელით; სწერს წერილებს სრულებით თავისუფლათ, ვერ
შეხვდებით შიგ ვერც ერთ წაშლილ და გასწორებულ ადგილს. წე-
რილების წერა მისთვის არავითარ სიძნელეს არ წარმოადგენს. მას
შეუძლია დაწეროს ყოველთვის, ჩვეულებრივით დილით, ლოგინიდან
რომ ადგება, მაგრამ გვიან საღამოსაც, როდესაც დაბრუნდება სახლში
დაღლილი, ერთი სიტყვით, როდესაც მოისურვებს: კითხულობდა ის
ყველაფერს უკანასკნელ დროს, გარდა იმ მოკლე დროისა, როდესაც
ის იყო საზღვარ გარეთ რეაქციის დროს, უფრო ნაწყვეტებათ, ვიდრე
ერთად, მაგრამ ყოველივე წიგნიდან, ყოველი გვერდიდან ის ამოი-
ღებს რამე ახალს, გამოსძებნის ამა თუ იმ მისთვის საჭირო იდეას,
რომელსაც ის შემდეგ იარაღათ ხმარობს.

განსაკუთრებით აენთება ხოლმე ის არა მონათესავე, არამედ
მოწინააღმდეგე აზრებით. ლენინი ყოველთვის სასტიკი პოლემისტია.

მაგრამ, უკეთუ სასაცილოა ლენინის შრომის მოყვარეთ ცნობა,
შრომის უნარი კი მას უდიდესი აქვს. მე მზათ ვარ ვიცნო ის პირ-
დაპირ დაუღალავ მუშაკათ; ხოლო თუ მე ამას არ ვამბობ, ეს იმი-
ტომ, რომ ვიცი, რომ უკანასკნელ დროს არაჩვეულებრივი ძალდა-
ტანება, რომელსაც ის იძულებულია მიმართოს ხოლმე მაინც ასუ-
სტებს ყოველი კვირის ბოლოში და აიძულებს მას დაისვენოს. გა-
დავიკითხე რა ეს სტრიქონები დღეს, 1923 წ. მარტში, ლენინის
მძიმე ავადმყოფობის დროს, მე მზათ ვარ ვალიარო, რომ არც თვი-
თონ და არც ჩვენ მას არ ვუფრთხილდებოდით საკმაოთ. მიუხედა-
ვათ ამისა მე დარწმუნებული ვარ, რომ ვლადიმერ ილიას ძის გმი-
რული ფოლადისებური ბუნება დასძლევს ავადმყოფობას და შორს
არ არის ის დრო, როდესაც ის ისევ დაუბრუნდება რ. კ. პ. და რუ-
სეთის ხელმძღვანელობას.

მაგრამ, აკი ლენინმა იცის დასვენება. ის სარგებლობს ამ და-
სვენებით, როგორც რაიმე „ვანით“, დასვენების დროს მას არ უნდა
რამეზე იფიქროს, მთლად უქმად ატარებს დროს და, თუ კი შესა-
ძლებელი იქნება, მის საყვარელ სიცილსა და მხიარულებაში ერთო-
ბა. ამიტომ თვით მოკლე ხნის დასვენების შემდეგაც კი ლენინი
ჯანმრთელად გრძნობს თავს და მზათ არის ახალი ბრძოლისათვის.

ეს წყარო მოეღვარე და ერთგვარი გულუბრყვილო სიცოცხლი-
სა წარმოადგენს გონებისა და ნების სიმტკიცესთან ერთად ლენინის

მომხიბლველობას. ეს მომხიბლველობა კოლოსალურია, ადამიანი, რომელიც მოყვება მის წრეში, არამც თუ ეთვისება მას როგორც პოლიტიკურ ხელმძღვანელს, არამედ რაღაც თვისებურათ შეუყვარდება ზოლმე ის. და ეს ემართებათ ყველა ყალიბის ხალხს, თვით უდიდეს ტალანტის გორკიდან უკანასკნელ სოფლის ტეტიაშვილამდე, პირველ ხარისხიდან მოაზროვნეებიდან, როგორც ზინოვიევი, ვიღაც ჯარისკაცსა და მეზღვაურამდე, რომელიც გუშინ შავრაზმელი იყო და აწიკი ყოველთვის მზათაა თავი დასდვას „მსოფლიო რევოლუციის ბელადის „ილიჩ“-ისათვის.

ეს უბრალო სახელწოდება—„ილიჩ“ ისე ფართოდ გავრცელდა, რომ მას იმეორებენ ისეთებიც, რომელთაც ლენინი არასოდეს არ უნახავთ.

როდესაც ლენინი დაჭრილი იწვა ლოგინში და ჩვენ განუსაზღვრელი შიში გვქონდა, ვერავინ ვერ გამოხატა ჩვენი გრძობები ლენინისადმი ისე კარგად, როგორც ტროცკიმ. მსოფლიო მოვლენათა საშინელ ქარტეხილში, ტროცკიმ, რუსეთის რევოლუციის მეორე ბელადმა სთქვა: „როდესაც წარმოიდგენ, რომ ლენინი შეიძლება მოკვდეს, გგონია, რომ ყველას ჩვენი სიცოცხლე უსარგებლოა და სურვილი გეკარგება სიცოცხლისაო“.

დავუბრუნდები ჩემი მოგონებების ძაფს ლენინის შესახებ რევოლუციამდე.

ქენევაში ლენინთან ერთად ჩვენ ვმუშაობდით ჟურნალ „კპერიოდ“-ის, შემდეგ „პროლეტარი“-ს რედაქციაში. ლენინი საუცხოვო ამხანაგი იყო რედაქციაში. სწერდა ის, როგორც ვთქვი, ბევრსა და ადვილათ და კეთილსინდისიერათ ეპყრობოდა თავის კოლეგების ნაშრომს: ხშირათ ასწორებდა მათ, იძლეოდა რჩევას და ძალიან ახარებდა ყოველი ნიჭიერი და შინაარსიანი წერილი.

ქენევაში გატარებულ ცხოვრების პირველ ნახევარში 1905 წლ. იანვრამდე ჩვენ ვაწარმოებდით, უმთავრესად, შინა-პარტიულ ბრძოლას, აქ მე მაკვირვებდა ლენინის ღრმა უყურადღებობა ყოველივე პოლიტიკურ კამათისადმი, ის დიდ მნიშვნელობას არ აძლევდა ბრძოლას საზღვარგარეთელ აუდიტორიის გამო, რომლის უმთავრესი ნაწილი მენშევიკების მხარეზე იყო, სხვადასხვა საზეიმო დისკუსიებზე არ ესწრებოდა და არც მე მირჩევდა ამას ძალიან. ამჯობინებდა, რომ მე გამოვსულიყავი დიდი მთლიანი რეფერატებით.

მოწინააღმდეგეების მიმართ არ გამოიჩინდა არავითარ სიბოროტეს მაგრამ, მიუხედავად ამისა, იყო სასტიკი პოლიტიკური. მოწინააღმდეგე, სარგებლობდა ყოველი მათი შეცდომით. ანვითარებდა და აზვიადებდა ყოველივე ნაპერწკალს ოპორტიუნიზმისას, რაშიაც ის სრულიად მართალი იყო, იმიტომ რომ შემდეგში მენშევიკებმა თვით



განავითარეს და გააღვივეს ყველა მაშინდელი ნაპერწკლები და დაანთეს საკმაო ოპორტიუნისტული ცეცხლის ალი. ინტრიგები არ უყვარდა, მაგრამ პოლიტიკური ბრძოლაში ყოველ იარაღს ხმარობდა, გარდა არა-საკადრისისა. უნდა ითქვას, რომ მსგავსადვე იქცეოდნენ მენშევიკები. ურთ-ერთ დამოკიდებულება ჩვენში გაფუჭდა და პოლიტიკურ მოწინააღმდეგეებში ბევრს არ შერჩენია მაშინ ცოტაოდენი ადამიანური პირადი ურთიერთობანი მაინც. მენშევიკები ჩვენთვის მტრებათ გადაიქცნენ. ჩვენი დამოკიდებულება მენშევიკებთან განსაკუთრებით მოშხამა მაშინ დანმა. დანი ლენინს ყოველთვის ძალიან სძულდა, მარტოვი კი უყვარდა და უყვარს, მაგრამ სთვლიდა და ახლაც სთვლის მას პოლიტიკურად სუსტი ნების მქონეთ, რომელიც ხშირად გატაცებული იყო პატარა პოლიტიკური აზრით, რის გამოც კარგავდა საერთო პოლიტიკურ მოხაზულობას.

რევოლიუციური მოძრაობის დაწყებისთანავე საქმე თვალსაჩინოთ შეიცვალა, ჯერ ერთი ჩვენ თანდათან მივიღეთ მორალური უპირატესობანი მენშევიკებზე. მენშევიკები ამ დროს უკვე გარკვეულ ლოზუნგს დაადგენ—ჩაითრიონ ბურჟუაზია რევოლიუციაში, წინ წაიყვანონ ის და ეცადონ შექმნან კონსტიტუცია ანუ, უკიდურეს შემთხვევაში, დემოკრატიული რესპუბლიკა. ჩვენი, როგორც მენშევიკები ამტკიცებენ, რევოლიუციურ-ტენიკური შეხედულება იზიდავდა ემიგრაციაში მყოფთა უმეტეს ნაწილსაც კი, განსაკუთრებით ახალგაზრდებს.

ჩვენ ცოცხალი ნიადაგი ვიგვრძენით ფეხ ქვეშ. ლენინი იმ დროს საუცხოვო იყო. უდიდესი გატაცებით შლიდა ის მომავალი დაუნდობელი რევოლიუციური ბრძოლის პერსპექტივებს და ძალიან სურდა რუსეთში დაბრუნება.

მაგრამ ამ დროს მე წავედი იტალიაში ავადმყოფობისა და დაღლილობის გამო და ლენინთან მქონდა მხოლოდ წერილობითი კავშირი, უმეტეს შემთხვევებში საქმიანი პოლიტიკური ხასიათისა, რამდენადაც გაზეთს შეეხებოდა.

მე მას შემდეგ უკვე პეტერბურგში შევხვდი. უნდა ვთქვა, რომ სწორედ პეტერბურგში ყოფნის დროს ლენინის მოქმედება 1905—1906 წ.წ. მეჩვენება მე შედარებით სუსტათ. რასაკვირველია, ის აქაც სწორდა შესანიშნავ წერილებს და იყო პოლიტიკური ხელმძღვანელი პოლიტიკურის მხრით უაღრესად აქტიურ პარტიისა—ბოლშევიკებისა.

პირადათ მე ვაფაციცებით ვადევნებდი მას თვალ-ყურს, ვინაიდან იმ დროს გულდასმით დავიწყე კრომველის, დანტონის ბიოგრაფიების შესწავლა კარგი წყაროებიდან. ვსცდილობდი რა გამეცნო ფსიქოლოგია რევოლიუციური „ბელადებისა“, მე ვადარებდი მათ ლენინს და მეგონა, რომ ლენინი ძნელათ წარმოადგენდა ნამდვილ

რევოლიუციურ ბელადს იმ მხრით, როგორც მე ის წარმოდგენილი მყავდა. მე მეგონა რომ ემიგრაციაში ცხოვრებამ ცოტათი დააწვრილმანა ლენინი, რომ შინა პარტიული ბრძოლა მენშევიკებთან ჩრდილავს მასში გრანდიოზულ ბრძოლას მონარქიასთან, და რომ ის უფრო ჟურნალისტია, ვინემ ბელადი.

მე ძალიან მწყინდა, რომ დისკუსიებს მენშევიკებთან, რალაც კდებს გარკვეული მიჯნის გასატარებლად ადგილი ქონდა იმ დროსაც კი, როდესაც მოსკოვი სულს ლაფავდა შეიარაღებული ამბოხების დამარცხების შემდეგ.

მასთან ერთად, ეშინოდა რა დატუსაღების, ლენინი ძალიან იშვიათად გამოდიოდა როგორც ორატორი; რამდენადაც მახსოვს, გამოვიდა მხოლოდ ერთხელ— კარპოვის გვართ, მაგრამ იცვენეს და გაუმართეს გრანდიოზული ოვაცია. მუშაობდა ის, უმეტესად, კუთხეში, მარტო კალმით და ცალკე პარტიების მთავარ შტაბების სხვა და სხვა თათბირებზე.

ერთი სიტყვით, ლენინი, როგორც მე მეგონა, ვანაგრძობდა ბრძოლას ცოტა საზღვარგარეთელ მასშტაბით; ის არ მომხდარა იმ საკმაოთ გრანდიოზულ საზღვრებში, როგორშიდაც გამოიხატა იმ დროს რევოლიუცია. ჩემ თვალში კი ის რუს ბელადთა შორის მაინც ყველაზე დიდი იყო და მე მეშინოდა, რომ რევოლიუციას არა ყავდა ნამდვილი გენიალური ბელადი.

ლაპარაკი ნოსარ-ბრუსტალევის შესახებ, რასაკვირველია, სასაცილო იყო და მეტი არაფერი. ჩვენ ყველამ ვიცოდით, რომ ამ უეცრად ამოტივტივებულ „ბელადს“ არ ქონდა არავითარი მომავალი. ყველაზე მეტი ხმაურობა იყო მაშინ ტროცკის გარშემო, მაგრამ იმ დროს ყველას ჩვენ წარმოდგენილი გვყავდა ტროცკი, როგორც ძალიან ნიჭიერი და თეატრალური ტრიბუნით გატაცებული და არა პირველხარისხოვანი პოლიტიკური მოღვაწე.

დანი და მარტოვი მეტის მეტად ცდილობდნენ ეწარმოებიათ ბრძოლა პეტერბურგის მუშათა კლასის შიდა წრეებში და ისევ და ისევ ჩვენ ბოლშევიკების წინააღმდეგ.

მე ახლაც იმას ვფიქრობ, რომ 1905-6 წ. წ. რევოლიუცია ისეთი მოულოდნელი იყო, რომ ჩვენ არ გვქონდა ნამდვილი პოლიტიკური გამოცდილება. შემდეგმა სათათბიროს მუშაობამ, შემდეგმა ჩვენმა მუშაობამ, როგორც ემიგრანტებისამ, ჩვენში რეალურ პოლიტიკოსების გასალრმავებლათ, მუშაობამ ფართო სახელმწიფოებრივი მოქმედების ამოცანებზე, რომლის დაბრუნებას ჩვენ ადრე თუ გვიან ვფიქრობდით და დარწმუნებული ვიყავით— მოგვცა ჩვენ ის შინაგანი ზრდა და განვითარება, რომელმაც სრულებით შესცვალა ჩვენი მანერა რევოლიუციური ამოცანისადმი მიდგომისა და გადაჭრისა, როდეს-



საც ჩვენ ისტორიამ ხელახლა გამოგვიწვია სამოქმედოთ, განსაკუთრებით კი ეს შეეხება ლენინს.

ლენინი ფინლიანდიაში, სადაც მას მოუხდა რეაქციისაგან თავის დაცვა, მე არ მინახავს.

შევხდით მე და ლენინი ერთმანეთს ისევ საზღვარ გარეთ შტუტგარტის კონგრესზე. აქ ჩვენ რალაც ძალიან დავუახლოვდით ერთმანეთს, გარდა იმისა, რომ ჩვენ ხშირად გვიხდებოდა ერთად თათბირი, ვინაიდან მე მონდობილი მქონდა ჩვენი პარტიიდან ერთი მთავარი სამუშაოთაგანი ყრილობაზე, ჩვენ გვქონდა ერთმანეთში მრავალი და დიდი პოლიტიკური საუბრები, ასე ვსთქვათ, საიღუმლო ხასიათის, ჩვენ ვარჩევდით დიდი სოციალური რევოლუციის პერსპექტივებს. ამ დროს ლენინი უფრო ოპტიმისტი იყო, ვიდრე მე. მე ვფიქრობდი, რომ ისტორიული მოვლენები უფრო ნელის ტემპით გაივლიან, საკირო იქნება ცდა მანამ აზიაში მდებარე ქვეყნებშიდაც გაიზრდება და გაბატონდება კაპიტალი, ვფიქრობდი, რომ კაპიტალს ჯერ საკმაო რესურსები აქვს და, ვინ იცის, ჩვენ იქნებ სიბერეში მოვესწროთ ნამდვილი სოციალურ რევოლუციას—თქო. ლენინს ეს პერსპექტივები ძალიან აწუხებდა. როდესაც გადავუშალე მას წინ ჩემი საბუთები და თანდათან განვავითარე, მის ნიჭიერ სახეზე შევამჩნიე ჭმუნვის კვალი და მივხვდი თუ როგორ ძლიერ სწყუროდა მას ისევ თვის სიცოცხლეში არამც თუ მოსწრებოდა რევოლუციას, არამედ თვით მიელო მხურვალე მონაწილეობა მის შექმნაში. მაგრამ არაფერს არ ამტკიცებდა. ის, როგორც ეტყობოდა, მზათ იყო რეალისტურათ ეცნო ქვემოდ დახრაც და ზევით ახრაც და თვითონაც შესაფერად მოქცეულიყო.

ლენინს აღმოაჩნდა მეტი პოლიტიკური გრძნება, ალლო, რაც არ უნდა იქნეს გასაკვირი. ლენინს აქვს გენიალური ოპორტუნიზმის მოხერხებაც, ე. ი. ისეთი ოპორტუნიზმისა, რომელიც ანგარიშს უწევს ცალკე მომენტს და იყენებს მას საერთო მუდამ რევოლუციური ხაზის მიზნებისადმი *).

ეს მხარეები ქონდათ ნამდვილათ დანტონსაც და კრომველსაც. უნდა აღვნიშნო სხვათა შორის, რომ ლენინი ყოველთვის ძალიან მორცხვია და როგორღაც ჩრდილს ეფარება საერთაშორისო კონგრესებზე: შეიძლება იმიტომ, რომ სუსტად გრძნობს თავს მომზადებულიათ ენებში, თუმცა კარგათ ლაპარაკობს გერმანულ ენაზე და

*) თავის დიადი რევოლუციური მოღვაწეობის დროს რუსეთის რევოლუციის ხანაში ლენინმა მოგვცა ჩვენ რამდენიმე მაგალითი ასეთი გენიალური ოპორტუნიზმისა და გამოხატა იგი მე-III ინტერნაციონალის მე-IV კონგრესზე წარმოთქმულ უკანასკნელ განსაკუთრებული შინაარსის სიტყვის ერთგვარ წინასიტყვაობაში.



საკმაოდ იცის ფრანგული და ინგლისური ენებიც. მიუხედავად ამისა კონგრესებზე გამოსვლის დროს ის რამდენიმე ფრაზით ათავებს თავის სიტყვას. ეს შეიცვალა მას შემდეგ, როდესაც ლენინმა ჯერ ცოტათი და შემდეგ მსოფლიო რევოლუციის ნამდვილ ბელადთა იგძნო თავი. უკვე ციმერვალდში და კენტალში, სადაც მე, მართალია, პირადად არ დავსწრებივარ, ლენინი ზინოვიევიტან ერთად, შექველია, დიდ საპასუხისმგებლო სიტყვებს ამბობდა უცხო ენებზე. მე III ინტერნაციონალის კონგრესებზე კი ის ხშირად დიდი სიტყვებით გამოდიოდა და არ უნდოდა, რომ მისი სიტყვა თარჯიმნებს გადაეთარგმნათ, თვითონვე ჯერ გერმანულ ენაზე იტყოდა და შემდეგ ფრანგულზე. სიტყვას ამბობდა ყოველთვის სრულიად თავისუფლად, აზრს ხატავდა გარკვევით და მარჯვეთ.

მით უმეტეს საინტერესოთ მეჩვენა მე ის პატარა საბუთი, რომელიც ძველათვე ვნახე მუზეუმ „წითელი მოსკოვი“-ს კოლექციებში. ეს იყო ვლადიმერ ილიას ძის საკუთარი ხელით დაწერილი ანკეტა. კითხვის „ლაპარაკობს თუ არა თავისუფლად რომელიმე ენაზე“ გასწვრივ „ილიჩმა“ გარკვევით აღნიშნა: „არც ერთზე“ N.B.—მცირე ნიშანი, რომელიც საუცხოვოდ ახასიათებს მის უდიდეს თავმდაბლობას. ამას დაადასტურებს ყველა, ვინც დაესწრო იმ დიდ ოვაციებს, რომელსაც ნემცები, ფრანგები და სხვა დასავლეთელი ევროპელები უმართავდნენ „ილიჩს“ უცხო ენებზე წარმოთქმულ სიტყვების შემდეგ.

მე ძალიან ბედნიერი ვარ, რომ, ასე ვსთქვათ, პირადად მასთან ყოფნის დროს არ მომიხდა გადამეტანა ჩემს თავზე ჩვენ შორის ჩამოვარდნილი პოლიტიკური უთანხმოება, რომელიც დიდ ხანს გაგრძელდა. *)

ამ უთანხმოების განმავლობაში მე სრულებით არ ვხვდებოდი ლენინს, მე ძალიან მაჯავრებდა ლენინის პოლიტიკური დაუნდობლობა, როდესაც ეს უკანასკნელი ჩვენკენ იყო მომართული. მე ახლაც იმას ვფიქრობ, რომ ბევრი რამ ბოლშევიკებსა და ვპერიოდელებს შორის შექმნილი იყო უბრალო ემიგრანტული გაუგებრობით და გულის მოსვლით, გარდა ამისა, რასაკვირველია, ფრიად სერიოზული ფილოსოფიური აზრთა სხვადასხვაობით; პოლიტიკურად კი ჩვენ არ უნდა გავთიშულიყავით, ვინაიდან ჩვენ ერთი და იმავე პოლიტიკური აზრის მხოლოდ სხვადასხვა გვარათ გამომხატველი ვიყავით.

*) რამდენათაც მე ბოგდანოვიტან და სხვებთან ერთად გადავიხარე მარცხნივ და მოვხვდი „პერიოდ“-ელების ჯგუფში, რომელიც შეცდომით გამოეყო ლენინს შემდეგი საკითხის გადაჭრის დროს—საჭირო იყო თუ არა პარტიისთვის ლეგალურ შესაძლოებათა გამოყენება, სტოლინინის რეაქციის დროს.



ბოგდანოვი მაშინ იმდენათ გულმოსული იყო, რომ ლენინი აუცილებლათ ჩამოშორდება რევოლიუციასო და თითქმის გვიმტკიცებდა კიდეც მე და ამხ. ე. კ. მალინოვსკისას, რომ ლენინი უსათუოდ ოქტომბრისტი გახდებაო.

მართალია, ლენინი გახდა ოქტომბრისტი, მაგრამ ოქტომბრისტი სულ სხვა ოქტომბრისა.

ამ ნაჩქარევ შენიშვნებს დაუმატებ შემდეგს. მე ძალიან ხშირად მიხდებოდა ლენინთან მუშაობა სხვა და სხვა გვარ რეზოლიუციების შესამუშავებლად—ჩვეულებრივ ეს კოლექტიურად ხდებოდა. ლენინს ასეთ შემთხვევებში საერთო მუშაობა უყვარს. წასულ ხანებში მე ისევ მომიხდა მონაწილეობა მიმელო ასეთ მუშაობაში მე-8 ყრილობის რეზოლიუციის შემუშავების დროს გლენთა საკითხში.

თვითონ ლენინი ძალიან ენა მახვილი და მოსწრებულია ასეთ შემთხვევებში, სწრაფათ პოულობს შესაფერ სიტყვებს, ასწონ—დასწონის მათ ყოველი მხრით, ხანდახან უკუაგდებას. ძალიან უხარიან, როდესაც გარედან ეხმარებიან. რამდენჯერ გამომიძებნია მე სრულიად შესაბამი ფორმულა: „აი, აი, ეს თქვენ კარგად გამოგივიდათ, აბა მიკარნახეთ“,—ამბობს ასეთ შემთხვევებში ლენინი. უკეთუ ესა თუ ის სიტყვები მას საექვო და შეუფერებლათ მიაჩნია, ის ისევ ჩაფიქრდება და ამბობს: „ასე უმჯობესია ვთქვათ“. ხანდახან მისსავე წამოყენებულ ფორმულას, რომლის სსწორეში ის სავსებით დარწმუნებულია, უკუაგდებას, მოისმენს რა სიცილით მარჯვე და სწორ კრიტიკას.

ასეთი სამუშაო ლენინის თავმჯდომარეობით სრულდება არა-ჩვეულებრივი სიჩქარით და რალაც მხიარულად, არამც თუ მისი საკუთარი ტვინი მუშაობს გაცხარებით, არამედ ის უმაღლეს ხარისხამდე ამოძრავებს და ამოქმედებს სხვათა გონებასაც.

აქ მე არაფერს არ მიუშმატებ ამ ჩემ მოგონებებს, რომელიც საერთოდ და მთლიანად შეიცავს ჩემ შთაბეჭდილებებს ვლადიმერ ილიას ძის შესახებ 1917 წლის რევოლიუციამდე. რასაკვირველია, მე ძალიან ბევრი შთაბეჭდილებანი და სათქმელი მაქვს რუსეთის და მსოფლიო რევოლიუციის იმ გენიალური ხელმძღვანელობის შესახებ, რომელიც ჩვენმა ბელადმა საუკუნოთ აღნიშნა ისტორიის ფურცლებზე.

მე უარს არ ვამბობ გადმოგცეთ ვლადიმერ ილიას ძის სრული პოლიტიკური სურათი ამ გამოცდილების მიხედვით. მთელი რიგია ისეთი მხარეებისა, რომელიც სრულიათ არ ეწინააღმდეგება ჩემ მიერ აქ გადმოცემულსა და მისი პიროვნების უშუალოდ დამახასიათებელ მხარეებს და რომელთაც, რასაკვირველია, გაადიდეს და გაზარდეს

ჩემი წარმოდგენა მასზე ამ უკანასკნელი ექვსი წლის თანამშრომლობის დროს. მაგრამ ასეთი ფართე და შინაარსიანი სურათებისათვის დადგება შესაფერი დრო.

მე მგონია, რომ ის ამხანაგები, რომელნიც მოისურვებენ ხელახლა გამოაქვეყნონ ეს რედაქციის მხრივ ოდნავ შესწორებული ფურცლები „დიდი გადატრიალების“ პირველი ტომისა, არ შეცდებიან თუ იფიქრებენ, რომ მათაც (ფურცლებს) აქვთ ცოტაოდენი ფასი რუსეთისა და მიმდინარე დროის ისტორიის უდიდესი პიროვნების გაცნობის დიად საკმეში, რომლის ცხოველი და კანონიერი ინტერესი ყოველთვის გვხვდება ხალხთა ფართო წრეებში.

აგელ მნუქიძე

რუსეთის სოც.-დემოკრატიული მუშათა პარტიის არალეგალურ სტამბების კავკასიაში მოწოდებისა და მუშაობის ისტორია 1900 წლიდან 1906 წლამდე

(მოხსენების სახით წაკითხული „ძველი ბოლშევიკების კლუბში“ მოსკოვში 1923 წლის იანვრის 14-ს).

ამხანაგებო, ის ამბები ჩვენი პარტიის ცხოვრებიდან და მუშაობიდან, რომლის შესახებაც მე მინდა დღეს გესაუბროთ ჩემი მოგონებათა მიხედვით, შექველად შეადგენენ ჩვენი პარტიის მომავალი სრული ისტორიის ერთ საუკეთესო მხარეს.

ამ ამბებს ჰქონდა ადგილი 1905—6 წლამდე, პირველი რევოლუციის ხანაში. მიუხედავად ამისა, ამ ისტორიის ბევრი მომენტი, რომლის შესახებაც მე ვფიქრობ თქვენთან საუბარს, აღიბეჭდა ჩემს მეხსიერებაში ძალიან ცხადათა და გარკვევით.

ჩვენი პარტია, როგორც თქვენ იცით, ძალიან მდიდარია შინაარსით, და თუ თეორიული სიძლიერით მას მეორე ადგილი უკავია გერმანიის პარტიის შემდეგ, სამაგიეროთ თავისი ორგანიზაციული უნარიანობით, თავისი ორგანიზაციული მშენებლობით ჩვენი პარტიის მუშაობის არა-ლეგალურ და ლეგალურ პერიოდებში, იგი შექველად წარმოადგენს ყველაზე უფრო ძლიერ პარტიას მსოფლიო მუშათა მოძრაობაში. კერძოდ, არა-ლეგალურ პარტიული სტამბების მოწყობაში, რომლის შესახებაც მე მექნება თქვენთან ეხლა საუბარი, ჩვენს პარტიას, შექველად, უკავია პირველი ადგილი რუსეთისა და დასავლეთ ევროპის ყველა რევოლუციონურ პარტიათა შორის. არც ერთ რევოლუციონურ პარტიას, და მათ შორის „ნაროდოვოლცებსაც“, არც პარტიული არა-ლეგალური სტამბების სიდიდით, არც თავისი ნაყოფიერებით და გარეგანი და შინაური ორგანიზაციით, არც კონება იმგვარი საწარმონი, როგორც ძველ რუსეთის სოც.-დემოკ. მუშათა პარტიას.

მე დღეს დავკმაყოფილდები მხოლოდ იმ ისტორიით, რომელიც ეხება ამ სტამბების მუშაობის ორგანიზაციას, მაგრამ გზა-და-გზა.



რასაკვირველია, მომიხდება აგრეთვე შევეხო საერთო-პარტიულ ცხოვრების სხვა მოვლენებსაც. აქვე საჭიროდ მიმაჩნია გაუწყოთ, რომ ვინაიდან მე ბაასი მომიხდება პირველ პირში, და მოვითხოვთ: მე ვიტყოდი, ბევრს კარგს შესახებ იმ ამხანაგებისა, რომელნიც ამ სტამბებში მუშაობდნენ, ამიტომ მე მსურს თავიდანვე შევნიშნო, რომ მთელ ამ ისტორიაში მე პირადათ მეკუთვნის თუ მეორე ხარისხოვანი არა, ყოველ შემთხვევაში, არა პირველი ადგილი. მთავარი ღვაწლი ასეთ სტამბების მოწყობასა და მუშაობაში მიუძღვის სხვა ამხანაგებს, რომელთა შესახებაც მე ქვევით მექნება ლაპარაკი.

ყველაზე მთავარი მომუშავე ამ დარგში, პირველი ორგანიზატორი და დამწყები ჩვენი პარტიის არა-ლეგალური ბეჭდვითი საქმისა კავკასიაში იყო განსვენებული ამხანაგი ლადო კეცხოველი. მან არა თუ მოაწყო პირველი არა-ლეგალური სტამბა, არამედ მისი-უჩვეულო ენერჯისა, უმაგალითო ორგანიზაციული უნარიანობის წყალობით და მისი გავლენის ქვეშ, მის გარშემო, გაიზარდა მთელი თაობა ამხანაგებისა, რომელთაც შემდეგ თავი ისახელეს ამ დარგში მუშაობით.

ლადო კეცხოველი, ტფილისის სასულიერო სემინარიის ყოფილი მოწაფეა 1895—1897 წლებში, იყო ჩვენი უფროსი ამხანაგი ტფილისის არა-ლეგალურ წრეებში, და აგრეთვე უმფროსი ამხანაგი სემინარიის წრეშიდაც, რომელშიც, სხვათა შორის, მონაწილეობას იღებდა ჯულაშვილი-სტალინიც, ეხლანდელი მდივანი რუსეთის კომუნისტური პარტიის ცენტრალური კომიტეტისა. მე პატივი მქონდა მემუშავა ამხ. კეცხოველთან ორ წელზე უფრო მეტი დროის განმავლობაში და მჭიდრო კავშირი მქონდა მასთან არა-ლეგალურ მუშაობაში და ჩვენი დაქერის შემდეგ, 1902 წელში, ვმჯდარიყავი მასთან ერთად მეტეხის ციხეში, სადაც იგი დაიღუპა დარაჯის ტყვიით განგმირული 1903 წლის 17 აგვისტოს.

ჯერ კიდევ მანამდე, სანამ მე კეცხოველს გავეცნობოდი პარტიული მუშაობის ასპარეზზე ბაქოში, 1898 წლის ბოლო რიცხვებში მე ტფილისის მთავარ სახელოსნოდან, სადაც ვმუშაობდი როგორც პრაქტიკანტი საკრებულო ამქარში,—გადამიყვანეს ბაქოს რკინის გზის დეპოში ორთქლმავალის მემანქანის თანაშემწევით.

იმ დროს ბაქოში არ ყოფილა არც ერთი მუშათა პარტიული ორგანიზაცია და არც ერთი წრეც (ეს შეეხება 1898 წლის შემოდგომას), არამედ იქ იყვნენ მხოლოდ ცალკე ამხანაგები, ნაწილობრივ რუსეთიდან გადმოსახლებულნი (უმთავრესად მოსკოვიდან გადმოსახლებულნი ზუბატოვის მიერ) და ნაწილობრივ კი საზღვარგარეთის ემიგრაციიდან დაბრუნებული ამხანაგები. ტფილისელ ამხანაგებს კავშირი ჰქონდათ გაბმული ზოგიერთ ამხანაგებთან ბაქოში და მეც გადმომცეს მათი მისამართი. მე ძალიან ჩქარა ვისარგებლე ამ კავში-



რით, მაგრამ დავრწმუნდი, რომ ამ ამხანაგების დახმარებით მუშათა იმ გვარი არა-ლეგალური წრეების მოწყობა, როგორც იყო ტფილისის წრეები, იმ დროს შეუძლებელი იქნებოდა მრავალი მიზეზის გამო; შესაძლებელი იყო ამ ამხანაგების გამოყენება იმ მხრით მაინც, რომ მათთვის გამოგვერთმია ფულები ორგანიზაციისათვის, ან ლიტერატურა და ან რჩევა გვეკითხა მათთვის. 1899 წლის დასაწყისში მე და ორმა კიდევ სხვა ამხანაგმა რკინისგზელმა, რომელთაც მე ვიცნობდი ჯერ კიდევ ტფილისიდან, მოვახერხეთ შეგვედგინა წრეები არა მარტო რკინისგზის რაიონში, არამედ რკინისგზის რაიონთან ახლო მყოფ ფაბრიკებსა და ქარხნებშიც. იმავე წელში ჩვენ შევძელით ორი წრის შედგენა ნავთის სამრეწველო რაიონში საბუნჩაში. ეს წრეები ვახდენ ძირითად უჯრედაბათ ბაქოს ორგანიზაციისა, რომელმაც საერთო-რუსეთის მასშტაბით ითამაშა დიადი როლი.

1899 წლის გასულს ლადო კეცხოველი იძულებული გახდა გადმოსახლებულიყო ტფილისიდან ბაქოში, იგი მუშაობდა ტფილისის ორგანიზაციაში და ხელმძღვანელობდა ტფილისის ტრამვაის მუშათა პირველ გაფიცვას, და, როგორც გამოჩენილ პარტიულ მუშაკს, მას აღარ შეეძლო ტფილისში დარჩენა. გარდა ამისა, ყველამ იცოდა რომ იგი მბეჭდავთა შორის ლეგალურ სტამბებში მუშაობის წყალობით, ახერხებდა ტფილისის ორგანიზაციის სახელით ფურცლებისა, მოწოდებებისა და პროკლამაციების ბეჭედას. რასაკვირველია, მისი ასეთი მუშაობა არ გამოეპარა ჟანდარმების თვალს და იგი იძულებული გახდა სხვისი გვარით გადმოსახლებულიყო ბაქოში. და აი, 1899 წლის შემოდგომაზე, იგი მოვიდა ჩემთან და თავისი დაულალავი ენერგიით ხელს კიდებს მუშაობას. წრეებში მუშაობის მთელი სიმძიმე, ამ მუშაობის გამოცოცხლება და გაფართოება, როგორც ნავთის სამრეწველო რაიონში, ისე შავსა და თეთრ ქალაქში, კასერზე დააწვა ამხ. კეცხოველს, ვინაიდან იგი, როგორც თავისი ორგანიზაციული უნარიანობითა და ნიჭით, აგრეთვე თავისი ცოდნითაც იღვა ჩემზე და სხვა ჩვენ ამხანაგებზე ბევრად უფრო მაღლა, რომელთაც დავიწყეთ და მოვაწესრიგეთ წრეებში მუშაობის საქმე ბაქოში—მის მოსვლამდე.

როგორც კი მუშათა მასის შორის მუშაობამ ფართო ხასიათი მიიღო, ამხანაგი კეცხოველი მუდამ გვეუბნებოდა და გვიმტკიცებდა, რომ საჭირო იყო მოწყობა პატარა არა-ლეგალური სტამბისა ან საბეჭდო ჩარხისა. იგი მუდამ იმას იმეორებდა, რომ ლეგალური მარქსისტული ლიტერატურა და განსაკუთრებით კი გაზეთი, რომელიც ძალიან კარგად იყო მაშინ დაყენებული ქ. ტფილისში (გამოდებდა ქართულ ენაზე), ვერ შეძლებდა მუშათა მოძრაობის იმ ხანაში ბაქოში და რუსეთის სხვა ადგილებში, დაეკმაყოფილებია პარტიის



მოთხოვნილება და ამოცანები, და ამიტომ იგი დაქინებით მოითხოვდა, რომ მთელი ძალღონე მოგვეხმარა თუ გინდ პრიმიტიული არალეგალური გამომცემლობის მოსაწყობად. მაგრამ მთავარი დაბრკოლება იმაში მდგომარეობდა, რომ ჩვენ ამისთვის არავითარი სახსარი არ გავაჩნდა. საწევრო გადასახადები, რომელიც ჩვენ შემოვიღეთ იმ თავითვე მუშათა წრეების მოწყობასთან ერთად, რასაკვირველია, არ იქნებოდა საკმარისი ასეთი სტამბის გასამართავად.

საწევრო გადასახადები ძლივს-ძლივობით თუ აკმაყოფილებდა იმ მოთხოვნილებებს, რაც დაკავშირებული იყო თვით წრეებში მუშაობასთან. და აი ამხ. კეცხოველმა დაიწყო თანხების გამოძებნა. ნაწილი ამ თანხისა მან იშოვა თავის ძმისაგან, რომელსაც, თუ არ ვცდებით, მაშინ პატარა სატყეო კონცესიები ქონდა სპარსეთის საზღვარზე. ამხ. კეცხოველმა ბარათი მისწერა თავის ძმას და აქ პატარა ხრიკსაც მიმართა. მან მისწერა ძმას, რომ სურს განაგრძოს სწავლა, თავს ანებებს ყოველგვარ რევოლიუციურ მუშაობას და ამისათვის სთხოვს იმას დახმარებას. ჩქარა მან მიიღო 200 მანეთი და წერილი, რომელშიც მისი ძმა დიდ სიამოვნებას გამოსთქვამდა ლადოს „ქუჯაზე მოსვლის“ შესახებ. ეს თანხა იმ დროში შეადგენდა მთელ ქონებას ჩვენი პატარა ორგანიზაციისათვის. ჩვენ ვფიქრობდით, რომ ამ 200 მანეთით შევძლებდით ჩვენი სანეტარო ოცნების განხორციელებას. მიიღო თუ არა ეს ფული ამხ. ლადო ენერგიულად შეუდგა პატარა საბეჭდი ჩარხის მოწყობის საქმეს. ჩვენ კავშირი გვქონდა ტფილისის ორგანიზაციასთან, რომელსაც ვაცნობეთ ჩვენი მიზანი, მაგრამ გამოირკვა, რომ მცირეოდენ მატერიალური დახმარებისა და შრიფტის და ზოგიერთი სასტამბო მასალის გამოგზავნის გარდა სხვაგვარი დახმარების აღმოჩენა ტფილისის ორგანიზაციის ჩვენთვის არ შეეძლო. ამიტომ უმთავრესად ისევ ჩვენივე ძალებით უნდა გვემოქმედნა. ლადო კეცხოველი ერთგვარად იცნობდა სტამბის საქმეს, ვინაიდან იგი რამდენიმე ხნის განმავლობაში იყო ტფილისის ერთ-ერთი ლეგალური სტამბის გამგე. მე კი მანამდე არავითარი წარმოდგენა არა მქონდა ამ საქმის ტექნიკის შესახებ. როდესაც მე იგი მეკითხებოდა, თუ როგორ უნდა მოგვეწყო ჩარხი, რამხელა უნდა ყოფილიყო იგი და სხვ.,—ამხ. ლადო განცვიფრებაში მოდიოდა ჩემი უფიცობით. ბოლოს ჩვენ გადავწყვიტეთ წავსულიყავით რომელიმე სტამბაში და თვითონ დაგვეთვალიერებია ბეჭდვის ტექნიკა, რათა შემდეგ მოვესაზრა, თუ რა უნდა გავვეკეთებია ამ საქმისათვის. ჩვენ წავედით ვიღაც შაპოშნიკოვის პატარა სტამბაში ბაქოში, თითქოს სადარბაზო ბარათების შესაკვეთად, ხოლო ამავე დროს კი თვალყურს ვადევნებდით იმას თუ როგორ ბეჭდავდნენ მუშები. ისეთი დრო იყო, რომ ჩვენ განსაკუთრებულ ყურადღებას არავინ არ მოგვაქცევ-



და. ამხ. ლაღომ მიმართა სტამბის გამგეს შემდეგი თხოვნით და მიუთითა ჩემზე: „აი ამ ახალგაზრდას ძალიან აინტერესებს ბექვდითი საქმე და თუ არ შეწყუბდებით გვაჩვენეთ, როგორ ხდება ეს.“ ჩვენ მთავარი მიზანი იმაში მდგომარეობდა, რომ როგორმე მოგვეხერხებია ასოების ყუთიდან წამოგვეღო რამდენიმე შრიფტი, ვინაიდან ჩვენ ვერც წიგნებიდან და ვერც კატალოგებიდან ვერ გავიგეთ თუ რაში სიმაღლე უნდა ყოფილიყო შრიფტი და რა მანძილი უნდა დარჩენილიყო სახურავსა და ჩარხის ზურგის შორის. სტამბის გამგე ძალიან თავაზიანი კაცი აღმოჩნდა და დაწვრილებით დაგვათვალღიერებინა მთელი სტამბა. ამ თავაზიანობის წყალობით მე ბევრი რამ გავიგე ბექვდის ტექნიკიდან და ამასთანავე მოვახერხე ერთი მუჭა შრიფტის წამოღებაც, მაღლობა გადაუხადეთ გამგესა და წამოვედი. რასაკვირველია, სადარბაზო ბარათებისათვის ჩვენ იქ აღარ წავსულვართ, და გარდა ამისა იგი ჩვენ საკუთარ გვარზედ არ ყოფილა შეკვეთილი. ამხ. კეცხოველმა წინადადება მომცა დაწვრილებით დამეხატა საბეჭდი ჩარხი და მისი ნაწილები. მრავალი გადაკეთების შემდეგ (მან დაიწუნა რამოდენიმე ჩემი სურათი), მე როგორც იქნა დავხატე ასეთი ჩარხი და მისი ნაწილები. და ამ სურათების მიხედვით ჩვენ შეუკვეთეთ სხვა და სხვა ქარხნებს ჩარხის ნაწილები. მე ძალიან კარგად მახსოვს, რომ სახურავი და ზოგიერთი სხვა ნაწილები ჩვენ შეუკვეთეთ რისევის ქარხანას (მგონი ეხლაც არის ეს ქარხანა ბაქოში), ხოლო თვით ზურგი კი ეიზენშმიდტის ქარხანას შევქალაქში. რისევის ქარხანაში ჩვენთვის არ მიუქცევიათ განსაკუთრებული ყურადღება, მათ მიიღეს ბე და შეგვიპირდნენ ერთი თვის შემდეგ შენაკვეთის ჩაბარებას. რაც შეეხება ეიზენშმიტს, იქ, როდესაც ვებაასებოდით სახელოსნოს გამგეს, ჩვენთან მოვიდა ვიღაც გაიძვერა პიროვნება, რომელმაც გვითხრა: „ახ, ეს ალბად კორექტურული ჩარხისათვის გინდათ?“ ამაზე ამხ. კეცხოველმა დამშვიდებით უპასუხა: „ღიახ, ეს საბეჭდი ჩარხისათვის გვინდა. თქვენ ძალიან გონება მახვილი ყოფილხართ და ძალიან დიდი მომავალიც გექნებათ, ახალგაზრდავ, მაგრამ ჩემი რჩევა იქნება, როდესაც არავინ გეკითხებათ, ნუ ისვრით ხოლმე თქვენ აზრებს ჰაერზე.“ ხოლო გამგემ კი უკმეხათ უთხრა ამ „ახალგაზრდას“—ნუ ჩაერევი ხოლმე სხვის საქმეშიო. ერთი თვის თუ თვე ნახევრის შემდეგ, როგორც შეპირებული ვიყავით უნდა გამოგვეყიდა შეკვეთილი ჩარხი. ჩვენ უნდა დავგეჩქარებია პირველ ყოვლისა „სტამბის“ შენობის გამოძებნა და შემდეგ შრიფტისა და სხვა საჭირო მასალების: საღებავების და სხვათა მოვნა. ალბად თქვენთავანი გაცნობილი იქნება საბეჭდავ ჩარხთან და იცის თუ რა არის ამისათვის საჭირო. როდესაც ჩვენ გამოვიანგარიშეთ, თუ რამდენი იყო საჭირო ყოველივეს მოსა-



წყობად, აღმოჩნდა, რომ 200 მანეთი საკმარისი არ იყო მარტო ჩარხის გამოსაყიდათაც კი. ამიტომ მე გამაგზავნეს ტფილისში, რათა მოვლაპარაკებოდი იქაურ ამხანაგებს ფულების საკითხის შესახებ. მე ძალიან კარგათ მახსოვს, როგორ შევხვდი ორ ამხანაგს. ერთი მათგანი იყო—მთელ საქართველოში ცნობილი სილიბისტრო ჯიბლაძე, მაშინდელი ორგანიზაციის ლიდერი, ხოლო მეორე კი,—მაშინ ჯერ კიდევ ახალგაზრდა წევრი პარტიისა, ამხ. სტალინი, კობა ან სოსო, როგორც მაშინ მას ეძახოდნენ. მე მათ შევხვდი ტფილისში დუქანში—სადგურის ახლოს. მოლაპარაკების დროს, პირველათ მათ უარი მითხრეს რაიმე ფულადი დახმარების შესახებ, იმიტომ, რომ ტფილისის ორგანიზაციას სურდა, რომ ბეჭდვის მთელი საქმე ყოფილიყო მისი კონტროლისა და ხელმძღვანელობის ქვეშ. წინააღმდეგ შემთხვევაში, ამბობდნენ ისინი, შეუძლებელია, რომ ტფილისის ორგანიზაციამ გაიღოს ის 100 თუ 150 მანეთი თავისი ღარიბი კასიდან, რომელსაც მე მათ ვთხოვდი. ვინაიდან, არავითარი დირექტივა არ მქონებოდა ამხ. კეცხოველიდან ამ საკითხის შესახებ, მე მათ ვერაფერი ვერ ვუპასუხე და ჩვენც ამაზე დავცილდით ერთი-მეორეს. მაგრამ ბაქოში დაბრუნებამდე, მე შევეცადე რაიმე შემეგროვებია ტფილისის სტამბის მუშებში, რომელნიც ლაღო კეცხოველის წრეებში მუშაობდნენ. ისინი შემპირდნენ საღამოსათვის,—ვინაიდან საღამოს მე უნდა გავბრუნებულიყავი ბაქოში,—ეშოვათ ჩემთვის შრიფტი სამ ფუთამდე და ზოგიერთი სხვა მასალაც. რაც შეეხება ფულებს, ისინი დარწმუნდნენ, რომ შეეცდებიან აღნიშნული თანხის შეგროვებას ტფილისის მუშებს შორის, რასაც მაცნობებდნენ ერთი კვირის შემდეგ. ერთმა მუშათაგანმა შემპირდა კიდევ თვითონ წამოსულიყო ბაქოში და დახმარება გაეწია ჩვენთვის სტამბის მოწყობაში. მე ეს წინადადება არ მივიღე, რადგან ჩვენ ბაქოში ჯერ კიდევ არ გვქონდა გამოძებნილი სათანადო, საიმედო ბინა სტამბის მოსაწყობად. საღამოს მე გამოვემგზავრე ბაქოში და თან მიმქონდა შრიფტი, რომელიც უბრალოდ ჩამიყარეს ქართულ ხურჯინში. მე მაშინ ახალგაზრდა და ჯანმრთელიც ვიყავი, ასე რომ სამ-ფუთიანი ხურჯინი ძალიან ადვილათა ღა იოლათ შევიტანე ვაგონში და დავდევი ზევითა თაროზე, სადაც მე თვითონ მოვეწყვე. რასაკვირველია, ჩემთვის ყურადღებაც არავის მიუქცევია, მაგრამ ჩემი გამოუცდელობის გამო, მე სულ მეგონა, რომ თითქოს ყველანი მე მიყურებდნენ რაღაც საეჭვო თვალთ. ბაქოში სადგურზე დამხვდა კეცხოველი და შორიდან თვალებით მანიშნა უკან გავეყოლოდი მას. ჩვენ წავედით ბალახანის ქუჩაზე, სადგურის ახლოს, სადაც ჩვენ დაქირავებული გვქონდა ოთახი სტამბის მასალების შესაგროვებლად. როდესაც მე ვაჩვენე ამხ. კეცხოველს. თუ როგორ ჩამოვიტანე შრიფტი, იგი აღელდა და უკმაყოფილება-



საც გამოსთქვამდა, რომ ამ არეული შრიფტის გადარჩევა ჩვენ გვართმევს რამოდენიმე ღამესო. კასები ჩვენ მაშინ არ გვექონებია და მთელი შრიფტი გადავარჩიეთ ასოების მიხედვით და შევკარით ქალღმერთი. მთელ ღამეებს ვათენებდით ამ მუშაობაში. ძალიან გვიჭირდა შებრუნებული ასოების გამოცნობა. როდესაც მე ვაცნობე ამხ. კეცხოველს ტფილისელი ამხანაგების პირობები, რომლითაც ისინი თანახმა იყვნენ მოეცათ ჩვენთვის ფულები, მან კატეგორიული უარი სთქვა ამაზე, და განაცხადა, რომ ტფილისის ორგანიზაციის არავითარ კონტროლს არ უნდა ექნეს ადგილი ამ საქმეშიო. თუ ისინი გვენდობიან—მოგვცენ ფულები, ხოლო თუ არ გვენდობიან,—მაშინ ჩვენ მათ დაუხმარებლათაც შევძლებთ ამ საქმის დამთავრებასო. როდესაც დადგა ჩარხის გამოსყიდვის დრო და ჩვენ ფულები ველარვიშოვეთ ბაქოში, იძულებული გავეხდით, ხელახლა წავსულიყავი ტფილისში და მაშინ იქაურმა ამხანაგებმა ხელად მოგვცეს 100 მანეთი და ხელნაწერი პროკლამაცია დასაბეჭდათ. ამ ფულებითა და ერთ-ერთი ასოთ-ამწყობი ამხანაგით—ვასო წულაძითურთ,—მე დაებრუნდი ბაქოში. ბოლოს და ბოლოს, როგორც იქნა ჩარხი გამოვისყიდეთ და დავდგი კიდევ და ჩვენდა სასიხარულოთ, პირველი ფურცელი, რომელიც ჩვენ დავბეჭდეთ რუსულ და ქართულ ენაზე, აღმოჩნდა ძალიან კარგათ და ლამაზად დაბეჭდილი. რასაკვირველია, დიდი მუშაობა და ბევრი ენერჯია დაიხარჯა ამ საქმის მოსაგვარებლად. ჩვეულებრივად ვმუშაობდით ღამით, წრეებში მუშაობის გათავების შემდეგ, დახურულ ფანჯრებში, დახუთულ და უფერო ოთახში. მაკულატურა (შავი ქაღალდი) სპეციალურათ მიგვექონდა ერთ ამხანაგთან, სადაც იდგა ფეჩი და იქ ვწვავდით. გადაწყვეტილი გვექონდა, რომ ყოველივე, რასაც კი ჩვენ დავბეჭდავდით, გადაგვეგზავნა ტფილისში, რათა უფრო საიდუმლოთ შეგვენახა სტამბის არსებობა ბაქოში. თავისი ბუნებით ამხ. კეცხოველი ისეთი პიროვნება იყო, რომ არასდროს არ კმაყოფილდებოდა მიღწეული შედეგით და მცირეოდენი ხნის შემდეგ ჩვენი ჩარხი მას უკვე აღარ აკმაყოფილებდა, რადგანაც იგი ცოტას ბეჭდავდა. იგი ამბობდა: „არ შემიძლია მოვისვენო, მე თითქოს სიზმარში ვხედავ, თუ ეს ფურცლები, როგორ ათასობით და ათათასობით იბეჭდება სადაც და ვრცელდება ხალხში“. ჩქარა გამოჩნდა ისეთი ნიშნები, რომელმაც გვაიძულა ჩარხის უფრო საიმედო ადგილას შენახვა. ჩვენი ღამით მუშაობა და დღისით გადაკარგვა იქცევა მუშაობების ყურადღებას. ამხ. კეცხოველს აზრად მოუვიდა, რათაც არ უნდა დაჯდომოდა ემოვნა თანხა და ეყიდა ნამდვილი საბეჭდი მანქანა ამერიკული ან ჩვეულებრივი ტიპისა. და როდესაც მან ამ საქმის შესრულება გადასწყვიტა, ჩვენ ამხ. კეცხოველი განუათავისუფლეთ ყოველგვარი სხვა მუშაობიდან. იგი ხშირად დაი-



რებოდა ბაქოს სხვადასხვა სტამბებში, სცდილობდა იქ ნაცნობები გაეჩინა: რასაკვირველია, იგი სცხოვრობდა ბაქოში სხვის გვარზე და კიდევაც გააძნეადა მოწმობა იმისი, რომ იგი იყო ტფილისის ერთ-ერთი სტამბის პატრონი. მთელ ამ ფორმალურ მხარეს იგი ძალიან კარგად იცნობდა. იმისათვის, რომ შეგვეჩინათ საბეჭდი მანქანა, მაშინდელი კანონების მიხედვით, საჭირო იყო გუბერნატორის ნებართვა. იგი წავიდა ტფილისში და აქ თავის ნაცნობ სტამბის მეპატრონეებში გაეცნო ასეთი ნებართვის ფორმას და გადაიღო მათი ასლი.

ჩვენ შეუკვეთეთ ბაქოს გუბერნატორის ბეჭედი და აგრეთვე ვიწვევთ ქიმიურათ გადაღებული ხელის მოწერა გუბერნატორისა. ყოველივე ეს გაკეთებული იქნა ტფილისში და დავით იოსების ძე დემეტრაშვილის სახელზე, რომლის გვართაც იგი სცხოვრობდა ბაქოში, მან გააკეთა ნებართვა მაშინდელი ბაქოს გუბერნატორის სვეჩინის ხელის მოწერით, შესახებ იმისა, რომ მას აქვს უფლება გახსნას სტამბა კავკასიის ყველა ქალაქებში. როდესაც მან ასეთი მოწმობა გააკეთა, იგი ადვილად გაურიგდა ერთ-ერთი სტამბის მეპატრონეს პრომიშლიანსკის 900 მანეთად ეყიდნა მისგან ძველი მანქანა, საწერი ფურცლის ფორმატისა. საქმე თითქმის დასრულებული იყო, მაგრამ, როგორც ყოველთვის, ხელს გვიშლიდა ფულის ნაკლებობა. მაშინ ამხ. კეცხოველმა მიმართა ბაქოში ზოგიერთ ამხანაგებს, რომელთაც ეკავათ ეს თუ ის ოფიციალური თანამდებობა, და ლეონიდ ბორისის ძე კრასინის, ნიკოლოზ პეტრეს ძე კაზარენკოსა და ეკატერინა ალექსანდრე კიცის ასულის დახმარებით ჩვენ მოვახერხეთ 800 მანეთის შეგროვება. მაგრამ ეს ფული მაინც არ იყო საკმარისი მანქანის გამოსასყიდათ. მაშინ მე წინადადება მომცეს ორგანიზაციის სახელით, თავი დამენებებია რკინის გზაში სამსახურისათვის და გადავსულიყავი სხვა სამუშაოზე, რომელიც მე საშვალებას მომცემდა უფრო მეტი დრო მომენდომებინა პარტიული მუშაობისათვის და უფრო ხანგრძლივად მემუშავა, კერძოდ, სტამბაში. და აი, ანგარიშის გასწორების დროს, მე რკინის გზაზე მომცეს პრემია, ჩქარი გარბენისათვის და ორთქლმავალების რემონტისათვის; ეს პრემია შეადგენდა იმხელა თანხას, რაც პირველი ხანებში სავსებით ფარავდა ყველა იმ ხარჯებს, რაც დაკავშირებული იყო მანქანის გამოყიდვასთან და მის დადგმასთან.

ამ რიგად, ერთ-ერთ ჩვენთვის საზეიმო სასიხარულო დღეს, შევისყიდეთ ხსენებული მანქანა და გადავიტანეთ იგი ახალ ბინაზე. მახსოვს, რომ ეს ბინა იმყოფებოდა ვორონცოვის ქუჩაზე, ერთი თათრის სახლში; ამ თათართან ამხ. კეცხოველმა ისეთი მეგობრული ურთიერთობა გააბა, რომ ეს მოხუცი თათარი დიდის ხნობით იჯდა

ხოლმე ჩვენ მანქანასთან და იმდენათ მოსწონდა მთელი ეს მუშაობა, რომ სურდა თავისი პატარა ვაჟი ნური მოეცა ჩვენთვის შევირდათ. იგი ამბობდა, რომ ძალიან კარგი სამუშაოა წიგნების დამზადება: „გეთაყვა, ასწავლე ეგ ხელობა ჩემ ნურის, აიყვანე შევირთად, ხუთ წელიწადს ჯამაგირს არ მოგთხოვ“. ნური ძალიან პატარა ბავშვი იყო და მთელი მისი მუშაობა იმაში გამოიხატებოდა, რომ იგი იღებდა სხვადასხვა საჩუქრებს, რომელსაც ჩვენ მისთვის ვყიდულობდით; მას ძალიან ვეფერებოდით. თვით მოხუცი მეპატრონე სალამოობით შემოდრიოდა ჩვენ სტამბაში და ჩვენთან ბაასში ატარებდა დროს. საერთოდ იგი მუდამ სახლში იჯდა, არსად არ დაიარებოდა და ყოველთვის ჩვენს ახლოს იმყოფებოდა. რაიც შეეხება ყმედობას და საერთოდ ბევრ ლაპარაკს, უნდა ითქვას, რომ ბაქოელი აზერბეიჯანელები საერთოდ ჩუმი ხალხია და არ უყვართ ლაპარაკი, არც არავის მოუთხრობენ ხოლმე თავისი საქმეების შესახებ. და უმთავრესი კი ის იყო, რომ ჩვენ მოხუც ალი-ბაბას აზრადაც არ მოუვიდოდა, რომ ისეთი დარბაისელი, კეთილი, გულუხვი, გასაოცარ თავდაბალი და თავაზიანი ადამიანი, როგორც იყო დავით დემეტრაშვილი (კეცხოველი), ხელს მოკიდებდა არა-ლეგალურ და უკანონო საქმეს.

თუ ამხანაგებს გაუკვირდებათ ის, რომ რატომ შემოდრიოდნენ არა-ლეგალურ სტამბაში უცხო პირები, როგორც მაგალითად სახლის მეპატრონე და მისი პატარა ვაჟი, მე უნდა მოგახსენოთ, რომ საქმის ასეთი მდგომარეობა იმ ამხანაგებს, ვინც არ იცნობს ბაქოელ აზერბეიჯანელების ცხოვრების პირობებს, მართლაც და განსაკვიფრებლად ვოეჩვენებათ.

საქმე იმაშია, რომ თვითეული კომლი თუ მოსახლე, ბაქოს სამაჰმადიანო ნაწილში, სცხოვრობს სავსებით კარჩაკეტილად და განმარტოვებულად. უმეტეს შემთხვევაში ეზო შემოფარგლულია მაღალი ქვის კედლით. აზერბეიჯანელები ერთმანეთთან დაიარებიან მხოლოდ მიპატიჟების შემდეგ და ისიც მხოლოდ მამაკაცებთან ხოლო თუ მაჰმადიანის სახლში სცხოვრობს სხვა სარწმუნოებს პირი, მასთან ადერბეჯანელი შევა მხოლოდ და მხოლოდ დაპატიჟების შემდეგ.

გარდა ამისა, ბაქოელ თათრებს, რომელთაც უმეტეს შემთხვევაში არ იციან რუსული ენა და არც აქვთ ხოლმე არავითარი კავშირი პოლიტიკასთან და მთავრობის სხვა მოხელეებთან და რომელნიც, მასთანავე, პოლიტიკურად სავსებით უვიცნი არიან,—არც ქონდათ არავითარი წარმოდგენა შესახებ იმისა, რომ ცალკე მოქალაქეებს შეუძლიათ გასწიონ რაიმე, მთავრობას საწინააღმდეგო მუშაობა, განსაკუთრებით ბეჭდის საქმეში.

გარდა კარგი გარეგანი ორგანიზაციისა და აბსოლიტურად მტკიცე დისციპლინისა, ბაქოში საიდუმლო და ფარული დიდი სტამა



ბების შენახვას და მუშაობას ძლიერად ხელს უწყობდა ბაქოს მაჰმადიანების ცხოვრების განსაკუთრებული თვისებები. მაგალითისათვის მე აქ მოვიყვან ერთ პატარა შემთხვევას. ის სახლი, სადაც მოთავსებული იყო დიდი ცენტრალური არა-ლეგალური სტამბა, გაყიდა მისმა პატრონმა იმის გამო, რომ თვითონ მიემგზავრებოდა შექკაში სალოცავად. ახალმა მეპატრონემ მაჰმადიანთა მთელი კომისიის თანხლებით ინახულა ახალი სახლი დასათვალისწინებლად. ჩვენ, ვინც კი ვმუშაობდით ამ სტამბაში, ჩავიკეტეთ ერთ ოთახში, სადაც იმყოფებოდა მანქანა და ასოების კასები. კომისიას დახვდა ამხ. სიმონი, რომელმაც დაათვალისწინებია მათ ყველა ოთახები. როდესაც კომისია მოვიდა ჩვენ ოთახთან, ამხ. სიმონმა უთხრა მათ, რომ ამ ოთახში იმყოფებოდა მისი დედა და და, ხოლო თუ მათ სურთ ამ ოთახის დათვალისწინება, იგი გადაიყვანდა მათ მეორე ოთახში და ამით საშვალეობას მისცემდა მათ დაეთვალისწინებიათ ეს ოთახიც. ჩვენ, ვინც, ამ ოთახში ვიყავით დაკეტილნი, ძალიან კარგათ გავიგონეთ, თუ როგორ ერთხმად უარი განაცხადა კომისიამ ქალების შეწუხებაზე და როგორი ბოღმით მოსცილდა ოთახს. ამხ. სიმონის წინადადება მიცემული იყო იმ რწმენით, რომ კომისია, რომელიც შესდგებოდა მხოლოდ მუსლიმანებისაგან, შექველად უარს იტყოდა დაეთვალისწინებია ის ოთახი, რომელშიაც მოთავსებულნი იყვნენ ქალები.

რასაკვირველია, სარისკო იყო დიდი სტამბის მოწყობა ახლი ოთახში, მაგრამ ასეთი სტამბის მოწყობის პირველ ხანებში ჩვენ არ ვეჭონდა სხვა საშვალეობა, რომ შეგვექმნა სტამბისათვის პირდაპირ ფარული პირობები, ამ სიტყვის სრული მნიშვნელობით, რაც ჩვენ მოვახერხეთ ასეთი სტამბების მუშაობის მეორე პერიოდში.

როდესაც, ბოლოს და ბოლოს, ჩვენ შევძელით პირველ არა-ლეგალურ დიდ სტამბაში ზოგი რამის დაბეჭვდა და მისი გაგზავნა ტფილისის ორგანიზაციისათვის, რომელიც, უნდა ითქვას, ძალიან უიმედოთ უყურებდა ჩვენ მიერ დაწყებულ საქმეს ასეთი დიდი მასშტაბით,—შთაბეჭდილება ამ მუშაობისა იყო ძალიან დიდი და მოულოდნელი. და მაშინ გადაწყდა ყოველმხრივი დახმარება აღმოეჩინათ ჩვენთვის, როგორც მუშების, ისე მასალის მხრით. ტფილისის ორგანიზაციამ გამოგზავნა ჩვენ განკარგულებაში ორი ასოთ-ამწყობი, მოგვცა საკმარისი რაოდენობა შრიფტისა და ფულისა ქალაქის, საღებავისა და სხვა მასალის შესაძენად.

ყოველივე ეს შეეხება, როგორც უკვე მოვახსენეთ, 1901 წლის გასულს. იმ დროს უკვე შემდგარი იყო ბაქოს კომიტეტი, ბაქოს კომიტეტი იყო კომიტეტი რუსეთის სოც.-დემოკრატიული მუშათა პარტიისა, ისევე, როგორც ტფილისის კომიტეტი—რუსეთის სოც.-დემოკრატიული მუშათა პარტიის პირველი ყრილობის შემდეგ. ჩვენ



კავშირი გვექონდა გაბმული არა მარტო კავკასიელ ორგანიზაციებთან (მაშინ კომიტეტები არსებობდნენ ტფილისში, ბათუმში, ქუთაისში და ქიათურაში), არამედ ჩვენ კავშირი დავიჭირეთ მუშათა კლასის განთავისუფლებისათვის მებრძოლ პეტერბურგელ კომიტეტთანაც. აგრეთვე კავშირი გვექონდა „სამხრეთის მუშის“ (южный рабочий) ჯგუფთან ეკატერინოსლავში, მაგრამ მთავარი და მასთან, რასაკვირველია, გადამწყვეტი მნიშვნელობის კავშირი იყო „ისკრა“-სთან.

ბაქოს კომიტეტი, რომელშიაც შეგვიღობით ჩვენ და ჩვენი ჯგუფი, რომელნიც ვაწყობდით სტამბას, და რომელნიც ორგანიზაციულად განმარტოვებული იყო ბაქოს კომიტეტისაგან, ვეკუთნოდით „ისკრას“ ჯგუფს, რომელიც ის იყო ისახებოდა რუსეთში. მთელ ჩვენი მუშაობა ბაქოს კომიტეტში და აგრეთვე არა-ლეგალურ სხვა ორგანოებში, მიმდინარეობდა „ისკრას“ წარმომადგენლების ხელმძღვანელობის ქვეშ და მასთან მჭიდრო კავშირში. ასე მიმდინარეობდა მუშაობა პარტიის მეორე ყრილობამდე, თუმცა ჩვენს ორგანიზაციაში თავი იჩინა სხვა მიმდინარეობამაც, ზოგი ემხრობოდა „ბუნდს“, ზოგი „ეკონომისტს“ და ზოგნიც „სამხრეთის მუშის“ ჯგუფს. მაგრამ ბაქოს კომიტეტის მომუშავეთა მთავარი კადრი და ცალკე ჯგუფი ამხ. კეცხოველის მეთაურობით, ყოველთვის უყოყმანოთ იდგა „ისკრას“ ჯგუფის მხარეზე.

როგორც კი მოვაწყვეთ ეს დიდი სტამბა, ჩვენ მიწერ-მოწერა გავმართეთ „ისკრასთან“. ჩვენ ჯერ კიდევ მაშინაც ვიცოდით, რომ როდესაც მიწერ-მოწერა და კავშირი გვექონდა გამართული „ისკრას“ ჯგუფთან, ამით ჩვენ აგრეთვე კავშირი გვექონდა თვით ამხ. ლენინთან. მაშინ ვაცნობეთ ჩვენ მას, რომ აქ მოვაწყვეთ დიდი სტამბა, რომელსაც შეუძლია კარგად, წმინდათ და მრავალი ეკზემპლიარად შეასრულოს სამუშაო. და მაშინ წინადადება მოგვცეს კავშირი გაგვება „ისკრასთან“. საზღვარგარეთიდან ჩვენ ყოველთვის მოგვდიოდა წერილები და პასუხსაც ვლებულობდით ჩვენ შეკითხვებაზე „ისკრას“ ფოსტაში; ჩვენი მისამართი იყო ან მაგარი ნიშანი ან და „ნინა“. „ნინას“ ვეძახოდით ჩვენს, ბაქოელ სტამბას. ჩვენ წინადადება მოგვცეს დავკმაყოფილებულიყავით რუსეთის მხოლოდ „ისკრის“ ჯგუფების საჭირო მუშაობით და კავშირი გაგვეწყვიტა „სამხრეთის მუშასთან“ (ვგონებ ამ ორგანოს მე-5, 7 და 8 ნომრები დაბეჭდილი იყო ჩვენ სტამბაში.). მაგრამ პარალელურად აგრეთვე ჩვენ ვბეჭდავდით შემოკლებულის ფორმატით „ისკრა“-საც. ჩვენ გვიგზავნიდნენ საზღვარ-გარეთიდან მატრიცებს (ფოლადზე მოჭრილი ასო) შემოკლებული სახით. ამ მატრიცების მიხედვით ჩვენ ვასხამდით სტერეოტიპებს (დასაბეჭდი ფიცარი, რომელიც წარმოადგენს მოძრავი ასოებით შედგენილი დასაბეჭდი ნაწყობის ნამდვილ ასლს) და ამ



რიგად ჩვენ დავბეჭდეთ „ისკრა“-ს ოთხი ნომერი, დაწყებული მე-7-დან მე-11-მდე. როდესაც საზღვარ-გარეთ მიიღეს ჩვენ მიერ დაბეჭდილი ეკზემპლარი, იგი იმდენათ კარგად იყო შესრულებული, რომ ჩვენ იქიდან წინადადება მოგვცეს სავსებით გამოგვეყენებია ჩვენი სტამბა „ისკრას“ დასაბეჭდად.

მე მახსოვს, რომ ერთ წერილში ჩვენ პირდაპირ გვირჩევდნენ: ჩვენ ვურჩევთ „ნინას“ (ეს ჩვენი სტამბა იყო) ყოველგვარი კავშირი გასწყვიტოს „ჟენიასთან“ (ეს იყო „სამხრეთის მუშა“) და მჭიდრო კავშირი დაიჭიროს „კატისთან“ (ეს იყო „ისკრა“). და ჩვენც ასე მოვიქეციეთ, რადგან მთელი ჩვენი სიმპატიები „კატის“ მხარეზე იყო.

რამდენათ ეს არ ესიამოვნათ ეკატერინოსლაველ და სხვა ამხანაგებს, მაგრამ ჩვენ მათ პირდაპირ უარი უთხარით „სამხრეთის მუშის“ ბეჭდვაზე და დავიწყეთ „ისკრის“ საზღვარ-გარეთელ ორგანიზაციის ყველა დავალებათა შესრულება და აგრეთვე ვასრულებდით ტფილისის კომიტეტის შენაკვეთებს, უმთავრესად ქართულ ენაზე. გარდა „ისკრისა“ ჩვენ ვბეჭდავდით და ვავრცელებდით „მუშის ფურცელს“ („Листок работника“). იმ დროს ეს „მუშა“ გამოდიოდა საზღვარ-გარეთ და მას თან ახლდა ხოლმე „ფურცლები“. როგორც ეს ალბად თქვენც გახსოვთ. საქართველოსათვის ჩვენ მას ვთარგმნიდით ქართულ ენაზე და ისე ვბეჭდავდით. გარდა ამისა ამხ. კეცხოველმა გადაამუშავა ცნობილი ზღაპარი ტყის ძმების შესახებ და იგი ჩვენ დავბეჭდეთ ქართულ ენაზე.

ამ დროს უკვე სწარმოებდა კამპანია პარტიის მეორე ყრილობის მოწვევის შესახებ. და აი საზღვარ-გარეთიდან გამოგვიგზავნეს ამხანაგები, რომელთაც ვუწოდებდით, თუ არ ვცდები, „ისკრის“ აგენტებს, ასეთივე ამხანაგი ჩამოვიდა ჩვენთანაც და მან მიიღო აქტიური მონაწილეობა არა მარტო ბაქოს ორგანიზაციის მუშაობაში, არამედ შევიდა წევრად პატარა სარედაქციო ჯგუფშიც, რომლის შემადგენლობაშიც იყვნენ: ამხ. კეცხოველი, ექიმი ფაინბერგი, გალპერინი და მე. გალპერინი კარგი ორგანიზატორი იყო, ძალიან მომზადებული და სავსებით „ისკრა“-ს პლატფორმაზე იდგა. იმ დროს „ისკრას“ გავლენით (ჩვენ ვიღებდით მის ყველა ნუმერებს)—განვიზრახეთ გამოგვეცა ქართულ ენაზე არა-ლეგალური გაზეთი, რისთვისაც მოლაპარაკება გაემართეთ ტფილისის ორგანიზაციასთან, რომელშიც მაშინაც და შემდეგაც ბატონობდნენ ისეთი ცნობილი მოღვაწეები, როგორც იყვნენ—ჟორდანიას, ჯიბლაძე და სხვები. ჟორდანიას მაშინ მუშაობდა ტფილისში და სცემდა ქართულ ლეგალურ გაზეთს „კვალს“, რომელსაც საქართველოში ძალიან დიდი გავლენა ჰქონდა. როდესაც ჩვენ ვადარებდით ერთი მეორეს „კვალსა“ და „ისკრას“, ჩვენთვის ნათელი გახდა, რომ ლეგალურ პრესას აღარ შეუძლია დაიცვას ჩვე-



ნი ლოზუნგები. ჩვენ გადავწყვიტეთ „ისკრასა“ და მისი წარმომადგენელის ამხ. გალპერინის თანხმობით,—გამოგვეცა არა-ლეგალური ქართული გაზეთი. ამ გაზეთის სახელი იყო „ბრძოლა“. ტფილისის ორგანიზაცია, ჟორდანიასა და „კვალის“ ზოგიერთი ლიტერატორების სახით, ძალიან უარყოფითად შეხვდა არა-ლეგალური გაზეთის გამოცემას. ისინი ამბობდნენ, რომ ამ საქმეში ჩვენ მხოლოდ ტყუილ-უბრალოდ დავკარგავთ ფულებსა და შეიძლება პარტიულ მუშაკებსაც. ხოლო რაც შეეხება ქართველი მშრომელი ხალხის სამსახურს, ამას ისედაც საესებით ასრულებს ლეგალური ორგანო „კვალი“-ო. ამ მიმართულებით სწარმოებდა მთელი ბრძოლა ტფილისისა და ბაქოს შორის. საქმე მივიდა პატარა კონფერენციის მოწვევამდეც, რათა გავლენა მოეხდინათ ამხ. კეცხოველზე, რომელიც დაჟინებით მოითხოვდა არა-ლეგალური გაზეთის გამოცემას და ამბობდა, რომ: „ლეგალური მარქსიზმი ხრწნის მასას, კი არ წვრთნის მათ ბრძოლისთვის, რადგანაც მას აძლევენ გადაღებულ მარქსიზმს“. ამ მოსაზრებით იგი დაჟინებით მოითხოვდა არა-ლეგალური გაზეთის გამოცემას. რათა გავლენა მოეხდინათ ამხ. კეცხოველზე, შეკრიბეს და გამოგზავნეს ბაქოში ტფილისის მთავარ საწარმოთა მუშების ჯგუფი. მე ძალიან კარგად მახსოვს ამ მუშებთან შეხვედრა, რომელთაც ჩვენ ვიცნობდით ტფილისის წრეებში მუშაობით ჯერ კიდევ 1896—97 წლებში. ეს მუშები გაცხარებით გვიმტკიცებდნენ ჩვენ არ დაგვეხარჯა ტყუილ-უბრალოდ არც ფულები და არ დაგვებანდებია ძალები ქართულ ენაზე არა-ლეგალური გაზეთის გამოცემისათვის, და მთელი ჩვენი ძალ-ღონე მოგვეხმარებია იმისათვის, რომ გამოგვეცა პატარა ბროშურები და ფურცლები. „პოლიტიკური ორგანო,—ამბობდნენ ისინი,—ჩვენ აღარ გვჭირდება, რადგანაც გვაქვს ისეთი გაზეთი, როგორიც არის „კვალი“. მრავალი მაგალითების და გაზ. „ისკრადან“ ამოღებული წერილებითა და ფურცლებით ამხ. კეცხოველმა დაუწმტკიცა მათ, რომ ასეთი ორგანოს გამოცემა აუცილებელი იყო. რამოდენიმე დღის დავა-კამათის შემდეგ, ისინი როგორც იქნა, ბოლოს და ბოლოს დარწმუნდნენ იმაში, რომ ასეთი არა-ლეგალური ორგანო აუცილებლად საჭირო იყო და იმის პირობაც მოგვცეს, რომ როგორც კი ისინი ტფილისში ჩავიდოდნენ, მოითხოვდნენ, რომ ტფილისის ორგანიზაციას, რომელიც მაშინ საქმაოდ მდიდარი იყო თავისი თანხებითა და ძალებით, დახმარება გაეწია ჩვენთვის. და მართლაც, ტფილისში დაბრუნების შემდეგ მათ დიდი გავლენა იქონიეს მაშინდელ პარტიულ კონიტეტზე.

ამ უკანასკნელი წლების განმავლობაში მე ამხ. სტალინთან ერთად არა ერთხელ მომიგონებია ეს ტფილისისა და ბაქოს შორის ამტყდარი კამათი-დავა, ჩვენი მუშათა მოძრაობისათვის არა-ლეგა-



ლური პარტიის მნიშვნელობის შესახებ. ამხ. სტალინი მაშინ ტფილისის ორგანიზაციის წევრი იყო; მას არა ერთხელ აღუნიშნავს უმაგალითო ენერჯია და ნიჭი განსვენებული ამხ. კეცხოველისა, რომელსაც უკვე მაშინ შეეძლო სწორად დაესვა საკითხები რევოლიუციური მარქსიზმის თვალსაზრისით. სტალინს ძალიან ხშირად უთქვამს, რომ ამხ. კეცხოველი ჯერ კიდევ მაშინ იდგა სავსებით ბოლშევიკურ პლატფორმაზე. მე და ამხ. სტალინი სავსებით დარწმუნებული ვართ იმაში, რომ თუ კი ამხ. კეცხოველს ეცოცხლა იმ დრომდე, როდესაც მოხდა განხეთქილება რუსეთის სოც.-დემოკრატიულ მუშათა პარტიაში, იგი სავსებით დადგებოდა ბოლშევიკების რიგებში და იქნებოდა ჩვენი პარტიის ერთერთი ყველაზე გავლენიანი და აქტიური წევრთაგანი.

როდესაც ტფილისის ორგანიზაცია დაგვეთანხმა გამოგვეცა ბაქოში ქართულ ენაზე არა-ლეგალური გაზეთი,—ამის შემდეგ თავი იჩინა ერთმა სადავო საკითხმა ჩვენსა და ტფილისის ორგანიზაციების შორის. ტფილისის ორგანიზაცია მოითხოვდა, რომ ორგანოს რედაქცია სავსებით ტფილისში ყოფილიყო მოთავსებული, ხოლო ბაქოს ჯგუფს კი წინადადება ეძლეოდა ტექნიკურის მხრით შეესრულებია ყველა დადგენილება, რომელსაც გამოიტანდა ტფილისი. ასეთი წინადადება გადაჭრით უარყო ამხ. კეცხოველმა და მთელმა ჩვენმა სარედაქციო ჯგუფმაც. რათა თავის აზრზე დაეყოლიებიათ კეცხოველი, ტფილისის ორგანიზაციამ გამგზავნა ჩვენთან ერთი თავისი გავლენიანი წევრთაგანი და ამხ. კეცხოველის პირადი მეგობარი, მომავალი წევრი სახელმწიფო სათათბიროსი—სევერიან ჯუღელი; ხანგრძლივმა მოლაპარაკებამ ჩვენს ჯგუფსა და ჯუღელის შორის, არავითარი შედეგი არ მოგვცა და საქმე იქამდისაც კი მივიდა, რომ ამხ. კეცხოველმა ძალიან მკვახე ფორმაში უარყო ყველა ლეგალური წინადადებანი ტფილისელებისა და წინადადება მისცა ამხ. ჯუღელს დაუყოვნებლივ გამგზავრებულიყო ტფილისში და გადაეცა იქაური ამხანაგებისათვის, რომ იგი უარს ამბობს მათ ყოველგვარ დახმარებაზე, და თუ ისინი დაიჯინებდნენ და ასე ულტიმატიურად დასვამდნენ საკითს რედაქციის ადგილის შესახებ,—იგი უარს იტყოდა რაიმე კავშირი დაეჭირა მათთან. ჩვენი სარედაქციო ჯგუფიც, რომელსაც გალპერინის საშვალეებით კავშირი ჰქონდა „ისკრასთან“, აგრეთვე იცავდა რედაქციის ტფილისის კომიტეტისაგან დამოუკიდებელ არსებობას და იგი ექვემდებარებოდა ძველს, ყრილობამდე შემდგარ „ისკრის“ ჯგუფის დირექტივებს.

ეს არა-ლეგალური ქართული გაზეთი ჩვენ გამოვეცით და არ მოიპოვება არც ერთი მუშა, საქართველოს რევოლიუციური ბრძოლის მონაწილე, რომელსაც არ წაეკითხოს გაზეთი „ბძოლა“. ამ გი-



ზეთმა დიდი როლი ითამაშა ქართველი მუშების გარეეკონომიკურებაში და მისი საშუალებით ქართველმა მუშებმა პირველად დაინახეს თუ რა განსხვავება არსებობდა ლეგალურ და არა-ლეგალურ მარქსისტული წრეების შორის. ტფილისის ორგანიზაციამაც კარგად გამოიყენა ეს გამოცდილება და მიუხედავად იმისა, რომ მას ფართო ლეგალური შესაძლებლობანი ჰქონდა, იგი მთელი თავის ძალ-ღონე ხმარობდა იმისათვის, რომ ლეგალურ გაზეთებთან ერთად გამოეცა პარტიული არა-ლეგალური ორგანოც.

ასეთი გამოცდილება არ ექაზნიკათ ქართველ მარქსისტ ლეგალურ ლიტერატორებს, რომელნიც შემდეგ გახდნენ ციხე-ბურჯათ პირწმინდა მენშევიზმისა.

აქ მე უნდა აღვნიშნო, რომ ქართველი მუშების მასსა თავისი რევოლუციონერობით ყოველთვის წინ იდგა თავის ბელადებზე, რომელნიც ქართველ ინტელიგენციის პირმშო შვილები იყვნენ.

ჩვენს მუშაობაში 1901 წლის მიწურულში ერთგვარი შეფერხება მოხდა. საქმე იმაშია, რომ „ისკრა“-ს მატრიცებს და ზოგიერთ მიწერ-მოწერას საზღვარ-გარეთიდან ჩვენ ვლებულობდით სხვადასხვა საიმედო მისამართებით. ერთი ასეთი მისამართით, კბილის ექიმი სოფიო გინზბურგის სახელზე, ჩვენ მივიღეთ ფირფიტების ყუთში ჩალაგებული მატრიცები. ერთ-ერთი ყუთი შემთხვევით გაიჭყლტა ბაქო საბაჟოში და საბაჟოს მოხელეებმა ვერავითარ შემთხვევაში ვერ გაიგეს მისი შინაარსი. მათ მიმართეს ჟანდარმერიის სამმართველოს, რომელმაც, როგორც ეს ჩვენ შემდეგ გავიგეთ, — მოიწვია მთელი კომისია ამისათვის, რომ გამოერკვიათ თუ რა იყო ეს საიდუმლო ბარგი მატრიცების სახით.

კბილის ექიმი გინზბურგი დაიჭირეს 1 იანვარს ღამით 1902 წელს და ამ გარემოებამ ჩვენი ჯგუფი და სტამბა სახიფათო მდგომარეობაში ჩააყენა. სოფიო გინზბურგს მრავალჯერ დაკითხეს შესახებ იმისა, თუ რა ხისიათის იყო მის მიერ მიღებული ბარგი, მაგრამ მას მართლაც და გულწრფელად არ შეეძლო აეხსნა მათთვის, თუ რას ნიშნავდა ეს მატრიცები. მან იცოდა მხოლოდ ის, რომ ჩვენი ჯგუფის ერთი წევრთაგანი ლებულობდა საზღვარ-გარეთიდან არა-ლეგალურ ამანათებს, მაგრამ თუ რა ვის ეკუთვნოდა, ეს მისთვის საესებით უცნობი იყო. იგი ვაეკაცურად იქცეოდა, გმირულად გადიტანა ხანგრძლივი დაპატიმრება და მასთან უარს ეუბნებოდა ჟანდარმებს მიეცა მათთვის რაიმე პასუხი მათ დაუსრულებელ შეკითხვაზე.

როდესაც ჩვენ „ისკრას“ ვაცნობეთ მატრიცების უბედურების ამბავი, იქიდან წინადადება მოგვცეს, — როგორც თვალის ჩინისათვის, ისე მოგვევლო სტამბისათვის, შეძლებისდაგვარად შეგვემცირებია საერთო მუშაობა და გავგვედლიერებია საზღვარ-გარეთის ლიტერა-



ტურის საქმე. საზღვარ-გარეთიდან ლიტერატურის ასეთი ტრანსპორტი ჩვენ მოვაწყვეთ ბათომში საფრანგეთის სანაოსნო საზოგადოების „პაკეს“ საშვალებით. ბაქოში ჩვენ მოგვდიოდა ცნობა გემის მარსელიდან გამოსვლის შესახებ, თვით იმ გემის სახელწოდების აღნიშვნით, რომელზედაც მოქიანდათ ჩვენი ლიტერატურა და აგრეთვე გვიგზავნიდნენ პაროლს გემზე მყოფ განსაზღვრულ პირთან მოსალაპარაკებლად.

ლიტერატურის პირველი ტრანსპორტის მისაღებად გაგზავნილი ვიყავი მე ბათომში 1902 წლის მარტის პირველ რიცხვებში. ჩავედი თუ არა ბათომში, დახმარებისთვის მივმართე მაშინ უკვე კარგად ცნობილ მარქსისტ ნიკოლოზ (კარლო) სიმონის ძე ჩხეიძეს, რომელსაც დიდი ექვემდებარება ჰქონდა ჩვენ მიერ დაწყებული საქმის კეთილად დაბოლოებისა. იგი დაკმაყოფილდა მხოლოდ იმით, რომ დამისახელა „პაკეს“ კონტორის ერთ-ერთი მოსამსახურე, მაგრამ ვინაიდან მე სხვა გზა არ მქონდა, წავედი რისკზე, რადგანაც „ისკრას“ ლიტერატურას ბილბების სურვილი ძალზე დიდი იყო.

მოვნახე თუ არა დასახელებული მოხელე „პაკეს“ კონტორისა, მე იგი გავიწვიე ზღვის ნაპირზე და პირდაპირ განუცხადე მას ჩემი ბაქოში ჩამოსვლის მიზანი. ის გემი, რომლითაც მოდიოდა ჩვენი ლიტერატურა უკვე იდგა იქვე რეიდზე. „პაკეს“ კონტორის ამ მოსამსახურეს შეძლება ჰქონდა დაუბრკოლებლივ ასულიყო გემზე, იმისათვის, რომ ეცნობებოდა ჩემთვის, იყო თუ არა გემზე ამ და ამ კაცის სახელზე გამოგზავნილი ამანათი (ამანათი იგზავნებოდა გემის მთავარი მზარეულის საშვალებით, რომლისთვისაც უნდა მიგვემართა ჩვენთვის შეტყობინებული პაროლით), მან მიიღო ჩემგან 10 მანეთი და უკეთუ მე მივიღებდი მისგან მთელ ამ ლიტერატურას, კიდევ უნდა მიმეცა მისთვის 15 მანეთი.

ამ რიგათ, ჩვენ შევთანხმდით, რომ როდესაც ღამით გემი დაშორდებოდა ნაპირს განსაზღვრულ მანძილზე, მე ორი კონდრაბანდისტი—მენავეებით, ჩუმათ უნდა მივპაროდი გემს ნაპირის საწინააღმდეგო მხრიდან და ნავი „შევ კიზინიეს“ განსაზღვრულა ნიშანის მიხედვით, უნდა გადამეგდო ზღვაში ამანათი ლიტერატურისა ლიტერატურა ჩალაგებული იყო სპეციალურ, გაფისულ ქალაღში, რომელშიც წყალი არ გავიდოდა.

იმავე საღამოს ორი ფუთი ლიტერატურა მივიღე სავსებით და დაუბრკოლებლივ. ამ ორი კონტრაბანდისტი—მენავეებისა და „პაკეს“ კონტორის მოხელესთან ერთად, ლიტერატურის ასე კარგათ მიღების შემდეგ, ჩვენ შევიკრიბენით ერთ-ერთ დუქანში, სადაც ერთმანეთს ფიცი მივეცით მომავალშიც „ასე დაგვეცვა ერთმანეთის მეგობრობა“.



ამგვარად ჩვენ არა ერთხელ მიგვიღია ლიტერატურაში მათთვის და არასოდეს მარცხი იქ არ მოგვევლია. უნდა ვსთქვა, რომ მე მხოლოდ ამ რამოდენიმე ხნის წინად გავიგე, შემთხვევით, როდესაც ამ ეპიზოდს ვუყვებოდი ამხანაგებს, რომ მარსელიდან ამ ლიტერატურის გამომგზავნილი იყო პეტრე სმიდოვიჩი და ბევრიც ვიცინეთ შესახებ იმისა, რომ ჩვენ ორთავენი ერთად ვემსახურებოდით საერთო საქმეს ისე, რომ არც კი ვიცნობდით ერთმანეთს. გამომგზავნილი ლიტერატურა შესდგებოდა „ისკრას“ და „ზარიას“ ნუმრებიდან და „ისკრასა“ და „ზარიას“ ჯგუფების სხვადასხვა გამოცემებიდან.

საზღვარ-გარეთიდან ლიტერატურის ასეთმა მიღებამ რამოდენიმეთ შეამცირა ჩვენი სტამბის მუშაობა, მაგრამ მუშაობა მაინც შეუწყვეტილად სწარმოებდა, რაც გამოიხატებოდა რუსულ და ქართულ ენებზე ბროშიურების ბეჭედაში.

1902 წლის დასაწყისში მუშათა მოძრაობამ ბაქოში მიიღო საესებით გარკვეული ხასიათი თავისი პროგრამითა და მიმართულებით. ამ რვათ ბაქოს ორგანიზაცია იზრდებოდა და ძლიერდებოდა და ზოგიერთი წევრები ჩვენი ჯგუფისა, მათ შორის მეც, ვიყავით ბაქოს კომიტეტის წევრები მისი დაარსებიდანვე; რადგანაც ჩვენ ვმუშაობდით ორგანიზაციებსა და წრეებში, ხშირად ვაწყობდით სააგიტაციო გამოსვლებსაც, ამიტომ ადვილად შეიძლებოდა შემჩნეულად ვყოფილიყავით, როდესაც ლამის სმუშაოზე მივდიოდით სტამბაში. მაგრამ შეუძლებელი იყო საესებით მხოლოდ სტამბაში გვემუშავა. ან გადავსულიყავით ორგანიზაციაში მუშაობაზე და თავი დაგვეწებებია სტამბისათვის, ვინაიდან ჩვენ არ გვეყოფნიდენ ამხანაგები, რომ გაგვენაწილებია ისინი ამ ორგვარ მუშაობისათვის.

მუშაობაში ასეთი დაბრკოლების გამო ჩვენ დავსვით საკითხი შესახებ იმისა, რომ საბოლოოდ გაგვენაწილებია მუშაობა სტამბასა და პარტიული კომიტეტის შორის. ამავე დროს მოგვივიდა წინადადება საზღვარ-გარეთიდან—გავგეხილა საკითხი სტამბის ბაქოდან რუსეთის ცენტრში გადატანის შესახებ. წინადადებაში ჰირდაპირ იყო აღნიშნული, რომ პარტიული ყრილობის შემდეგ, რომლისათვისაც მზადება სწარმოებდა მაშინ, უფრო მიზან-შეწონილი იქნებოდა თუ სტამბას გადავიტანდით რუსეთის სამრეწველო რაიონის ერთ რომელიმე ქალაქში, რათა ამ გზით უფრო კარგათ მიგვეწოდებია არა ლეგალური ლიტერატურა, როგორც ცენტრისთვის, ისე განაპირა კუთხეებისათვის. ჩვენ, რასაკვირველია, ასეთ წინადადებას დავეთანხმეთ და მსწრაფლ გადაწყვეტილ იქნა, ერთგვარი წინასწარი მუშაობის შემდეგ, ბაქოში სტამბა გაგვეუქმებია და გადაგვეტანა იგი რუსეთში, დასახელებული იყო ქალაქები: ვოლოგდაზე—სამარა და სარატოვი, ცენტრში—ივანოვო-ვოზნესენსკი. მოსკოვს არავინ არ ასახე-



ლებდა, რადგან შეუძლებლათ მიგვაჩნდა ამ ქალაქში სტამბის მოწყობა. დასახელებული იყვნენ აგრეთვე ზოგიერთი სამხრეთის ქალაქები, როგორც მაგალითად, ელისავეტოგრადი და პოლტავა.

1902 წელს ბაქოს კომიტეტმა გადასწყვიტა ედღესასწაულა „მაისობა“ ქალაქის ქუჩებში და გაემართა მნიშვნელოვანი დემონსტრაცია. ჩვენ ცხარედ ვემზადებოდით ამ გამოსვლისათვის, გავაკეთეთ წითელი დროშა სათანადო ლოზუნგებით, წინდაწინ დავბეჭდეთ ჩვენ სტამბაში სამაისო ფურცლები ბაქოს კომიტეტის სახელით და სხვ.

ჯერ კიდევ „მაისობამდე“ ბაქოს კომიტეტის წევრთა უმრავლესობა 14 მარტს დააპატიმრეს. კომიტეტის წევრებიდან შემთხვევით გადავრჩით ორი კაცი, განსვენებული ბოგდან ქუნნიანი და მე. მე მიხსნა ღამის მუშაობამ სტამბაში. ეხლა მთელი მუშაობა „მაისობის“ დღესასწაულისათვის მომზადებისა დაგვაწვა თავზე ჩვენ. ბაქოს კომიტეტის წევრთა დაპატიმრების შემდეგ, ჩვენ წინაშე კიდევ უფრო მწვავედ დაისვა საკითხი სტამბის ბაქოდან რუსეთში გადატანის შესახებ. აპრილის პირველ რიცხვებში მე ამხ. კეცხოველთან და ორი ამხანაგი ასოთამწყობის—ბოლქვაძესა და წულაძესთან ერთად,—შეუდევრით სტამბის ლიკვიდაციის საქმეს. ლიკვიდაცია მდგომარეობდა იმაში, რომ მთელი შრიფტი (დაახლოებით 15 ფუთამდე) ჩვენ ჩავალაგეთ პატარა ყუთებში და ეს ყუთები მე მიმიქონდა რკინის გზის რაიონში მემანქანის ერთ თანაშემწესთან, რომელთანაც კავშირი მიქონდა იმ დროიდან, როდესაც მე რკინის გზაში ვმსახურებდი; ეს პატარა ყუთები მას მიმიქონდა ბაქოს უახლოეს დეპოში—აჯიკაბულში და იქ ინახავდა მას ჩვენ საიმედო ამხანაგ საწყობის გამგესთან. რაიცა შეეხება მანქანას, ჩვენ იგი ჩავალაგეთ ყუთებში და მივეცით შესანახათ ნავთ-სადგურში. მაშინდელი წესების მიხედვით საქონლის ასე შენახვა შეიძლებოდა მთელი თვეობით. სანაოსნო საზოგადოებამ „ნადეჟდამ“ მიიღო შესანახად ეს უზარმაზარი ყუთი მანქანით. ჩვენ, რასაკვირველია, არ მიგვიცია არავითარი მისამართი, არამედ უბრალოდ მივეცით იგი შესანახად, რათა შემდეგ გაეგზავნა, იგი ჩვენი ჩვენების მიხედვით მიმღების სახელზე. კონტორის ცნობის მოყვარე მოხელეებს ჩვენ ვეუბნებოდით, რომ ეს არის საქსოვი ჩარხი, რომელსაც ჩვენ ვაგზავნიდით პეტროვსკში, ან რომელიმე სხვა ნავთსადგურში კასპიის ზღვაზე.

იმის შემდეგ, რაც შრიფტი შევინახეთ საიმედო ადგილას, ხოლო მანქანა კი შევინახეთ ნავთ-სადგურში, ორი ასოთამწყობი ამხანაგი გაემგზავრენ ტფილისში, მე კი დავრჩი ბაქოში და ვმუშაობდი მხოლოდ ორგანიზაციებში.

ამხ. კეცხოველი, თანახმად საზღვარ-გარეთიდან მიღებული წინადადებისა, გაემგზავრა რუსეთში, რათა ენახულებია ჩვენ მიერ



დასახელებული ქალაქები და მოეწყო იქ სტამბის გადატანა. ის გაემგზავრა ვოლგაზე 1902 წლის აპრილის შუა რიცხვებში.

„მაისობა“ ბაქოს ორგანიზაციამ იღღესასწაულა პირველ კვირას 1 მაისის შემდეგ ახალი სტილით, ე. ი. 22 აპრილს. ძალიან დიდი და მნიშვნელოვანი დემონსტრაცია გაიმართა. ეს იყო პირველი საჯარო გამოსვლა მუშებისა ბაქოში, რომელმაც მოახდინა დიადი შთაბეჭდილება, თუ მხედველობაში მივიღებთ მთავრობის ოფიციალურ ცნობებს.

რუსეთის სხვა ქალაქებიც გულმხურვალეთ გამოეხმაურენ ამ დემონსტრაციას, მაგრამ ასეთ შესანიშნავ გამოსვლას შედეგათ მოყვა განადგურება თითქმის მთელი ბაქოს ორგანიზაციისა. ბაქოში დაგვიჭირეს 86 კაცი. ერთი სიტყვით მთელი აქტიური ნაწილი ბაქოს ორგანიზაციისა დაპატიმრებულ იქნა. მე და განსვენებული კნუნიანცი (რადინი) დაგვაპატიმრეს ჯერ კიდევ ქუჩაზე, მისი ბინის მახლობლად, სადაც ჩვენ მივდიოდით დემონსტრაციის შემდეგ, რომ დაგვეწერა სასიხარულო კორესპოდენცია „ისკრა“-სათვის. ეს კორესპოდენცია ჩვენ მაინც გაუგზავნეთ „ისკრას“, მაგრამ მხოლოდ ციხიდან. სამი კვირის შემდეგ ჩვენ ყველანი გაგვანთავისუფლეს, მაგრამ საერთოდ ამ დემონსტრაციამ და კიდევ უფრო მეტად ბევრი გავლენიანი და პოპულიარული ამხანაგის დაპატიმრებამ ძალიან გაადიდა სოც.-დემოკრატიის გავლენა ბაქოს მუშათა მასებზე. ჩვენი გავლენა თანდათან იზრდებოდა; ამიტომაც გავაჩაღეთ ძალიან ენერგიული მუშაობა. ზაფხულში მთელი ჯგუფებით და მიტინგებით ჩვენ ვიკრიბებოდით ნავთის სამრეწველო რაიონის უკან მინდორში და მუშაობაც სდულდა და გადმოდიოდა ამ სიტყვის სრული მნიშვნელობით.

როდესაც ამხ. კეცხოველმა გაზეთებიდან შეიტყო, რომ ბაქოს თითქმის მთელი ორგანიზაცია შეიპყრეს, იგი ძალიან შეაწუხა ამ ამბავმა და აგვისტოში უკანვე დაბრუნდა ბაქოში. მან ჩვენ გვაცნობა, რომ რუსეთის ვერც ერთ ქალაქში მან ვერ მონახა შესაფერი ადგილი სტამბისათვის. ნიკოლოზ ივანეს ძე სოლოვიოვმა მე გადმომცა ისტორია შესახებ იმისა, რომ, როდესაც ამხ. კეცხოველი ჩავიდა სამარაში, მას დაუნიშნეს შეხვედრა მეორე დღისათვის 4 საათზე, რათა მოლაპარაკებოდენ ამხანაგებს, მაგრამ ეს დაპირება იმავე ღამეს დამარცხდა. როგორმე უნდა შეეტყობინებიათ ამხ. კეცხოველისათვის, რომ დანიშნულ ბინაზე მისვლა შეუძლებელი იყო (პოლიციამ გაიგო ეს ამბავი), მაგრამ არავინ არ იცოდა თუ სად გაჩერდა იგი. რა უნდა ექნათ? რამოდენიმე ამხანაგი გააგზავნეს ქალაქის სხვადასხვა ნაწილებში და აუხსნეს მათ, რომ უნდა გაიაროს შავ წვერა ულვაშიან კაცმა, შავგვრემანმა, ჩაღის ქუდით და რომ ეს პირი იქნებოდა ბაქოდან ჩამოსული ამხანაგი. და მართლაც,



ქუჩაზე მასთან მიდის ვილაც კაცი, რომელმაც იგი იცნო აწერილი ნიშნების მიხედვით, და ეუბნება: „ნუ წახვალთ იქ, სადაც შეხვედრად აგინიშნეს“. კეცხოველმაც გადმოგვცა ეს ამბავი, როგორც ანექლოტი და ამბობდა, რომ რუსეთის ყველა ქალაქები, ჩვენთვის, სამხრეთელებისათვის ისეთია, რომ ყველანი მაშინვე გიცნობენო.

ამის შემდეგ მან მისწერა „ისკრას“ ჯგუფს, რომ ერთად-ერთი შესაფერი ადგილი სტამბისათვის ისევ და ისევ ბაქოა და რომ ჩვენი სტამბაც ამ ქალაქში უნდა დარჩენილიყო. ჩვენ მაშინვე გადავწყვიტეთ დაგვეტოვებია სტამბა ბაქოში, მაგრამ გამოგვეძებნა მისთვის უფრო კონსპირატიული ბინა და არა ისეთი, როგორიც იყო ალიბაბას სახლი.

როგორც კი მივიღეთ გადაწყვეტილება სტამბის ბაქოში დატოვების შესახებ, ამხ. კეცხოველი შეუდგა სათანადო ბინის გამოძებნას. როგორც იქნა ბინა ვიშოვეთ ჩადრის ქუჩაზე, სამი ოთახიანი ბინა. კეცხოველმა დაარწმუნა მაჰმადიანი ჯიბრაილი, ამ ბინის პატრონი, რომ მას განზრახვა აქვს გახსნას აქ მუყაოს სახელოსნო და აღუთქვას, რომ თუ საქმე კარგად წავიდოდა, შეიყვანდა მას ამხანაგათ ამ წარმოებაში. ჯიბრაილმა სიამოვნებით მიიღო ეს წინადადება და აღმოსავლეთური ჩვეულების მიხედვით დაიწყო ერთმანეთის გამაპინძლეობა, რის გამოც ისინი ჩქარა დაძმობილდნენ. აღმოსავლეთში თუ ვინმე ვისმეს დაუძმობილდა საერთოდ და კერძოდ კი მაჰმადიანი, ეს უკვე მტკიცე თავდება იმისა, რომ იგი თქვენ არ გიღალატებთ და არ გაგცემსთ. ასეთი ტიპის კაცი იყო ჯიბრაილიც, რაც მან შემდეგში საქმითაც დაამტკიცა.

კეცხოველმა გააცნო ჯიბრაილს ამხ. ბოლქვაძე და ჩემი თავი. როგორც მისი მუშები. ჩვენ არ შეგვეძლო გვექონოდა იმედი იმისა, რომ დაუმეგობრდებოდით მას ან და მიგვიპატიებოდა ფლავზე, თანხმად აღმოსავლეთის ჩვეულებისა.

მანქანა, რომელიც ჩვენ ზაფხულში გადავაგზავნეთ პეტროვსკში, დავიბრუნეთ უკან ბაქოში და ორი დღის განმავლობაში ჩვენ იგი დავდგით ჯიბრაილის ახალ ბინაზე.

მანქანისა, კასების და სხვა დაზგების დაწყობის შემდეგ, ჩვენ შეუდექით აჯიკაბულიდან შრიფტის გადმოზიდვის საქმეს. შრიფტის გადმოტანა მივანდვეთ იმავე ამხ. ბიქტორ ბაქრაძეს, რომლის საშვლებითაც ჩვენ ეს შრიფტი გადავაგზავნეთ აჯიკაბულში შესანახად. ბაქრაძე იყო საქონლის ორთქლმავალის მემანქანის თანაშემწე და ყოველ მესამე დღეს მიემგზავრებოდა ხოლმე ბაქოდან აჯიკაბულში. ამ რიგად, მთელი 15 თ. შრიფტის გადმოზიდვას დასჭირდებოდა ერთ თვეზე მეტი, თუ კი ბაქრაძე თითო მგზავრობის დროს წამოიღებდა ერთ ფუთიან ყუთს, როგორც ეს მას ჩვენგან ჰქონდა დავალებული.



შრიფტი მას მიქონდა თავის სახლში, საიდანაც შემდეგ მან
 გადაიქონდა სტამბაში ფარული და მიხვეულ-მოხვეული ქუჩებით.
 ასეთი ნელი და მასთან ფრთხილი გზით უკვე გადმოვიტანეთ 10 ფუ-
 თამდე შრიფტი. ამხ. ბაქრაძემ, წაქეზებულმა ასეთი კარგი შედეგე-
 ბით და განსაკუთრებით ისეთ ძლიერი ფიზიკური ძალის გამო, რო-
 მელიც საშვალებას აძლევდა მას თავისუფლად ეზიდა 5—6 ფუთი,
 გადასწყვიტა ერთბაშით გაეთავებია შრიფტის გადმოზიდვის საქმე
 და ერთად წამოიღო აჯიკაბულიდან რამოდენიმე ყუთი ბაწრით შე-
 კრული. ამხ. ბაქრაძე, რომელსაც თავისუფლად მოქონდა 6 ფუთიანი
 ტვირთი, არავითარ ყურადღებას არ იქცევდა გამვლელი ხალხისას.
 მაგრამ აქ მოხდა უბედურება. როდესაც იგი მიდიოდა სადგურის
 ახლოს დეპოში, სადაც იდგა მისი ორთქლმავალი, ბაწარი გაწყდა,
 რომლითაც შეკრული იყო ყუთი, და შრიფტი დაიბნა. როდესაც ამ
 ამბით დაბნეულმა ბაქრაძემ, მსწრაფლ დაიწყო გაბნეული შრიფტის
 შეგროვება, მან ამით მიიქცია ყურადღება დეპოში მიმავალი მუშე-
 ბისა და მოძრაობის მოსამსახურეებისა. ბაქრაძის სიტყვით ყოველივე
 კარგათ მოგვარდებოდა, რომ საქმეში არ ჩარეულიყო დეპოს უფრო-
 სის თანაშემწე, ყოფილი მემანქანე რეგენკაშიფი, რომელმაც იმ წუ-
 თშივე გაიგო თუ რა მიქონდა ბაქრაძეს და ყოველივე აცნობა სა-
 დგურის ჟანდარმს. ბაქრაძე და მისი მემანქანე წიკლაური დაპა-
 ტიმრეს საქმის გამოკვევამდე, ხოლო მათ მატარებელს გამოატანეს
 სხვა ორთქლმავალი.

იმ შემთხვევაში, როდესაც მე ვიცოდი, რომელ მატარებელს
 მოყვებოდა ხოლმე ამხ. ბაქრაძე, მე მას ვხვდებოდი სადგურზე ბაქო-
 ში და პირდაპირ ვღებულობდი მისგან ამ ტვირთს. ასე იყო ამ შემ-
 თხვევაშიც, მაგრამ მატარებელს ბაქრაძისა და წიკლაურის ნაცვლად
 მოყვა სულ სხვა ბრიგადა, რომელთაც აგრეთვე კარგად ვიცნობდი,
 რადგან თვითონ მეც ვმუშაობდი მათთან. ჩამოსულმა მემანქანემ და
 მისმა თანაშემწემ გადმომცეს ყოველივე რაც კი იცოდენ ბაქრაძის
 დაპატიმრების შესახებ.

მე იმ წუთშივე შევატყობინე კეცხოველს ბაქრაძის დაპატიმრე-
 ბის შესახებ. საჭირო იყო მასთან ერთად გამოგვერკვია საკითხი ყოვე-
 ლი იმ შედეგების შესახებ, რაც კი მოყვებოდა შრიფტის დაპატიმ-
 რებას. პირველ ყოვლისა უნდა გაგვეწმინდა ბაქრაძის ბინა, გარდა
 ამისა კეცხოველი უნდა მოგვეცილებია ჩვენი შტაბის ბინიდან რკინის
 გზის რაიონში, იქ ჩვენ ვხვდებოდით ზოგიერთ ამხანაგებს და ვინაი-
 დან მე, სტამბის გარდა, როგორც კომიტეტის წევრი, ვმუშაობდი
 აგრეთვე ორგანიზაციაში, და დიდი ხანი არ იყო მას შემდეგ რაც
 ციხიდან გამომიშვეს, ამიტომ მეც თვალყურს მადევნებდენ. ეს ბინა
 ეკუთვნოდა ორ რკინის გზელ მემანქანეს—ევსევი გიორგობიანს და



დიმიტრი ბაქრაძეს. ამ დროს კეცხოველი იმყოფებოდა გიორგობიანის ბინაში.

როდესაც მე ვინახულე კეცხოველი, გადავეცი ყოველივე, რაც მოხდა და წინადადება მივეცი დაუყოვნებლივ დამალულიყო ჩვენ კონსპირატიულ ბინაში, სადაც მოთავსებული იყო სტამბა, რომლის ადგილიც ვიცოდით მხოლოდ ჩვენ ორმა და ერთმა ასოთ-ამწყობმა ამხ. ივანე ბოლქვაძემ, — მან კატეგორიული უარი სთქვა წასვლაზე და განაცხადა, რომ თუ ჟანდარმები მოვიდოდნენ ამ ბინის გასაჩხრეკად, იგი მათ ყველაფერს უამბობდა, ეტყოდა რომ იგი არის კეცხოველი და, რათაც არ უნდა დაჯდომოდა ეს, იხსნიდა ბიქტორ ბაქრაძეს.

— მე არ შემძლია მოვითმინო ის, რომ იგი დაიჭირონ. ჩემი გულისათვის და მე კი თავისუფლად დავიარებოდე, — გვითხრა მან არავითარმა ჩემმა სიტყვებმა და მოსიზრებებმა მასზე არ იმოქმედა. მისი ასეთი მოქცევა რომ შევაფასოთ წარსულისა და ამის შემდეგ ჩვენ მიერ განცდილის თვალსაზრისით, რასაკვირველია, მისი გამართლება ყოვლად შეუძლებელი იქნება, მაგრამ პსიქოლოგიურად, ვინც კი იცნობდა ამხ. კეცხოველის ხასიათს იმ მომენტში, გაიგებს იმას, თუ რატომ ვერ გამონახა ამხ. კეცხოველმა საკმაო ძალა, რომ დამალულიყო და გაქცეულიყო. ყველა თავის მოქმედებასა და ნაბიჯებში ამხ. კეცხოველი, ცხადია, ყველაზე მალა აყენებდა საქმის ინტერესებს. მაგრამ იმ დროს, როდესაც მის თვალწინ გადაიშალა სურათი მთელი ჩვენი საქმის დაღუპვისა, ამ გარემოებამ ისეთი დიდი გავლენა იქონია მასზე, რომ იგი სავსებით აყვა თავის გრძობებს. ამ მხრით იგი განსაკუთრებული ხასიათის ადამიანი იყო. გაკეხებული აღზრდის სასტიკ პირობებში და გამობრძმედილი რევოლუციური ბრძოლაში, იგი ამასთან ერთად იყო მაგალითი კეთილი და სანთნოიან გულის პატრონი ადამიანისა. იმის გაგებაზე, რომ ბიქტორ ბაქრაძე უკვე დააპატიმრეს და რომ ამასთან დაკავშირებით შეუძლიათ დააპატიმრონ მთელი რიგი საუკეთესო ამხანაგებისა, რომელნიც ჩვენ არა-ლეგალურ მუშაობაში დაუფასებელ სამსახურს გვიწევდნენ, იგი მწარედ აქვითინდა და არავითარ შემთხვევაში არ სურდა წასულიყო იმ ბინიდან, სადაც შეიძლებოდა ჩქარა თავს დაგვსხმოდნენ ჟანდარმები, პირველ ყოვლისა, იმიტომ, რომ ამ ბინას უეჭველად იქვის თვალთ უყურებდნენ და მეორეც იმიტომ, რომ ამ ბინაზე სცხოვრობდა დიმიტრი ბაქრაძე, თანამოგვარე შრიფტთან ერთად დაპატიმრებული ბაქრაძისა.

როდესაც ჩემმა სიტყვებმა მასზე არავითარი გავლენა არ მოახდინა, ჩვენ დავიწყეთ მსჯელობა შესახებ იმისა, თუ როგორ მოქცეულიყავით. კეცხოველმა წინადადება მომცა დაუყოვნებლივ შევდგომოდი ბიქტორ ბაქრაძის ბინის დაცლას, ვინაიდან ჩვენ ვიცო-

დით, რომ იქ იყო შენახული ნაწილი შრიფტისა, რომელიც ჯერ კიდევ არ გვექონდა გადატანილი კონსპირატიულ ბინაზე. გარდა ამისა მან დამავალა იმავე ღამით მომეძებნა ივანე ბოლქვაძე და მასთან ერთად ყოველი ზომები მიმეღო საბეჭდი მანქანის და და მთელი სხვა სასტამბო ქონების გადასარჩენად და ამასთან ერთად მოგვეცა რჩევა-დარიგება შესახებ იმისა, თუ როგორ მოვექცეულიყავით იმ შემთხვევაში, თუ სახლის პატრონი გაჯიუტდებოდა და არ დაგვანებებდა სტამბის ქონებას. ყველა ასეთმა რჩევა-დარიგებამ მე კიდევ უფრო გამაცვიფრა იმ მომენტში, განსაკუთრებით იმიტომ, რომ ლადო კეცხოველმა კატეგორიულად განაცხადა, რომ იგი იმ ბინიდან, სადაც მაშინ იმყოფებოდა, არ წავიდოდა და დააჭერინებდა თავის თავს, იმისათვის, რომ ამით ეხსნა სხვა მრავალი ამხანაგი. თავისი ასეთი მოქცევით მან რომ ძალიან დიდი შეცდომა დაუშვა, ამას იგი თვითონაც ამბობდა მესამე დღეს ამ საღამოს შემდეგ, როდესაც ჩვენ უკვე ერთად მოვხვდით ბაილოვის ციხეში ბაქოში, მაგრამ, ვიმეორებ, იმ მომენტში მისი მდგომარეობა ისეთი იყო, რომ სხვაგვარად მოქცევა მას არ შეეძლო. ჩვენი პარტიის ისტორიის ამ პირველ პერიოდში, როდესაც თვითვე ჩვენთაგანში დიდი იყო რომანტიზმი, ხოლო ნაკლები ორგანიზაციული და სხვა გამოცდილება, — ასეთ შემთხვევას ალბად სხვაგანაც ხშირად ექნებოდა ადგილი.

მე გამოვემშვიდობე ამხ. კეცხოველს და წავედი მახლობელ ქარხანაში (კასპის მანქანის-საამშენებლო ქარხანა), სადაც ჩვენ გვექონდა საიმიდო ამხანაგ-სომეხ მუშებისაგან შემდგარი წრე. მათ დავავალე წამოსულიყვენ ჩემთან ერთად ბიქტორ ბაქრაძის ბინაზე და დამხმარებოდნენ მის დაცლაში. ხოლო თუ თვითონ მეც გამოვჩნდებოდი იმ უბანში, ეს ჩვენ ვსცანით მიზანშეუწონელ მოვლენად, რადგან იქ მე ბევრი მიცნობდა და თუ უნდარმები იქაურებს დაეკითხებოდნენ, ადვილათ გამოირკვეოდა, რომ ამ ბინიდან მე წავიღვრალაც ნივთები. ზემოდ დასახელებულმა მუშებმა სიამოვნებით იკისრეს ჩემი დავალების შესრულება. ორმა მათგანმა დიდი მოხერხებით შეიტყუილა ფხიზელი ეზოს დარაჯი მახლობელ სამიკიტნოში, ხოლო დანარჩენებმა დაათვალიერეს და გაჩხრიკეს რა ბიქტორ ბაქრაძის ბინა, წამოიღეს იქიდან ყოველივე, რასაც კი შეეძლო მის შესახებ ეჭვები აღედრა პოლიციისათვის.

როცა დავრწმუნდი, რომ ბაქრაძის ბინა დაცლილი და იქიდან ყველაფერი გამოტანილი იყო, მე წავედი ამხ. ივანე ბოლქვაძის მოსაძებნათ, მაგრამ აღმოჩნდა, რომ იგი წასულიყო ჩვენ ძველ ბინაზე, სადაც იმყოფებოდა ამხ. კეცხოველი. როდესაც მიუახლოვდი ჩვენ ძველ ბინას, დავინახე, რომ იგი მთლად გარშემორტყმული იყო პოლიციით და მრავალი ცნობისმოყვარე ხალხით, იქაურ რკინის გზის



რაიონიდან. გზაში ყველას სიამოვნებით უშვებდენ, ხოლო იქიდან კი გარეთ არავის. რასაკვირველია, მაშინვე მივხვდი, რომ ბინას სჩხრეკდენ. მაგრამ მიუხედავად ამისა და მრავალი ჩემი ნაცნობ-ამხანაგის რჩევისა, მე მაინც სწრაფად გავექანე ნაცნობი ბინისაკენ, სადაც მართლა სწარმოებდა ჩხრეკა და სადაც მე დამხვდა კეცხოველიც და ივანე ბოლქვაძეც.

კეცხოველმა, როგორც კი დამინახა, თავი ვეღარ შეიკავა სიბრაზისაგან და ქართულად დამიწყო ლანძღვა შესახებ იმისა, თუ რატომ მოვედი იქ და გავიმეორე ისეთივე სისულელე, რაც მან ჩაიდინა, როცა დარჩა ამ ბინაზე. ჟანდარმების ერთ-ერთ როტმისტრს—ბ-ნ ვალტერს კარგათ ესმოდა ქართული და იქვე ხმამაღლა გამომიტყადა თავისი სიამოვნება შესახებ ჩემი იქ მოსვლისა, ვინაიდან ჩემს ბინაზე ბაილოვში მოსვლა მათ გაუჭირდებოდათ სიშორის გამო, ხოლო ეხლა კი მე ისინი ვიხსენი ღამით ამ სიშორეს გამგზავრებიდან.

ამ რიგად, მოვხვდი თაფანგში, რომელშიც ჩვენ თვითონ შევდგიით ფეხი, მოვემწყვდიეთ სამივე ამხანაგი, რომელთაც ვიცოდით მხოლოდ თუსად იმყოფებოდა ჩვენი ფარული სტამბა. ჩვენი დაპატიმრებით ილუპებოდა მთელი საქმეც.

რამდენათაც გაუგებარია, დღევანდელი თვალსაზრისით, ჩვენი მოქცევა, როდესაც ჩვენ არ მივიღეთ არავითარი ზომები, რათა თავიდან აგვეცდინა დაპატიმრება,—იმდენათვე გაუგებარი დარჩა ჩვენთვის მაშინ ჟანდარმთა უფროსის პოროშინისა და როტმისტრის ვალტერის საქციელი, რომელნიც დაკმაყოფილდნენ მხოლოდ ამხ. კეცხოველის დაპატიმრებით. პირველად ოქმი შეადგინეს ჩემი და ამხ. კეცხოველის დაპატიმრების შესახებ, ხოლო ბოლქვაძეს კი საერთოდ ხელს არ ახლებდენ, ვინაიდან მისი საბუთებიდან სჩანდა, რომ იგი სულ რამოდენიმე დღე იყო, რაც ჩამოსულიყო ტფილისიდან; ჟანდარმებმა აგრეთვე მხედვლობაში მიიღეს ისიც, რომ ბოლქვაძე აზნაურშივილი იყო და ამიტომ შეუძლებლად დაინახეს მისი დაპატიმრება რაიმე აშკარა საბუთების გარეშე.

ჟანდარმთა პოლკოვნიკისა და როტმისტრის ხანგრძლივი თათბირის შემდეგ და, ისე, რომ არც კი შეუვლიათ ოქმი, მათ გამოგვიცხადეს, რომ აპატიმრებენ მხოლოდ ლადო კეცხოველს, რომელსაც ისინი დიდი ხანია დაეძებენ პოლიციის დეპარტამენტის ვანკარგულეების თანახმად. და ისინიც ძალიან გახარებულნი იყვნენ, რომ ასეთი ბედი მათ ხვდათ წილად.

ვაჩხრეკის დროს კეცხოველს ჯიბეში აღმოაჩნდა სამი პასპორტი და რამოდენიმე არა-ლეგალური გამოცემის ბროშურა. ერთ-ერთ ამ პასპორტთაგანში აღნიშნული იყო ჩვენი კონსპირატიული ბინა. რო-



დესაც ეს დანახა კეცხველმა, მან მოასწრო ჩუმიდ ეთქვა ჩემთვის, რომ როგორმე დღესვე ღამით მოგვეხერხებია ამ ბინიდან საბეჭდო მანქანის გადატანა.

უკვე ღამის ორი საათი იყო, მე და ივანე ბოლქვაძე პირველ ყოვლისა წავედით ნაცნობ ამხანაგ სალოროვთან, რომელთანაც ჩვენ ვინახავდით საზღვარ-გარეთელ მისამართებს, შიფრსა და ბათომელ ამხანაგების მისამართებსაც, რომელთა დახმარებითაც ვღებულობდით საზღვარ-გარეთიდან ლიტერატურის ტრანსპორტს. ვინაიდან იმ დღეებში მოველოდით ლიტერატურის ახალ ტრანსპორტს, ჩვენც უნდა გაგვეფრთხილებია ამხ. სალოროვი ყოველივეს შესახებ.

ამხ. სალოროვი იყო საუფლისწულო უწყების საწყობების გამგე და მას ოფიციალური თანამდებობა ეჭირა. ვინაიდან არც მე და არც ამხ. ბოლქვაძე არ ვიყავით დარწმუნებული იმაში, რომ ჩვენ არ დაგვაპატიმრებდნენ იმ ბინაზე, სადაც ჩვენ მოვდიოდით მანქანის გადმოსატანად,—ამიტომ ამხ. სალოროვს მივეცით ყველა საჭირო განკარგულება და უთხარით გაეფრთხილებია ყველა ჩვენი ამხანაგები და განსაკუთრებით კი ამხ. ლ. ბ. კრასინი, რომელიც მაშინ იყო ბაილოვში ელექტრონის სადგურის გამგეთ და აწვდიდა ჩვენ არა-ლეგალურ გამომცემლობას საჭირო თანხას.

როგორც კი მივედით ჩვენ კონსპირატიულ ბინაზე, მე და ბოლქვაძე იმ წუთშივე შეუდექით უკვე დადგმული მანქანის დაშლას და ყუთებში ჩალაგებას, ყუთები და სხვა საჭირო ჩასალაგებელი მასალა ჩვენ ჯერ კიდევ არ დაგვეწვა იმის გამო, რომ ეს მანქანა დიდი ხანი არ იყო, რაც მივიღეთ პეტროვსკიდან, სადაც იგი ჩვენ გავაგზავნეთ შუა ზაფხულში. დაგვაკლდა მხოლოდ რამოდენიმე ფიცარი ყუთებზე გადასკრავად და აგრეთვე ლურსმნები. მაშინვე გავიქეცი სატყეო ნავთსადგურში, სადაც ჩვეულებრივად დილის ხუთ საათიდან შეიძლება დღურგლებისა და სხვა მუშების ნახვა. აქ მე გაურვიდი ერთ ღურგალს, ვიყიდე მისგან ფიცრები და გავეშორე ჩვენ ბინისაკენ.

მთელი ჩვენი მოქმედება აშკარად სარისკო იყო. ჩვენ გადავწყვიტეთ: ან წაგველო ბინიდან ყველაფერი, ან და, თუ პოლიცია თავს დაგვესხმოდა, მანქანასთან ერთად დავეჭირეთ ჩვენც. რასაკვირველია, ჩვენ აზრდაც არ მოგვდიოდა როგორმე თავი დაგვეღწია დაპატიმრებისათვის. დაჭირავებულმა ღურგალმა ნახევარ საათში გააკეთა ყოველივე, ასე რომ მანქანა უკვე მზად იყო გასაგზავნად და ყოველივე ამისათვის მან გასამრჯელოთ მიიღო მანეთ ნახევარი.

დილის რვა საათისათვის ჩვენ უკვე ყველაფერი მზად გვქონდა წამოსაღებად. მანქანის გასატანად და მისი სანაოსნო საზოგადოების „ნადეჟდას“ კონტორაში ჩასაბარებლად, რომელსაც გაზაფხულზე ჩავაბარე ესევე მანქანა შესანახად, საჭირო იყო ორმოცდაათი მა-



ნეთი, ხოლო ჩვენ კი არ გვქონდა არც სამი მანეთი. მაშინ დავიჭირავე ეტლი და წავედი ბაილოვში ამხ. კრასინთან. პირდაპირ შევედი მის დასაძინებელ ოთახში, გამოვალვიძე იგი და როდესაც მან გაშტერებული თვალებით გადმომხედა, სხაპა-სხუპით ვუთხარი, რომ კეცხოველი დააპატიმრეს და საჭიროა ფულები მანქანის გადასარჩენად. ამხ. კრასინმა, თავისი ჩვეულებრივი პირდაპირობით, მომცა რამოდენიმე საჭირო კითხვა, ცხადათ წარმოიდგინა მთელი სურათი და მსწრაფლ მომცა 60 მანეთი ოქროს ხუთ მანეთიანებით. ამ ფულითა და დაჭირავებული ეტლით მე დავბრუნდი ჩადრის ქუჩაზე.

აქ მე დამხვდა სახლის პატრონი ჯიბრაილი. მის გაკვირვებულ კითხვაზე, თუ რას ნიშნავს ყოველივე ეს და სად არის მთელი ამ ქონების პატრონი, მისი მეგობარი დავითი (კეცხოველი), ჩვენ ვუპასუხეთ, რომ მას უბედურება დაატყდა თავს, ცოლი გარდაეცვალა და იმავე ღამით გაემგზავრა ტფილისში, ხოლო ჩვენ კი მოგვანდო ყოველივე საჩქაროთ მოგვეწესრიგებია აქ. მან დაგვიბარა სალამი გადმოგვეცა თქვენთვის და ნიშნად მეგობრობისა მან დაგიტოვათ მთელი თავისი საოჯახო ავეჯეულობა და მათ შორის ახალი კალოშებიც, დაუმატეთ ჩვენ.

პირველად ყოველივე ეს მას მოეჩვენა სინამდვილეთ და მან მწუხარება გამოსთქვა შესახებ იმისა, რომ დავითმა ვერ მოასწრო მას გამომშვიდობებოდა, მაგრამ, როდესაც ჩვენ დავიწყეთ ყუთების ეტლში ჩალაგება, მან სრულიად მოულოდნელათ პროტესტი განაცხადა და გვითხრა რომ, ყოველ შემთხვევაში, თუ ჩვენ არ გვექნებოდა წერილობით ნებართვა დავითის მანქანის წაღების შესახებ, იგი ჩვენ არ გვანდობდა თავისი მეგობრის ქონებას, თუმცა ისიც იცის, რომ ჩვენ მისი მეგობრის მუშები ვართ. ჩვენ მეტი გზა არ გვქონდა: გვეთქვა მისთვის, რომ წავიდოდით ტელეგრაფში და მიუტანდით მას მისი მეგობრის დეპეშას, თუ კი მისგან საჩქაროდ მივიღებდით პასუხს. იგი ამაზე დაგვეთანხმა. მაშინ მე წავედი ტელეგრაფში ჩემ ამხანაგ ალექსანდრე ჩონიევთან, რომელიც იყო ბაქოს ფოსტის სატელეგრაფო ნაწილის გამგე, რომელმაც იმ წუთს შემიდგინა საპასუხო დეპეშა ჯიბრაილის სახელზე „საშინლად დამწუხრებული“ დავითისაგან. დეპეშას ნომერიც ჰქონდა დასმული, ლენტზე იყო დაბეჭდილი, ერთი სიტყვით ისე, როგორც ეს ხდება ჩვეულებრივ.

როდესაც ტელეგრაფიდან დავბრუნდი, ყოველივე ისეთსავე მდგომარეობაში დამხვდა, როგორც დავტოვე; ჯიბრაილმა აიღო დეპეშა ხელში, გადაათვალიერა გადმოათვალიერა და ბოლოს გამოგვიცხადა, რომ, სულერთია, არც ეს სწამს მას. მან გვითხრა: „ერთი შეხედვით თქვენ კარგი ადამიანები უნდა იყოთ, მაგრამ ნამდვილად შეიძლება თქვენ ავაზაკები და გაიძვერანი ხართ, რომელთაც გინდათ



ჩემი მეგობრის გაძარცვა“. ამის შესახებ ჩვენ მას აღშფოთებით ველაპარაკებოდით, მაგრამ ჯიბრაილზე ამას არავითარი გავლენა არ მოუხდენია. ჩვენ ვცხარობდით და ვღელავდით, ალბათ იმის გამო, რომ მთელი ღამე გავათენეთ ნერვიული მუშაობაში და ამასთან ყოველ წუთშიც მოველოდით ჟანდარმების თავდასხმას. შეიძლება ყოველივე ეს იწვევდა ჯიბრაილის ეჭვებს, რომელსაც დიდი გაიძვირობე ეტყობოდა და რომელსაც ალბად ბევრი რამ გამოეცადა. გარდა ამისა, ჯიბრაილი იყო არა მარტო სახლის პატრონი, არამედ უფროსი მეეზოვე იმ რაიონისა, სადაც ის სცხოვრობდა.

მას შემდეგ, რაც მან გადაჭრით გამოგვიცხადა, რომ დავითის ნიეთებს არ მოგვეცემდა, ჩვენ მეეტლე გავისტუმრეთ და დავრჩით ბინაზე, რათა როგორმე დაგვეყოლებია ჯიბრაილი. მან რამოდენიმეჯერ წინადადება მოგვცა თავი დაგვენებებია მისთვის და მოესულიყავით რამდენიმე დღის შემდეგ, როცა თვითონ დავითიც დაბრუნდებოდა. ან და ბარათით შეატყობინებდა რამეს თავისი ნიეთების შესახებ. ხოლო ჩვენ, როგორც საექვო პირებს უარი გვითხრა ღამე გაგვეთია მის ბინაში. ჩვენ მაინც ჩვენსას არ ვიშლიდით და ამან მოთმინებიდან გამოიყვანა ჯიბრაილი. მან ერთი თავისი მუშათაგანი გააგზავნა პოლიციელის დასაძახებლად. თავის ენაზე მან დააბარა გაგზავნილ პირს შემდეგი: „გადაეცი თუ უბნის უფროსს, რომ ჩემთან მოვიდა ორი საექვო პიროვნება, რომელნიც, ჩემის აზრით დააბატიმრებულ უნდა იქნენ“-ო.

ჩვენ ძალიან აღელვებული ვიყავით ასეთი მარცხით და დაუწყეთ ჯიბრაილს ლანძღვა, თვითონ მას უძახოდით ქურდს, მძარცველს და უსინდისო ადამიანს, რომელმაც არ შეუსრულა დაპირება თავის მეგობარსა და „ძმას“.

რაკი დავრწმუნდით იმაში, რომ სხვა გამოსავალი აღარ იყო. მე და ბოლქვაძემ, რამოდენიმე სიტყვის შემდეგ, გადავსწყვიტეთ პირდაპირ გვეთქვა ჯიბრაილისათვის რაშიდაც იყო საქმე. ჩვენ გავიწვიეთ იგი ქუჩიდან, სადაც ვიჯექით,—ოთახში და განუცხადეთ მას, ომ აქ ჩვენ გვინდოდა მოგვეწყო არა-ლეგალური სტამბა, სადაც უნდა დაბეჭდილიყო მთავრობის და მეფის საწინააღმდეგო წიგნები და რომ ჩქარა ამ ბინას მოაწყდებიან ჟანდარმები, ვინაიდან ის პასპორტი, რომელზედაც იყო აღნიშნული კეცხოველის მისამართი წაიღეს ჟანდარმებმა კეცხოველის დაპატიმრების დროს და რომ ჯიბრაილი თავისი მოქცევით გვლუპავს არა მარტო ჩვენ, არამედ ილუპავს თავის თავსაც. თუ ჩვენ დაგვაპატიმრებენ, ჩვენ ვეტყოდით, რომ ჯიბრაილი იყო ჩვენი კომპანიონი და მაშინ კი, უკეთეს შემთხვევაში, მას მიუსჯიან ათი წლის კატორღას და მთელ მის ქონებას ხაზინას გადასცემენ. ჩვენ კი დიდი ხანია რაც ვმუშაობთ მთავრობის

წინააღმდეგ და ამიტომ არ გვეშინია არც კატორღისა და არც კვდილის.

ამ სიტყვების შემდეგ ჯიბრაილი სავსებით გამოიცვალა, დაიწყო ცახცახი, არ ვიცი, სიბრაზისა თუ შიშისაგან, მოგვიკიდა ხელი და ვიწრო ქუჩით შეგვარბენია თავას საკუთარ სახლში, სადაც შეგვიყვანა სავსებით დახურულსა და განმარტოვებულ ოთახში. აქ მან, დიდათ აღელვებულმა, გვთხოვა განგვემარტებია მისთვის, თუ რაში იყო საქმე. მაშინ კი ჩვენ ძალიან ცხადათ და ნათლად დაუსურათეთ მას, თუ რა საფრთხეს წარმოადგენდა მისთვის ჩვენი დაპატიმრება და სტამბის დაღუპვა. ახლა კი მიხვდა თვითონ ჯიბრაილი, რომ იგი გაება საშინელ ისტორიაში და მუდარით გვთხოვა: „მითხარით ძებო, რაშია ჩვენი ხსნა?“ ამაზე ჩვენ ვუპასუხეთ, რომ ერთად ერთი ხსნა მდგომარეობს იმაში, რომ დაგვეცალა ის ბინა, რომელიც ჩვენ გვეკავა და გავგეტანა იქიდან საბეჭდი მანქანა და ყველა ის მასალა, რაც კი სტამბას ეკუთვნოდა. ამის შემდეგ იგი უცბათ წამოხტა, დავეტოვა ჩვენ ოთახში და თვითონ კი გარეთ გავარდა, როგორც ეს შემდეგ შევიტყვეთ, იგი გაიქცა იმ უბნის უფროსის შესახვედრათ, რომლის დასაძახებლათაც თავისი მუშა გააგზავნა. ჯიბრაილმა შესძლო დაერწმუნებია პოლიციელი, რომ თავის სისულელით მან იგი ტყუილად შეაწუხა და ამის შემდეგ, ცოტათი დაწყნარებული იგი დაბრუნდა ჩვენთან ოთახში. ჩვენ ხელ-ახლავ მოუყევით მას მთელი ისტორია და იგიც დარწმუნდა ჩვენი განცხადების სიმართლეში.

რადგანაც ჩვენის გამოანგარიშებით ჟანდარმების მოსვლამდე დარჩა ძლიერ ცოტა დრო (ჩვენ ვფიქრობდით, რომ ისინი იმავე დილას გასჩხრეკდენ ჯიბრაილის ბინას), ამიტომ წინადადება მივეცით ჯიბრაილს-ნულარქ გვაყოვნებდა და საჩქაროთ გავესტუმრებიეთ ჩვენი ყუთებით. ჩვენ ძალიან განცვიფრებული დავრჩით, როდესაც კატეგორიული უარი გვითხრა ჩვენთვის მოეცა ეს ყუთები და გამოგვიცხადა, რომ თუ ჩვენ ყუთებით ქუჩაში დაგვინახავდენ, შესაძლებელი იქნებოდა, რომ ჩვენ დაგვაპატიმრებდენ და მაშინ მთელი საქმეც დაიღუპებოდა; ხოლო უკეთესი კი იქნებოდა, თუ იგი თავის თათრული ურმებით გააგზავნიდა ამ ყუთებს მახლობელ სოფელში, სადაც მას ქონდა პატარა ბალი და შეინახავდა ამ ყუთებს იქ მანამდის, სანამ ჩვენ მას უკანვე არ მოვიტხოვდით. აქ მან შემოგვფიცა თავის სარწმუნოებაზე და მოგვცა პატიოსანი სიტყვა, რომ არ მოგვატყუებდა, არ გავცემდა ჩვენ, და უკეთუ ჟანდარმები გასჩხრეკდენ მის ბინას, კიდევაც მისცემდა მათ საკადრის ჩვენებას.

მისი წინადადება ჩვენთვის უფრო მისაღები აღმოჩნდა და კიდევაც დავეთანხმეთ, რისთვისაც მივეცით მას ხარჯების დასაფარავად და ყუთების ხანგრძლივად შესანახად 50 მანეთი. მაშინ მან,



ჩვენ იქ ყოფნის დროსავე, ვასცა ბრძანება გაემზადებიათ და დაეკრათ ზედ ეს ორივე ყუთი, ჩვენ კი უკანა კარებით და მიყრუებული ქუჩით გამოგვისტუმრა და დამშვიდობების დროს ხელ-ახლავ დაგვიდასტურა, რომ ყველაფერს თავის რიგზე შეგვინახავდა და დავითის ან რომელიმე ჩვენგანის პირველ მოთხოვნილებებისთანავე, უკეთუ ჩვენც დაგვაპატიმრებდენ, ამ ნივთებს იგი დაუყონებლი დაგვიბრუნდება.

იქიდან წამოსულნი, მე და ამხ. ბოლქვაძე შევედით რესტორანში, რომ გვესადილა და ცოტა შეგვესვენა ყოველივე განცდილის შემდეგ, გადავწყვიტეთ, რომ ამხ. ბოლქვაძე იმ დღესვე წავიდოდა ტფილისში და შეატყობინებდა ამხანაგებს ჩვენ უბედურებას, ხოლო მე კი გადავწყვიტე გადავსულიყივი არა-ლეგალურ მდგომარეობაში და განმეგრძო მუშაობა ბაქოს ორგანიზაციაში. ამ რესტორანში დავწორდით ერთმანეთს მე და ამხ. ბოლქვაძე. იგი წავიდა ტფილისში, ხოლო მე კი იმავე საღამოს 10 საათზე დამაპატიმრეს რკინისგზის რაიონში, როდესაც მივიდიოდი პოლოხანის ქუჩაზე.

4 სექტემბერს დილით, როცა გამომეღვიძა ბაილოვის ციხეში, რომელსაც მანამდისაც კარგათ ვიცნობდი, მე ჩემი ფანჯრიდან პირდაპირ ოთახში დავინახე კეცხოველის თავი და ხმა მალლა მივეცი მას საღამო. ამ ჩემ საღამოზე კეცხოველმა დიდი ლანძღვით მიპასუხა მაგრამ მე მაშინ, მიუხედავად ზედამხედველების გაბრთხილებისა და აკრძალვისა, ხმამალლა, ქართულ ენაზე, მოკლედ გადავეცი ამხ. კეცხოველს ყოველივე, რაც კი იმ დამეს მოხდა. იგი ძალიან კმაყოფილი დარჩა საბეჭდი მანქანის ბედით და იმედი გამოსთქვა, რომ ჯიბრაილი შეასრულებდა თავის სიტყვას.

დაპატიმრებული აღმოჩნდნენ მე და კეცხოველის გარდა, კიდევ ბიქტორ და დიმიტრი ბაქრაძეები, ხოლო ერთი დღის შემდეგ მოიყვანეს გრიგოლ სალოროვიც, რომელსაც, როგორც აღმოჩნდა, თავისი ხელმძღვანელობით და თავისი მისამართით მიეღო საზღვარ-გარეთის ლიტერატურა, რაც ამის გამო დაიღუპა.

ბაქოს ციხეში ჩვენ დავგტოვეს ორი კვირა და შემდეგ ტფილისის სასამართლო პალატის პროკურორის მოთხოვნით გადაგვიყვანეს ტფილისში და მოგვათავსეს მეტეხის ციხეში ცალ-ცალკე საკნებში. სანამ ტფილისში გადაგვაგზავნიდნენ, ყველას სათითაოდ ჩამოგვართვა ჩვენება ბაქოს ჟანდარმერიის განყოფილებაში.

როდესაც მე ჩვენებას მართმევდა როტმისტრი კარპოვი, მის კაბინეტში შემოიტანეს ორი ჩემოდანი საზღვარ-გარეთელ ლიტერატურისა. ერთში იყო ვაზ. „ისკრა“-ს ნომრები, ხოლო მეორეში კი „ზარია“-ს ნომრები და ლენინის ბროშურა „რა გავაკეთოთ“ („Что делать“). კარპოვმა ჩემი ყურადღება მიაქცია ამ ჩემოდანებს და მითხრა:



— აბა შეხედეთ, ბატონო ენუქიძე, ეს თქვენი ნივთებია?

რამოდენიმე წუთის შემდეგ კარპოვი გაიძახა ჟანდარმერიის სამმართველოს უფროსმა, არ ვიცი ტელეფონზე, თუ მეორე ოთახში. გასვლის წინ მან უბრძანა იქვე მდგომ ჟანდარმს:

— თვალ-ყური ადევნე მას!

როდესაც ჩვენ მარტონი დავრჩით, მე ვსთხოვე ჟანდარმს ნება მოეცა ჩემთვის დამეთვალალოდა ის წიგნები, რომელიც იღვა ახლილ ჩემოდანში. მან ამის ნება მომცა, მაგრამ გამაფრთხილა, რომ ყოველივე საჩქაროთ გამეთავებია. მე ხელი მოვკიდე „ისკრა“-ს მე-22 ნუმერს და ლენინის ბროშურას „რა გავაკეთოთ“. ჩვენ ძალიან მოუთმენლად მოველოდით ორგანიზაციაში ამ ნომერს, ვინაიდან მასში დაბეჭდილი იყო რუსეთის სოც.-დემოკრ. მუშ. პარტიის პროგრამის პროექტი. უფრო მეტის მოუთმენლობით ველოდით უკვე ყველასათვის ცნობილი ბროშურის „რა გავაკეთოთ“-მიღებას. მე შევეკითხე ჟანდარმს, რომლის სახეც სიმპატიური მომეჩვენა: „არ შეიძლება, მეგობარო, ეს ორი ნივთი წავილო?“ ამაზე მან პირველად ნკაცრი უარი მსტკიცა, ხოლო შემდეგ კი გამაფრთხილა, რომ უკეთუ ამ ნივთებს მინახავდნენ გაჩხრეკის დროს, ეს უარესი იქნებოდა ჩემთვის. მე უთხარი მას, რომ უკვე დაპატიმრებული ვარ, გაჩხრეკილიც, ხელახლავ ალბად აღარ გამჩხრეკენ, ასე რომ ძნელი წარმოსადგენია მინახონ ეს ნივთები, ხოლო თუ მინახვენ, გაძლევთ პატიოსან სიტყვას, ვიტყვი, რომ ეს ნივთები თქვენდა შეუმჩნეველად მოვიპარე ყუთიდან. ალბად ჩემმა მდგომარეობამ და გულწრფელმა თხოვნამ გავლენა მოახდინა მასზე და მანაც წაიბურტყულა:

— მაშ კარგი, წაიღეთ, მაგრამ... იცით... ფრთხილად.

ჩემი დაკითხვის შემდეგ მეორე, თუ მესამე დღეს ჩვენ გაგვგზავნეს ტფილისში და გზაში მე მოვახერხე იმგვარად დამემალა ნაწილ-ნაწილათ „ისკრა“ და ლენინის ბროშურა, რომ ისინი კიდევაც შეეიტანე მეტეხის ციხეში.

ასე დამთავრდა ჩვენი არა-ლეგალური სტამბების მუშაობის პირველი პერიოდი, რომელსაც უშუალოდ ხელმძღვანელობდა და რომელშიც აქტიურ მონაწილეობას იღებდა ამხ. ლადო კეცხოველი.

მას შემდეგ რაც ჩვენ დაგვაპატიმრეს და უშედეგო ჩხრეკა მოახდინეს ჯიბრაილის სახლში, მთელი ბაქოს პოლიცია ფეხზე დააყენეს, რათა მოენახათ სტამბა და ის პირები, რომელნიც მონაწილეობას ღებულობდნენ საზღვარ-გარეთიდან ლიტერატურის მიღებაში, მაგრამ პოლიციამ ვერავითარ შედეგს ვერ მიაღწია.

მეტეხის ციხეში ოთხი თვის ყოფნის შემდეგ ჩვენთან ერთად დაპატიმრებულნი ორივე ბაქრადეები და გრიგოლ სალოროვი გაანთავის-



უფლეს, ასე რომ ციხეში დავრჩით კეცხოველი და მე. დარწმუნდნის დროს გამოირკვა, რომ ტფილისის უნდარმერიის სამმართველომ ბევრი რამ იცოდა ჩვენი ბაქოში მუშაობის შესახებ, მაგრამ ცხადი და აშკარა საბუთები ჩვენ წინააღმდეგ მათ არ ჰქონდათ, გარდა ჩემი ხელით შეფრთხილ დაწერილი ორი წერილისა („ისკრა“-ში გასაგზავნად), რომელიც მათ დაეჭირათ. კეცხოველსა და მე წამოგვიყენეს ბრალდება 151 და 152 მუხლების ძალით. უნდარმერიის როტმისტრი რუნიჩი ხშირად გვიჩვენებდა ჩვენ სახელზე გამოგზავნილ ანონიმურ ბარათებს, რომელიც თითქმის მათ დაეჭირათ და რომლითაც გვატყობინებდნენ, რომ ჩვენს სტამბას მიაგნო პოლიციამ და დაიჭირა მრავალი ამხანაგი, რომელთა გვარებიც იქვე იყო ჩამოთვლილი. ჩვენ იმ თავითვე მივხვდით თუ რა ღირსების იყო ბარათები და თავიდანვე მტკიცედ გადავწყვიტეთ არ მიგვეცა პოლიციისათვის არავითარი ჩვენება, რასაც კიდევაც ვასრულებდით.

მეტეხის ციხეში ძალიან სასტიკი რეჟიმი იყო. ეს იყო 1902 და 1903 წელში, როდესაც კავკასიის მთავარმართებელი იყო თავადი გოლიცინი, რომელიც განსაკუთრებულ სიმკაცრეს იჩენდა პოლიტიკურების წინააღმდეგ. მიუხედავად ასეთი სასტიკი რეჟიმისა, დაპატიმრებულნი მაინც ახერხებდნენ კავშირი გაებათ ერთმანეთთან სხვადასხვა საშუალებებით: ვაწვდიდით ერთმანეთს პატარა წერილებს და ხანდახან ბროშურის მთელ ფურცლებსაც.

იმ დროს მეტეხის ციხეში მოთავსებული იყვნენ ბევრი ამხანაგები, რომელთაც შემდეგ პარტიაში ეკავად ძალიან დიდი თანამდებობა. ქართველ თვალსაჩინო მომუშავე ამხანაგების უმრავლესობა მაშინ დაპატიმრებული იყო. ლენინის ბროშურამ და „ისკრა“-ს მე-22 ნომერმა, რომელიც ჩვენ ჩამოვიტანეთ ბაქოდან, შექმნეს დაპატიმრებულთა შორის მთელი ეპოქა. ჩემ კამერას ზევით იყო დიდი კამერა, რომელშიც მოთავსებული იყვნენ 16 ამხანაგი, რომელთა საქმეც დამთავრებული იყო და რომელნიც მოელოდნენ აღმოსავლეთ ციმბირში გადასახლებას. მათი გაგზავნა ციმბირში შეფერხდა რამოდენიმე თვით და მათ მიერ ზემოდასახელებულ ლენინის ბროშურისა და „ისკრას“ ნომერის მიღებამ, რომელშიაც დაბეჭდილი იყო პროექტი პარტიული პროგრამისა, საშუალება მისცა მათ თითქმის სკოლაც კი გაეხსნათ თავის კამერაში ამ საკითხების შესასწავლად. მათი აზრი და სხვადასხვაობა შეხედულებისა, რომელსაც მაშინ ადგილი ჰქონდა მათ შორის, ეცნობებოდა ხოლმე ცალკე კამერაში მყოფ ამხანაგებს. გაიმართა პოლემიკა ამ ჯგუფისა და ამხ. კეცხოველის შორის, რომელიც იჯდა რამოდენიმე კამერის შემდეგ ჩემგან.

ჩვენ, ბაქოელები, გადაჭრით ვიდექით ლენინის ბროშურის პოზიციაზე და ჩვენ მოგვემხრო დიდი უმრავლესობა ამხანაგებისა,

ისეთებიც კი, რომელნიც შემდეგ იყვნენ ლიდერები ქართულ მენშევიზმისა.

ამხ. კეცხოველი თავისი ენერგიითა და დაუცხრომელობით აცოცხლებდა მთელ ციხეს და იგი იყო საუკეთესო ოსტატი ბარათების გადაცემის საქმეში, რომელსაც იგი აწვდიდა კარცერში მჯდომ ამხანაგებსაც კი. ციხეში შემოღებულ „წესსა და რიგს“ იგი მუდამ არღვევდა და აიძულა ციხის ადმინისტრაცია მისი მოქმედებისათვის სულ სხვაგვარად შეეხედათ. სისხლის სამართლის ძალით დასჯილ კატორღელებთანაც კეცხოველს ძლიერ კარგი დამოკიდებულება ჰქონდა, ასე რომ, როდესაც იგი მიყავდათ მთავარი ეზოთ სასეირნოთ საეკლესიო ეზოში, სადაც სპეციალურად იგი დაყავდათ სასეირნოთ, ტუსაღები, რომელნიც ეზოში იმყოფებოდენ, ან თავისი ფანჯრებიდან, ხმა-მაღლა ესალმებოდენ მას. უმაღლესი მთავრობა ყოველთვის იწერებოდა აელაგმათ კეცხოველი, მაგრამ ჩვეულებრივად ციხის ადმინისტრაცია უღონო იყო ამ საქმეში.

კეცხოველის კამერის ფანჯრები გადასცქეროდენ მტკვარს. რომლის მეორე მოპირდაპირე ნაპირას იყო თამბაქოს პატარა ქარხანა, და აი, სხვადასხვა ნიშნების წყალობით ამხ. კეცხოველმა შესძლო კავშირი გაება ამ ფაბრიკის მუშებთან და ჩვეულებრივად, სასადილო შესვენების, დროს ან საღამოთი, მუშაობის გათავების შემდეგ, მუშების მთელი ჯგუფი იკრიბებოდა ციხის პირდაპირ და პასუხს აძლევდა კეცხოველს მის ნიშნებზე. ხშირად საქმე იქამდის მიდიოდა, რომ ციხიდან ტელეფონით ატყობინებდენ ამ ამბავს მახლობელ საპოლიციო უბანს და მუშებს გარეკავდენ ხოლმე.

სასამართლო პალატის პროკურორმა, რომელსაც ეს კარგათ მოეხსენებოდა, განიზრახა სხვა რაიმესათვის მიექცია კეცხოველის კურადლება და მოუტანა მას რამოდენიმე ფანქარი და დანომრილი რვეული; პროკურორმა სთხოვა მას თავისი მოგონებების წერა და გაშუქება თავისი თვალსაზრისით სხვადასხვა თეორიული საკითხებისა.

ამხ. კეცხოველმა პირველი რვეული გაავსო საშინელი კარიკატურებით ყველა უფროსებზე და სხვათა შორის მოათავსა თვით პროკურორის კარიკატურაც, ხოლო დანარჩენ ფანქარსა და ქაღალდს იგი ძალიან ოსტატურად არიგებდა ყველა კამერებში. როდესაც შემდეგ შემოვიდა პროკურორი ციხეში, ამხ. კეცხოველმა მხარტვა მას თავისი ნამუშევარი და პროკურორიც, მიუხედავად მთელი თავისი თავდაქერილობისა, საშინლად გაბრაზდა, რადგანაც კეცხოველმა იგი ასე გაასულელა.

ადმინისტრაციამ გადასწყვიტა განსაკუთრებული რეჟიმი შემოეღო კეცხოველისათვის, მაგრამ ყოველი ასეთი ცდა იწვევდა ყველა

პატიმართა მხრით საშინელსა და ძლიერ პროტესტ. ციხის ყველა გარეშე ფანჯრები მრავალჯერ ასკედეს ფიცრებით, მაგრამ ჩვენ მათ ყოველთვის ვამტვრევდით, რისთვისაც მკაცრ სასჯელს ვიღებდით.

1903 წლის დასაწყისში ჩვენ ცნობა მივიღეთ ბაქოდან, რომ სტამბა უკვე გამოეყიდათ ჯიბრაილისაგან და ჩვენ ამხანაგებს იგი უკვე დაედგათ და დაეწყოთ მუშაობა. ჟანდარმების ცნობები, სტამბისა და ამხანაგების დაჭერის შესახებ, ყალბი აღმოჩნდა. ეს ცნობები ჩვენ უფრო მეტ ენერგიასა და სიცხოველეს გვამტებდა ციხეში, ხოლო ასეთი ცნობები ამხ. კეცხოველზე ისეთ გავლენას ახდენდენ, რომ მასზე აღარ მოქმედებდა არავითარი განკარგულება და წესი, იგი აღარაფერს არ ემორჩილებოდა და აორკეცებდა მიწერ-მოწერას ამხანაგებთან, რომელთაც იგი ძლიერ ამხნევებდა.

როდესაც უმაღლესი მთავრობა დარწმუნდა, რომ ციხის აღმინისტრაციას შეძლება არა აქვს კეცხოველის ალაგმვისა, ხოლო მისი ციხიდან გადაყვანას კი იგი ვერ ბედავდა, მან განიზრახა უფრო უბრალო და მასთან საშინელი საქმის შესრულება. გადაწყვეტილ იქნა დაეთროთ და მოეყიდათ ერთი დარაჯი, რომელმაც, როდესაც ერთხელ ამხ. კეცხოველი თავის კამერის ფანჯრიდან ელაპარაკებოდა მეორე ამხანაგს,—ერთი გაფრთხილების შემდეგ, ესროლა მას და იქვე მოჰკლა—1903 წლის 17 აგვისტოს.

ასე დამთავრდა სიცოცხლე ერთი ყველაზე უფრო თვალსაჩინო ახალგაზრდა მუშაკთაგანისა მარქსიზმის სფეროში კავკასიაში, არალეგალური მუშაობის საუკეთესო ორგანიზატორისა და ბაქოს არალეგალური სტამბების მთავარი დამაარსებლისა, იმ სტამბებისა რომელნიც შემდეგ შეიქმნენ ჩვენი პარტიის უმთავრესი და ცენტრალური სტამბები.

(დასასრული იქნება).

დ. ნინოჯინდელი

ჰინ გასცა კავკასიის სოციალ-დემოკრატიის დიდი სტამბა ტფილისში.

1906 წელს, აპრილის პირველ რიცხვებში, განსვენებულმა მიხა ბოჭორიშვილმა მთხოვა სტამბის თავზე ცარიელი ოთახები მცირე ხნით მეთხოვებინა. მე როგორც პასუხმგებელი გამგე, დავინტერესდი, თუ რისთვის იყო საჭირო და მიზეზი ვკითხე. მან მითხრა: „ერთი საუკეთესო მასწავლებელია მოსული, უსაქმოთაა და გვინდა ასაფეთქებელ მასალის მომზადება ვისწავლოთ“. ნება დავრთე და ვთხოვე ფრთხილად ყოფილიყვნენ. 12 აპრილს 1906 წელს გადაწყვიტე ადგილობრივ დამეთვალეებინა, როგორ მიმდინარეობდა ჩემ „დემურთა“ ცხოვრება და დილით ადრე მიველი ისეთ დროს, რომ ჯერ მასწავლებელი არ იყო მოსული. აქ დამხვდა მიხა ბოჭორიშვილი, კოწია ჩაჩავა, ბაბე, (მიხას დეიდა) და ორიც ახალგაზრდა ქალი, ქალებს მე არ ვიცნობდი და დღესაც არ ვიცი მათი გვარები, მაგრამ მათი პიროვნება ნახევარ საათის შეადგე გამოირკვა.. მე დავათვალეირე ყოველი კოთხე კუნჭული, განგებ ვიგვიანებდი, რომ მათი მასწავლებელისათვის შემეხედნა, გამეგო ვინ იყო. ჩემმა ცნობისმოყვარეობამ ამაოთ არ ჩაიარა: ნახევარ საათის შემდეგ მოვიდა ერთი შუა ტანის ძალზე შავი კაცი, რომელსაც სახე ვავაქსულივით ულაპლაპებდა; მას ორი ახალგაზრდა ქალი ჰქიშკარზე მიეგებნენ, მეც სწრაფად კარებთან გაფიქრდი და განგებ კარებს დავუწყე შინჯვა, მაგრამ ყური მათკენ მქონდა მიპყრობილი, მინდოდა გამეგო რა ენაზე ილაპარაკებდენ. ქალებმა ჩემი ვინაობა არ იცოდენ, არც ის იცოდენ თუ მე სომხური ვიცი, მათ ერთმანეთს შეხედეს და სომხურათ რაღაც წაიჩურჩულეს. მასწავლებელი მათ მეტათ მხიარულათ შეხვდა, იგი სომხურათ გამოელაპარაკა, ქალები ყოველ სიტყვაზე პასუხს არ აძლევდენ, აქედან ის დავასკენი, რომ ქალებმა კილიკიური სომხური ენა არ იცოდენ და მათთვის ზოგიერთი სიტყვა გაუგებარი იყო. მასწავლებელზე ეჭვი შემეპარა და ჩემდა უნებურად ვსთქი: „ხაჩავოლა“. ვინც არ იცის რაა „ხაჩავოლა“, რა ხალხია და რას აკეთებენ, იგი ხელს ჩაიქნევს, მაგრამ მე როგორც მათი კარგი მცნობი, ჩემთვის აშკარა იყო თუ რისთვის დაიარებოდა



ეს კაცი აქ, თუ იგი მართლა „ხაჩაგოლა“ იყო. მე სახლში აღარ მებრუნდი და სწრაფად წაველ ჩემ ბინისკენ. მასწავლებლის გავაქსული სახე მოსვენებას არ მაძლევდა და გადავსწყვიტე, ჩემი ექვი მეუწყებინა სადაც ჯერ იყო. ჩემდა საბედნიეროდ ამავე დღეს განსვენებული მიხას დეიდა ჩემთან რალაც საქმეზე მოვიდა. მე ვუთხარი: მიხას გადაეცი, მასწავლებელი საექვოა და ფრთხილად იყავით. მოხუცს ჩემი შენიშვნა ეწყინა და მითხრა, მიხა მაგისტანა შეცდომას არ დაუშვებს, მას ამ საქმეში დიდი გამოცდილება აქვსო. სასიხარულოა, მიუგე მე, მაგრამ მაინც გადაეცი ჩემი ექვი,—გაფრთხილდეს. 14 აპრილს ჩემთან მოვიდა მიხა, მე იგი ვიცანი, მან დაილაპარაკა, ხმამ მაუწყა ვინც იყო, მას წვერ-ულვაში მოპარსული ჰქონდა და თვალეზე ლურჯი სათვალეები. „საქმე ცუდათააო“, დაღონებით მითხრა „ჯაშუშები შემოგვერტყენ, აი ეს პასპორტი ბაბეს გადაეცი და როგორმე საზღვარ-გარეთ გაიქე“.

მე ეტლით სწრაფად მიველ სტამბაში, მარტო ბაბე დამხვდა, იგი დავითხოვე, ქიშკარზე განცხადება გავაკარი: „Здается квартира“. კარები დავკეტე და წამოველ ამავე დღეს საღარაჯოთ. გავგზავნე ჩემი მოჯამაგირე, გიორგი რაზმაძე და დავარიგე: „მდგმურები წავიდენ, ბარგი იქაა, დილამდის იყავ, თუ მოვიდნენ ბარგის წასაღებათ 12 მანეთს გამოართმევ, თუ არა და, დილაზე ურემზე დაუდე და შინ მოიტა“. მე ამავე საღამოთი ჩემი ცოლით ღამის გასათევად, ე. ი. დასამალათ წაველი გიორგი ბაქრაძესთან. ქალები მეტად ცნობისმოყვარენი არიან და განსვენებული მეუღლე მოსვენებას არ მაძლევდა: „რა მიზეზია რომ გიორგისთან უნდა გავათიოთო“. მე ვუთხარი: ამაღამ ჩვენ უბანში ჩხრეკა იქნება და რომ არ შეგეშინდეს ასე უკეთესია-მეთქი. ამ დროს ჩემი ძმა კოტე სოფლად იყო წასული და რომ ჩემს დამალვას უნაყოფოთ არ ჩაველო, რაზმაძეს უთხარი: ბარგი რომ მოიტანო პირადათ შემატყობინე, ბაქრაძესთან ვიქნები მეთქი. მე ასეთი მოსაზრება მქონდა: 14-ში ღამე, სტამბას თუ დაეცემო—დენრაზმაძეს დაიჭერდნენ, მას ვერას დააკლებდნენ, მისი გამართლება ადვილი იყო. რაზამძის დაჭერა სიგნალი იქნებოდა, მაშინ მე სპარსეთში სომხურ სახელ-გვარათ უნდა წავსულიყავ, აქედან ინდოეთში და მერე ინგლისში (ამის შესახებ მიხასთან მქონდა ლაპარაკი, რომელმაც აღმითქვა პასპორტისა და საჭირო ქალაქების შოვნა). თუ რაზმაძე შინ მშვიდობათ მოვიდოდა და ბარგს მოიტანდა მაშინ ხიფათი თავიდან აცილებული იყო. 15 აპრილს რაზმაძემ ბაქრაძესას მომიტანა შემდეგი ცნობა: „მდგმური არ მოვიდა, ბარგი სახლში გადმოვიტანე“. გავფიქრე: ხიფათი თავიდან აცილებულია და დავებრუნდი სახლში, მაგრამ აზრში მოვტყუვდი. სამ საათზე დღისით ჩემთან მოვიდა ნაწილის უფროსი საგინაშ-



ვილი, პოლიცმეისტრის ეტლით და მკითხა: „როსტომაშვილი ხარ? დიახ, მობრძანდით? უპასუხე მე. მივხვდი საქმე რაშიც იყო, მაგრამ გვიანდა იყო. პოლიცმეისტრის ფიცხმა ცხენებმა სწრაფად მიგვიყვანეს სტამბაში. აქ დამხვდა პოლიცმეისტერი, მარტინოვი (თუ არ ვცდები), ორი როტმისტრი, ერთი ამათში ფირალოვი, პრისტავი გომელაური (თუ არ ვცდები), ორი პროკურორი, ამათში ერთი პალატის პროკურორი იყო, (იგი პირადათ კარგად გვიცნობდა, მან თავი გადმოაქნია და მითხრა — „Вот как купец!“), ნახევარი ღუეინი ჟანდარმები, მრავალი პოლიციელები, ყაზახები და სხვა „სტატსკის“ ხალხი, ერთი როტა, საპიორი და ერთიც სტრელკოვი. სტამბიდან მთელი ქონება ამოეზიდნათ და ეზოში ეყარა. საპიორები კიდევ განაგრძობდნენ თხრას, ამ დროს ყურადღების ცენტრად მე გადავიქმეც, ყველა ცდილობდა რამე ეკითხა. პოლიცმეისტერმა მიმიყვანა და ბომბები მაჩვენა შემდეგის კითხვით: „ეს რა არის?“. მე რასაკვირველია კარგათ ვიცოდი, მაგრამ ხელოვნურად გავიციინე და უთხარ: „რა ვიცი, პირველად ვხედავ“. გაჭირვებიდან ნაცნობმა პროკურორმა გამომიყვანა, მან როტმისტრ ფირალოვს და პროკურორ სკოპინსკის უბრძანა, აქტი შეედგინათ და ფორმალური ჩვენება ჩამოერთმევენათ. შემიყვანეს მეზობლის სახლში და დაიწყეს წერა, ჩემი ჩვენება სამი წლით აღრე განსვენებულ ბოჭორიშვილთან ერთად იყო შედგენილი. ჩვენების გეგმას არც ერთი სიტყვა არ გამოვაკელით; იგინი მკითხავდენ სხვა ნაირად, მე უპასუხებდი ერთნაირად. ჩვენების ჩამორთმევა გათავდა 7 საათზე საღამოთი.

სტამბის ქონება დაუდეს ექვს ურემზე, გაისტუმრეს სადაც ჯერ იყო. მე ჟანდარმებით გამისტუმრეს მეტეხის ციხეში. დიდხანს ვცდილობდი გამეგო, ვინ იყო პროვოკატორი და ერთ დღეს ბოჭორიშვილს ვკითხე: ვინ იყო და რა კაცი, მათი ყოფილი მასწავლებელი. განსვენებულმა გადმომცა შემდეგი: მასწავლებელი იყო გვარათ გურჯიევი, ოსმალელი სომეხი, ოსმალეთიდან გამოქცეული და „იავკა“ ჰქონდა სურამიდან (თუ ხაშურიდან კარგათ არ მახსოვს). ჩემი ეჭვი მიხამ დაადასტურა აი როგორი მოსაზრებით: დაჭერიდან სამი თვის შემდეგ ერთ დღეს ციხეში სადარაჯოთ მოვიდა ის როტა (სტრელკოვი), რომელსაც ჩხრეკის დროს სტამბაზე ალყა ჰქონდა შემორტყმული ამათი უფროსი აღმოჩნდა ქართველი ოფიცერი, დიდათ კეთილი ადამიანი. მან საგანგებოთ მიმიხმო თავისთან და დიდხანს მესაუბრა. სხვათა შორის მითხრა: 1906 წ. 15 აპრილს დილით ბრძანება მივიღე: „შენი როტით ავლაბარში, პეტრეპავლესთან როსტომაშვილის სახლს ალყა შემოართყიო, მე სწრაფათ ავასრულე ბრძანება, მაგრამ მიზეზი არ ვიცოდი, ჩემს შემდეგ მოვიდნენ საპიორები და სხვანი, მოსვლისთანავე ნიშანდობლივ მივიდნენ ერთ კუნჭულში და ამოთხარეს

ორი ბომბი, მე მათ კუდში ვდევდი, მინდოდა გამეგო, რას აღმოაჩენდნენ. როგორც ეტყობოდა ვილაც თქვენს ამხანაგს ჰქონდა გადაცემული. რადგან მათ ნიშანდობლივ დაიწყეს მუშაობა, რომ ორი ვერშოკით არც კი მოუვიდათ შეცდომა. ამის შემდეგ განაგრძეს თხრა, გადააბრუნეს ეზო, სარდაფი, მაგრამ ველარაფერი ვერ იპოვეს და მცირე კამათის შემდეგ დაადგინეს, ალყის მოხსნა და შინ წასვლა. როდესაც მივდიოდით, ერთმა უფროსთაგანმა გაზეთს მოუკიდა და ქაში ჩააგდო, ცეცხლი ისე სწრაფად წავიდა ძირს და დაიკარგა, რომ პროკურორს ეჭვი აღეძრა და ერთ ყაზახ რუსს თოკი მოამბეს და ჩაუშვეს შიგ. რამოდენიმე წუთის შემდეგ ყაზახმა ქვევიდან მოხსენება გააკეთა, საქმე რაშიც იყო და დაიწყეს სარდაფში თხრა, საიდანაც მიაკვლიეს სტამბის უმთავრეს გზას. ასე დაამთავრა ზემოხსენებულმა ოფიცერმა ჩემთან თავის სიტყვა. ის ვატყობდი, თითონაც სწუხდა ამაზე, რადგან არა ერთხელ სთქვა, „დიდი ქონება დაიღუპაო“. გურჯიევის ჯაშუშობა მტკიცდება, პირველად მით, რომ მან მომბების არსებობა და ადგილი კარგათ იცოდა, ხოლო სტამბის არსებობა არა თუ მან, თვით იმ ამხანაგებმაც კი არ იცოდნენ, რომლებიც მასთან სწავლობდნენ (გარდა მიხასი). მეორეთ მტკიცდება შემდეგი: ამის შესახებ შევეკითხე კოლა სიხარულიძეს—მათ ორგანიზაციიდან ხომ არ ქონდათ „იაკვა“? მან მითხრა შემდეგი: გურჯიევმა სამი ათასი მანეთი დაგვტყუა, აღგვითქვა ბომბების მომზადების სწავლა, მაგრამ არაფერი არ გვასწავლა, მას ვცემეთ და ისე გამოვაგდეთო. ციხეში სომხებთან კაი განწყობილება მქონდა და ერთ განჯელ სომეხს ვკითხე: გურჯიევის შესახებ თუ იცი რამე-მეთქი. მან მწარეთ ამოიოხრა და სთქვა: „სწორეთ მაგ გურჯიევმა ოც კაცს ციხეში თავი ამოგვაყოფინაო“. ვინ იყო და რა კაცი გურჯიევი ამოცანათ დარჩა, იგი სომხებსაც გაუსხლტა ხელიდან. ჩემის აზრით იგი მთავრობის საგანგებო პროვაკატორი იყო და ეძებდა სამას სამოც ბომბას, რომლებიც სულხანოვის სახლში ინახებოდა. ეს მტკიცდება მით, რომ სტამბის ამოჩენის შემდეგ პროკურორს უთქვამს: „რასაც ჩვენ ვეძებთ ეს იმასთან არაფერიაო“. ესევე გადმომცა ზემოხსენებულმა ქართველმა ოფიცერმა...

ს. მიგრელიშვილი

ჩემი მოგონებანი

1896 წელს მე ვიყავი 12 წლის, როდესაც გავათავე სოფლის სამ განყოფილებიანი სასწავლებელი. რადგანაც ჩემი მშობლები ძალაზედ ღარიბნი იყვნენ და არ შეეძლოთ ჩემი სწავლის გაგრძელება, მიმაბარეს ჩვენი სოფლის მღვდელს ს. ცინცაძეს საღმრთო რჯულის შესასწავლათ... ვინაიდან მე სრულებით წარმოდგენა არ მქონდა, თუ რას წარმოადგენდა სამღვდლოება, დიდის აღტაცებით დავეთანხმე. იქ გავატარე ერთ წელიწად ნახევარი; ამ ხნის განმავლობაში ძლივს შევისწავლე საღმრთო რჯულის წიგნების ანბანი, კიდევ მეტს შევისწაველიდი, მაგრამ მუდამ ყანაში მაგზავნიდნენ სამუშაოდ, მაცადინებოდა მიხედვით ხოლმე კვირა-უქმე დღეს, ისიც ხანდისხან... ამავ დროს ჩემს ხაზეინს მღვდელს ესტუმრა მისი „უმართებელესი და უწმინდესი“ გურია სამეგრელოს მღვდელთ-მთავარი ალექსანდრე, რომელსაც მამა ჩემმა მუხლის თაყვანის ცემით და თხოვნით მიმართა, რომ მე აღვეზარდე ბერათ სამადლოთ; ეს „უწმინდესი“ სულიც ღებულობს რა მამა-ჩემის ხვეწნა მუდარას, მგზავნის შემოქმედის (გურია) მონასტერში არხიმანდრიტ იონა შარვლიევის განკარგულებაში... იქ მე დიდის მორიდებით მღებულობს მოხუცი არხიმანდრიტი და მინიშნავს საჩქაროთ ორ მასწავლებელს, ერთ საღმრთო რჯულისას და მეორეს საეკლესიო მაგალობლის მასწავლებელს; იქ გავატარე ორ წელიწად ნახევარი. მაშინ იქ იყო სოფლის ერთ-კლასიანი სასულიერო სასწავლებელი, რომლის მასწავლებლად იყო ახალგაზრდა მასწავლებელი ამხ. ილიკო მგელაძე. მე ხშირად მიხედვობოდა ამხ. ილიკოსთან სიარული. ეს იყო 1898—1899 წლებში. მაშინ თუმცა მასაც არ გაეგებოდა პოლიტიკის რაიმე, მაგრამ ტენდენცია—მიმართულება კი ქონდა სოციალისტური; ხშირად გვიხდებოდა მე და ილიკოს სამღვდლოებაზედ და მათ ცრუმორწმუნობაზე სჯა-ბაასი. იმ დროს მე მეძახდნენ პატარა წმინდა ბერს, ვინაიდან ბავშობიდან ხორცეულობის ქამაც მქონდა შეძლებული. მე თანდათან ვერკვეოდი თუ რას წარმოადგენდა სამღვდლოება მათი ყოფა ქცევით... როდესაც კარგათ შევისწავლე საღმრთო რჯულის წიგნების კითხვა და საეკლესიო გალობა, მაშინ სრულებით მოსვენებას არ მაძლევდნენ, არც ეკლესიებში და არც ოჯახში. როდესაც ჩემი ბატონი არხიმანდრიტი



ემზადებოდა მეორე დღისთვის წირვას, წინ ღამით (როგორც მათი წესი არის) მთელი ლოცვის წიგნი უნდა გადაეკითხათ და ყველა ეს ჩემს კისერზე იყო დამოკიდებული. ბ. არხიმანდრიტი წამოწვებოდა არხენათ თავის ლოგინზე და დაიწყებდა ხრუტვას, მე კი 3—4 საათობით ფეხზე ჩამომწყდარი უნდა გამამეკითხა მთელი წიგნი ლოცვანისა; ამნაირ ტანჯვა-წვალებაში ვიყავ ამ ხნის განმავლობაში... მე ხშირად მაძლევდნენ დარიგებას, რომ „ბერმა არც უნდა ხორცეულობა სჭამოს და არც ქალებს შეხედოს“-ო. მეც ასეთი წესი იყო მეგონა, მაგრამ ერთ მშვენიერ დღეს წირვის გათავების შემდეგ მოვასწარ თვალი „სულ ცხოვრებულ“ ქალარა ბერს ღლონტს. აყევანა „წმინდათა წმინდა“ საკურთხეველში მანახვანი ხელში, მიებლიჯა გულზე და კოცნიდა... მე ამ მდგომარეობამ მეტის მეტად გამაკვირვა და ოცნებაში ჩამაგდო; ასე მეგონა, რომ სიზმარში ვიყავ, აბა როგორ წარმოვიდგენდი, რომ „წმინდა სული“ ბერები თუ ასეთ საქმეს ჩიოდენდნენ... ერთ ღამეს ჩემს ბატონ მოხუცს არხიმანდრიტს დააგვიანდა სახლში მოსვლა, და როდესაც მოვიდა, ისეთი გაბრაზებული და გაშმაგებული იყო, რომ ახლოს მისვლაც კი შემეშინდა; მეორე დღეს ხმები გავრცელდა, რომ არხიმანდრიტი ანდრია იორაშივილმა დაიჭირა ვილაც ცეცხლადის ქალზეო. ამის გაგონებაზე მე კინალამ გავგიჟდი, ვფიქრობდი ნუ თუ ეს ხმები მართალი იქნება მეთქი. შემდეგ მართლაც გამოირკვა, რომ ეს ჩვენი მოხუცი „წმინდანი“ შეჩვევია იმავე სოფელში ვილაც ქალს და როდესაც ეს შეუშჩნევია ანდრია იორაშივლს, წაუყვანია ორი კარგი ყოჩალი ბიჭები და სახლიდან გამოსვლის ხანს გაუქაჩავთ ეს „წმინდანი“ და დამუქრებით მღვდელ-მთავართან წარდგენა. ამ დროს „წმინდა სულს“ ამოუღია და 90 მანეთი მოუცია ქრთამათ, ისინი კი 100 მანეთ ნაკლებ არ დათანხმებულან. მაშინ 10 მანეთის თამასუქიც მიუცია არხიმანდრიტს და მუხლის მოდრეკით უთხოვნია, რომ არ გამოეაშკარაებიათ, მაგრამ მეორე დღესვე უკვე ყველამ იცოდა. ამასთანავე დაუმტკიცდა არხიმანდრიტს საეკლესიო ფულების შექმაც. მაშინ თანახმად მისი „უმართებელესი და უწმინდესი“ მღვდელ მთავრის დადგენილებისა, ეს ჩვენი არხიმანდრიტი იგზავნება ჯუმათის მონასტერში (იგივე გურია) სასინანულოთ *) სამი თვით. ეს იყო 1 წ. დიდ მარხვის დასაწყისში (თედორობის კვირა).

იქაც ეს ჩვენი „წმინდანი“ დამთვრალა უგრძობლათ და ცეცხლში გახვეულა და დაუწვავს ნახევარი პირის სახე. მაშინ ის გაგზავნეს ტფილისში საექიმოთ, იქიდან დაბრუნებული ჩამოდის აღდგომის

*) იმ დროს ეს მათთვის აღმინისტრაციულათ დასჯა იყო.



წინა კვირაში (ნების კვირა) და ერთ დღეს ე. ი. წითელ პარასკევს ეძახის შედავითნეს და უბრძანებს, რომ ჩქარა დაიჭიროს პატარა ვარია ქათამი და მოხარშოს ყალიოთ; მე მაშინ პირი შემიცინდა. შემამჩინა ეს „წმინდანმა“ და დამიყვია: „რას იცინი ბიჭო, შენ განა არ იცი რომ მე ავათ ვარ?“ (მე მაშინ ხსნილშიდაც არ ვჭამდი ხორცეულობას). შემდეგ დამიძახა და მითხრა: „წადი ჩქარა სერგო დუქანზე და ორი ბოთლი კახური ღვინო ამოიტანე, ექიმებიდან მაქვს გამოწერილი“-ო. მეც გავიქეცი ჩქარა და ამოვიტანე ღვინო, მაშინ მოუჯდა არხეინათ სუფრას ეს ჩვენი „წმინდანი“ ვარია მიირთვა საკუთრად და ორი ბოთლი ღვინოც ზედ დააყოლა, ისე მაგრათ დაითრო, რომ იატაკზედაც დავარდა. მაშინ ჩვენ მივეშველეთ და ძლივს მივიყვანეთ საწოლ ლოგინზე მოსასვენებლათ... ამ მოვლენამ ჩვენ მეტის მეტ განცვიფრებაში ჩაგვაგდო. ვამბობდი, ნამდვილათ გავიქედა-თქო. მეორე დღეს დაგვიბარა და გვითხრა: „არსად არ წამოგცდესთ, თორემ შავ დღეს დაგაყენებთ“-ო. მე მაინც ვერ შევიძინებთ საიდუმლოება და ყველაფერი უამზე ამხ. ილიკო მგელაძეს...

მე თან და თან ვრწმუნდებოდი, რომ ყველა ეს იყო ცრუ მორწმუნეობა—მატყუარობა და ყოველ დღე ვფიქრობდი, თუ რანაირად დამეხწია თავი მათი კლანჭებისაგან, მაგრამ საუბედუროთ ჩემდა, შობბლები არ მანებებდნენ ბერობის თავის დანებებას; მე მაინც კატეგორიულათ გადაწყვიტე მიმეტოვებია ყველაფერი და გავპარულიყავი სადმე ქალაქისაკენ—და კიდევაც შეუდექი მზადებას, მაგრამ ცოტა მასალა მაკლდა, ეს იყო გზის ფული და პასპორტი. ჯერ მე შეუდექი გზის ფულის მოგროვებას, აი რანაირად: იმ მონასტერში ესვენა „დიდებული წმინდა ღვთაების ხატი“, რომელთანაც ახლოს მისვლაც კი ეშინოდა ხალხს. იმ ხატს მოსდიოდა აუარებელი შესაწირავი როგორც ფულით აგრეთვე სხვა და სხვა საქონლებითაც.

ერთ დღეს განვიზრახე ამ „წმინდა საშიში ხატის“ გამოცდა და მოვპარე პირველად 50 კაპ. ვერცხლის ფული. მაგრამ ამაზედ ხატმა არაფერ არ მითხრა. თუმცა დარწმუნებული ვიყავი, რომ არავითარი ძალა მას არ ჰქონდა, მაგრამ იმდენათ დაშინებული ვიყავი, რომ ორ-სამხელ მაინც მოვიხედე უკან—ხომ არ მომსდევს მეთქი. შემდეგ უფრო და უფრო გავთამამდი და ნელ-ნელა უმატე თანხას. ამ გვარად შევიძინე გზის ფული და მოუსვი ბათუმისაკენ. იქ შევხვდი ერთ ჩემს ნაცნობ მზარეულს, რომელსაც მივმართე თხოვ-

*) წითელ პარასკევს ეძახდნენ აღდგომის წინა პარასკევს. იმ დღეს მართლმადიდებელნი ქრისტიანებისათვის არამც თუ ხორცეულის ჭამა, არამედ მარილიანი ლობიოს ჭამაც კი აკრძალული იყო საზღვდელითებისაგან.



ნით, რომ რაიმე დახმარება გაეწია ჩემთვის ადგილის იმანაც გაიღიმა, მოიწონა თავი და ხელათ დამაყენა ერთ ოჯახში ხელზე მოსამსახურეთ სამ მანეთად თვეში, მისივე თავდებით, ვინაიდან მე პასპორტი არ მქონდა.

1902 წ. მე ვმუშაობდი კოდორში მაქსიმოვის ხეხტყის სახერხეაქარხანაში. წლის დასასრულში ჩვენთან ქარხანაში მოვოდა ორი სტუდენტი (გვარი არ მახსოვს), რომლებმაც პირველად გაგვეცნენ მე და პ. ბერძენიშვილს (ბერძენიშვილი იყო მაშინ უფროს ნოქრათ ქარხანაში). მან ისინი გაგზავნა ვითომ სამუშაოთ და თანაც კავშირი გააბა ჩვენთან. ჩვენ მაშინ პლ. ბერძენიშვილის მეთაურობით მოვაწყეთ წრე პპ ამხანაგისაგან, ვემზადებოდით გაფიცვისათვის და სხვ. პრაკლამაციებს ვღებულობდით ქ. ბათუმიდან ამხ. ანდრეევსკის ხელით (მატროსი იყო). ამავე დროს ჩვენს ამხანაგებში აღმოჩნდა ერთი პროვოკატორი—ვილაც ჯორჯიკია და გასცა ყველა ჩვენი ამხანაგები. ერთ დღეს ჩვენთან ქარხანაში მოვიდა ეტლით სოხუმის ოლქის უფროსი და თან მოყვა 25 ჩაფარი. მოსვლისთანავე დაიჭირეს ამხ. პ. ბერძენიშვილი, ს. სიხარულიძე, ძმ. ნადარეიშვილები და სხვები. მე მაშინ ახლად მიღებული მქონდა პროკლამაციები და ბალიშის პირში მქონდა დამალული. შევატყვე რა, ცუდათ რომ მიდიოდა საქმე, მოვასწარი ცეცხლში დაწვა. ამ დროს მეც დამიჭირეს და მათთან ერთად გავგზავნენ სოხუმის ციხეში იატაპით. რამოდენიმე ხნის შემდეგ მე გამანთავისუფლეს თავდების ქვეშ, როგორც მცირეწლოვანი და ისინი გადაასახლეს სამ-სამი წლით ციმბირში. მე ისევ დაუბრუნდი ჩემს სამუშაოს ქარხანაში, მაგრამ რაკი დამიწყეს თვალყურის დევნება, იძულებული გავხდი წავსულიყავი ბათუმში. ეს იყო 1903 წ. ამავე დროს ერთ გრანდიოზულ მიტინგზე, სადაც ათასობით იყვნენ ბათუმის მუშა მოსამსახურეები თავ შეყრილნი, ვილაც პროვოკატორმა რევოლვერი გაისროლა, ჩვენ ყველანი უეცრად გავიფანტენით სხვა და სხვა უზნებში. ამ დროს გადაგვიღობეს გზა ერთ ალაგას კახაკებმა და აგვიტეხეს სროლა. იქ მოკლეს რამოდენიმე მუშა, ბევრი დაასახიჩრეს კნუტების ცემით; მე მაშინ დამჭრეს მარჯვენა ხელში, მაგრამ დამალვა მაინც მოვასწარი. 1903 წლის დასასრულში ჩვენს სოფელში, ჩოხატაურში ჩამოვიდნენ ამხ. ამხ. ბუღუ მდივანი და კობა ჯულაშვილი, რომლებმაც დაიჭირეს კავშირი ამხ. თედორე კალანდაძესთან, თ. ჩიჩუასთან, პეტრე ცინცაძესთან, ს. ცინცაძესთან, გრ. ცინცაძესთან და სხვებთან. მაშინ ამ სოფელში, ე. ი. ზემო ფარცხაში მოეწყო ძლიერი ბოლშევიკური წრე. მენშევიკებს თავის მხრიდან ყავდათ მოწვეული რ. არსენიძე, მაგრამ ყველა კრებაზე კამათის დროს ტყავს აძრობდა ამხ. ბუღუ და კობა... ერთ დღეს დაადგინეს მენშევიკებმა, რომ დასცემოდნენ ადგილობრივ პოლიციის საშმართველოს. ეს იყო მგონი



1904 წლის დასასრულში, მაგრამ ჩვენ წინააღმდეგი გაუხდით და შეწყობა შევიტანეთ. ამათ მაინც თავისი გაიტანეს, დაეცნენ სამმართველოს და მოკლეს ორი ჩაფარი, ადგილობრივი ბოქაული დაიჭირეს და გაგზავნეს ს. სურებში ტყვედ; ამ აქტის შემდეგ ჩამოვიდა ოზურგეთის მაზრის უფროსი 200 პლასტუნით და დაიწყო რეპრესიული ზომების მიღება. ეს იყო 1905 წ. როდესაც ისინი დაბრუნდნენ უკან ნასაკირალის გზაზედ იყო ბარიკადები გამაზადებული და რაოდენიმე შეიარაღებული ბიჭები ბომბებით და ყველა მოწყობილობით ჩასაფრულნი. ამ აჯანყებას მეთაურობდა ბენია ჩხიკვიშვილი და როდესაც დაგვიახლოვდა მთავრობის ჯარი, მაშინ ჩვენებმა ასტეხეს ბომბების და თოფების სროლა... ამ დროს მოვარდა ჩემთან აშხ. პ. ცინცაძე და მითხრა „დავიღუპეთ, ბიჭო, თუ საყოველთაოდ არ მოხდა გამოსვლები“-ო და იმ წამსვე გავიქეციით ნასაკირალისაკენ. როდესაც დაუახლოვდით მას, მოვარდა ჩემთან ბ. ჩხიკვიშვილი და მითხრა: „ჩქარა შეჯექ ცხენზედ და გასწი საყონიის პოსტზე და გაუცხადე იქ ჩემი სახელით, რომ პოსტი მოხსნან და წამოვიდნენ“-ო. მეც ხელათ ვიშოვე მოურთავი ცხენი და გავექანე (27 ვერსის მანძილზე). როდესაც მივედი დანიშნულ ალაგას და განუცხადე ჩემი დავალებანი, მაშინ ვილაცამ ბარიკადიდან დაიყვია: „ვინ არის მაგი“-ო. მას მისცეს პასუხი, რომ ეს არის სერგო მეგრელიშვილი-ო. მაშინ მან დაიყვია: „დაიჭირეთ, მაგი არის ბოლშევიკ-პროვოკატორი“-ო. ეს იყო მეღტო ცინცაძე. მეც მსტაცენ ხელი და დამიჭირეს. გათენებამდე მამყოფეს ყარაულ ქვეშ. მეორე დღეს დილით მოვიდა სამსონ პაიჭაძე (ტენიკი ხელმძღვანელი იყო იმ პოსტის), მოუყარა თავი ყველა რაზმელებს და გაუცხადა რომ ყოვლად შეუძლებელი არის აქ მტერთან შებრძოლება, ვინაიდან 12 ბერდანკის მეტი არ გვაქვს, დანარჩენი კი დაქანგული სანადირო თოფებიანო. ამისათვის მე სულ სხვანაირი ტენიკა გამოვიგონე. თქვენ აღით მალლა გორაზე და დიდრონი ქვები გადმოუშვით, მე კი დაბლა დინამიტებს მოვაწყობ და ხიდებს ავაფეთქებ და ამ საშვალეებით შეიძლება ამოვხოცოთ ყველანი-ო. მე თუმცა ტუსალი ვიყავ, მაგრამ გავიციინე და უთხარი: „თქვენ მოერევით ქვით რუსებს“-მეთქი. ამაზედ არც რაზმელებმა დაეთანხმეს, მოხსნეს პოსტი და დაბრუნდნენ უკან, მეც მაშინ გამანთავისუფლეს. როდესაც გაიგო ხალხმა, რომ მენშევიკებმა ბოლშევიკი დაიჭირესო, ყველას სალაპარაკოთ ქონდა და უკვირდათ, როგორ მოხდა, რომ „მენშევიკმა ბოლშევიკი დაიჭირაო“...

როდესაც რევოლიუცია დამარცხდა და რეაქცია გაძლიერდა მოვიდა ჩემთან აშხ. პ. ცინცაძე და მითხრა: „წავიდეთ ტფილისში“-ო. მე მიშინ ვერ წავყევი ავადმყოფობის გამო. ისტ. და გრ. ცინცაძე წამოვიდნენ ტფილისში; მე რამოდენიმე ხნის შემდეგ წავედი სოხუმ-



ში და იქ ჩავეწერე მილიციაში. ამ დროს ვგებულობ, პეტრე ცინცაძე ცხრა ძმებთან ერთად დაუბოცნიათ ყაზახებს ნახალოვკაში. ამან ნამეტანი ცუდი გავლენა იქონია ჩემზედ, მაგრამ რა უნდა მექნა... ამავე დროს სოხუმსაც გარს შემოერთყენ გემებით პლასტუნები, შიგნიდან დახმარებას უწევდნენ მათ შერვან თურქისა და ალექსანდრე შერვაშიძის მიერ შემდგარი აფხაზებისაგან შაგრაზმელები. გარს შემოერთყენ ქალაქს და აუტეხეს სროლა, ჩვენ მილიციას შემოგვითვალა სალდათებმა (პოლკის სახელი არ მახსოვს) რომ „იარალი არ დაყაროთ და ჩვენ აქედან მოვცხვებთ“-ო, მაგრამ როდესაც ჩვენი მილიცია სუსტი გამოდგა და გაიქცა, სალდათებსაც გული გაუტყდათ და წინააღმდეგობაც არ გაუწევიათ... მე მაშინ გავიქეცი თათრების სოფელში (ლაზებში) გადაცმული ტანისამოსით და სხვის პასპორტით დავიწყე ერთ მდიდარ თათართან თუთუნის საკეც პლანტაციაში მუშაობა. რამდენიმე ხნის შემდეგ ერთ დილას გარს შემომერთყა შერვან თურქია თავისი რაზმით, მსტაცეს ხელი და დამიჭირეს (არ ვიცი საიდან გაიგეს ჩემი ვინაობა) თვე ნახევარის შემდეგ გამანთავისუფლეს ავადმყოფობის გამო და წამოველ ისევ გურიაში. 1908 წლიდან 1911 წლამდე მე ვმუშაობდი რკინის ხიდების აშენებაზედ. ჩემთან ერთად მუშაობდნენ აბხ. კ. ცინცაძე (ბოლშევიკი). სერაპიონ სიხარულიძე, სერგო სიხარულიძე, ვ. ნაკაშიძე (მენშევიკი) და სხვები... თუმცა აქტიური მუშაობა არ იყო მაშინ გურიაში, მაგრამ ჩვენ მაინც შეძლების დავგარად ვმუშაობდით ორგანიზაციულად, ვაწყობდით გაფიცვებს, ურდგენდით სხვა და სხვა მოთხოვნილებებს და სხ. 1911 წ. დავაპირე გურიიდან გასვლა. ამ დროს შორეულ აღმოსავლეთიდან (ვლადივასტოკიდან) ერთი ჩვენებური მექარხნე თოხაძე უთვლის თავის ნათესავს: „გამომიგზავნე 100-მდე კარგი მუშები ჩემთან აგურის ქარხანაში სამუშევრად“-ო და თან გამოგზავნა 4 კლასის დახურული ვაგონების უფასო რკინის გზის ბილეთები და გზაშიც სახარჯო. მეც 83 მუშასთან ერთად გავემგზავრე მასთან სამუშაოდ (ცოტა ჩემი ნათესავიც იყო). გზაში ვიარეთ 36 დღე და ღამე. როდესაც მივედი მან დამიბარა მე და მითხრა: ჩვენ ვართ აქ ორი კამპანიონი და მესამე ამხანაგიც შენ იქნებიო, ვინაიდან შენს შესახებ სოფლიდან კარგი ცნობა მივიღეო. შენ ნურათფრის ჯავრი ნუ გაქვს, ნურც ჯამაგირს კითხულობ, მე თვითონ გაუგზავნი შენს ცოლშვილს ფულს, მხოლოდ ეს არავინ არ უნდა იცოდეს, ხალხის შესახებ დავად მიიღებ იმდენს, რასაც სხვა მუშები ღებოლობს *) მხოლოდ

*) მაშინ თვითნებური მუშა ღებულობდა თვეში 22 მანეთს ყველაფერ ხარჯს გარეშე.



შენ თვალ-ყური ადევნე ამ მუშებს, რომ არ ითაღლითონ და არაფერი არ სთქვან ჩემს საწინააღმდეგოთ. მე მაშინ ყველაფერი შევპირდი, მაგრამ როდესაც მოვცილდი და შევატყვე რომ მუშების ლალატი უნდოდა, ისიც ჩემი საშვალებით და ამასთანავე გაუგე, რომ ზედმეტ საათებს გვამუშავებდა,*) მაშინ მოვაწყეთ წრე, პირველათ რამოდენიმე ამხანაგებისაგან; წრეს ვხელმძღვანელობდი მე. ჩემთან წრეში იყვნენ გუდავაძე (ბოლშევიკი, მაგრამ მოიანარქისტებდა) სპ. დოლიძე (ტალსტოვისტი), ვ. სიხარულიძე, ს. დოლიძე, ძმ. მ. და სერ. დოლიძეები და სხვ. მიუხედავად იმისა, რომ სიმაგრეები შენდებოდა იქ და გარშემო მთავრობის ჯარი და ქანდარმერია გვყავდა შემოხეული, ჩვენ მაინც არ გვეშინოდა და ორგანიზაციულ მუშაობას თან და თან ვალრმავებდით; ვაწყობდით ხშირად კრებებს, გვყავდა ბიურო არჩეული, სადაც შევდიოდი მე, ვეცნობოდი სხვა და სხვა პოლიტიკურ კითხვებს და სხვა. როდესაც კარგათ გავამაგრეთ ორგანიზაცია და მოვამზადეთ დიდი უმრავლესობა მუშების, მაშინ წარუდგინეთ მოთხოვნილება ხაზეინებს, წინააღმდეგ შემთხვევაში ვემუქრებოდით გაფიცვით**). პირველად ძალიან უარზედ დადგნენ, მაგრამ როდესაც გამოვაცხადეთ გაფიცვა, მაშინ, თუმცა არ დააკმაყოფილეს ჩვენი მოთხოვნილება, მაგრამ უმთავრეს ნაწილში დაგვაკმაყოფილეს, ე. ი. გაფიცვა დამთავრდა ჩვენდა სასარგებლოთ... მხოლოდ არაფრის გზით არ უნდოდა ჩემი ქარხანაში გაჩერება და სოფელშიც წერილი გამოუგზავნა თავის ნათესავებს, სადაც სწერდა, რომ სერგიამ დამლუბა კაცი, რათ გამოგზავნეთ მაგი აქაო, სულ ამიბუნტა მუშებო. დაჭირვაც კი დამიპირა, მაგრამ იქ ვერ გაბედა, მხოლოდ კი იძულებული გამხადა გავსულიყავ ქარხანიდან და კიდევაც გაველი. შემდეგ დავდექი „რუსკი ოსტროვზე“ (23 ვერსის მანძილია ვლადივასტოკიდან) და დავიწყე სამსახური სამხედრო საქონლის საწყობში მიმღების თანამდებობაზედ. ვლებულობდი თვეში 50 მანეთს ყველა ხარჯებს გარდა. რამოდენიმე ხნის შემდეგ ბ. თოხაძემ გამოიჩინა თავისი შავრაზმული მოქმედება და მიჯაშუშა „ახრანის“ განყოფილებაში, თითქოს იქ მე სამხედრო ნაწილში ვეწეოდი პრაპედანდა-აგიტაციას. ერთ დღეს უეცრათ გარს შემომერტყენ ქანდარმები, დამატუსაღეს მე და დაუწყეს ჩემს ბინას მაგარი ჩხრეკა, მაგრამ ვერაფერი ვერ იპოვეს და წამომიყვანეს ვლადივასტოკში იატაპით გაყინული გზით. რამოდენიმე ხნის ტუსალობის შემდეგ გამანათავისუფლეს, მაგრამ „რუსკი ოსტროვზე“ წამოსვლის ნება არ

*) ჩვენ პირობის ქალაღდში გვეწერა 10 საათის მუშაობა და თუ ზედმეტს ვემუშავებდით ან კვირა უქმეებზე, მაშინ კი ორმაგი ქირა უნდა მოგკათ.

***) მაშინ ერთი დღის მუშაობის შეჩერება დიდ ზარალს მოუტანდა მათ, ვინაიდან ისეთი პირობა ქონდათ შეკრული მთავრობასთან.



მომცეს და ვიყავი „ნადზორის ქვეშ“. ეს იყო 1913 წლის დასასრულში. შემდეგ გავხდი მაგრათ ავად და ამხანაგების და ნაცნობ ქართველების დახმარებით ვიყავ გადმოგზავნილი საქართველოში საექიმოთ. როდესაც ველირსე ჩამოსვლას, იმ წამსვე ექიმების რჩევით ვიყავ გაგზავნილი აგარაკ ბახმაროზე (გურია) სამკურნალოთ. ეს იყო 1914 წელი. აქედან 1916 წლამდე არავითარი მუშაობა არ შემეძლო ორგანიზაციაში, მხოლოდ შეძლების დაგვარათ ვთანამშრომლობდი გაზეთებში სხვა და სხვა ფსევდონიმით... 1916 წლის დასასრულში ოჯახური პირობების გამო იძულებული გავხდი, წამოვსულიყავ ტფილისში რაიმე სამუშაოს საშოვნელად, მაგრამ საუბედუროთ ჩემდა ფიზიკური მუშაობა არ შემეძლო და არც კანცელარიის სამსახურის არ გამეგებოდა რა. მაშინ ტფილისელ ამხანაგებზედაც არ ვიყავი გაცნობილი; ამავე დროს ერთ ჩემს ნაცნობ ნათესავთან ერთად გავხსენით იაფ-ფასიანი მუშათა სასადილო ნაძალადეგში, სადაც ყველა საქონლის სადგურის გადამტვირთველი მუშები ჩვენთან დაიარებოდნ სასადილოთ. ეს სასადილო იყო მუშების სახელზე და ჩვენ კი იმდენს ვლებულობდით, რასაც ისინი ლებულობდნ თვიურათ ჯამაგირს. 1917 წ. თებერვლის რევოლიუციის შემდეგ მე შევიტანე თხოვნა რკინის გზის სამმართველოში, რომ მოეცათ ჩემთვის რაიმე სამსახური, მაგრამ რომ გაიგეს, ბოლშევიკი ვიყავი, უარი გამომიცხადეს და ისევ დავრჩი იმ სასადილოში; ამავე დროს მე და ბ. სიხარულიძემ მოვაწყვეთ საქონლის სადგურის მუშებში წრე პირველად 7 ამხანაგისაგან შემდგარი, სადაც შედიოდნ ჩვენს გარდა ნიკო და ტ. კობიძეები, ვ. და ს. სიხარულიძეები (ეს უკანასკნელი ალექსანდროვის ბაღში იქნა მოკლული) და კ. უჯმაჯურიძე. იმ დროს მე მომიხდა 15 დღით სოფელში წასვლა და როდესაც დავბუნდი, იმდენათ გაელრმავებია ამხ. ბ. სიხარულიძეს მუშაობა და გამოეჩინა ენერგია, რომ მან ამხანაგამდე დამხვდა ჩვენს წრეში და მუშაობა მიდიოდა თანდათან ჩნტენსიურათ... ეს ჩვენი სასადილოც გარდაიქცათითქმის პარტიულ ორგანოთ; იქ ქონდა ჩვენს ამხანაგებს კავშირი, იქიდან ლებულობდნ გაზეთ ჟურნალებს, ფონდიც იქიდან გროვდებოდა და სხვა...

1918 წ. ალექსანდრეს ბაღში მუშების დახვრეტის დროს მე და ამხ. ლაშქარეშვილს მოგვანდო ტფ. ორგანიზაციამ მოკლული ამხ. ს. სიხარულიძის გვამის წასვენება სოფელში (გურია) და იქუნდა გამოვსულიყავით სალაპარაკოთ დასაფლავების პროცესის დროს; მხოლოდ ნებართვის აღება მთავრობიდან მომანდვეს მე; თითქოს ჩემი მკვიდრი ბიძაშვილი იყო. როდესაც მივმართე შინ, საქ. მინისტრის მოადგილე ბ. ერზეკიანს, მან მითხრა: წასვენების ნებას მოგცემ, მხოლოდ ხალხში ხნებს თუ კაცი ხარ ნუ გაავრცე-



ლებ გლახათო. რაც მოხდა, ეს იყო გაუგებრობა და აბა შენ იცი, თუ როგორ მოიქცევით. როდესაც მიცვალებულის გვამი მივასვენეთ ჩიხატაურში, იქ შემოგვხვდნენ ბევრი ჩენი ამხანაგები მენშევიკებთან ერთად დროშებით და მასთან ბევრი უპარტიონიც. მე პირველად მაშინ მომიხდა ლაპარაკი და აღენიშნე ყველა ის მენშევიკების საზოგადოებრივი მოქმედება. აგრეთვე სხვა ამხანაგებმაც ილაპარაკეს. ჩემი ლაპარაკის დროს არ მოუთმინა გულმა ერთ ადგილობრივ მენშევიკების მეთაურს ბ. ავთ. ცინცაძეს და დაიყვირა: „ცოტა ფრთხილად ილაპარაკე, თორემ ამ მინუტში დაგიჭირავ“-ო. მაშინ, რასაკვირველია მიცვალებულის ხათრით, არ იკადრეს ჩემი დაჭერა, მხოლოდ იმ ღამეს კი დაესვათ ორგანიზაციაში საკითხი დატუსაღების შესახებ; გავიგე მე ეს და ხელათ წამოვედი ტუილისში. აქ 10 დღის შემდეგ მიჭერს კელიას განს. რაზმი, მაგრამ მეორე დღეს მოდიან პირველ რაიონიდან რამოდენიმე კელიას კარგი ნაცნობები და სთხოვენ ჩემს განთავისუფლებას მათი თავდების ქვეშ, კელიამ ვერ გაუტეხა მათ ხათრი და გამანთავისუფლა.

იმ სასადალოში ბოლოს ქონდათ კავშირი შემდეგ ამხანაგებს: ბ. სიხარულიძეს, ვ. ძნელაძეს, მორჩილაძეს, მურდალეშვილს, თ. ჟენტს, გავას, ზაქარაძეს, ს. ბოლქვაძეს, ზაალ. ქიქოძეს, ეჯიბიას შიოს, ჯეჯელავას, ლელაშვილს, გოგიშვილს, მარდალეიშვილს, აგორდიას, ს. მაჩაიძეს და სხვებს. ხშირად იქ იმართებოდა კონსპირატიული სამხედრო კრებები ამხ. ზ. ქიქოძის, მორჩილაძის და ეჯიბიას მეთაურობით. იქ ინახებოდა ამხ. მარდალეიშვილის და აგორდიას ტყვია-იარაღიც. ეს ყველა იცოდნენ საოლქო ქომიტეტის წევრებმა ამხ. ფ. მახარაძემ და ნაზარეტიანმაც. აგრეთვე მე ვიყავ პირველ რაიონის წევრათ ამორჩეული. 1919 წლამდე გავატარე როგორც იქნა დიპლომატიურათ; შემდეგ გამიგეს და დამიჭირეს. სამი თვენახევარი ტუსაღობის შემდეგ გამანთავისუფლეს ავადმყოფობის გამო, მაგრამ ერთი თვის შემდეგ ისევ ვიყავ დატუსაღებული, სადაც გავატარე სხვა ამხანაგებთან ერთა 1920 წ. მენშევიკებთან ხელშეკრულებამდე. შემდეგ, როდესაც ყველანი გაგვანთავისუფლეს ციხიდან, მე ვიყავ თიანეთის მაზრაში ორგანიზატორათ გაგზავნილი, მაგრამ ადგილობრივი მენშევიკების წყალობით ჩქარა ვიქენ დატუსაღებული *) და გადმოგზავნილი ეტაპით მეტეხის ციხეში, საიდანაც სხვა ამხანაგებთან ერთად ვიყავ გადასახლებული საქართველოს საზღვრებიდან საბჭოთა აზერბეიჯანში.

*) ამხედ ვრცელი წვრილი მქონდა მოთავსებული 1920 წელში მეტეხის ციხიდან გაზეთ „კომუნისტში“.



მ. ქვარაცხელია

ჩემი მოგონებანი

მე ვიყავი ღარიბი სოფლის გლეხის შვილი. მამა-ჩემი ეწეოდა ოჯახურ მეურნეობას. ის სრულებითაც არ ფიქრობდა ჩემს სკოლაში აღზრდას და მაჩვენებდა ყანის მუშაობას.

მე ჩემით შევისწავლე ანბანი ერთი ჩემი წერა-კითხვის მცოდნე მეზობლის საშვალებით. ერთხელ მამა ჩემს ესტუმრა შორეული ნათესავი, რომელმაც დაქინებით მოითხოვა და ურჩია ჩემი სასწავლებელში გაგზავნა, მაგრამ საუბედუროთ ჩემდა ჩვენს ახლო სოფელში სასწავლებელი არ არსებობდა და გამგზავნეს წალენჯიხის სოფლის ორ-კლასიან სასწავლებელში. ამ სკოლის მახლობლად ცხოვრობდა ერთი ჩვენი ნათესავი (ყოფილი აზნაური). იმან დიდის სიამოვნებით მიმიღო ოჯახში („ნახლებნიკათ“) უფასოთ, მამაჩემს ეს ნამეტანი გაეხარდა და დავიწყე ცხოვრება „კეთილ გულშემატკივარ ნათესავთან“. აი აქედგან იწყება ჩემი დაჩაგრული ცხოვრება. ჩემდა საუბედუროთ იმ ჩემს „გულ-კეთილ“ ნათესავს იმიტომ აუყვანივარ მე უფასო გამოკვებაზე, რომ მას უნდოდა მონა-მოსამსახურედ გყოლოდი. მაიძულებდნენ შეშის დაჭრას, ფეჩების ანთებას, ძროხების მოწყვსევას, ბავშვების მოვლას და სხვ.

დიდი ტანჯვით, მთელი ღამე მეცადინეობაში გატარებით, როგორც იქნა დავასრულე სასწავლებელი...

ეხლა არ შემიძლია არ მოვიგონო ერთი შემთხვევა. მე თვით არ ვიცი, რისთვის უყურებდი ბავშობიდან უარყოფით სარწმუნოებას. რასაკვირველია, არა შეგნებულათ, არამედ სტიქიურად. ერთხელ, როდესაც სამღვთო რჯულის მასწავლებელი ვილაც მღვდელი თვალთვადი გვასწავლიდა ჩვენ ქვეყნიერების შექმნას, მე არ დავეთანხმე და შევეკითხე „გთხოვთ აგვიხსნათ ერთი მდგომარეობა, თუ ღმერთმა შექმნა პირველ დღეს ქვეყანა და მეოთხე დღეს მზე, მთვარე და ვარსკვლავები, რისთვის უამათოთ არ არის სინათლე. სად არის აქ თქვენი სიმართლე“-მეთქი. მაშინ გაბრაზდა მასწავლებელი მღვდელი და ერთი დღით დამითხოვა სასწავლებლიდან. მეორეჯერ კიდევ ვერ მოვიტყინე და იძულებული გავხდი შეეკითხოდი ადამი და ევას შესახებ. ისინი გვეუბნებოდნენ ჩვენ, რომ ადამს და ევას ჰყავდათ ორი შვილი კაენი და აბელი და მათგან წარმოიშვა კაცობრიობა ქვეყანაზედ.



ქართული
ნაციონალური
ბიბლიოთეკა

და იმას კი არ ამბობდნენ, ყავდათ თუ არა მათ ქალიშვილი. როდესაც მე შევეკითხე, როგორ მოხდა რომ, თუ კი მათ მარტო ვაჟები ყავდათ, უქალოდ როგორ გამრავლდა ქვეყანაზედ კაცობრიობა მეთქი... მაშინ კი ძალაზე გაბრაზდა ჩვენი ფანატიკოსი მღვდელი და კატეგორიულად მოითხოვდა შკოლის ზედამხედველიდან, რომ გამოვირიცხე მე მოწაფეების რიგებიდან. დაიბარეს მამაჩემი და უამბეს კველაფერი. მამა ჩემმა დაუწყო ხვეწნა-მუღარა და როგორც იქმნა დამტოვეს ისევ სასწავლებელში. აი ასეთ პირობებში როგორც იქმნა დავასრულე სოფლის სასწავლებელი; შემდეგ ვსთხოვე მამაჩემს, რომ გავეგზავნე ზუგდიდის სამოქალაქო სასწავლებელში, რაიც შესრულებულ იქმნა. იქ ვსწავლობდი სამ წელიწადს, ამ სასწავლებელს სათავეში ედგა რეაქციონერი ვიღაც ფეოდოროვი, რომელიც ყოველად ზნედაცემული ადამიანი იყო. მისი მარჯვენა ხელი იყო მასწავლებელი აშორდია, სულელი და მასთან კარიერისტიც. ერთხელ გამოიგონა აშორდიამ მეგრული ანბანი და მოგვცა ჩვენ წინადადება ქართულის მაგივრათ გვესწავლა მეგრული ანბანი; ჩვენ ამაზედ წინააღმდეგობა გამოვაცხადეთ და კიდევაც მოვინდომეთ გაფიცვა. ჩვენი ასეთი წინააღმდეგობის გამოცხადების შემდეგ შეცვალეს ისევ თავის დადგენილება და დაგვაწყებინეს ისევ ძველებურათ... ამ უმაღლეს დაწყებითი სასწავლებლის დამთავრების შემდეგ, მე წამოვედი ქ. ქუთაისში და იქ საკუთარი ჩემი მეცადინეობით დავიწყე მომზადება და კიდევაც ჩავაბარე 6 კლასის რეალური სასწავლებლის ეგზამენი... შემდეგ ჩემი მშობლების სიღარიბის გამო არ შემეძლო გამეგრძელებია სწავლა და იძულებული გავხდი წამოვსულიყავ ტფილისში სამუშაოთ; მაგრამ ამავე დროს მომისწრო სამხედრო ბეგარით გაწვევამ და მე ჩავეწერე თავისუფალ მოხალისეთ *)

ეს იყო 1902 წ. დასასრულში... მე არ შეუდეგები იმ გაჭირვების აღწერას, რაც მე გამოვცადე იმ ხანებში, მხოლოდ შევჩერდები მარტო იმაზედ, თუ როგორ დავიწყე მეცადინეობა თვითგანვითარებაზედ: უმთავრესი ყურადღება მივაპყრე მე ჟურნალ-გაზეთების და სხვა და სხვა პოლიტიკური წიგნების კითხვას. მაგრამ აქაც უხერხულ მდგომარეობაში ჩავარდი, ვინაიდან არავინ არ მყავდა პოლიტიკურ მოღვაწეთაგანი ნაცნობი; შემდეგ გამიღიმა ბედმა და შემთხვევით გავეცანი „ბუკინისტ“ გადელიას, რომელსაც ქონდა წიგნის მალაზია კიროჩნის ქუჩაზედ, და რომელმაც დიდი დახმარება გამიწია წიგნების მოწოდებით დროებით სასარგებლოთ; და აი იმ დღიდან შეუდექი მე თვითგანვითარებას... როგორც კი

*) მოხალისეთ ჩავეწერე იმ მოსაზრებით, რომ სამხედრო ბეგარა მქონებოდა შემოკლებული.



ვიშოვიდი ცოტათი სამსახურიდან თავისუფლებას, ხელად ^{გაგვიტყუა} ~~გაგვიტყუა~~ ოდი წიგნის მალაზიაში და ვექცეოდი წიგნების კითხვას... იქ მე გავეცანი ცნობილ წიგნების გამომცემელს ზაქარია ჭიჭინაძეს, რომელმაც აგრეთვე დიდი დახმარება გამიწია სხვა და სხვა პოლიტიკური წიგნების მოწოდებით. უმთავრესად მე გავეცანი ბოგდანოვის, პლეხანოვის, კაუცკის, ბებელის, მარქსის და სხვ. ნაწერებს. შემდეგ ამისა გვარიანად შევისწავლე მარქსიზმი და მოვიწოდებ დამეჭირა კავშირი სალდათებში და მუშებში, კიდევაც მივალწიე მიზანს, გავეცანი რამოდენიმე მიმხვდარ სალდათებს და მუშებს, დავიჭირე კავშირი ამხ. მიხა ჩოდრიშვილთან და ნიკო ელიავასთან (მაშინ ბოლშევიკი იყო) და მათი დახმარებით მოვაწყვე სალდათების „კრუჟოკი“, სადაც შედიოდნენ ამხ. ამხ. გუბელაძე, მარგულეს, ლითენიოვი, ივანოვი და სხვ. ეს იყო 1903 წ. დასასრულს. 1904 წ. იწყება მომეტებული მუშაობა სალდათებს შორის და კიდევაც იმ მუშაობას არ ჩაუვლია უქმათ: რევოლიუციონური იდეა ხელათ მოედო მათ და ჩქარა დავიჭირეთ კავშირი მათ პოლკის და ბატალიონების წარმომადგენლებთან. ჩვენ უმთავრესად ვიკრიბებოდით ამხ. ჩოდრიშვილის სახელოსნოში; ჩვენთან უმთავრესად მოდიოდნენ სამაცადინოთ შემდეგი ამხანაგები: კახოიანი, მიხა ბოქორიშვილი, მ. დავიდოვი, მ. ცხაკაია, საშა წულუკიძე და სხვ. იყო მოწყობილი გარნიზონის სალდათთა კომიტეტი, სადაც წევრათაც შევდიოდი მე. 1905 წ. დასაწყისში იფეთქა სალდათებს შორის მოძრაობამ და ხელათ გადაედვა ყველა სხვა ბატალიონებშიდაც. ვაწყობდით გაფიცვებს, ურდგენდით სხვა და სხვა მოთხოვნებილებს, ხშირად ქალაქს გარედ ვაწყობდით მიტინგებს: როდესაც დაინახა ყველა ეს ადგილობრივმა ადმინისტრაციამ, მიიღო ყოველგვარი ზომები ამ მოძრაობის ჩასაქრობათ. იმისათვის რომ სალდათი არ წასულიყო მიტინგზე გამოუშვეს ბრძანება, რომ არც ერთი სალდათი არ გამოსულიყო ყაზარმიდან; მაშინ ჩვენ გადავწყვიტეთ ამის გამო მოგვეწყო გრანდიოზული მიტინგი საალდგომოთ, ვინაიდან აღდგომა მოახლოვებული იყო. აღდგომის წინა შაბათს ყველა სალდათები ეკლესიაზედ უნდა წასულიყვნენ. ამისათვის მაშინ გადასინჯვა არ ხდებოდა და აი ვისარგებლეთ ჩვენ ამ მომენტით და გამოუცხადეთ ყველა სალდათებს და თანამგრძობლებსაც, რომ ეკლესიაზედ წასვლის მაგივრათ ყველანი წამოსულიყვნენ ქალაქს გარეთ გრანდიოზულ მიტინგზედ 12 საათზე ღამით; ჩვენ დიდის სიხარულით მოველოდით ამ უქმეს, მაგრამ დახე უბედურებას, არ მოხდა ისე, როგორც ჩვენ ვფიქრობდით... ჩვენმა მტრებმა გაიგეს სალატიდან ეს და პარასკევს საღამოს გადასინჯვის დროს მოვიდა ჩვენთან როტის ფელთფებელი და მოიტანა გარნიზონის უფროსიდან ბრძანება შემდეგი შინაარსით: „გუბრძანებ ყველა ნაწილების უფროსებს, რომ



არც ერთი სალდათი არ გამოვიდეს ყაზარშიდან სამი-ოთხი დღე უქმეებზე და თუ ვინმე გაბედავს და გამოვა ხელათ დაატუსაღეთ“. ამ გვარმა მოულოდნელმა არა სასიამოვნო განცხადებამ ნამეტანი ცუდათ იმოქმედა ჩვენზედ, ყველანი დაჩუმდნენ და ფიქრებში ჩავარდნენ. მე ვერ მოვითმინე ეს და განვაცხადე: თუ ეს ასეა მაშინ ყაზარმაში დამწყდევას ციხეში ჯდომა სჯობია მეთქი, ვინაიდან ციხეში არავითარ სამსახურის მოვალეობას არ ასრულებენ სალდათები და ყაზარმაში კი თან ტუსაღათაც უნდა იყოს და სამსახურიც დასრულოს-მეთქი.

ამ გვარად ჩემმა განცხადებამ დიდი გავლენა იქონია სალდათებში და ერთხმად დაიყვირეს: „მართალს ამბობს კვარაცხელია, ჩვენ ტუსაღებზედ უარეს პირობებში ვართ“. ასეთმა ერთსულოვნებამ ფელთფებელი იძულებული გახადა დავეტოვებინათ ჩვენ და გაქცეულიყო; ჩვენ მაშინ შეუდექით ამ კითხვაზე სჯა-ბაასს და გადავწყვიტეთ რომ არ დავმორჩილებოდით გარნიზონის უფროსის ბრძანებას... მეორე დღეს მე დამატუსაღეს და ჩამსვეს ბათალიონის კარცერში. ეს გაიგეს ყველა ნაწილებში სალდათებმა და ერთხმად მოაწყვეს ორგანიზაცია და მოითხოვედნენ კატეგორიულად ჩემს განთავისუფლებას, გამოქონდნენ საპროტესტო რეზოლიუციები და სხვ. ჩემს ბათალიონში, სადაც მე დამიჭირეს, არ მიიღეს ბათ. კამანდირი, და წარუდგინეს მოთხოვნილება: თუ მე არ გამანთავისუფლებდნენ ემუქრებოდნენ აჯანსყებით... პირველათ არ უნდოდათ მათ რომ შეესრულებიათ სალდათების მოთხოვნილება, მაგრამ როდესაც მან მიიღო სერიოზული ხასიათი, მაშინ ორი კვირის შემდეგ გამანთავისუფლეს... ამის შემდეგ არა თუ იკლო პოლიტ. მუშაობამ სალდათებში, არამედ უფრო მეტად გაღვივდა. ასეთი რეპრესიების შემდეგ უფრო გაბედულათ და აშკარათ დაიწყეს სალდათებმა მიტინგზე და კრებებზედ სიარული. ამ მდგომარეობამდე ჩვენთან მუშაობდა ვილაც ვასკრესენსკი ილარიონოვის დახმარებით. ის ვასკრესენსკი აღმოჩნდა ცნობილი პროვაკატორი, ამის შესახებ მე 2 სახელმწიფო სათათბიროშიც იყო განცხადებული და აგრეთვე იყო დაბეჭდილი სატახტო ქალაქის გაზეთშიაც შემდეგი სათაურით: „Воскресенский на Кавказе“, სადაც იყო აღწერილი მისი პროვაკაციული მუშაობა ტფილისში, თუ როგორ შემოვიდა ის ჩვენს ორგანიზაციაში, როგორ გაეცნო ორგანიზაციის მეთაურებს და როგორ გასცა მან კვარაცხელია და სხვ. მართალია ვასკრესენსკი მუშაობდა ჩვენთან, მაგრამ ის ადრე, ჩემს დაქვრამდე წავიდა რუსეთში, მხოლოდ იქ დარჩა მისი კარგი მეგობარი ილარიონოვი, რომელმაც მოიყვანა სისრულეში მისი დაწყებული საქმე. ორი კვირის ჩემი განთავისუფლების შემდეგ, ხელმეორედ დამატუსაღეს მე და ჩამკეტეს ბნელ კარცერში ცალკე. რამდენიმე საათის შემდეგ ვგებულობ, რომ



მარტომე კი არ ეყოფილვარ დაჭერილი, არამედ ყველა გარნიზონის კომიტეტის წევრები და თანამგრძნობიც, დაახლოვებით 100 კაცამდე; მე ვიჯექი მარტოდ კარცერში და არავის ჩემთან არ უშვებდნენ. ისინი კი ერთად იყვნენ დიდ კამერში, ჩემი საქმე იმყოფებოდა ცნობილი ჯალათი როტმისტრი მარტინოვის ხელში; რამოდენიმე ჩვენთან დატუსაღებულებმა გამცეს მე და მათ კი გაინთავისუფლეს თავი, მე დავრჩი მარტოდ და უნდოდათ დავესაჯე პროპაგანდა—აგიტაციისათვის სალდათებს შორის. ამიტომ ვიყავ განცალკევებული... მახსოვს, როდესაც დანიშნეს ამიერ კავკასიაში ვარანცოვ დაშკოვი, და როდესაც ის ჩამოვდა ტფილისში, ერთი კვირის შემდეგ დაიწყო შემოვლა ყველა ნაწილებისა და დაწესებულებების და აგრეთვე ნახულობდა ციხეებსაც, და როგორც საპატიო სტუმარი მას უნდა მოეხდინა პატიება სამხედრო ტუსაღების. როდესაც მობრძანდა ის ჩვენს სადარაჯო ბინაზე, უეცრად დაბრუნდა უკან... მეორე დღეს ვგებულობთ გაზეთებიდან, რომ „მისს ბრწყინვალებას“ სურდა ჩვენ ვენახეთ, მაგრამ გაიგო რა, რომ იქ არის მაგარი პოლიტიკური დამნაშავე, არ ისურვა ჩვენი ნახვა და დაბრუნდა უკან—“ო.

ამ გვარად მე ვიჯექი განცალკევებული კარცერში მაგარი იზოლიაციით 1905 წ. 17 ოქტომბრამდე. ძიება კიდევ არ იყო დამთავრებული, რომ მაშინდელი მანიფესტის ძალით მე გამანთავისუფლეს და ისევ გამაგზავნეს მე 3 სტრ. ბათალიონში. იქ დამინახეს რა სალდათებმა, ამირჩიეს თავის წარმომადგენლათ სხვა ბათალიონების და პოლკის წარმომადგენლებთან ერთად; წარმოადგინენ თავ-თავიანთი მოთხოვნილება ეკონომიური პირობების გაუმჯობესების შესახებ, ადმინისტრაცია იძულებული იყო, რომ დაეკმაყოფილებია ჩვენი მოთხოვნილებანი. რეაქციის დაწყებამდე ისინი იძულებულნი გახდნენ თავიდანვე მოვეშორებით. მე გამანთავისუფლეს სამხედრო სამსახურიდან და მასთან მომცეს, წინადადება, რომ დამეტოვებია ტფილისი და წავსულიყავი აქედან. მე, რასაკვირველია, არ წავედი და დავიწყე მუშაობა ისევ ტფილისში სამხედრო ნაწილში; მივიღე მონაწილეობა იარაღით სხვა და სხვა დროს; ჩვენი იარაღების საწყობი და მთავარი შტაბი იყო ამხ. მიხა ჩოდრიშვილის სახელოსნო. ეს არის ისტორიული სახელოსნო მიხა ჩოდრიშვილისა. ის იყო ცენტრი ყველა ჩვენი ამხანაგების, საიდანაც ვღებულობდით ყველა რჩევა-დარიგებას, სხვა და სხვა მონდობილობას, აგიტატორ-პროპაგანდულ ძალებსაც, ერთი სიტყვით ის იყო ჩვენი სახლი და ბუდე. რეაქციის შემდეგ ე. ი 1906 წ. რამოდენიმე ამხანაგის ინიციატორობით მოვაწყვეთ უმუშევართა ბიურო. იმ ბიურომ დაიწყო მოთხოვნა ქალაქის თვითმმართველობიდან სამუშაოსი. უკანასკნელად იძულებული გახდნენ, რომ მოეცათ ჩვენთვის



სამუშაო ქალაქის მცხოვრებთა აღსაწერათ. ამ დროს ჩვენ მოვაწყვეთ წრეები და იაჩიეკები. ამ მუშაობის დამთავრების შემდეგ მე-2 სახელმწიფო სათათბიროს არჩევნების დროს, სადაც ჩვენც ვღებულობდით მონაწილეობას, მე გამაგზავნეს სამეგრელოში არჩევნების ჩასატარებლათ; არჩევნების შემდეგ მე დავრჩი სენაკის მაზრაში, მოვაწყვე იქ წრეები და იაჩიეკები და დავიწყეთ აქტიური მუშაობა. ვმუშაობდი მე მაშინ სხვისი პასპორტით. მეძახდნენ ივანეს (გვარი არ მახსოვს). თუმცა იყო ძლიერი რეაქცია, მაგრამ მუშაობა მაინც ცოცხლათ მიდიოდა, მიუხედავად იმისა, რომ ცუდ პირობებში ვიყავით უფულობის გამო. სულ ხშირად გვიხვდებოდა 10—15 ევრის ფეხით სიარული. ხშირად ფეხშიშველი და მშვიერი ვიყავით და ყოველ მინუტში მოველოდით დატუსაღებას. არ დაგვიტოვებია არც ერთი სოფელი შემოუვლელი და ვაწყობდით ყოველგან ორგანიზაციას. ჩვენთან კიდევ მუშაობდა ამხ. დიმიტრი კალანდაძე; (მაშინ ბოლშევიკი იყო, ეხლა არ ვიცი სად არის) 1907 წლის. დასაწყისში ადგილობრივმა პოლიციამ დაგვიწყო დიდი თვალყურის დევნება და ჩვენ იძულებული გავხდით დაგვეტოვებია ყველაფერი და წავსულიყავით სოხუმში; იქ ჯერ კიდევ ვერ მოვასწარიტ ამხანაგების გაცნობა, რომ დაგვიწყეს თვალ-ყურის დევნება, მაგრამ ამ დროს გამოგვიჩნდა ერთი მებაღე (რომლის გვარი არ მახსოვს) და შეგვინახა ფარულათ 12 დღე და ღამე მის ოჯახში. შემდეგ გავემგზავრეთ ნოვოროსიაში,—იქიდან კი ოდესაში, სადაც დავიჭირეთ კავშირი ორგანიზაციასთან და დავიწყეთ მუშაობა პორტის მუშებში; ეს იყო ოდესის პოგრომის შემდეგ. იქ მაშინ იყო გამეფებული გრაფი კოკოვცევი—„შავი კავშირის“ და პოგრომის ორგანიზატორი, მისი თანამემწე იყო ვილაც პავლენოვი; და აი იმათი წყალობით ყველა ძველი პარტიის მუშები დარჩნენ უმუშევრათ და ნამეტანი გაჭირვებაში ჩავარდნენ. კავკასიელებს უნდოდათ წამოსვლა ოდესიდან, მაგრამ უკაპეიკოთ იყვნენ დარჩენილნი... მაშინ მე დავიწყე ორგანიზაციული მუშაობა ამ უმუშევართა შორის, მოვაწყვე წრეები, დავიჭირე კავშირი ამხ. ნიკო კიქნაძესთან (ყოფილი მზარეული) და ამირჩიეს პორტის მუშების წარმომადგენლად. იქ მე გავეცანი ამხ. კოლია კალანდაძეს. თუმცა ის არ იყო მაშინ ბოლშევიკი, მაგრამ მარქსისტულად კარგი მომზადებული იყო და შეიძლებოდა მასთან პარტიული მუშაობა. მაგრამ მან ჩქარა დასტოვა ოდესა და წავიდა. იქ კიდევ გავეცანი ამხ. ა. შუხრაშვილს, რომელსაც არ ქონდა არავითარი წარმოდგენა რევოლიუციონურ მოძრაობაზე, მაგრამ როდესაც დაიწო ჩემთან ცხოვრება, ის დაინტერესდა, დაიწყო მეცადინეობა და ჩქარა გაეცნო მას. შემდეგ მე გამომიძახეს კერჩის ამხანაგებმა სამხედრო ნაწილებში სამუშევრათ. ვინაიდან აქ საშიში იყო ჩემი დარჩენა, მე გავემგზავრე ქალაქ კერჩში.



იქ მე დავიწყე ნავთსადგურის მუშებში მუშაობა და სამხედრო
ნაწილშიც. აქაც მუშაობა მივიღე ცოცხლათ და ინტენსიურათ. იქ დავრჩი დიდხანს, მხოლოდ მოულოდნელად ამხანაგების საქმეზე მე მომიხდა ბათუმში წამოსვლა. როდესაც შევასრულე ჩემი დავალებანი, წამოველი ტფილისში. აქ ძველი ამხანაგები არ დამხვდნენ, ვინაიდან ზოგნი გადაესახლებიათ და ზოგნი გასულიყვნენ ქალაქიდან, მაგრამ მე მაინც შევძელი პარტიასთან კავშირის დაჭერა, თუმცა მაშინ აქტიური მუშაობა ტფილისში არ ყოვილა. ეს იყო 1910 წელში... ამავე დროს მომიხდა დაქორწინება და, როდესაც ჩავარდი კრიტიკულ პირობებში, არ მქონდა არავითარი ცხოვრების საშუალება და დავიწყე კერძო გაკვეთილებზედ მეცადინეობა: მე მთელი ჩემი ცხოვრებაში არ მქონდა საშუალება, რომ დავმდგარიყავ მუდმივ სამსახურში 1920 წლამდე. თუ ვეწეოდი პარტიულ მუშაობას ან და ვმაცადინებოდი კერძო გაკვეთილებზე, ვცხოვრობდი სხვის გვარზე. 1912 წელში არალეგალური ბროშურებისთვის ვიყავ დატუსაღებული, მხოლოდ ერთი თვის შემდეგ გამანთავისუფლეს „ნაღზორის“ ქვეშ, და საქმე იყო გადაცემული სასამართლოზედ, მხოლოდ შემდეგ მანიფესტის ძალით გამანთავისუფლეს სავსებით... თებერვლის რევოლუციამ მომიწერო ტფილისში, სადაც ბოლშევიკები და მენშევიკები მაშინ ერთად ვმუშაობდით 1917 წლის ივნისამდე; მაშინ კი, როდესაც სამუდამოთ გამოვეყავით მენშევიკებს ჩვენ დავაარსეთ ჩვენი რაიკომები და ტფ. კომიტეტი. იქიდან დაწყებული მე განუწყვეტლივ ვმუშაობდი მე-2 რაიონში, პირველად პრეზიდუმიის წევრად და შემდეგ მე-2 რაიონის საბჭოს თავჯდომარეთ (მაშინ ეგრე ეძახდნენ). ამიერ-კავკასიის სეიმის კრების წინა დღეს მე-2 რაიკომმა მიიღო ცნობა ტფილისის კომიტეტიდან, რომ მეორე დღეს დილის 10 საათზე ალექსანდროვის ბაღში შესდგება გრანდიოზული მშვიდობიანი მიტინგი, სადაც იქნება გამოტანილი სეიმის „პროტესტი“. ჩვენ იმ დამესვე მოვაწყეთ გაფართოებული რაიკომის სხდომა, სადაც დავადგინეთ, რომ დილით 9 საათიდან ჩამოგვევლო ყველა თუთუნის ფაბრიკები, ქარხნები და სახელოსნოები, რომელიც არსებობდა მე-2 რაიკომის ფარგლებში და გაგვეფრთხილებია მუშები. მეორე დღეს დილით ადრე მე და ამხ. მიროტაძემ, გოცირიძემ და სხვებმა შეუდგით ქარხნების და ფაბრიკების ჩამოვლას, ყოველგან ჩვენი ახსნა-განმარტების შემდეგ კარგად გვხდებოდნენ მუშები. სტოვებდნენ სამუშაოს და მოეშურებოდნენ მიტინგისაკენ. მხოლოდ ენფიდეიანცის თუთუნის ფაბრიკაში კი გაგვიწიეს წინააღმდეგობა მენშევიკმა, მუშებმა, მაგრამ მაინც შევძელით რამოდენიმე მუშა გამოგვესლიტა ხელიდან და წამოგვეყვანა მიტინგზე; შემდეგ თუ რა მოხდა იქ ალექსანდროვის



ბაღში მიტინგზე, ეს ყველასათვის ნათელი არის და ზედმეტად მი-
მაჩნია ლაპარაკი...

1918 წლიდან ვიყავი მუდამ ტფილისის კომიტეტის წევრი და
ხანდისხან ბიუროს წევრიც. ჩემთან აქტიურად მე-2 რაიონში მუდ-
მივით მუშაობდნენ შემდეგი ამხანაგები: მ. ჩოდრიშვილი, სტეფანოვი,
ვარდანიანი, ს. თალაკვაძე, ერმილე კალანდაძე, ლ. მიროტაძე და
ბოლოს 1919 წ. ცოტა ხნით კი ლ. სუხიშვილი. ტფილისის კომი-
ტეტში მუშაობდნენ: ს. შახსავარიანი, გ. რთველაძე, ი. ჯორბენაძე,
ლ. დუმბაძე, რუბენი, მაშკევიჩი, სალავიანი და სხვ. 1920 წ. ნოემ-
ბრის რიცხვში რუს საბჭოს შენობაში, სადაც იყო მოთავსებული
ტფილ. კომიტეტი და რაიკომები, იყო მოწვეული ტფილისის
ორგანიზაციის კონფერენცია. კონფერენციის დამთავრების შემდეგ
ცეკამ მე გამგზავნა ადერბეიჯანის მისიაში მოღარეთ, მაგრამ რამო-
დენიმე ხნის შემდეგ დამატუსაღეს და პირველად ვიჯექი ქუთაისის
ციხეში, შემდეგ კი ბათუმში საქართველოს გასაბჭოებამდე.

მ. მხაპარიანი

„26“-ის ხსოვნას (5 წლის თავზე)

უკვე ხუთი წლის თავია, მე კი მგონია, რომ ეს იყო სულ ახლო წარსულში, ასე ვსთქვათ, შარშან... როდესაც მე „ბაკინსკი რაზმონის-აგან“ ერთი კვირის წინად მივიღე დეპეშა, რომელშიაც იგი მთხოვდა დამეწერა რამე 5 წლის თავისათვის „26 კომუნარის“ შესახებ და გამეგზავნა არა უგვიანეს 16 სექტემბრისა. მე მომავონდა დაწყებული დამე, 19—20 სექტემბერი, მაგრამ არ მეგონა, რომ ეს იყო 5 წლის წინად, არამედ შარშან.. მე ვერ შეუსრულე თხოვნა ბაქოელებს, რადგან დატვირთული ვიყავი საქმეებით დღემდის (18 სექტემბრამდე). მინდა ტფილისის პრესისათვის მაინც მოვასწრო რამე საჩქაროთ და მოვიგონო დაუვიწყარ მეგობრების და ამხანაგ-თანამებრძოლების შესახებ.

1918 წელი იყო საბჭოთა ქვეყანაში მრავალ ამბების და გართულებათა წელიწადი. საბჭოთა ქვეყანა მაშინ შემოიფარგლებოდა მხოლოდ პეტროგრად-მოსკოვის რაიონებით. ერთი სიტყვით, მიუხედავად „ბრესტისა“, ასე ვსთქვათ, რევოლიუციის და საბჭოთა ხელისუფლების თავები—პეტროგრადი-მოსკოვი გადარჩენ და ენერგიულად აწარმოებდნენ საერთაშორისო პოლიტიკას და ბრძოლას დიდი სამოქალაქო ომის (პროლეტარული რევოლიუციის) შინაურ ფრონტებზე.

უკრაინა ჩაბმული იყო ბრძოლაში კონტრ-რევოლიუციონერებთან, რომელთაც დახმარებას უწევდნენ შერყეულ ტახტზე ჯერ კიდევ მჯდომარე (1918 წ. 9 ნოემბრამდე) კაიზერის გერმანელი ჯარები. „წყნარ ღონზე“ და „თავისუფალ ყუბანში“ თარეშობდნენ კორნილოვალექსეევის და კრასნოვის ჯარები. მხოლოდ „ჭალარა თერგი“ (ჩრდილო კავკასია), სრულიად გასაბჭოებული, რომელიც გეოგრაფიულად მჭიდროთ აკრავს ამიერ კავკასიას (ყაზბეგის იქით), სრულიად მოწყვეტილი და განცალკევებული იყო ჩრდილოეთიდან და სამხრეთიდან.

კაიზერის ჯარები კი სულთანის ოსმალეთის ჯარებთან ერთად მიიწევდნენ შავი ზღვის სანაპიროებისაკენ და გვიახლოვდებოდნენ ჩვენ.

ბაქოში, ისე, როგორც თერგის ოლქში იყო „საბჭოთა ძალაუფლება“.



მუსავატისტები მენშევიკებთან—ქორდანია-რამიშვილთან ერთად ამზადებდნენ მუხანათურ თავდასხმას ბაქოს მუშათა დეპუტატების საბჭოებზე. ისინი ოსმალ-გერმანელების შემოსვლის მოლოდინში, აბარებდნენ რა ამ უკანასკნელებს „მიუდგომელ“ ქალაქებს—ყარსს და ბათომს, აწყობდნენ „დიკაია დივიზიას“ აზერბეიჯანის და საქართველოს შეიარაღებულ ბანდებისაგან, ქართველ თავადის, პოლკოვნიკ მაღალაღვის მეთაურობით სადგ. ევლახში.

ეს პოლკოვნიკი შემდეგ ბ-ნ. ჩხენკელი—ქორდანის და რასულ-ზადე-თოფჩიბაშევის კონტრ-რევოლიუციონურ სამშობლოსდაცვისათვის თვის ბაქოს ბოლშევიკურ საბჭოებისაგან დაჯილდოვებული იქნა-ბატონ ქორდანის მიერ გენერლის ჩინით.

მათ მოუსწრეს მენშევიკ-მუსავატისტების მეგობრებმაც—„გერმანელებმა“ და თათრებმა და თავისუფლად როგორც თავის მიწაწყალზე, 24 საათის განმავლობაში გაიარეს მთელ ამიერ-კავკასიის რკინის-გზა. მათ უმანსპინძლდებოდნენ მენშევიკები და მუსავატისტები ბათომიდან მოყოლებული ბაქომდე.

ყოველ მხრიდან გარსშემორტყმული, 1918 წლ. ივლის და აგვისტოს გახურებულ დღეებში, ბაქო, რომელსაც არ შეეძლო მიეღო დახმარება ჩრდილოეთიდან, მოკლებული წყალსაც კი ადგილობრივ მენშევიკების და მემარჯვენე ესერების მიერ შექმნილ პანიკურ განწყობილების ზეგავლენით, (ესერებს და მენშევიკებს შეუერთდნენ მანამდე ბაქოს საბჭოს „ცრუ მეგობრები“—დაშნაკელები), იძულებული გახდა მიეღო მეფის გენერლის,—მესოპოტამიაზე და სპარსეთზე ბაქოში მომავალი ინგლისელების აგენტის, მემარჯვენე ესერის ბიჩერახოვის წინადადება. ბაქოზე მოტანილ უკანასკნელ იერიშამდე, ძალა-უფლება ბოლშევიკებისაგან საბჭოში გადავიდა მენშევიკების და მემარჯვენე ესერების—ეგრედ წოდებულ „ცენტრო-კასპიის დიქტატურის“ ხელში. ბაქოს დაცემის საქმე ამით უკვე წინასწარ იქნა მომზადებული. თუმცა ჩრდილოეთიდან დახმარება უკვე მიიღეს, მაგრამ უკვე საბჭოთა ხელისუფლების მტრების „ცენტრო-კასპიის დიქტატურის“ ხელში იყო ბაქო და, რა თქმა უნდა, მენშევიკების და მემარჯვენე ესერების ხელისუფლებას არ შეეძლო არ ჩაებარებია მუშური საბჭოთა ცენტრი ზაფხულის სიციხისა და ბოლშევიკებთან ხანგრძლივი და გააფთოვებული ბრძოლისაგან გონება-დაკარგულ ოსმალებისათვის.

მაგრამ აქ საინტერესოა ბაქოს მუშების და მათი საბჭოს ტრადიციის მეორე მხარე... უკანასკნელის ნამდვილი წინამძღოლები—ჩვენი „26“ კომუნარი ძველი ბოლშევიკები—დაუფიწყარ მეგობრების შაუმიანის, ჯაფარიძის, ფიალეტოვის და სხვების მეთაურობით მენშევიკების და მემარჯვენე ესერების წყალობით ხელში ჩაუვარდნენ ინგლისელებს, ამიერ-კავკასიის მაშინდელ დამპყრობელების ოსმალ-გე-



რმანელების—მოწინააღმდეგეთ. და იმათ, ორივე მებრძოლ მხარესათვის საერთო ინტერესების მიხედვით, კონტრ-რევოლუციონური მიზნით, რათა დაეღრმოთ ბოლშევიზმი და საბჭოთა ხელისუფლება, სწრაფად მოუსპეს კომუნარებს სიცოცხლე 1918 წ. 19—20 სექტემბერს ლამით „კასპის იქით“ მიყრუებულ მინდორში. „შორს მკვრეტელი“ და მუხანათი ინგლისელი გენერლები და მოხელეები მხედველობაში იღებდნენ, რომ ისეთი მებრძოლები, როგორც „26“ კომუნარი, მათ მომავალ ინტერვენციის დროს საბჭოთა რუსეთში იქნებიან გამოცდილი წინამძღოლები და კომისრები დიდი სამოქალაქო ომის (წაიკითხე: პროლეტარულ რევოლუციის საბრძოლველ ფრონტებზე).

„26“ კომუნარიდან შემიძლია კონკრეტულად მოვიგონო დაახლოებით 5—6 ამხანგი, რომელთაც ბაქოს უკანასკნელ ტრადიციულად 1918 წ. უხდებოდათ ჩემთან ერთად მუშაობა და ბრძოლა ბაქოს, ტფილისსა და პეტროგრადში და აგრეთვე საზღვარ-გარეთ რუს. სოც-დემ. მუშ. პარტიის არა-ლეგალურ ყრილობაზე.

მაგრამ, ჩემგან დამოუკიდებელ მიზეზების გამო, მათ შესახებ ვრცელ მოგონებებს მე გადავდებ უკეთეს მერმისისათვის, როდესაც მე ვიშოვი უფრო მეტ თავისუფალ დროს და ჩემი ჯანმრთელობაც ცოტაოდნით გამოკეთდება.

ეს დაუვიწყარი ამხანაგებია—სტეფანე შაუმიანი, ა. ჯაფარიძე (ალიოშა), ვანია ფიალეტოვი, გრიშა კორგანოვი, ბოგდანოვი (სწორეთ ამ უკანასკნელს არ ვიცნობდი, თუმცა პირადათ ხშირად ვხვდავდი მას საერთო რევოლუციონურ ბრძოლის დროს).

დავიწყებ უკანასკნელიდან, მე ის გავიცანი ტფილისში 1917 წელს, მაისის დასაწყისში, როდესაც პეტროგრადის აპრილში მოწვეულ პარტიულ კონფერენციის შემდეგ როგორც ბაქოში, ისე ტფილისში ვაწარმოებდი გამიჯვნას შემთანხმებელთა და ჩვენს შორის.

ამხ. ბოგდანოვი იყო შეუღარბელი აგიტატორი ჯარისკაცებს შორის, ის დადიოდა არა მარტო ყაზარმებში და დიდ დემონსტრაციებზე, არამედ მაშინ ცნობილ (თითქმის ყოველდღიურ) მიტინგებზე ალექსანდრეს ბაღში, სადაც მაშინ ტრიბუნაც იყო ყველა ორატორებისათვის და სკამებიც მსმენელთათვის. იქ თავს იყრიდა, განსაკუთრებით საღამოობით, ჯარისკაცებს გარდა ყოველგვარი საზოგადოება, მათ რიცხვში ბევრი პროვოკატორებიც.

მასები ელოდნენ საჭირობოროტო საკითხების გადაჭრას, როგორც იყო მიწის საკითხი, ომი და ზავი და სხვა. მასიდანვე გადიოდნენ ტრიბუნაზე მრავალი ორატორები. მიტინგები თითქმის თავისით იმართებოდა,—არ იყო არავითარი ხელმძღვანელი ორგანიზაციები.



ნამდვილად კი მას ხელმძღვანელობდა ნამდვილ რევოლიუციონერ ბოლშევიკის დიდი უნარით და ენტუზიაზმით დაჯილდოებული ჩვენი დაუფიწყარი ამხანაგი (შედარებით ახალგაზრდა) ბოგდანოვი. ხშირად მასებს, საღამოობით გვიან, ბოგდანოვის უკანასკნელი გამოსვლის შემდეგ, როდესაც ის იძლეოდა ნათელს, რევოლიუციონურად და ბოლშევიკურად ჩამოყალიბებულ პასუხს, ის ხელით მიჰყავდათ ბოლშევიკურ გაზეთის „კავკასკი რაბოჩის“ რედაქციამდე, სადაც ხელახლა იხსნებოდა ახალი მიტინგი ჩვენი მონაწილეობით და ნაშუალამევს დამთავრდებოდა ხოლმე კიდევ ახალი რეზოლიუციის მიღებით.

დაუფიწყარი ამხანაგია გრიშა კორგანოვი. იძულებითი ოფიცერი რუსეთის არმიის, — პროპაგანდისტი, აგიტატორი და იმპერიალისტურ ომის ფრონტებზე ბოლშევიკურ იაჩეიკების ორგანიზატორი. ისიც აგრეთვე ტფილისში გავიციანი 1917 წ. მაისში, როდესაც მიწვეული ვიყავი მის და სხვა ამხანაგების მიერ აღმოსავლეთის (კავკასიის) ფრონტის ჯარისკაცთა დელეგატების 1 ყრილობაზე — ლექციების წასაკითხავად მარქსიზმის, რევოლიუციის, ომის, ზავის და ჩვენი პროგრამის შესახებ, — რაც მე შევასრულე 5—6 ლექციაში, ამავე დროს მუდმივად ვმუშაობდი ტფილისში, მოცალეობა არ მქონდა, ხან ერთ ბათალიონში და ხან მეორეში მიხდებოდა სიარული.

თვითეული ჩემი ლექციის და მრავალ კითხვებზე პასუხის გაცემის შემდეგ, ყოველთვის გამოდიოდა მშვენიერი ორატორი გრიშა და უკეთებდა რეზიუმეს ყველაფერ იმას, რაც ჯარისკაცთა მასას აინტერესებდა, მაძლევდა მე კიდევ უფრო ღრმა და კონკრეტიულ კითხვებს...

რამდენიმე თვის შემდეგ მან მოახერხა მთელი კავკასიის ფრონტის ბოლშევიკ-დელეგატების კონფერენციის მოწვევა მუშტაიდის ბაღში...

იქ ჩვენ შევხვდით ერთმანეთს და გამოვიტანეთ ჯარისკაცთა მასებისათვის გასაგები, წითელი, რევოლიუციონური რეზოლიუციები „საბჭოთა ხელისუფლების“ სასარგებლოთ.

დაუფიწყარი ამხანაგი ვანია ფიალეტოვი... ის იყო ბაქოელი მუშა. ისიც გავიციანი 1917 წლის მაისის პირველ (1—5) რიცხვებში ბაქოში — პირველად საქალაქო კონფერენციაზე და ბაქოს მუშათა დეპუტატების საბჭოს სხდომაზე. უფრო ახლოს იმავე დღეს მე გავიციანი ის ბაქოს პასუხისმგებელ ამხანაგების შაუმიანის, ჯაფარიძის, ნანეიშვილის (მის ბინაზე) და სხვების ვიწრო წრეში. აქ მე დავაყენე კითხვა აპრილის კონფერენციის ყველა რეზოლიუციების მიღების და მენშევიკებთან მაშინ შემთანხმებელ (კონტრ-რევოლიუციონურ ბურჟუაზისტთან) სოციალიზმის და რევოლიუციის მოლაღატებთან დაუყოვნებლივ პარტიულ და ორგანიზაციულად გამიჯვნის შესახებ.



ამხ. ვანიამ ჩვენს უკანასკნელ კრებაზე გამოსთქვა დასაბუთებული აზრი მენშევიკებთან (ორგანიზაციულად) დაუყონებლივ გამიჯვნის სასარგებლოდ, რათა მივემხრო ის მასები, რომელნიც მათ (მენშევიკებს) მისდევდნ.

ჩემი პასუხი, რომ მუშათა მოძრაობის ისეთ მნიშვნელოვან ცენტრში, როგორც არის ბაქო, სასწრაფოდ ბოლშევიკური ორგანიზაციის თვითგამორკვევისათვის არ არის საჭირო დაწვრილმანება, არ მოეწონა ამხ. ბოლშევიკს... ეს ჩემი სიტყვები მიმართული იყო არა მარტო მისადმი არამედ სხვებისათვისაც, რომელნიც ანალოგიურად აწარმოებდნ.

ამხ. ფიალეტოვმა შეურაცყოფილად იგრძნო თავი, უარი სთქვა სიტყვის თქმაზე, და განაცხადა: ჩვენ ბრალს გვდებენ „დაწვრილმანებაში“, მაშასადამე, ჩვენ ან ვერ გავვიგეს, ან მართლაც საჭიროა აჩქარება... და ამის შემდეგ საწინააღმდეგო არაფერი აღარ უთქვამს და ჩვენთან ერთად ხმა მისცა დაუყონებლივ გამიჯვნას და ბაქოში ბოლშევიკურ ორგანიზაციის ჩამოყალიბებას.

ამხ. ალიოშა ჯაფარიძე და სტ. შაუმიანი—მათი ერთმანეთისაგან დაშორება ძნელია. ბაქოში მუშაობის დროს ისინი ერთმანეთთან არიან დაკავშირებულნი 1905 წლის რევოლიუციის დროიდან. ისინი ერთად ატარებდნ მუშაობის სიმძიმეს მუშათა დიდ ცენტრში 1907 წლიდან, ლონდონის უკანასკნელ ყრილობიდან მრყოლებული, რეაქციის მთელ პერიოდში 1917 წლამდე და შემდეგ მათი ტრალიკულად დაღუპვის მომენტამდე 1918 წ. 19—20 სექტემბრამდე. მართალია, ალიოშა ჯაფარიძე კიდევ უფრო ძველი მუშაკია ბაქოში. —1904 წლიდან ამხ. სტეფანე 1907 წლამდე მუშაობდა ტფილისში. ბაქოში მე და ის რამდენიმე დღით ჩავდიოდით პარტიის სასწრაფო საქმეებზე (როგორც ამიერ კავკასიის საოლქო ყრილობა) ან ადგილობრივ საქმეებზე, როგორც ამიერ-კავკასიის სოც.-დემ მუშათა ორგანიზაციის საკავშირო კომიტეტის წევრები.

პირველათ მე გავიცანი ამხ. ალიოშა ჯაფარიძე 1902 წელს შემოდგომაზე, როდესაც მე ამა წლის შემოდგომაზე რუსეთის ციხეების ეკატერინოსლავის, ხარკოვის და მოსკოვის საკანებში ჯდომის შემდეგ ვიმყოფებოდი რუსეთის ქანდარმერიის განსაკუთრებული ზედამხედველობის ქვეშ.

ყველა ძველი და ახალ ამხანაგებიდან ირჩეოდა, როგორც ყველაზე რევოლიუციონერი—აქტიური, ენერგიული და თავდადებული მაშინ ახალგაზრდა ალიოშა ჯაფარიძე. მისი დახმარებით მე მოვახერხე ქუთაისში პარტიული ორგანიზაციის (იმერეთ-სამეგრელოს კომიტეტის) დაარსება და გურიის, რაჭის, სამეგრელოს სოფლებში და, რაც უმთავრესია, იმერეთის სამრეწველო ცენტრებში—ჭიათურა-ტყიბულში მუშაობის დაწყება.



ბაქოში ის მოხვდა 1 ნახ.—2 წლის შემდეგ, უკვე გამოცდილი და მომწიფებული მუშაკი, როგორც საჭირო იყო ამ მუშათა დიდი ცენტრისათვის. იქ დამოუკიდებლად, ჩემ დაუხმარებლად მან გამოიჩინა თავი: მიემხრო რა რუს. სოც.-დემ. მუშათა პარტიის ბოლშევიკურ მიმდინარეობას, მან მოახერხა თავისი ტაქტიკით და უსაზღვრო თავდადებით შეეკავებია მასები მენშევიკების მხარეზე გადასვლისაგან, განსაკუთრებით 1907—1916 წლის რეაქციის და ომის წლებში.

შემდეგ 1907 წლიდან მის დასახმარებლად ჩავიდა ბაქოში ჩვენი დაუვიწყარი ამხანაგი სტეფანე შაუმიანი... და ორივე, ალიოშა და სტეფანე, როგორც საპალნის ხარები ატარებდნენ პარტიულ არა-ლეგალურ მუშაობის მთელ სიმძიმეს არა მარტო მეფის აგენტებთან, არამედ მოღალატე—მენშევიკ-ლიკვიდატორებთან ბრძოლის დროს. ბევრჯერ მოუხდათ მათ ციხეებში ჯდომა და ყინულიან შორეულ ჩრდილოეთში და ციმბირში წასვლა. მიუხედავად ამისა, მათ მოაღწიეს 1917 წლის რევოლიუციამდე კრისტალურად წმინდა რევოლიუციონერებმა და შეუპოვარმა ბოლშევიკებმა. სასოწარკვეთილების და ლიკვიდატორობის ნაპერწკალი არ შეხებია ამიერ-კავკასიის რევოლიუციის ამ „მებრძოლ რაშებს“. ისინი გადაურჩნენ ომშიაღ და ომამდეც სოციალ-პატრიოტიზმის, „ობორონჩესტვოს“ და ბატონ ჟორდანია-წერეთლის და დაშნაკ-მუსავატისტების ყოველგვარ ნაციონალიზმს და შოვინიზმს. ისინი შეურიგებლად ებრძოდნენ მათ.

აი, სწორედ ამიტომ 1917 წ. მაისში, აპრილის კონფერენციის შემდეგ ისინი დამეთანხმნენ მე და მხარი დაუჭირეს სოციალიზმის რენეგატებთან მენშევიკებთან დაუყოვნებლივ გამიჯვნას.

დეე, ნუ იქნება დავიწყებული მათი სახელები! ისე, როგორც დაუვიწყარი მნხანაგები ვანია ფიალეტოვი, გრიშა კორგანოვი და შეუდარებელი აგიტატორი და ჯარისკაცთა მასების ორგანიზატორი ბოგდანოვი ჩვენს პროლეტარულ გულში, ამიერ-კავკასიის ამხანაგო მუშებო და გლეხებო!

კომუნისტური პარტია და საბჭოთა ხელისუფლება ს. ს. რ. კავშირში და განსაკუთრებით ამიერ-კავკასიის საბჭ. ფედ. რესპუბლიკაში ბევრ რამეში უნდა უმაღლოდეს მათ.

ბაქოში ის მოხვდა 1 ნახ.—2 წლის შემდეგ, უკვე გამოცდილი და მომწიფებული მუშაკი, როგორც საჭირო იყო ამ მუშათა დიდი ცენტრისათვის. იქ დამოუკიდებლად, ჩემ დაუხმარებლად მან გამოიჩინა თავი: მიემხრო რა რუს. სოც.-დემ. მუშათა პარტიის ბოლშევიკურ მიმდინარეობას, მან მოახერხა თავისი ტაქტიკით და უსაზღვრო თავდადებით შეეკავებია მასები მენშევიკების მხარეზე გადასვლისაგან, განსაკუთრებით 1907—1916 წლის რეაქციის და ომის წლებში.

შემდეგ 1907 წლიდან მის დასახმარებლად ჩავიდა ბაქოში ჩვენი დაუვიწყარი ამხანაგი სტეფანე შაუმიანი... და ორივე, ალიოშა და სტეფანე, როგორც საპალნის ხარები ატარებდენ პარტიულ არალეგალურ მუშაობის მთელ სიმძიმეს არა მარტო მეფის აგენტებთან, არამედ მოღალატე—მენშევიკ-ლიკვიდატორებთან ბრძოლის დროს. ბევრჯერ მოუხდათ მათ ციხეებში ჯდომა და ყინულიან შორეულ ჩრდილოეთში და ციმბირში წასვლა. მიუხედავად ამისა, მათ მაღალწიეს 1917 წლის რევოლუციამდე კრისტალურად წმინდა რევოლუციონერებმა და შეუპოვარმა ბოლშევიკებმა. სასოწარკვეთილების და ლიკვიდატორობის ნაპერწკალი არ შეხებია ამიერ-კავკასიის რევოლუციის ამ „მებრძოლ რაშებს“. ისინი გადაურჩენ ომშიაც და ომამდეც სოციალ-პატრიოტიზმის, „ობორონჩესტვოს“ და ბატონ ჟორდანიან-წერეთლის და დაშნაკ-მუსავატისტების ყოველგვარ ნაციონალიზმს და შოვინიზმს. ისინი შეურიგებლად ებრძოდენ მათ.

აი, სწორედ ამიტომ 1917 წ. მაისში, აპრილის კონფერენციის შემდეგ ისინი დამეთანხმენ მე და მხარი დაუჭირეს სოციალიზმის რენეგატებთან მენშევიკებთან დაუყოვნებლივ გამიჯვნას.

დეე, ნუ იქნება დავიწყებული მათი სახელები ისე, როგორც დაუვიწყარი მნხანაგები ვანია ფიალეთოვი, გრიშა კორგანოვი და შეუდარებელი აგიტატორი და ჯარისკაცთა მასსების ორგანიზატორი ბოგდანოვი ჩვენს პროლეტარულ გულში, ამიერ-კავკასიის ამხანაგო მუშებო და გლეხებო!

კომუნისტური პარტია და საბჭოთა ხელისუფლება ს. ს. რ. კავშირში და განსაკუთრებით ამიერ-კავკასიის საბჭ. ფედ. რესპუბლიკაში ბევრ რამეში უნდა უმადლოდეს მათ.

ს. თოდროსი

ალბონიდან გათენებამდე

პირადი მოგონებები.

(გაგრძელება)

ეს სტამბა ბაქოშივე ჰქონდა გამართული ლადო კეცხოველს. ის დაიჭირეს 1902 წ. სექტემბერში და სტამბის მუშაობა ამის გამო შეჩერებული იყო. ყუთებში ჩალაგებული ეწყო ის დამზღვევი საზოგადოების საწყობებში ზღვის პირას.

სიმონ ენუქიძეს დაექირავებია სამი ოთახი ქვემო ტაზამპირის ქუჩაზე, დადაშევის სახლში. სახლის პატრონი უსწავლელი კაცი იყო. ის დავაჯერეთ, რომ სტამბის ცხადათ გამართვისთვის საჭირო იყო პატენტი, რაც მეტათ ძვირი ღირდა. ჩვენ კი იმდენი შეძლება არ გვქონდა თითქოს და ამიტომ ჯერ ცოტას წავიმუშავებდით ჩუმათ და როდესაც ფულებს მოვიგებდით, მაშინ პატენტსაც ავიღებდით. თან მას კარგ ქირას—ოც მანეთს თვეში—ვაძლევდით მის ოთახებში, რომლების ქირა იმ დროს არა უმეტეს ათი მანეთისა იქნებოდა. დადაშოვი დაგვეთანხმდა და ჩემი ჩასვლის მესამე დღესვე შეუდექით ყუთების გადმოტანას. სიმონა და ვასილ შელგუნოვი (შემდეგ დაბრმავდა და მოსკოვში იმყოფება ეხლა), როგორც საუკეთესო ზეინკლები და მე, როგორც სტამბის მკოდნე, დაფაცურდით და რამდენიმე დღეში ავამუშავეთ სტამბა. არამც თუ არალეგალურ, ზოგიერთ მაშინდელ ლეგალურ სტამბასაც არ ჩამოუვარდებოდა ეს ჩვენი გამართული სტამბა. ალბონის ქალაქის ზომის საბეჭდავი მანქანა, სამ ენაზე (ქართულზე, რუსულზე და სომხურზე) ასოები და სხვა მასალები საკმაოდ იყო შიგ. თუ რამე დაგვაკლდებოდა, კავშირი გვქონდა გაბმული სიმონას მეშველობით ერთ საწერი მასალების მაღაზიის პატრონთან, რომელიც ყიდულობდა ყველაფერს და გვაწვდიდა.

სტამბის გამართვის შემდეგ შელგუნოვი წავიდა ჩვენგან. რამდენიმე ხანს მე და ს. ენუქიძე ვიყავით მარტონი, მაგრამ ჩქარა ვანობოლქვაძე ჩამოვიდა ტფილისიდან, რომელიც წინეთ მუშაობდა ა სტამბაში ლადო კეცხოველთან ერთად.

1902 წლის დეკემბრის დასაწყისში მუშაობა გაჩაღდა. გარედან სიმონა გვიწყობდა ხელს, რომელიც დაკავშირებული იყო კრასინთან



და კოზირენკოსთან, ეს უკანასკნელები კი მეორე ყრილობის შემკრებ საორგანიზაციო ბიუროსთან, რომელიც იმ ხანებში იყო შექმნილი. ამნაირათ სტამბა პირველი დღიდანვე იმყოფებოდა ცენტრალური პარტიულ ჯგუფის განკარგულებაში მთლათ რუსეთის მასშტაბით, თუმცა მთლიანი პარტია ჯერ არც კი არსებობდა კიდევ.

რამდენათაც მახსოვს, პირველი მასალა, რომელიც ავაწყე მე, იყო „ობობას ქსელი“. შემდეგ მოჰყვა ყრილობის შემკრებ ბიუროს მოწოდება და „ისკრას“ და „ზარიას“ მიერ შემუშავებული „პროექტი რუსეთის სოც.-დემოკ. მუშათა პარტიის პროგრამისა“ პლენაროვის ვრცელი წინასიტყვაობით.

ჩქარა უთანხმოება მოგვიხდა მე და ვანოს ს. ენუქიძესთან. საქმე შემდეგში იყო: 1902 წლის ნოემბერში როსტოვში დიდი გაფიცვები და დემონსტრაციები მოხდა, რამაც რამდენიმე ათეული მუშა იმსხვერპლა. როსტოვის ამბები იმდენათ თვალსაჩინო მოვლენა იყო, რომ მთავრობამ ველარ შესძლო მისი დამალვა და მაშინდელი ობიერალური გაზეთები დაწვრილებით აღწერდნენ მას. საზღვარ გარეთელ პარტიის ცენტრალურ ორგანო „ისკრაშიდაც“ იყო მოთავსებული რამდენიმე ნაჩქარევით გაგზავნილი კორესპონდენციები როსტოვიდან. აი, ეს კორესპონდენციები გამოგვიგზავნეს ჩვენ ასაწყობად და ცალკე ფურცლათ გამოსაშვებათ. მე და ვანოს არ მოგვეწონა კორესპონდენციების ცალკე გამოშვება, რადგან არაფერი იყო მათში ისეთი, რაც ლეგალურ გაზეთებს არ დაებეჭდოთ და ამის გამო გამოვთქვით უკმაყოფილება. ენუქიძეს კრასინისა და კოზირენკოსთვის გადაეცა გადაქარბებით ჩვენი გამოთქმული უკმაყოფილება, რამაც გამოიწვია მოულოდნელათ კოზირენკოს მოსვლა ჩვენთან სტამბაში საქმის გამოსარკვევათ. ამ გარემოებამ საქმე კიდევ უფრო გაამწვავა და მე და ვანო „გევიფიცეთ“. დავტოვეთ მუშაობა და წამოვედით ტფილისში. აქედან ადგილობრივმა ორგანიზაციამ ბაქოში გაგზავნა სილ. ჯიბლაძე საქმის გამოსარკვევათ, რომლის ბაქოდან დაბრუნების შედეგი ის იყო, რომ მე გავბრუნდი უკანვე და ვანომ კი უარი განაცხადა წასვლაზე. ამის შემდეგ სტამბაში მოვიდნენ ლადო დუმბაძე, ვანო სტურუა და აშოტ ხუმარიანი.

მუშაობა გაცხოველდა. გაგრძელდა ლადო კეცხოველის დაქვრის შემდეგ შეწყვეტილი ჟურნალი „ბრძოლის“ გამოშვება, იგივე სომხურ ენაზე „კრივის“ სახელწოდებით, გადავბეჭდეთ კაუტცკის „ერფრუტას პროგრამა“, „ოთხი ძმა“, „ლუკმა პურის ამბავი“, „ისკრიდან“ ამონაღები წერილები და სხვა ბროშიურები გამოუშვიით. 1903 წლის სამაისო ფურცლები ოთხმოცი ათას ცალამდი, რაც იმ დროისთვის დიდი რიცხვი იყო.

სტამბაში ჩვენი ცხოვრება ამნაირათ მიმდინარეობდა: გარეთ



ენუქიძის მეტი არავენ გამოვდიოდით. მხოლოდ შაბათს სალაშქროს გვექონდა უფლება გამოსვლის და ისიც რიგ რიგობით ორ ორ კაცს. ეს იყო ჩვენი დღესასწაული, რომელსაც კვირიდან კვირამდე მოველოდით. სადალაქოში, აბანოში და შემდეგ სავახშმოთ რომელიმე სასადილოში ამ დროს დავდიოდით, მაგრამ, რა თქმა უნდა, ყოველგან სიფრთხილის დაცვით. დანარჩენ დროს კი განუწყვეტლვით კარჩაკეტილში ვატარებდით სამუშაოზე. საქმელსაც ჩვენ თითონ ვიკეთებდით, რაც თითქმის ერთ და იმავე თავიდან შესდგებოდა. ჩვენი სახლის პატრონმა გახსნა თავისთვის პატარა საეაქრო დუქანი ქალაქის შვაგულში. სალამობით როცა მოდიოდა სახლში, მოჰქონდა ჩვენთვის პური და ხორცი. შეჭამადის დამზადება ვანო სტურუას ჰქონდა მინდობილი. ისიც დასჭრიდა ხორცს, ჩაჰყრიდა ქვაბში, მოაყრიდა მარილს, ხახვს და ბადრიჯანს, დახურავდა თავს და დასდგამდა სანავთეზე მოსახარშათ, — რაც გამოვიდოდა ის იყო! ყოველთვის კი ერთი და იგივე გამოდიოდა. ხანდახან სახელს უცვლიდით ჩვენ საქამადს შემთხვევის მიხედვით. ერთხელ სახლის პატრონის ახალ ფეხადგმულმა ქალიშვილმა, მაშადი-ხანუმმა, კინალამ დაგვიღვარა შეჭამადი და თითონაც კინალამ დაიმდურა. ამ დღეს ჩვენ საქამადს დავარქვით სახელათ „მაშადი-ხანუმის შეჭამადი“. მეორეხელ იმავე ცელქმა ბავშვმა ფანჯარიდან გადმოისროლა პატარა რკინის ნაჯახი, რომელმაც მოაღინა ტყაპანი ქვაბში. ამ დღესაც ჩვენს საქამადს უწოდეთ „ნაჯახიანი შეჭამადი“. ხშირათ მარტო პურზე და ყურძენზე გადავდიოდით.

სტამბაში მუშაობა თანდათან ვაცხოველდა. წიგნების საკინძავიც გავმართედ იქვე. დადგა ზაფხული. ბაქოში ჩვეულებრივი სიცხეები დაიწყო. თან ყრილობის შეკრების დროც მოახლოვდა. გადავწყვიტეთ ცოტა ხნით მუშაობის შეჩერება და დასასვენებლათ წასვლა.

მე ჩვეიპარე გურიასში ჩემ სოფელში, სადაც ვფიქრობდი ჩუმათ რამდენიმე დღის ვატარებდს. თურმე საჩუმათო აღარაფერი მქონდა, რადგან ჩემი სალდათობიდან განთავისუფლების მოწმობა მოსულიყო სოფლის სამმართველოში. ვის მაგიერათაც მე ჩამრიცხეს სალდათათ, ალბათ ის იპოვენეს და მე კი გამანთავისუფლეს. რალაი თავისუფლათ ვგრძნობდი თავს — ჭიათურაში ავედი, სადაც აღარ ვყოფილვარ 1896 თუ ჩვიდმეტი წლიდან. ჭიათურის წარმოებას დიდი წინსვლა ემჩნეოდა შედარებით წინანდელ წლებთან. აქედან ბათუმშიდაც ჩავედი. ამ დროს გაჩაღდა სამხრეთ რუსეთის დიდი გაფიცვები და დემონსტრაციები, რომლის ტალღებმა ბათუმამდისაც მოალწიეს. ბათუმში ვაიმართა მუშების დემონსტრაცია იმ ადგილას, სადაც რკინის გზის ლიანდაგები იყოფიან, — ერთი მიდის სადგურში და მეორე ნავთსადგურისაკენ. ამ დემონსტრაციაში მომიხდა მონაწილეობის მიღება. სროლის



დროს მოკლული და დაჭრილი იქნენ რამდენიმე მუშა. მახსოვს მხოლოდ ერთი მოკლულის გვარი — ფირცხალაშვილი.

ჩემი შეგებულების ვადაც გავიდა და დემონსტრაციის მეორე თუ მესამე დღეს გამოვემგზავრე, მაგრამ მატარებელში შესვლის დროს მტაცეს ხელი ჟანდარმებმა და წამიყვანეს სამორიგეო ოთახში. გამოკითხვისა და ვინაობის გამორკვევის შემდეგ მიპირებდნენ დაკავებას, მაგრამ იქვე ერთი რკინის გზის მოსამსახურე ნაცნობი გამომიჩნდა, მგონი იოსებ მეგრელიშვილი იყო, რომელმაც გამიწვია თავდებობა და გააშვებინა ჟანდარმებს ჩემი თავი. მეორე დღეს იძულებული ვიყავი ბარცხანაში საქონლის სადგურზე ჩავმჯდარიყავი მატარებელში და ისე მომეკურცხლა ბათუმიდან.

როცა ბაქოში ჩამოვედი, ყრილობიდან უკვე დაბრუნებული იყო კრასინი. სტამბა ეხლა ახლათ არჩეული ცენტრალური კამიტეტის ხელში გადავიდა და საქმეები კიდევ უფრო გაფართოვდა. უნდა გვეფიქრა პარტიის ცენტრალური ორგანოს „ისკრის“ ბეჭდვაზე. ჩვენი საბეჭდავი მანქანა „ისკრის“ გვერდებს ვერ დაიტევდა. დაიბადა აზრი ახალი, უფრო დიდი მანქანის შეძენისა. ზემოხსენებული მალაზიის პატრონის სახელზე გამოწერილი იქნა ახალი მანქანა და ჩამოსასხმელი სტერეოტიპიც, აგრეთვე წიგნაკების მავთულით საკერავი მანქანა. ყველა ამაების ჩვენ ძველ ბინაზე მოწყობა შეუძლებელი იყო. სიმონა შეუდგა ბინის ძებნას და ჩქარა აღმოაჩინა კიდევ. მას ყავდა მიჩნეული ერთი მეეტლე, რომელიც მუდამ ატარებდა და მიქონ-მოქონდა წასაღები და მოსატანი რაც გვექონდა. ამ მეეტლემ დაგვიტომო თავისი და თავის ბიძაშვილის შენობები პარალელის ქუჩაზე. შენობებს კონსპირატიულათ მოწყობა ესაჭიროებოდა, რის შესრულებაც იკისრა ღურგალმა გოლამ (გვარი არ მახსოვს) და რაც არა ჩვეულებრივათ მოხერხებით გამართა. გრძელი თავლა გადამტხრა შუაზე. გვერდზე სახლის ოთახს კედელში დატანებული ჰქონდა განჯინა. ამ განჯინას გამოუქრა ძირი, ქვეშ გამოუთხარა მიწა და განჯინას ძირი ისე მოაბა ქვემოდან, რომ როდესაც განჯინაში შევიდოდა კაცი და დადგებოდა, ძირი ჩაეშვებოდა ქვემოთ, კაცი გავიდოდა გადამტხრულ თავლაში, სადაც სტამბა იყო გამართული და განჯინის ძირი ისევ ამოეტმასებოდა თავის ალაგას. ამნაირათ ოთახიდან კარების მიგნება შეუძლებელი იყო, რადგან განჯინის ძირი ისე მჭიდროთ იყო ამოკრული, რომ არავის ფიქრათ არ მოუფიქროდა, თუ ის იღებოდა ქვემოთ. თავლის მეორე ნაწილში კი ცხენები ება და გადამტხრულ კედელთან თივა ეწყო. თუ საგანგებოთ არ გაზომვიდნენ თავლის სიგრძეს შიგნიდან და გარედან, ისე ვერავინ იფიქრებდა, რომ იქ შენობის ნაწილი იყო მოპარული. სინათლე სტამბაში ჩამოდიოდა ზემოდან, რაც ბაქოს შენობებში ჩვეულებრივი მოვლენაა იქაური სახლის ბანების მიხედვით.



ამხიარათ ბაქოში მოეწყო ორი დიდი სტამბა, მაგრამ ჩქარა გადაწყვეტილი იქნა, რომ ძველი სტამბა ტფილისში ყოფილიყო გამომოტანილი კავკასიის საკავშირო კამიტეტის განკარგულებაში. სტამბის გამომოტანა იკისრა ლადო დუმბაძემ, რაც პირნათლათ შეასრულა. ჩვენ გადავედით ახალ სტამბაში და მოგვემატენ კიდევ იქ ახელი ენუქიძე, უშანგი ჯაში, ვარლამ (გვარი არ მახსოვს) და ერთი ებრაელი ამხანაგი ვილნოდან, სახელათ ვალოდია, რომელიც დიდხანს არ დარჩენილა. ახალ სტამბაში მუშაობა კიდევ უფრო გაფართოვდა.

პარტიის ყრილობაზე შექმნილი უთანხმოების ამბავი ჩვენამდის მოდიოდა. ყრილობის შესახებ მოხსენება გაგვიკეთა ამხ. ნოსკოვმა, რომელმაც იმ თავითვე მოგვანათლა ბოლშევიკური აიაზმით.

დაიწყო იაპონიის ომი და ცხოვრება გაცხოველდა. ფურცლები ფურცლებზე გამოდიოდა. ჯერ კიდევ ომის დაწყებამდის დავბეჭდეთ პარფუსის წიგნაკი „აღმოსავლეთის საკითხი“, სადაც ის საოცარი გულთმისნობით წინასწარმეტყველობდა ყველაფერს, რაც შემდეგ მოხდა.

ომის პირველ ხანებში მე შევადგინე ერთი პროკლამაცია, რომელიც მიღებული და დაბეჭდილი იქნა Рабочий Сила-ს ხელმოწერით (ამის შემდეგ დამეთქვა სილა). ბევრი მხურვალე გრძნობა ჩავანთხიე ამ პროკლამაციაში და კარგიც გამოვიდა, მაგრამ სამწუხაროთ არ მაქვს მისი არცერთი ცალი.

საზღვარგარეთიდან ვლებულობდით ჩემოდანის ძირში ჩაწებებულს „ისკრის“ სტერეოტიპისთვის გადაღებულ გვერდებს, ვასხამდით ჩვენს სტერეოტიპზე და ვბეჭდავდით ათი ათას ცალობით. რამდენიმე ნომრები დავბეჭდეთ და დავაგზავნეთ მთელ რუსეთის სხვა და სხვა კუთხეებში. სავსე ყუთებს ვაგზავნიდით „გუდრონის“, ან შინაური ბარგის სახელით.

პარტიის ცენტრალურ კომიტეტში და „ისკრის“ რედაქციაში მდგომარეობა თანდათან უფრო მწვავედებოდა. მოგვივიდა ლენინის წიგნაკი „ნაბიჯი წინ, ორი უკან“, „მოწოდება გლეხებისადმი“, რომლებიც გადავბეჭდეთ.

1904 წლის ივლისში მოკლეს შინაგან საქმეთა მინისტრი პლევე. ბაქოში ამ დროს სტამბებში გაფიცვები იყო და გაზეთები არ გამოდიოდა. დეპეშა პლევეს მოკვლის შესახებ გადავბეჭდეთ ჩვენ და გავავრცელეთ ბაქოს კამიტეტის სახელით.

ჩვენ სტამბაში ამ ხანათ ცოტა უსიამოვნება შეგვემოხვა. სახლის პატრონმა, მეეტლის ბიძაშვილმა, უსინდისობა გამოიჩინა და ზედმეტი ფულების თხოვნა დაგვიწყო. ერთხანს ვაკმაყოფილეთ მისი მადა, მაგრამ როდესაც გადააჭარბა ზომას, წალაპარაკება მოგვიხდა მასთან. მანაც დაგვექაღდა, მაგრამ ჩვენც დავექაღდეთ, რომ თუ რამე შეგვემოხვეოდა, ჩვენი ამხანაგები არც მას დააყრიდენ ხეირს. ამ



მუქარამ ალბათ იქონია გავლენა და არაფერი არ განუცხადებია ჩვენზე სადაც ჯერ იყო. აგრეთვე ჰქონდა ადგილი პატარა შემთხვევებს, რომლებსაც შეეძლოთ ჩვენი გამოაშკარავება, მიუხედავად დიდი კონსპირაციისა. ერთხელ, როდესაც სტამბიდან გამოსული ვიყავით ოთახში სასადილოთ, ვილაცამ ჩამოკრა ზარს კარებში. სიმონა წამოხტა მისაგებებლათ. დახეთ მის განცვიფრებას, როდესაც აკალოდოჩნი ნაღშირატელი იდგა. კარებზე მისალმების შემდეგ აკალოდოჩნიკი დაუპატიჟებლათ შემოვიდა სახლში. სიმონა შეუძღვა მეორე ოთახში. ჩვენ სულ განაბულები ვიყავით და არც ვიცოდით, თუ ვინ მოვიდა. რამდენიმე ხნის მუსაიფის შემდეგ სტუმარი წავიდა და სიმონა მოვიდა ჩვენთან—თან გახარებული, მარა თან გაშტერებული, რომ ასეთი საფრთხე აგვცდა თავიდან რალაც განგებით. აკალოდოჩნიკი მოსულიყო ახალი მდგმურების გასაცნობათ. სიმონას ბოდიში მოეხადა, რომ ოჯახობა არა მყავს სახლში ამ ხანათ და არაფლით არ შემოძლია პატივისცემა საპატიო სტუმრისთვისო. ცოტა ხნის აქითურ-იქითურზე მუსაიფის შემდეგ აკალოდოჩნიკი ამდგარიყო წასასვლელათ სრულიათ დარწმუნებული იმაში, რომ მას საქმე აქვს ჩვეულებრივ ოჯახურ მცხოვრებთან.

ერთხელ ვარლამას მინდობილი ჰქონდა ლიტერატურით სავესე დიდი კალათის ბაგაჟით გაგზავნა. ცოტა ხნის შემდეგ მოირბინა აქეშელეზულმა და გამოგვიცხადა, რომ კინალამ დაიჭირეს ჟანდარმებმა სადგურზე. თითქოს მოსთხოვეს კალათის გახსნა, მან უპასუხა, რომ გასაღები არა მაქვს თანო და ვითომც წამოვიდა სახლში გასაღების მოსატანათ. მისმა ლაპარაკმა ცოტა ეჭვი გამოიწვია ზოგიერთ ამხანაგებში, უფრო კი მათში, ვინც კარგათ იცნობდა მას. სადგურზე გაგზავნილი იქნა დურგალი გოლა, რომელმაც ნახა კალათა უვნებლათ მდგარი ბარგის საწონ ოთახში. გამოკვლევ-გამოძიების შემდეგ გამოიკვვა, რომ მართლაც ეკითხნა ჟანდარმს, თუ ვისია ეს დიდი კალათაო, მაგრამ არავეითარი გასაღები არ მოეთხოვა. აუცილებელი შეიქნა ცოტაოდენი ქრთამის დახარჯვა, რომ კალათი მიეცა ბაგაჟათ მწონელს ეხლა მეორე—გოლას—სახელით. მაგრამ ერთი ჭირი მარგებელიაო—იტყვიან. ამ შემთხვევის შემდეგ რკინის გზის მწონელი ჩვენ კალათებს პირველ რიგში აძლევდა ბაგაჟათ, რადგან იცოდა, თუ რა იყო შიგ.

ერთხელ სიმონას ტომრებში ჩალაგებული ლიტერატურა გადაჰქონდა დროგით სტამბიდან გოლას ბინაზე, საიდანაც იგზავნებოდა შემდეგ სხვა და სხვა ადგილებში. ერთ ტომარას თურმე მოეხსნა თავი და წიგნები დაიბნ ქუჩაში. დაინახა რა ეს გოროდოვოიმ, დაუძახა და გააჩერა მედროგე, რომელსაც უშველა წიგნების აკრეფაში და ტომარაში ჩალაგებაში. ისე კარგათ იყო წიგნები დაბეჭ-



დილი და აკინძული, რომ გოროდოვოს აზრათაც კი არ მოუყვებოდა, თუ ისინი არა-ლეგალური აქნებოდნენ.

„ისკრის“ რედაქციაში და ცეკაში საქმე როცა უმწვერვალესობამდი გამწვავდა და გამოვიდა ლენინის „ვპერიოდი“, ჩვენ შევსწყვიტეთ ისკრის ბექდვა და შეუდექით „ვპერიოდის“ გადაბეჭდვას

1904 წლის ზაფხულშიდაც მორიგეობით შვებტულება მივიღეთ. მე ჩავედი ბათუმში დასასვენებლათ, მარა აქ მომიხდა ბარცხანაში სტამბის მოწყობა ადგილობრივ ორგანიზაციისთვის. მიხაკო ფიცხალაიშვილს ბარცხანაში ჰქონდა ოთხი ოთახისაგან შემდგარი სახლი. ერთი ამ ოთახთაგანი გადავაკედვლიე შუაზე, ქვეშიდან ამოვაქრვეიე იატაკი ისე, რომ სტამბაში შემსვლელს სახლის ქვეშიდან უნდა აეწია დანიშნული ფიცარი, შემძვრალიყო შიგ და ისევე დაეხურა. სტამბაში სიბნელე იყო და სანთლით მუშაობა იყო აუცილებელი, მაგრამ მაგიერში მისი პოვნა მეტათ ძნელი იყო ჟანდარმების და ჯაშუშების მხრით. სტამბის მოწყობის შემდეგ მე გამოვბრუნდი უკან ბაქოში და იქ ტფილისიდან გავგზავნე სამუშევრათ მაკარი გოგუაძე ცოლით.

ამავე წლის დასალიერს მე გამგზავნენს მოსკოვში. ორეხოვო-ზუევის მახლობელ რკინის გზის სადგურზე აფთიაქში გავმართე პატარა სტამბა. კრასინი ამ დროს ორეხოვო-ზუევში იმყოფებოდა მოროზოვის ფაბრიკაში. წინადადება მომცა, რომ მოსკოვის ახლო პატარა ქალაქ სერპუხოვში მომეწყო უფრო დიდი სტამბა, ვიდრე აფთიაქში გამართული პატარა სტამბა იყო.

მე წავედი ამ ქალაქში და სერ. ალილუევეთან ერთათ, რომელიც ამ დროს იქ მუშაობდა ელექტრონის სადგურზე, დაუწყე ბინას ძებნა. სერპუხოვი არ მომეწონა მე და ვერ ვსცანი მოსახერხებლათ იქ სტამბის გამართვა, რადგან ასეთ პატარა ქალაქში უცხო კაცის ჩასახლება არ შეიძლებოდა შემჩნეველი დარჩენილიყო ჯაშუშებისთვის. მე უფრო მოსკოვში ვიყავი მომხრე სტამბის გახსნისა. ჩემი აზრი გაუზიარე კრასინს, რომელიც არ დამეთანხმა ამაში. გამომაბრუნა ბაქოში და დამაბარა, რომ ს. ენუქიძე გამეგზავნა მასთან.

ბაქოში დაბრუნების დროს წამოვედი ბათუმზე ნოვოროსიით. შევჩერდი ბათუმში და ტფილისში რამდენიმე დღე, სადაც ამეკვიატა ჯაშუში. ტფილისის სადგურში როცა ვჯდებოდი ბაქოს მატარებელში, ცხადი შეიქნა ჩემთვის, რომ მითვალთვალეებდნენ. ბაქომდი გამყვა ჯაშუში, მაგრამ აქ შემახინკის მოედანზე, სადაც აუარებელი ხალხი ისვრება მუდამ,—გაუძვერი მხედველობიდან და დავიმალე, მაგრამ სტამბაში არ მივსულვარ სიფრთხილის გამო.

კრასინის მაგიერობას ამ დროს ივ. ბიბიკოვი ასრულებდა. სალამოზე მივედი მასთან და განუცხადე როგორც იყო საქმე. გადავსწყვიტეთ, რომ სტამბაში არ ნივსულიყავი. ვიქირავე ცალკე ოთახი



და დავიწყე ლეგალურ სტამბაში მუშაობა. გავიდა რამდენიმე დღე მაგრამ ჯაშუში აღარსად შემხვედრია. ამ დროს მომანდეს ბაქოს ორგანიზაციისთვის სტამბის მოწყობა. ვიშოვე შესაფერი ბინა ნაგორნი ქუჩაზე, გაჯივეის სახლში. გამოვიტანე ჩუმათ სტამბიდან, სადაც ვმუშაობდი, ასოები და სხვა მასალები, ჩამოვასხმე ქარხანაში პატარა თუჯის ხელით საგორებელი საბეჭდავი დაზგა და სტამბა მზათ იყო. ემუშაობდით აქ მე და ეკატერინა ვოშევისა, რომელიც რამდენიმე ხნის შემდეგ დაატუსაღეს სტამბის გარეთ და გაგზავნეს პერსში.‡

1905 წლის თებერვალში მოხდა სომეხ-თათართა ხოცვა ერთ-მანეთში, რომელმაც მეც კინაღამ მიმსხვერპლა. სტამბა მუსულმანების ნაწილში იყო მოთავსებული. ქალაქში თურმე შეტაკება უკვე დაწყებულიყო. ჩვენ არაფერი არ ვიცოდით ამის შესახებ და სადილობის დროს, საათის ორზე, გამოვედით სახლიდან სასადილოთ წასასვლელათ ქალაქის შეაგულისკენ. ქუჩებში რაღაც ჩოჩქოლი შევამჩნიეთ. მუსულმანები შევავლიდან თავიანთ უბნებისკენ მოეშურებოდენ. გზა და გზა ჯგუფები რომ შემოგვხვდებოდა, გაჯავრებული მიბლვერდენ და იგინებოდენ თათრულათ. მე ლაპარაკი არ მესმოდა, მხოლოდ გამომეტყველებაზე ვამჩნევდი ჩემ საწინააღმდეგო განწყობილებას და ძალიან მიკვირდა. უცებ წინ შემოგვეჩეხა ახალგაზრდა მუსულმანთა ჯგუფი, შეიარაღებული და ხელში სასროლათ მომზადებული რევოლვერებით. ერთმა მათგანმა უკვე დამიმიზნა რევოლვერი და ის იყო უნდა გვეციკვებოდა ადგილზე, რომ მეორემ აუკრა ხელი და გააჩერა. თან დამტვრეული რუსულით დაცინვით წაულაპარაკა: „რუსის ქალს მიჰყოფა, მაგი მხდალი მამაძალი სომეხი,—დაე, წავიდესო“.

ენლა კი მივხვდი, რაშიდაც იყო საქმე, რადგან სომეხ-თათართა შორის მდგომარეობის გამწვავების სუნი ამ ხანებში ჰაერში ტრიალებდა. ისიც მივხვდი, რომ საფრთხე სომეხებს მოელოდა და არა სხვა ერის ხალხს. შემდეგი ჯგუფები როცა შეგვხვდებოდენ, გვეკითხებოდენ, თუ ვინ ვიყავით. მიუხედავათ ამისა წინსვლა შეუძლებელი შეიქნა, აღარც უკან დაბრუნება შეიძლებოდა, რადგან სროლა გაცხოველდა და რომელიმე ფანჯარიდან გამოსროლილ ტყვიას შეეძლო დაუკითხავათ ავეგორებოდა ზედ. ჩემ თანმხლებ ქალს მოაგონდა, რომ აქვე ახლოს სცხოვრობდენ ამხანაგები და შეუხვით მათთან. რამდენიმე დღეს აქ ვიყავით, სანამ ხოცვა-ჟლეტა არ ჩაცხრებოდა. აქვე იყვნენ ამხ. ვიკტორი ტარატუტა, იზნოშა—ფსევდონიმი, გვარი არ მახსოვს, ბუტილიკინი—პერმიდან და კიდევ სხვები. უკანასკნელ დღეებში, როდესაც საქმე ძლიერ გამწვავდა, აღარც რუსებს და აღარც ქართველებს არ გამოესვლებოდათ გარეთ. ჩვენი სახლი გამარტოებით იყო გორაზე, რომელსაც ერთი მხრით მუსულმანების უბანი აკრავდა და მეორე მხრით. ევროპიული ნაწილი. ამბობენ, რომ ორ ცეცხლ-



შვა ყოფნა ძნელიაო,—მართალია, ძნელი იყო ეს ჩვენი ორ წამებზე
შვა ყოფნა, მაგრამ გადაგვარჩინა კი სწორეთ ამ მდგომარეობამ.

როდესაც გათავდა შეტაკებები, დაებრუნდით სტამბაში, მაგრამ ამ სახლში ცხოვრება მოუხერხებელი შეიქნა ჩემთვის. გარშემომცხოვრები მუსულმანები მე მიყურებდნენ, როგორც სომეხს და მუდამ გაჯავრებით მიბღვერდნენ. თან ჩემთან მომუშავე ქალიც დარჩირეს ამ დროს. გადავსწყვიტე სტამბის გადატანა ისევ ძველ ბინაზე, დადაშოვის სახლში. ეხლა აუხსენი სახლის პატრონს, რომ მე და ს. ენუქიძე ვავიყავით და სტამბის პატარა ნაწილი შემხვდა მე მხოლოდ. მიტომ იძულებული ვიყავი ისევ უპატენტოთ მემუშავა საზიაროთ. ისიც დამეთანხმა და ჩქარა გადავიტანეთ და მოვაწყეთ იქ სტამბა მე და გიორგი სტურუამ, რომელიც ვითომ ჩემი მონახევრე იყო სტამბაში. გიორგის ყავდა „დედა“—კატო მუკაშინი, რომელიც დედასახლისობას ეწეოდა. ამნაირათ გავაჩაღეთ მუშაობა ბაქოს ორგანიზაციისათვის. ცოტა ხნის შემდეგ გიორგი გამომეშალა, რადგან ის წაიყვანა ს. ენუქიძემ მოსკოვში, სადაც მან გახსნა ახალი სტამბა. ამნაირათ ჩემმა აზრმა, რომ სტამბის გახსნა მოსკოვში სჯობდა, მაინც გაიმარჯვა. გიორგის წასვლის შემდეგ სტამბაში მომიყვანეს ერთი რუსი ამხანაგი ტვერიდან, რომელსაც დავსცინოდი, რომ ბაქოში ჩამოსულიყო იმ დროს, როდესაც პეტერბურგი არ ენახა, თუმცა ტვერსა და პეტერბურგს შორის ორასი-სამასი ვერსია მანძილი, ტვერსა და ბაქოს შორის კი ორიათას ხუთასი. გარდა ამ ამხანაგისა, მე შევხვდი ბაქოში სტამბაში მომუშავე თეოფილე კეკელიძეს, რომელსაც ბათუმში ვიცნობდი, და რომელიც ჩემი რჩევით შევიდა სტამბაში სამუშაოთ. გარედან ხელს გვიწყობდა აშოტ ხუმარიანი, ბაქოს ორგანიზაციის სამუშაოს გარდა მე მოვკიდე ხელი ტუნის წიგნის „რუსეთის რევოლიუციონური მოძრაობის ისტორიის“ გამოცემას. მაგრამ აღარ დამცალდა.

ავვისტოში ხელახლა განმეორდა სომეხ-თათართა ელექტა,—ახლა ბევრათ უფრო მწვავეთ და ხანგრძლივათ. მეც დიდი განსაცდელი გამოვიარე ამ საშინელ დღეებში. როდესაც გამოიჩქვია, რომ შეტაკებები მოსალოდნელია, თ. კეკელიძე და ტვერელი ამხანაგი გავისტუმრე სტამბიდან. ამას გარდა შემთხვევით გავიგე ამ დროს, რომ ჯაშუშები გვითვალთვალებდნენ.

ჩვენი ბინის გვერდზე იყო ორ სართულიანი სახლი. ქვემო სართულში აბანო იყო მოთავსებული, ზემოთ კი ვიღაც ზღვაოსანი (კაპიტანი) სცხოვრობდა ოჯახობით. უკანასკნელ ხანებში ჩემი ყურადღება მიიქცია იმ გარემოებამ, რომ სახლის აივანზე ვიღაც უცხო პირები—ტიპიური სტუდენტები და კურსისტები იჯდნენ თითქმის განუწყვეტელათ მთელი საათობით და შუალამემდის არ სტოვებდნენ

აივანს. თათარ-სომეხთა შეტაკების დაწყების წინა დღეებში ერთ საღამოს შევედი ჩვენი ბინის პირდაპირ მეზობელ თათრის დუქანში, რომელთანაც ხშირათ ვყიდულობდი სურსათ-სანოვაგეს და სხვა წერილმან საჭირო საგნებს და კარგ განწყობილებაში ვიყავი. დუქანში რამოდენიმე მეზობელი თათრები იყვნენ და ლაპარაკს შევეტყუეთ შექმნილ მდგომარეობაზე, რამაც ნაშვალამემდის გასტანა. როდესაც დუქანში დავრჩით მე და მედუქნე, რომელმაც მთხოვა მოცდა, სანამ სხვები წავიდ-წამოვიდოდნენ, მან საიდუმლოთ გადმომცა, რომ მეზობელ კაპიტანის ბინას და აქ მცხოვრებ სტუდენტებს საიდუმლო პოლიცია უთვალთვალესო. პოლიციამ შენც შეგამჩნია და ეჭვი შემოიტანა შენზედაც, მაგრამ მათ შორის ერთი თათარია და მე უთხარი იმას, რომ შენ კარგი კაცი ხარ და დამიჯერაო. მე, რა თქმა უნდა, მადლობა გადაუხადე და დავარწმუნე, რომ ჩემს კარგ კაცობაში ის არ სცდებოდა და არც ტყუილი უთქვამს საიდუმლო პოლიციისათვის.

გამოვბრუნდი სახლში და როდესაც მთელი უბანი ძილში იყო გართული, მივადექი ჩუმათ მეზობელი სტუდენტების კარებს. ისინი ალბათ მუდამ თხიზლათ იყვნენ და პირველსავე კარის დაკაკუნებაზე მომეგებენ კარებში,—დამათვალეირეს რა ჯერ აივანიდან. მე უთხარი მათ, რაშიდაც იყო საქმე და თან საყვედური გამოუტყხადე, რომ მათი გულიზა მეც ვებმებოდი პოლიციის ქსელში.

იმ ღამეს უკვე გვიანი იყო. მეორე დღეს დავფაცურდი და ვაგებზე ამხანაგებს, რომ სტამბა განსაცდელში იმყოფებოდა. საღამოზე შევიყარეთ თავი და ვიქონიეთ მსჯელობა. ამ თათბირზე პირველათ შევხვდი კამოს. როდესაც გავაცანი ამხანაგები საქმის ვითარებას, კამომ პირველად განაცხადა, რომ აღარ ღირს სტამბის წამოღება, რადგან ალბათ უთვალთვალენ და ერთი ყუთიც რომ წამოვილოთ ეხლა იქიდან—იმ წუთში დაგვიჭერენო. გადავსწყვიტეთ, რომ ასოები მაინც წამოგველო ცოტა-ცოტა, ტანსაცმელ ქვეშ ამოფარებული და დანარჩენი მძიმე საგნები მიგვეტოვებინა იქ და გავცლოდით სტამბას. ასედაც მოვიქეცი და მეორე დღეს ნაწილ-ნაწილათ ვეზიდებოდი „რუსეთის მუშათა მოძრაობის ისტორიის“ შეკრულ გვერდებს, მაგრამ დამთავრება ველარ მოვასწარი. მეორე დღეს უკვე სომეხ-თათართა ჟღერა გაჩაღებული იყო და გარეთ აღარ გამოისვლებოდა. შეტაკების პირველსავე დღეს შუადღისას მოვიდნენ ენდარმები ჩემი მეზობელი სტუდენტების და ჩემს გასაჩხრეკათ. მოგროვდა მეზობელი თათრები და შეიქნა ქუჩაში ერთი ჩოჩქოლი. ბოლოს ისე დატრიალდა საქმე, რომ ჩემთან არც კი შემოსულან.— წაიყვანეს მხოლოდ მეზობელი სტუდენტები და კურსისტები, რომლებსაც მთლათ ვერ მოესწოთ სახლის გაწმენდა და დარჩნოდით



ქართული ენის ენციკლოპედია

იმის ნიშნები, რომ ისინი ეკუთვნოდნენ სოც.-რევოლიუციონერების ორგანიზაციას. მედღეჟნემ და სხვა მეზობელმა მუსულმანებმა დაარწმუნეს ჟანდარმები, რომ მე კარგი საიმედო კაცი ვარ და არ არის საჭირო ჩემი გაჩხრეკა. ჩაკეტილ კარების ქუქრუტანიდან უცქეროდი მე ამ ამბავს.

თუმცა ჟანდარმებისგან გადავრჩი, მაგრამ შემდეგ დღეებში მაინც დიდ გასაჭირში ჩავარდი. ხოცვა-ჟლეტა თათრებსა და სომხებს შორის თანდათან გაცხოველდა და გადასცდა მთავრობის მიერ განზრახულ მიზნებს. აუცილებელი შეიქნა ჯარის ჩარევა. ამან კიდევ უფრო გააბრაზა მუსულმანები, რომლებსაც შეთვისებული ჰქონდათ აზრი, რომ მთავრობა მათ მხარეზე იყო და საქმეებში არ ჩაერეოდა. ეხლა მუსულმანებმა ყველა არა მუსულმანს მიჰყვეს ხელი და აღარავის ზოგავდნენ, იქნებოდა ის რუსი, ქართველი თუ სხვა ქრისტიანი.

ჩემი სახლის პატრონიდან და მეზობლებიდან თუმცა საფრთხე არაფერი მელოდა, მაგრამ გარეშე ჯგუფები დადიოდნენ სახლებიდან სახლებში და ეძებდნენ ზოგიერთ შემთხვევაში სახლის პატრონის მიერ დამალულ მდგმურ სომხებს. ასეთი შეიარაღებულ ახალგაზდათა ჯგუფები რამდენჯერმე შემოვიდნენ ჩემთანაც, მაგრამ როდესაც დავარწმუნებდი, რომ მე ქართველი ვიყავი, რასაც პირველ დღეებში ჰქონდა გასაგალი, აღარ მახლებდნენ ხელს.

ჩემი მდგომარეობა გაუარესდა კიდევ უფრო იმითი, რომ კატო მუკაშინი გახდა—ავათ, ალბათ ფსიხოლოგიურათ იმოქმედა მან, რომ სომეხის ქალი იყო, თუმცა პასპორტი ქართველის ჰქონდა. რომ ის ავათ არ გამხდარიყო, მე კიდევ შევსძლებდი როგორმე გაპარვას და ქალაქის ევროპიულ ნაწილში გასვლას, სადაც ჩემთვის საფრთხე აღარ იქნებოდა.

გავიდა ერთი კვირა ამ ყოფაში. საქმე თუ უფრო და უფრო მწვავედებოდა, თორემ არ ცხრებოდა. ბოლოს სახლის პატრონმა გამომიცხადა, რომ მას აღარ შეუძლია პასუხისგება მიიღოს თავის თავზე, რადგან აღარც ქართველებს და აღარც რუსებს ინდობენ ელხა და შეიძლება მეც პასუხი მაგებიონ შენი შენახვისთვის იმ ახალგაზდებმა, რომლებიც დადიან და ეძებენ საზოგადოთ არა მუსულმანებსო. ამ გარემოებამ გამოუსვლელ უნუგეშო მდგომარეობაში ჩამაყენა. ვიფიქრე, ვიფიქრე და გადავსწყვიტე ისევ წასვლა ამ სახლიდან, რადგან სულ ერთი იყო, დარჩენითაც არ მოველოდი ცოცხლათ გადაარჩენას. შუა დღე იქნებოდა, როდესაც მოვაყვანიე სახლის პატრონს მუსულმანი მისი ნაცნობი მეეტლე, ჩავსვი შიგ კატო, მოუჯექი გვერდით და მეეტლეს ვთხოვე, რომ ჩქარა გაეჭროლებია ეტლი შემახნის ქუჩისკენ, სადაც ჩამოვიდოდი ძირს და გადავიდოდი ევროპიულ ნაწილში. მეეტლემ პირნათლათ შეასრულა დავალება, ისეთი სისწრაფით გააქა-

მა ეტლი ჩადრის ქუჩაზე თავდაღმართში, რომ ქუჩებში გამოფენილი მუსულმანები პირდაღებული შემომცქეროდნ და ველარც კი მოესწროთ იარაღის ამოღება და სროლა. წუთში გავჩდით შემახინკის ქუჩაზე, რომელზედაც არავითარი მოძრაობა აღარ იყო, რადგან საშვალო ადგილს წარმოადგენდა ქალაქის აზიურ და ევროპიულ ნაწილებისას. მეეტლე სწრაფათ მოტრიალდა უკან, ჩვენ კი გადავიბინეთ შემახინკის ქუჩის მეორე ნაპირას. კატომ გაამართლა თქმულება: გაჭირვება მიჩვენე—გაქცევას გიჩვენებო. თუმცა ლოგინიდან ძლივს წამოვაცუნე, მაგრამ აქ კი იკადრა გაქცევა.

ამნაირად, გადავრჩით რა ბეწვზე სიკვდილს, გავედი სადგურზე-მატარებლის მიმოსვლა იყო. ჩავჯექი და გამოვსწიე ტფილისში. აქ კატო ჩავაბარე თავის პატრონს და მე მოვედი ტფილისელ ამხანაგებთან, რომლებმაც გადმომცეს წინა დღეს ქალაქის სამმართველოში მომხდარი საშინელი ამბავი.

გავბრუნდი ისევ ბაქოში, სადაც შეტაკებები უკვე ცხრებოდნ ამ ხანათ. ვინახულე ი. ბიბიკოვი, რომელმაც მითხრა, რომ მოსკოვიდან ს. ენუქიძე თხოულობს ხალხსო და მე და უშანგი ჯაში გავემგზავრეთ იქ.

(შემდეგი იქნება).

ჩემი მოგონებანი

მე შემისრულდა 49 წელი.

პაპა (ბაბუა) ჩემი დიდი მემამულე თავადიშვილის უკანონო შვილი იყო. პაპა ჩემის მამამ, რადგანაც სხვა „კანონიერი“ შვილები ბევრი ყავდა, იფიქრა ესეც წაიღებს ქონებიდან თავის წილსაო, და დაიწერა თავი გლეხათ. პაპა ჩემი მაინც თავადიშვილობდა, თუმცა-ლა არაფერი არ ებადა. თავისი „თავადიშვილური სისხლის“ მეტი (თუ არ ჩავთვლით ერთ ქოხს და ერთ ქცევას მიწას). მამა ჩემი ნამდვილი გლეხი იყო; მისი ძმა პავლე კი თავადობდა და თუ ვინმე გაბედავდა იმის თქმას, რომ ის თავადი კი არა, არამედ „უკანონოდ შობილი მამის შვილია“, უხმლოდ და უხანჯლოდ საქმე ვერ გათავდებოდა. ბევრი უსიამოვნებაც მოსვლია მას ამ ნიადაგზე.

მამა ჩემი კი მუშაობდა სხვის მიწაზე თავჩალუნული, წელში გაუმართავი, დღეში თექვსმეტ საათს. გვინახავდა ჩვენ ე. ი. დედა ჩემს, მე, ჩემ სამ დას, თავის დედას და მიწის პატრონის ოჯახსაც. წერა-კითხვა მან არ იცოდა, სამაგიეროდ დედა ჩემი შედარებით განათლებული ქალი იყო. იცოდა ქართული ლიტერატურა. „ვეფხისტყაოსანს“ ზეპირათ მოგიყვებოდათ. მთელ ჩვენ უბანში ყველა მეზობლებისათვის დაწერიც ის იყო და წამკითხველიც. იცოდა აგრეთვე ტანისამოსის ჭრა-კერვაც და კიდევ მოჰქონდათ მასთან დასაჭრელი და შესაკერავი. იგი მეტად მშრომელი ქალი იყო, დღე და ღამე მუშაობდა. ღამე, ნავთის უქონლობის გამო, მოაგროვებდა ჩალის ღერებს, გააჩაღებდა ცეცხლს და ამ ცეცხლის სინათლეზე ქსოვდა და ართავდა. ღამეებს ათენებდა, რომ როგორმე შევემოსეთ ჩვენ.

როდესაც სახლში მკადი და ლობიო საკმარისათ იყო, იმ დღეს დედა ჩემი ბედნიერად სთვლიდა თავს, მაგრამ საუბედუროთ ასეთი ბედნიერება ყოველთვის არ იყო.

ჩემი ხწავლა.

დედა ჩემი ყოველ ღონისძიებას ხმარობდა, რომ მე ნასწავლი კაცი გამოვსულიყავი, მაგრამ ამისათვის მას საშვალეა არ ჰქონდა დედა ჩემმა თავიდანვე შრომა გვასწავლა. ხუთი წლისას უკვე მამუშავებდა. იქნებ მკითხველს გაუკვირდეს, ხუთი წლისა როგორ მუშა-

ობდამო?! აი როგორ: დების აკვანს მარწვენიებდა, პატარა დოქებით (სურებით) წყალი მომქონდა, ბატებსა და იხვებს მაწყესინებდა. ყველა ეს მე მგონი ხუთი წლის ბავშვისათვის საკმარისი მუშაობაა. მეზვიდე წელში რომ გადავდექი დედამ ანბანის სწავლა დამაწყებინა. ხან და ხან კარგათ რომ ვერ მიუგებდი, გაჯავრდებოდა, წამავლებდა თმაში ხელს და ხან-და-ხან მაგლეჯდა კიდევ. მაგრამ ნუ დაგავიწყდებათ, ისე უყვარდი, რომ მთელ ქვეყანას ვერჩიე, რადგანაც ერთად ერთი ვაჟი მე ვყავდი.

ვიდრე შვიდი წლის შევიქნებოდი, თავისუფალ დროს დედა ჩემი ჩემი მასწავლებლის როლში გამოდიოდა. მერვე წელში რომ გადავდექი მიმაბარეს სოფ. სკოლაში. ჩვენ სოფელში სამ-განყოფილებიანი სამინისტრო სასწავლებელი იყო (დღესაც არ ვიცი სამინისტრო რათ ერქვა). სკოლაში ჩვენი მასწავლებელი (შენგელია, ახლა მღვდელია) მოგვცემდა გაკვეთილებს, რომლებსაც თუ კარგად ვერ ჩავაბარებდით მოგვადგებოდა და გვცემდა ხელებზე ოთხ-კუთხიან სახაზავს. როცა ხელის გულზე სახაზავებს შევეჩვიეთ, დაგვიწყო მერე ცემა ხელის ზურგზე. რასაკვირველია, ხელის ზურგზე უფრო მწვავე იყო. ამ როლს ხან თვითონ ასრულებდა, ხან კი მიაყენებდა ორ შეგირდს და იმათ აცემინებდა ერთმანეთს. ეს უფრო პრაქტიკული გამოდგა, რადგანაც ერთმანეთზე გაჯავრებული ბავშვები თავ-გამეტებით სცემდნენ ერთი-მეორეს, აქ როგორი სწავლა უნდა ყოფილიყო თქვენ თვითონ გაიგებთ. ამას დაუმატეთ სიღარიბე, უსახსრობა, რვეულების და საწერ კალმის უქონლობა*).

დავბრუნდებოდი თუ არა სასწავლებელიდან, მაშინვე უნდა შევედგომოდი თოხნას, ბარვას, შეშის ქრას და სხვა. თუმცაღა დედაც და მამაც ძალიან მიფრთხილდებოდნენ, არ უნდოდათ, რომ მე მემუშავნა მაგრამ სიღარიბე აიძულებდათ და ძალაუნებურად ურიგდებოდნენ ჩემ მუშაობას.

ასე იყო, თუ ისე, ეს სამ განყოფილებიანი სასწავლებელი გავათავე 1887 წელს. მამა ჩემი ტრაბახობდა: „ჩემმა შვილმა კურსი გაათავა—ო. დედა ჩემი გრძნობდა და იცოდა, როგორიც იყო ეს „კურსი“ და რადგანაც იგი ძალიან მოწადინებული იყო, რომ მე სწავლა განმეგრძო, მიმართა ჩემ ნათლიას, ალექსანდრე ჩხეიძეს—ფეოდალს (ძალიან მდიდარს), რომ დამხმარებოდა. იმანაც შეპირდა, წამიყვანა ქუთაისში და მიმიყვანა ერთ ქართველ ფრანგ ჩარეკოვთან. საღამოზე დაიწყეს საწოლების გადადგმა-გადმოდგმა. ვიფიქრე, ალბად ჩემთვის დასაძინებელ ალაგს ამზადებენ-მეთქი, მაგრამ ეს მომზადება თურმე ამ ფეოდალის შვილისთვის იყო. განსხვავება იმის შვილსა და ჩემში

*) იხ. ჩემი წერილი, რევოლიუციის მატჩანეში № 1.



მყოფი ბებერი მოვიდა, გამაღვიძად ა თანვე გამლანძღა: „არა გრცხვე-
ნია, ერთი წუთით მოგცილდი და შენ მუშაობის მაგიერ დაგი-
ძინია“-ო.

რას ვიზამდი. მეც შემრცხვა. ჩემის აზრით ის მაშინ მართალი
იყო და რომ ჩემი შეცდომა გამოემსწორებინა მაშინვე შეუდექი მუ-
შაობას. როგორც იყო ამ ტანჯვაში შევასრულე ერთი წელიწადი.
ავიღე ჩემი ერთი წლის ჯამაგირი 31 მანეთი და წაულე მამაჩემს.
რომელმაც ის ვალში გადაიხადა. ამ დროს ვიყავი ცაშეტი წლის.

ვაჭრობა.

ამის შემდეგ კიდევ შექმნეს თათბირი დედაჩემმა და მამაჩემმა,
თუ რა გზა მოეცათ ჩემთვის. ქუთაისში ვაჭრობდა ჩემი ბიძაშვილი.
პატარა საწვრიმალო ღუქანი ჰქონდა, წამიყვანეს მასთან, რომელმაც
თავის „ნოქრათ“ ამიყვანა. თვითონ დაეხეტებოდა სადღაც კარტის
სათამაშოთ და სალოთათ, მე კი მტოვებდა ღუქანში. ერთხელ
ხაზეინის არყოფნის დროს გავყიდე 10 გირვანქა შაქარი. მე „კურს“
დამთავრებულმა ვიანგარიშე და გამოვართვი 90 კაპ. გირვანქა
ღირდა სამი შაური. როგორი ნაანგარიშეგია მკითხველი თვითონ
მიხვდება. ამაზედ ჩემმა ბიძაშვილმა „ხაზეინმა“ ერთი კარგი წამი-
თქა. ჩემი მასთან ყოფნა ამის შემდეგ აღარ შეიძლებოდა. მივედი
ერთ მასწავლებელ სანებლიძესთან, იმ იმედით რომ მას ვემსახურებოდი
კიდევ და მასწავლიდა კიდევ. მაგრამ ჩემი იმედი ტყვილი გამოდგა.
იმანაც შემავლო სამზარეულოში და ჩამაბარა თეფშები, ქვაბები,
დანა-ჩანგლები და სხვა სახეხათ და სარეცხათ. მის სახლში მუდამ
იხვები და ქათმები მზადდებოდა. მართალი უნდა ითქვას—აქ საჭმელი
ბევრი იყო, ხსნილში ჩემი საქმე კარგად იყო, მაგრამ მარხვა დღეებში
მე სახსნილოს არ გაიხლებოდი, რადგანაც ეს მომაკვდინებელ ცოდ-
ვით მიმაჩნდა. მოვიტანდი სამი კაპეიკის ლობიოს და ეს იყო ჩემი
საზრდო. ამაში მასწავლებელი სანებლიძე არ იყო დამნაშავე. ყოველ-
თვის მეუბნებოდა: „სჭამე ხორცი, ეს ცოდვა არ არის, შენ ჩემზე
მეტი ხომ არ იციო“. მაგრამ მე დედაჩემის დარიგება უფრო მრწამდა
ვიდრე მასწავლებელ სანებლიძის. დედაჩემი სულ იმას მიქადაგებდა:
„შეალო მარხვა არა სჭამო ღმერთს არ შესცოდო“-ო. ამას დაუმატეთ
მღვდლის ქადაგება, რომელიც ყოველ ზარების დროს ამასვე გვიქა-
დაგებდა და ზიარება ხომ აუცილებლად სავალდებულო იყო, როცა
სკოლაში ვსწავლობდი. ჩვენი მასწავლებლისათვის ასე აუცილებელი,
როგორც ზიარება, სწავლა რომ ყოფილიყო, რაღა გვიშავდა.
უეჭველად მასწავლებლისათვის წელიწადში ორჯერ, მარიამობის და
დიდ მარხვაში მოწმობა უნდა მიგვეტანა ზიარების.

თუმცა და ყველა მოვალეობას, ზიარების მისაღებად, სინდისი-



ერად ვასრულებდით, მაგრამ მინამ ჩვენგან მღვდელი ანდრია ლევაჟა პატარა ქრთამს არ აიღებდა ისე მოწმობას არ მოგვცემდა. მე რა ქრთამის მიცემა შემიძლო. ამის საშვალეობა თვით მღვდელმა იპოვა. ორი დღე მამუშავებდა ყანაში და მოწმობას მერე მომცემდა. ასე ვიყავი ცრუმორწმუნეობით გაჟღენთილი მაშინ და აბა ხორცს რა მაქმევდა.

სწავლა ძალიან მწყუროდა. მასწავლებელ სანებლიძეს მოწაფეები ყავდა სახლში, რომლებსაც ასწავლიდა და ინახავდა კიდევ. ამისთვის რასაკვირველია იღებდა შესაფერ სასყიდელს. ამ მოწაფეებს ფთხოვდი ხოლმე, რომ ჩემთვის ესწავლებინათ. არც ისინი მეუბნებოდნენ უარს, მაგრამ მე ამისთვის დრო არ მრჩებოდა. სანებლიძეს რუსეთიდან ჩამოუყვიდა სტუდენტი ძმა, რომელმაც პატარა წიგნაკი მომცა: „ჩხუბი ერთი კვერცხისათვის“. ძალიან მომეწონა. რამდენჯერმე წავიკითხე და ზეპირათ უთხარი. მერე მომცა რუსული წიგნი: „Руское слово“ და მითხრა: „ეს შეინსწავლე ზეპირათ და რუსული გეცოდინება“-ო. ამით გათავდა მისი პროპაგანდა ჩემზე. ახლა რომ ვფიქრობ, ის ალბად ახალ თაობის სტუდენტი იყო.

ამ მასწავლებელთანაც, როგორც ხედავთ, არაფერი არ გამოვიდა. ქვაბებისა და იატაკების წმენდის მეტი. ჩამოვიდა მამაჩემი, შემომისვა ცხენზე და წამიყვანა სახლში. ისევ შეიქმნა ბჭობა, თუ რა უნდა ექმნათ ჩემთვის.

ქარხანაში მუშაობა.

ამ დროს ტფილისიდან ჩამოუყვიდა ჩვენ მეზობელ ბიბილეიშვილს მოყვარე მანჯგალაძე. სუფთათ იყო გამოწყობილი ჩოხა ახალხში (ეს იყო 1889 წელს) და საათიც ჰქონდა. ეს მაშინ სოფელში დიდ განათლებულ კაცად ითვლებოდა, რადგანაც საათიანი იყო. დედაჩემმა მიმართა თხოვნით მანჯგალაძეს, რომ მე წავეყვანე ტფილისში და როგორმე უმთავრეს სახელოსნოში დავეყენებინე. ისიც დასთანხმდა პატარა ხაჭაპურის შემდეგ.

ისესხეს ხუთი მანეთი ჩემ სამკზავროდ (თუმცა ბილეთი სამტრედიიდან ტფილისამდე ექვსი მანეთი ღირდა). ეს იყო ჩემი პირველი მოგზაურობა რკინის გზით. კასასთან ვიდექი ფულით ხელში, ბილეთი უნდა მეყიდნა. მოვიდა ჩემთან ვილაც კონდუქტორი (ბრჭყვიალა ლილუბიანი პალტო ეცვა). მე რა ვიცოდი ვინ იყო, ვილაც დიდი კაცი მეგონა. მკითხა სად მივდიოდი. უპასუხე. „ფული რამდენი გაქვს?“— კვლავ შემიკითხა. ამაზედაც მიიღო პასუხი. „სულ ერთია, მაგ ფულით ტფილისის ბილეთს ვერ იყიდი, დაჯექი უბილეთოთ, მე წავიყვან“-ო, და რადგანაც ფულს წინდაწინვე მთხოვდა მე ვერ ვენდე და უთხარი: „ჯერ წამიყვანე და მერე მოგცემ“-მეთქი. მოვრიგდით. დაჯექი.

დაიძრა მატარებელი თუ არა, სთქვეს კონტროლი მოდისო. შეიქნა ჩოჩქოლი. წამიყვანა ამ კონდუქტორმა და შემიყვანა სადღაც. ისე იყო ხალხით გაქედული ეს ალაგი, რომ ნემსი აღარ ჩაეტეოდა. ბოლოს აღმოჩნდა ფეხის ალაგი. ასე ჩავედი ტფილისში, ხან ამ ფეხის-ალაგში და ხან სკამ ქვეშაც შემადვრენდა ხოლმე კონდუქტორი. მგზავრობაში გამოირკვა, რომ კონდუქტორს ჩემგან თურმე ერგებოდა სამი მანეთი და არა ხუთი, რადგანაც ბილეთი ღირდა ექვსი მანეთი. ეს უკვე ნიხრი ყოფილიყო დადებული. მერმე გავიგე, უბილეთობესა და კონდუქტორებს შორის ეს ჩვეულება ისე ყოფილიყო განმტკიცებული, რომ თითქოს სადმე ამის შესახებ კანონი ყოფილიყოს გამოცემული. ერთ კაპეიკს ნაკლებს არ აიღებდა კონდუქტორი და არც ერთ გროშს მეტს არ მისცემდა უბილეთო მგზავრი.

როგორც იყო ჩავედი ტფილისში. ახლა ალაგის შოვნა იყო საქმე! როგორ მივიდე, როგორ ვთხოვო! მანჯგალაძემ მხოლოდ ოთახში დამაყენა. დანარჩენი არაფერი არ გაუქეთებია და უძებნია. როგორც გამოირკვა, ის თურმე ჯიხაისში იყო დიდი კაცი თორემ ტფილისში, რკინის გზაში—ძალიან პატარა. მუშებმა მასწავლეს როგორ უნდა მეთხოვნა ალაგი უფროს ხელოსნისთვის „მასტერისთვის“. უბედურება ის იყო, რომ ყველგან უფროსები რუსები იყვნენ და ალაგის თხოვნა რუსულად იყო საჭირო. „კურს“ დამთავრებულს როგორი რუსული უნდა მეთქვა?! მასწავლეს ასე: „Господин мастер, дай мне место, я очень бедный человек!“. ამ რუსულით შემოვიარე ყველა ცხეები და მასტერები, მაგრამ ყველგან ერთი პასუხი მივიღე: „нет места“. ასე ვიარე ორი თვე. მითხრეს, ერთი თუმანი რომ გქონდეს ადვილია ალაგის შოვნაო. ჩემთვის კი ეს შეუძლებელი იყო. გავახშირე სიარული სამხატვრო ცეხში, რადგანაც იქაურმა „მასტერმა“ ქართული კარგათ იცოდა, თუმცა თვითონ რუსი იყო, გვართ გარბენკო. ორი თვის შემდეგ, როგორც იყო მიმიღო სამუშაოთ. ჯერ გამომცადა: „პორუსკი ზნაეშ?“ მე უპასუხე: „მალენკი ზნაიუ“. კვლავ შემეკითხა: „ა ბალშოი ნე ზნაიშ?“—ო. იქ ერთი ორ ღერძიანი ვაგონი იდგა მკითხა: ეს რა ნომერია?—ო. ეხლაც მახსოვს, ვუპასუხე 70. პატარა ნომერი იყო. გამგზავნეს ექიმთან. შემამოწმეს. ეს იყო 1889 წელს. „ხვალ სამუშაოთ გადიო“ მითხრეს. ამან ისეთი სიხარული გამოიწვია ჩემში, რომ მე იქვე ლეკური ჩამოუარე. ალბად ამან თუ იქონია მასტერზე გავლენა. დამინიშნეს დღეში შვიდი შაური. ეს ამბავი ყველას გაუკვირდა, რადგანაც ერთ აბაზზე მეტს არავის უნიშნავდენ პირველად მიღებულს, იშვიათათ ექვს შაურს. მე კი ერთბაშათ შვიდი შაური დამინიშნეს. ვმუშაობდი რაც შეიძლება ერთგულად. სანახევროდ მშვიერი ვიყავი. სულ რომ მექამა შვიდი შაური მაინც არ იყო საკმარისი და მე კი ნახევარს უეჭველად ვინახავდი სახლში გასაგზავნათ.



სააღდგომოდ წავედი სახლში და წავილე თხუთმეტი მანეთი. როცა ამოვიღე ჯიბიდან, მამაჩემს ხუთ თუმნათ მოეჩვენა და როცა გაიგო, რომ მხოლოდ თხუთმეტი მანეთი იყო, ცოტა ეწყინა, ეცოტავა. დედა ჩემმა წამიყვანა იმ ჩემ კეთილს მყოფელ ნათლიასთან, რომელმაც ჩარეკოვის სამზარეულოში დამაყენა სასწავლებლად. მახსოვს, შეეკითხა დედაჩემს ჩემზე, ჭკვიანად თუ იქცევიაო. დედა ჩემმა ჩემი ჭკუის გასაზომათ, უპასუხა, რომ 15 მანეთი მომიტანაო. ფეოდალმა ნათლიამ ჭკვიანათ უპასუხა: „შვიდ-შაურიდან, თუ კიდევ შენ მოგიტანა და შენ არა გთხოვს დახმარებას, მართლა ჭკვიანი ყოფილაო“. ამას შემდეგ დამერქვა ჭკვიანი კაცი. ეს სიჭკვიანე იმაში გამოიხატებოდა, რომ ტფილისიდან სოფელში ჩამოსული ჩემი ამხანაგები, ჩემი ტოლები უსათუოდ შედიოდნენ იქაურ ღუქნებში და ქეიფობდნენ ღვინით და არაყით. მე კი რასაც ვაღაფარჩენდი ტანისამოსს და საჭმელს მიუტანდი მამაჩემს. მათი ქეიფობა და ჩემი ღუქანში არ შესვლა აიხსნება იმით, რომ იმ ჩემ ტოლებს ამით სურდათ დაემტკიცებინათ დამოუკიდებელი ცხოვრება თავისი შრომით, რითაც ყოყოჩობდნენ და მეორე, უმთავრესი იმით, რომ იმათი ოჯახი, შედარებით ჩვენ ოჯახთან მდიდარი იყო.

ხანდა-ხან ჩემი ტოლები მეც დამიძახებდნენ მივსულიყავ მათთან ღუქანში საქეიფოთ, რაც მეც გულით მსურდა, მაგრამ მეძინოდა არ დამეკარგა „ჭკვიანი კაცის“ სახელი. დედაჩემი სულ იმას ჩამჩიჩინებდა: „განათლებული კაცი ღუქანში სალოთავოთ თავის ღღეში არ შევაო, განათლებული კაცები კითხულობენ წიგნებს და გაზეთებს“—ო. ეს დედაჩემმა პატარაობითვე ჩამინერგა და მეც ვასრულებდი ამას ფანატიკურად. დედაჩემი მე ძალიან მიყვარდა, პატივს ვსცემდი და ამისთვის მის სიტყვას არ ვავტეხდი. ამით აიხსნება ჩემი მარხვის არ გატეხვა სანებლიძესთან. მეც ისე ვიქცეოდი დიდხანს როგორც მოსწონდა დედაჩემს. ერთმა შემთხვევამ გამომიყვანა დედაჩემის ზეგავლენიდან. მაგრამ ამაზედ ქვემოთ.

სამეხატრო ცეხში ვიმუშავე 1892 წლამდე—ხოლერიანობამდის. ხოლერა ძალიან გავრცელებული იყო ამ წელს. მაგ., ამ წუთს ელაპარაკებოდით ვინმეს, ძალ-ღონით სავსე ადამიანს, რომელსაც ავადმყოფობის არაფერი ეტყობოდა; რამდენიმე ხნის შემდეგ იტყოდნენ, რომ ეს პიროვნება გარდაიცვალა ხოლერისაგანო. ასეთი შემთხვევები ბევრი იყო.

სახელოსნოში იყვნენ „პრივადირები“, დარგების ხელმძღვანელები, რომელთაც შეგირდები ებარად. ეს ბრივადირები ისე აგინებდნენ თავიანთ ქვეშევრდომ მუშებს დედას, თითქოს ეს გინება მუშაობის ნაწილი ყოფილიყო. ამას მე როგორღაც ვერ მიბედავდენ: ალბად იმიტომ, რომ ყოველ მათ ბრძანებას უსიტყვოდ ვასრულებდი.



მაგრამ ერთი ბრძანება აღარ შევასრულე, როდესაც ერთხელ „ბრი-
გალირმა“ არაყი მთხოვა, რაზედაც მე უარით უპასუხე. ამის შემდეგ
ჩამქიდა კბილი და ყოველ მოხერხებულ დროს „შემიკურთხებდა“
ხოლმე. უთხარი: „ნუ შაგინებ, თორემ ვერ მოგიტმენ“-მეთქი. ამაზე-
დაც მიპასუხა რამდენიმე სართულიანი გინებით. მეც ავიღე და „მი-
ვარეთქე“ სახეში. წაიქცა. იქაც ერთი ორი წიხლი მივაყოლე. წამო-
დგა გაიქცა და მიჩვილა უფროს ხელოსანთან. დამიძახა ხელოსანმა,
ერთი მანაც შემიკურთხა და მითხრა: „წადი ეხლავე რასჩოტი აიღე
დღეს მაგასა სცემე, ხვალ მე დამიწყებ ცემასო“. ასე გამომავდეს
სახელოსნოდან. დავბრუნდი სოფელში. დედა ჩემს ძალიან გაუხარდა:
„კარგი გიქნია, რადგან ხოლერა მუსრს ავლებს ქილაქში სუყვე-
ლას“-ო. მას ძალიან შეშინებოდა შვილი ხოლერამ არ მამიკლასო.

ლ ა ქ ი ო ბ ა .

სოფელში დიდხანს ვერ გავძელი. ჩამოველი ისევ ტფილისში.
რკინის გზაზე არ მიმიღეს, როგორც „ბუნტოვჩიკი“. მივედი თავად
ჩხეიძესთან, რომელსაც ალექსანდროვის ბალის პირდაპირ სასტუმრო
ჰქონდა. ეს იყო 1893 წლის დასაწყისში. იმანაც სამზარეულოში მი-
ქრა თავი. მზარეულობა და ლაქიობა მეჯავრებოდა, ლაქიობა იმი-
ტომ, რომ ყველასთვის „ბატონო“ უნდა გეძახა, მზარეულობა იმი-
ტომ, რომ მას ყოველთვის სულ ქვაბებთან და ქოთნებთან აქვს საქმე.
ჯერ რკინის გზაზე დადგომამდის ვერ შეურიგდი ამ ხელობას და
ახლა მით უმეტეს, როცა სახელოსნოში ნამუშევარი ვიყავი და ხე-
ლობაც ვიცოდი. ისევ დავიწყე სახელოსნოში სიარული და ალაგის
ქებნა. ახლა კი სამხატვრო ცეხში აღარ მივედიოდი, რადგანაც ვი-
ცოდი, რომ ჩემი იქ დადგომა აღარ შეიძლებოდა. მივმართე ვაგონის
ცეხში „მასტერს“ (გერმანელი იყო), რომელმაც დანახვისთანავე მი-
ცნო და დამიყვარა: „დაიკარგე აქედგან“-ო. ამის შემდეგ დავიწყე
დებოში საქმის თხოვნა. რადგანაც ეს მთავარ სახელოსნოსთან გან-
ცალკევებული იყო. ვთხოულობდი მხატვრის თანაშემწეობას. უფრო-
სმა მითხრა: „ალაგი არ არის, თუ გინდა შავ მუშათ დადექიო“. მეც
კბილის გასინჯვა არ დამიწყია და მაშინვე მივიღე ეს წინადადება.
შავი მუშის ჯამაგირი მაშინ გადაწყვეტილი იყო 60 კაპ. მე როგორც,
მკირე წლოვანს, დამინიშნეს 55 კაპ. ამითაც კმაყოფილი დავრჩი,
რადგანაც ლაქიობას ვშორდებოდი. როცა სასტუმროს პატრონს გა-
მოვეთხოვე, მან დამიწყო: „სად მიდიხარ, ლაქიობაზედ კარგი ხელობა
არ არის, ამით გამდიდრება შეიძლება, მე რომ თავადიშვილი
არ ვიყო მე თვითონ ლაქიით დავდგებოდი“-ო. მე ვუპასუხე: „გამ-
დიდრების წინააღმდეგი არაფერი მაქვს, მაგრამ ლაქიობით გამდიდ-
რება არ მინდა“—მეთქი. ამით გავშორდი.



დებოში მუშაობა.

დავიწყე ტფილისის დებოში მუშაობა შავ მუშათ. ეს იყო 1898 წელს. საზოგადოდ მუშები სცხოვრობდნენ ნაძალადევში და დიდუბეში. ნაძალადევში მაშინ ორი სამი სახლი თუ იქნებოდა, დანარჩენი სულ მინდორი იყო. ამ მინდორზედ, რადგანაც სხვა გასართობი არ იყო და გართობა ადამიანისთვის კი ისეა საჭირო როგორც პური, იმართებოდა ცეკვა, თამაში, სიმღერა, კიდაობა, ბურთის თამაში. ეს იყო საშუალება ფიზიკურ განსავითარებლად, თუმცა ამისთვის საკმარისი იყო მუშაობა, რომელიც სწარმოებდა ჩვეულებრივ 10—12 საათი და 16-ტიც. გონების განსავითარებლად არაფერი არ იყო და არც არავინ ფიქრობდა ამაზე. წიგნების და გაზეთების ხსენებაც კი არ ყოფილა. თუ სადმე ვინმესთან იპოვნიდით წიგნს, ეს იქნებოდა აუცილებლად ზღაპარი „ყარამანიანი“ და ესეც ძალიან იშვიათად. მეც ამ ყარამანიანს ვკითხულობდი. გროვდებოდენ მუშები და მისმენდნენ. წავიკითხე ათი თუ თორმეტი კარი. ძალიან მოსწონდათ ის ალაგები, როდესაც გარდაქმნანი და ყარამანი მთას-მთას შემოკრავდნენ და ამ დროს მთელ დედუიწას ზანზარი გაჰქონდა. ეს თამაშობები და ყარამანიანი იყო ჩვენი მთელი ჭკუის და ტვინის საზრდო. ესენი იყვნენ ჩვენთვის თეატრიც, კლუბიც, ლექციაც, სწავლა განათლებაც და ყველაფერი.

კარტის თამაში.

ამ დროს, ერთმა, ვანიჩკა მალაქოვმა „კეთილი უყო მუშებს“, „გააბედნიერა ისინი“ და გაალო „ტრახტირი“. დადგა შიგ ბილიარდი გააჩაღა კარტის თამაში და შეიტანა „განათლება“ მუშებში. ამ „განათლებამ“ ცოტათი მეც გამიტაცა. მუშაობის შემდეგ შეუდგებოდი ბილიარდის თამაშს. მერმე კარტსაც შევეჩვიე. აქ უკვე დამავიწყდა დედაჩემის დარიგებები. ზოგიერთი უფრო ხნიერი მუშები გვარიგებდნენ; „ნუ თამაშობთ, კარგი არ არის“-ო, მაგრამ ვინ უჯერებდა. ერთმა მჭედელმა გვართ რატიანმა ამ დარიგებაზე ხუმრობით უპასუხა: „სახლიდან, რაჭიდან შემომითვალეს, რომ შექველად ბილიარდის და კარტის თამაში ისწავლეო და მეც ამიტომ ვცდილობ“-ო. ამ დარიგებებმა ჩემზე ცოტა ნაყოფი გამოიღო, მაგრამ ნივთიერმა პირობებმა, მოახდინეს გავლენა. ჯამაგირს რომ მივიღებდი, გავემუშრებოდი „ტრახტირში“, სადაც ან წავაგებდი და თუ მოვიგებდი, სულ ერთია, ისიც წავებული იყო, რადგანაც მოგროვდებოდენ „ძმა ბიჭები“ და აბა მოგებული ხარ და დახარჯეო. თამაშობის ეთიკაც ამას მოითხოვდა. უნდა დაგეხარჯა. მეც კეთილ სინდისიერათ ვასრულებდი ამ ეთიკას. ამ ეთიკამ იქამდე მიმიყვანა, რომ არც ტანისამოსი მქონდა, არც ფეხსაცმელი, დედ-მამა სულ დამავიწყდა. ამ „ბედნიერებამ“



თითქმის ერთ წელიწადს გასტანა. მუშაობაზედაც იშვიათათ ვცხადდებოდი და თუ არ მაგდებდენ ალაგიდან, ეს იმით აიხსნება, რომ ჩემი ბრიგადირი, ვერტაუზოვი ცოტა მშისარა კაცი იყო, რომელსაც გააგებული ჰქონდა, მე რომ სამხატვრო ცეხის ბრიგადირს ვცემე. მეც ვსარგებლობდი ამით და ვეუბნებოდი: „თუ რაიმე ცუდი გითქვამს ჩემზედ გცემ“—მეთქი. ისიც მიპასუხებდა: „შენთვის არ არის კარგი, თორემ მე არაფერს არ ვიტყვი“—ო.

ასე, როგორც ზემოთა ვსთქვი, ამგვარმა ჩემმა ცხოვრებამ გასტანა ერთ წელიწადს. ბოლოს დავინახე რომ ჩემი „ჭკვიანი კაცობა“ გაბათილდა. დავფიქრდი და გადავწყვიტე თავი დამენებებინა ასეთ უშვავსო ცხოვრებისათვის. თუმცა თავის დანებება ძალიან ძნელი იყო, მაგრამ ბოლოს საკუთარი „მე“—სთან დიდი ბრძოლის შემდეგ გადაწყვეტილება სისრულეში მოვიყვანე.

წიგნების კითხვა.

დებოში სამკითხველო იყო, რომელსაც გამგეობდა ერთი ქისტი, დოლგოვი, მეტად პატიოსანი კაცი და ამასთანავე განვითარებულიც, მაგრამ საუბედუროდ ქართული ენა არ იცოდა. ჩავეწერე სამკითხველოში 1894 წლის დასაწყისში. როდესაც წიგნი ვთხოვე გამგეს, მან შემეკითხა თუ რა წიგნები მქონდა წაკითხული. „ყარამინიანი“—მეთქი ვუპასუხე. პირველად მომცა „ელგუჯა“ ყაზბეგის თხზულებიდან, რამაც ძალიან დამაინტერესა, რამდენიმე ღამეში წავიკითხე. შემდეგ მთელი ყაზბეგის თხზულება წამაკითხა. ყაზბეგის შემდეგ მომცა ილია ჭავჭავაძის; „გლახის ნაამბობი“, „კაცია ადამიანი?!“ და სხვა. ასე დავეწაფე ქართულ ლიტერატურას და ვკითხულობდი გულმოდგინეთ. ჩემ ბრიგადირს უკვირდა, რომ მუშაობას ისევ ერთგულად მოვკიდე ხელი და განცვიფრებული შემეკითხა: „რაშია საქმე, რა მოგივიდაო?“—„წიგნებს ვკითხულობ, ბილლიარდსა და კარტს თავი დავანებე“—მეთქი. მანაც მირჩია ასევე მოგქცეულიყავი შემდეგშიც და განმეგრძო წიგნების კითხვა. გავიცანი დებოშივე მომუშავე მჭედელი მიხა ბოჭორიძე და არაქელა ოქუაშვილი, ისინი მაშინ ცოტათი პოეტობდენ და ბევრს ქეიფობდენ. მიხა ქალაქში გამოჩენილი „დამრტყმელი“, მოკრივე იყო და სულ იმაზე ლაპარაკობდენ. ახლა შეიძლება ახალგაზრდებს გაუკვირდეთ: „კრივზედ რა სალაპარაკო იყო“—ო, მაგრამ, ნუ დავავიწყდებათ, კრივზედ ლაპარაკი მუშებში ისე იყო გახშირებული მაშინ, როგორც ახლა მარქსზე და ლენინზე. ქალაქში იყო ოთხი ძმა აფარდიაშვილები, რომელთა დამმარკებელი კრივში არავინ იყო; მიხამ კი ამ ოთხსავე ძმას ერთად სცემა, ე. ი. დაამარცხა კრივში და აბა წარმოიდგინეთ რა სახელი ექნებოდა გავარდნილი. ყველა მოწიწებით ექცეოდა და მეც თავი მომწონდა, რომ ამნაირი განთქმული კაცი ჩემი მეგობარი იყო.



მიხა არსად შკოლაში ნამყოფი არ იყო. ქართული წერა-კითხვა მას თვით შეესწავლა, ისე რომ წიგნების კითხვა არ შეეძლო. მოვიდეთ ერთად სწავლას და კითხვას ხელი. მიხამ ანგარიში ოთხი მოქმედება არ იცოდა. მონდომა შესწავლა. სამუშაოზე გარნოს ახლო იარაღის დიდი ყუთი ჰქონდა, ამ ყუთის სახურავს გადაკრული ჰქონდა „ჟესტი“ და რადგანაც ცარციც ბევრი იყო, დავიწყე მისი ანგარიშში მაცადინობა, ვასწავლიდი ოთხ მოქმედებას. დიდი ნიჭიერი კაცი იყო. ამ ვაჟაკმა, რომელმაც ოთხი მოქმედება არ იცოდა, ბოლოს მშვენივრათ შეისწავლა მათემატიკა და მერე მე მასწავლა. უფიცი მჭედელი შემდეგში შესანიშნავი ბუხვალტერი გამოვიდა, ავრეთვე კარგი შეგნებული რევოლიუციონერი და სოციალისტი.

პატრიოტ-ნაციონალისტობა.

მასწავლებელი არავინ მყავდა. ჩემი მასწავლებელი მარტო წიგნები იყვნენ. სხვათა შორის წავიკითხე ავრეთვე ნათარგმნი „ცეცხლითა და მახვილით“. თითქმის ყველა ჩემ მიერ წაკითხული წიგნები პატრიოტულ-ნაციონალისტური შინაარსისა იყვნენ. ისეც, საზოგადოება, თუ კი მაშინ ჩემთვის იყო რაიმე საზოგადოება, ნაციონალისტურათ იყო განწყობილი. მეც ვფიქრობდი სამშობლოს განთავისუფლებაზე. ეს სამშობლოს განთავისუფლება გამოიხატებოდა იმაში, რომ თავიდან მოგვეშორებინა როგორმე რუსეთის სულთა-მხუთავი ჩინოვნიკები. მე მაშინ ყოველი რუსი ჩვენი მტერი მეგონა, რადგანაც სოციალისტური მუშური მოძრაობის არაფერი გამეგებოდა. ოთახში ვცხოვრობდით ზე და დათიკო დვალი (ახლა მენშევიკია), ტოკარის ცეხში მუშაობდა, ისიც იმას ცდილობდა, როგორმე ილია ჭავჭავაძე გავვემეფებია საქართველოში. ასეთი უკულმართობისაკენ იყო მიქცეული ჩვენი ყურადღება.

პირველი წრე.

ერთ საღამოს 1896 წლის დასაწყისში, დათიკო დვალმა მითხრა, წრე სდგება, შვიდ-კაცამდე შედის შიგ და შენც წამოდიო. მე რასაკვირველია სიხარულით დავეთანხმე და უთხარი, რომ მიხა ბოქორიძეც წაიყვანოთ მეთქი. მე წრიდან სამშობლოს განთავისუფლებას მოველოდი. „აქ შევიკრიბებით, მოვემზადებით, გავრეკთ რუსებს და ვავამეფებთ ქართველს“ — მეთქი ვფიქრობდი მე. პირველ წრეში სულ მუშები შედიოდნენ: შვიდი კაცი: მიხა ბოქორიძე, გ. ჩხეიძე, ვანო სტურუა, დათიკო დვალი, დათიკო როსტომაშვილი, ალექსანდრე კარიანი და ილიკო კოპალეიშვილი. მოვიდა ჩვენთან ვასო ცაბაძე. როგორი იყო ჩვენი განცვიფრება, როდესაც ვასომ გვითხრა, რომ მუშა ვინც უნდა იყვეს ის, რუსია, ქართველი სომეხი, თათარი ებრა-



ული თუ ვინც გინდა იყვეს, ერთი ინტერესები აქვთ საერთო, ერთად უნდა შეერთდნენ და იბრძოლონ მტრის წინაღმდეგ. ეს მტერი არის ყველა მდიდარი, რომელ ნაციასაც არ უნდა ეკუთვნოდეს ის, ქართულს, ფრანგულს, სომხურს თუ სხვას. მოკლეთ, ეს იყო პირველი ჩვენი საუბარი. მეტიც არ გვინდოდა. ამ დღიდან გადავსწყვიტეთ, რომ გვემუშავნა ყველა მუშების შესაერთებლად და გვებრძოლა. ამ ერთ სალამოს შემდეგ ჩვენი პატრიოტობა გაქრა, მიუხედავად იმისა, რომ სხვა ერების სიძულვილი ღრმად იყო ჩანერგილი ჩვენში, და მუდამ იმის ცდაში ვიყავით დავახლოვებოდით ყველა ერის მუშას.

აქედან დაიწყო ჩემი სოციალისტურ-პოლიტიკურ-რევოლუციონური მოღვაწეობა.

(გაგრძელება იქნება)

მ. ჩოღრიშვილი

ამხ. კამო

(მოგონება)

მე არ შევუდგები ამხ. კამოს რევოლუციონური მუშაობის დაწვრილებით აღწერას; ეს ძნელია და ისტორიის საქმეა.

მე მხოლოდ ვწერ იმაზე, რაც მას ჩემს ხსოვნაში ჩემს ირგვლივ გაუქეთებია და რაც ჩემის თვალთ მინახავს.

მე მხოლოდ ვწუხვარ და დიდათაც ვწუხვარ, რომ ვერ დავესწარი ტრადიკულად, უდროვოდ დაღუპულ ამხანაგის დასაფლავებას, რომ უკანასკნელათ გამოვსალმებოდი და მეთქვა: მშვიდობით, ჩემო კამო!

ჯერ სიბერემ და მერე წყეულმა ავადმყოფობამ შემიშალა ხელი.

ბორჯომის არემარეში ბომბივით გავარდა ხმა, გავიგეთ კიდევ ერთი თავზარდამცემი ამბავი, რომელიც ამცნო დეპეშებმა ქვეყანას. რა იყო, რა მოხდა—ეკითხებოდნენ ერთმანეთს ღრმათ დამწუხრებული ამხანაგ-მეგობრები.

სრულიად საღი, ჯერ კიდევ ახალგაზრდა, ჯანღონით საესე რევოლუციონერი—გმირი! და თითქოს არავის უნდოდა დაეჯერებია მოსული ამბავი. ვიმშვიდებდით სევდით შეპყრობილ გულს და ვიმეორებდით: არა, ის გასალკლდევებული, რკინის კიცია, რა მოჰქლავს მას-თქო.

ის უკვდავია, მას ვერაფერი ვერ მოერევა, იგი ბევრ ჭირვარამშია გამოცდილ-ნაწრთობ-გაფოლადებული, მისი არსება რევოლუციონური სულით განჟღერებულია, გათილისმებულია და ამიტომაც მას სიკვდილი ვერ დასძლევს, ვერ მოერევაო, ვინუგეშებდით თავს. მაგრამ ვი ჩვენ ოცნებას, როცა დავინახეთ გაზეთის ფურცლებზე, შავ-ბნელ არშიებში ჩაწერილი სამგლოვიარო წერილები ამხანაგ მეგობრისა, რომელთა გულის სიღრმიდან ამოხეთქა სევდა სიმწუხრემ, რაც ჩვენ გულის სიღრმესაც მწარედ სწვდებოდა.

მაგრამ ჩემ მოხუც გულს მაინც არ სჯერა კამოს სიკვდილი. კამო ჩემი სულიერი შვილი იყო და მგონი ჩემ გულსაც მიტომ არ სჯერა.

არა-არა, კამო არ მომკვდარა, ის მხოლოდ ხორციელათ გარდაიცვალა.



მისი ხსოვნა, სახელი უკვდავია და როგორც აწმყოსი, ისე მოგლის პროპაგანდისტ-აგიტატორია და მებრძოლების მომამზადებელი მასწავლებელი. ის არას დროს არ მოკვდება. ის თავის გმიროული მოქმედებით მუდამ ჩვენთან იყო და კიდევაც იქნება.

მაშ, ვინ იყო კამო და რა გააკეთა მან, რომ ასე ჩასტირიან საულავში ამხანაგ-მეგობრები.

კამო იყო 1 თუ 2 კლასის მოწაფე, ნერსესიანთ სემინარიიდან გამოსული და თვითგანვითარების სულით და გულით მსურველი.

1897 წლის უკანასკნელ თვეებში, როგორც თითონ თქვა, შევიდა ის რუსეთის სოციალ-დემოკრატიულ მუშათა პარტიაში. ჩემმა დაუფიწყარმა ზაქრომ, მოიყვანა 16 თუ 17 წლის ყმაწვილი კაცი, ჯერ ისევ სემინარიის გრძელ შავ პალტოში გამოწყობილი და მითხრა: აი, ძამია, ვიშოვნე კიდევ ერთი ახალგაზრდა, მაგრამ—ენერგიით სავსე ამხანაგია, და ვიცი შენც გაგეზარდებაო. ამ დროს კამომაც ხელი გამომიწოდა და მხურვალეთ მივესალმეთ ერთმანეთს.

ჩემს წინ იდგა ცოტად მოქერო, შუა ტანის ახალგაზრდა ყმაწვილი კაცი: ცოცხლათ ათვალაიერებდა და ხარბათ დაჰყურებდა ჩემს სახელოსნოში გაკეთებულ საქმეებს და თითქოს უნდოდა ყოველისფერი ერთბაშათ თვალით გაეზომა და რაც კი რამ იყო იქ, ერთბაშათ დაენახა.

პირველ ჩემ შენიშვნაზე—რომ ჯერ პატარა ხარ და რომ ჯერ დამთავრებინა სემინარია და მერე შესდგომოდა პარტიულ მუშაობას უკეთესი იქნებოდათქო. უპასუხა: მე ეხლა ისეთი პატარაც აღარა ვარ, რომ არ მესმოდეს, რა უნდა გავაკეთო და რას ვემსახუროვო.

სემინარია ეს არის მხოლოდ ადამიანის ტვინის გამლაცხებელი, გონების დამზნელებელი, მატყუარობის, მუქთა ხორობის და ფარი-სეველობის დაწესებულებაო. ეს ისეთი ხაზით, გაბედულათ, მახვილი სიტყვებით გამოსთქვა მან, რომ მთელი ტანი, თვალები და ხელები მთლად აუთამაშდნენ, თითქოს ვისმეს ემუქრებინაო.

და მერე კიდევ გაჯავრებული კილოთ განაგრძო და სთქვა: მერე რა უნდა გამოვსულიყავ სემინარიიდან? მხოლოდ „ტერტერა“, ჩამეცვა ანაფორა და შევდგომოდი გლეხებისა და მუშების ყვლეფასო. ამას მე კარგად ვგრძნობ, ვინაიდან სულ ჩემი თვალით ვხედავ რაც ხდება; მე თუმცა პატარა ვარ, მაგრამ—მშრომელი ხალხის შვილი, მათში აღვიზარდე, ამიტომაც მივანებე თავი „სატერტერო“ სწავლას და ახლა შეუდექ ხალხის საკეთილდღეოთ სწავლას და ცოდნას. მე მზად ვიქნები ყოველთვის დაუზარებლათ შევასრულო დავალებანი. მე მწყურია, რომ მუშა ხალხს ვემსახურო, და თუ საქმე მოითხოვს შევეწირო კიდევო.



მე ისე დავინტერესდი კამოს ასეთი გაბედული ლაპარაკით, რომ კიდევ შევეკითხე: პატარა ძამიკო, მერე არ იცი, რომ სოციალისტების ბედ იღბალი პოლიცია, ჟანდარმები, ციხე, ციმბირი, სახრჩობელა და კატორღა არისთქო. ამჟამათ მიპასუხა: მე მინამ მხრებზე თავი მახია არავის შევეუშინდებო.

თუ მთავრობა თავის ჯაშუშ პოლიციელებით ჩვენ წინააღმდეგ იბრძვის, მეც ჩემი ამხანაგებით ვიბრძოლებ მათ წინააღმდეგ და ვინც ლელოს გაიტანს, იმედი მაქვს, ამასაც მოვესწრობი. მე მყავს კარგი ამხანაგები და სადაც ესენი იქნებიან, მეც იქ ვიქნები. ახლა კი, თუ მაქვს რამე საქმე გამაკეთებინე და მაშინ ნახავო.

მაშ კარგი და ხუმრობის კილოთი ვუთხარ: თუ ასეთი გამბედავი ხარ და არ გეშინია, ნაძალადეგში ერთ სახიფათო ალაგზე ჩვენი ლიტერატურაა და შენა და ზაქრომ სწრაფათ ჩემთან უნდა მოიტანოთ და სალამოზედ რომ შებინდდება უშიშარ ალაგზე გადავიტანო.

მართლა და სულ არ გასულა ერთი საათი, რომ კამო სოფელის ტანისამოსში გამოწყობილი სავსე ხურჯინით მომადგა კარზე.

ხურჯინის ერთ მხარეს ზემოდან ხახვი ეწყო და მეორე მხარეს კარტოფილი, ქვეშ კი ლიტერატურით სავსე, ასე გაიმეორეს რამდენიმეჯერ. და ხურჯინს ზემოდან ხან მწვანე ილს და ხან ხილს აწყობდნენ და ასე გადმოზიდეს ძველი ბინიდან და ახალ ბინაზედაც ჩუღურეთში—კამომ, ზაქრომ და მელანამ, გადაზიდეს სალამოთი.

ასე რომ პირველ დაწყებითვე კამომ ასეთის მოხერხებთ, ლიტერატურის, სტამბის ნაწილების და სხვა და სხვა საჭირო საგნების გადატან-გადმოტანა ხელობად გაიხადა და რა საქმესაც კი ხელს მოჰკიდებდა თავგანწირულად ასრულებდა.

კამოს ყვანდა თავისებური ამხანაგები, როგორც იყო გ. თელია, ზაქრო ჩოდრიშვილი და სხვა, რომლებიც თავგანწირულათ იბრძოდნენ და რომლებიც უშიშრად ქუჩებში, კედლებზედ, ტელეგრაფის ბოძებზედ პროკლამაციებს აკრავდნენ და თეატრებში წარმოდგენის დროს ლოცებში და პარტიკლებში ფურცლებს აყრიდნენ თავზე ბურთუას და არისტოკრატებს.

აგრეთვე პირველ მაისობას, სადაც კი მოსახერხებელი იყო ქუჩებში ფურცლებს აბნევდნენ და დემონსტრაციას მართავდნენ მასიურად, როგორც ცხრაას პირველს, ცხრაას მეორე და ცხრაას მესამე წლებში, პირველი ალექსანდრეს ბაღთან, მეორე შუა ბაზარში და მესამე რუსთაველის ქუჩაზე.

აი ასეთი იყო კამოს ჯგუფის ტექნიკური მუშაობა პირველად.

1901 წლის მიწურულებში, პარტიულმა კომიტეტმა კამო ევროპიულათ შემოსა და ბათომში პარტიული ლიტერატურა გაატანა, მაგრამ კამო ბათომის სადგურზედ ჟანდარმებმა დააპატიმრეს და ცე-



ქართული
ნაციონალური
ბიბლიოთეკა

მის შემდეგ ბათუმის ციხეში ჩასვეს. ციხეში იჯდა 10 თუ 11 თვე. შემდეგ აქედან გაიქცა ქუთაისში, ტფილისში დაბრუნდა და დაიწყო მუშაობა. სადაც კამოს მისვლა საშიშო იყო იქ ან დეიდას ან დებს გაგზავნიდა ხოლმე საქმის გასაგებად და ან რამის წასაღებათ. ასევე ან დეიდა ან რომელიმე დას გზავნიდა ჩემთან რამეს წასაღებად. მაშინ კამოს დეიდა ცხოვრობდა აბას-აბატის მოედანზე, და ამასთანავე სცხოვრობდენ სოსო ჯულაშვილი, გ. ელისაბედაშვილი და მ. შურგენიძე.

1905 წელს მე დიდუბიდან გადმოველ მიხეილის ქუჩაზე და გავხსენ სადურგლო სახელოსნო სწორეთ ვეტცელის სასტუმროს პირდაპირ, რაიც კამოსაც ძლიერ გაეხარდა და მითხრა: აი ახლა ეს ჩვენი ცენტრი იქნება და აქედან მუშაობაც უფრო გაგვიადვილდებაო.

ამავე წლის მიწურულში, დიდი კრებები იმართებოდა ყველა რაიონებში და დისკუსიები ბოლშევიკ-მენშევიკთა შორის. ამ კრებების დროს მოხდა დიდი „პრავალი“, როდესაც კომიტეტის წევრთა უმრავლესობა დაიპირეს და მეტეხში ჩაკეტეს. ამ დროს კამომ დიდი როლი ითამაშა. დატრიალდა დანარჩენ ამხანაგებში; შესდგა დროებითი კომიტეტი. გვინდა რომ ფურცლები გამოუშვათ, მაგრამ სტამბა არა გვაქვს და არც ასოები. ესეც კამომ იღვა თავს, ასოებს ვიშოვნით. ხის სახელდახელო საბეჭდი კამოს სადღაც ეშონა რუსულ-ქართული ასოებით, თითონ ჩაეცვა კინტოურად, ასოები ჩაეწყო ხის თაბახში, ზემოდან დაეყარა მწვანეილეულობა და მომადგა ჩემს ბინაზედ. თაბახი ასოებით ჩემთან დატოვა და მითხრა: ერთ საათში მოვალო და სადღაც წავიდა. ორი საათის შემდეგ მოვიდა და ასოები წაიყო და საბეჭდს კი ხვალ წავიღებო, საბეჭდიც მეორე დღეს მზათ იყო. მეორე დღეს დილით მოვიდა ჩემთან კამო, სოფლის ვაჭარ-ებრაელათ გამოწყობილი, ხის საბეჭდი და მისი მოწყობილობა, ტომარაში ჩააწო, ილიაში ამოიღო და რომ მიდიოდა შეეკითხე:—ბიჭო რო შეგვხვდეს ვინმე და გკითხოს ეგ რა არი? შენ რას ეტყვიტქო. შენ მაგის ფიქრი ნუ გაქვსო, სულ ადვილად მოვიცილებ თავიდანო, ვეტყვი ძაფის ამოსახვევი ჩიხრიხიათქო, მართლაც და ძაფის ამოსახვევსა ჰვავდა საბეჭდი. საქმე ის არის, რომ სიტყვაც მოსწრებული ჰქონდა კამოს.

სამი დღის შემდეგ მოვიდა მეთევზურად ჩაცმული გულგაღლილი, ლურჯი გაქონილი ახალუხით, გვერდზე მოქცეული ქუდათ, განიერი შალვარით, ერთ ტოტჩამოშვებული და მეორე ფეხსაცმელში ჩატანებული, ერთ ხელში უჭირავს ვედრო, მეორეში კალათი და მზარზე გადებული გძელი ლერწამის ჯოხზე დახვეული ჩანგალ კანაფით, როგორც მეთევზეებმა იციან. კალათაში ძირში ეწყო ფურცლები თეთრ და წითელ ქალაღზე დაბეჭდილი, ზემოდან წაფარე-

ბული ნახევრად დაწული ბადე და დაშლილი კანაფი. ასეთი იყო კამოს მოხერხება და მოსაზრებული ტექნიკური მუშაობა.

წითელი ფურცლები მე დამიტოვა და თეთრი ფურცლები კი წაიღო რაიონებში დასარიგებლათ, მხოლოდ მითხრა, რომ სალამოს 8 საათზე მოვალ და წავიღებო. მართლაც სალამოს 8 საათზე მოვიდა სტუდენტის ტანისამოსში გამოწყობილი და გიორგი თელიაც მოიყვანა თან. მათ უბეში ჩაიწყეს ფურცლები და წავიდნენ.

იმ სალამოს არტისტიულ თეატრში რაღაც წარმოდგენა იყო, სადაც თავი მოეყარა აუარებელ არისტოკრატის, ამ დროს, კი ჩვენი დაუვიწყარი ამხანაგები საქმეს აწყობდნენ. მარჯენივ და მარცხნივ გალიორკაზე პირველ ანტრაქტის დროს ერთბაშათ რამდენიმე წამით ჩამობნელდა და ამით ისარგებლეს ჩვენმა ამხანაგებმა და ფურცლები მთლათ თავზე გადაბნიეს გენერლებს და სხვა ღიპიან საზოგადოებას. თითონ კი უვნებლათ მოუსვენეს შინისკენ.

აი ასეთი მოხერხებით და გამბედაობით აკეთებდა რევოლიუციონურ საქმეს ჩვენი დაუვიწყარი ამხ. კამო.

ახლა მინდა ვილაპარაკო, იმაზე თუ როგორ გამოიქცა კამო 10-11 თვით ბათუმის ციხეში ჯდომის შემდეგ ქუთაისში და ქუთაისიდან კიდევ ტფილისში.

მახსოვს, ზაფხული იყო. სალამოს 5 საათზე მე ჩემს სახელოსნოს ვალაგებდი, ზურგი მიქცეული მქონდა კარებისაკენ, რომ ამ დროს ერთბაშათ ვილაცამ მხარზე ხელი დამკრა და შემომძახა—გამარჯობა შენო. მივიხედე უკან, მაგრამ ვერ ვიცანი, რადგან ხმაც და ტანისამოსიც გამოცვლილი ქონდა, —იმერელ—თავადის ჩერქესკაში გამოწყობილიყო, წვერ-ულვაში შავათ შეეღება, თუმცა თმა ჩვეულებრივ წაბლის ფერი ქონდა; აგრეთვე მაღალი ყელიანი წულები ჩაეცვა და ერთბაშათ ვერ ვიცანი, მაგრამ მეორეთ რომ გამომეხმაურა და შემომძახა „ჰაი, შე ბებერო, ველარ მიცანი განა—“ო და თანაც მომვარდა, გადამეხვია და კოცნა დამიწყო, მე ვიცანი და შევძახე: კამო, შენ ხარ ბიჭო, ველარ გიცანი ერთბაშათ—მეთქი. ან რას ვიცნობდი იმერეთის თავადს დამსგავსებოდა.

— ბიჭო, საიდან და როგორ გადაურჩი მაგ მტარვალ მეფის ჯალათებს?—ვკითხე მე.

— შევიდეთ ოთახში და ყველაფერს დაწვრილებით გიამბობო, მითხრა კამომ. და ჩვენ შევედით იქვე სახელოსნოს გვერდზე ჩემს საცხოვრებელ ბინაში.

— მე ერთი თვე ვემზადე გასაქცევათ და ველოდი შემთხვევას მხოლოდ, —დაიწყო მან მოთხრობა ბათუმის ციხიდან გამოქცევის ისტორიისა.—სანამ ეს შემთხვევა მომეცემოდა ჩემს დარაჯებს ვამზადებდი. მათ შორის აღმოჩნდნენ კარგი ბიჭები. ერთი მათგანი შენც

კარგათ გიცნობს; იგი ტფილისში ყოფილა სალდათათ და აქ შენს სახელოსნოში, სალდათი იუნკრების არა-ლევალური კრებები ხშირად ჰქონია; აგრეთვე უვლია მიტინგებზე და იქიდან იცნობს სხვა ჩვენს ამხანაგებსაც, სხვათა შორის ზაქროსაც. სახელათ მას ვანია ჰქვია— გვარი კი ბიჩკოვი. სარატოვის გუბერნიიდან არის, რკინის გზის მუშა ყოფილა სალდათობამდის; ერთხელ დაჭერილიც იყო თურმე პოლიტიკურ ნიადაგზე და სარატოვის ციხეშიც მჯდარა. აქ ეხლა სალდათებსაც ამიტომ უყვართ ბიჩკოვი.

ჩემ გაქცევაში მან დიდი დახმარება გამიწია. პლანი გაქცევისა ბიჩკოვთან ერთად მქონდა შემუშავებული. ციხე, ხომ იცი, მიხა, ზღვის პირად არის, ირგვლივ ქვეთკირის კედელი უვლის, სიმაღლე კედლისა 4 არშინამდე იქნება. შიგნიდან და გარეთაც დარაჯები დგანან.

სალამოს 9 თუ 10 საათი იქნებოდა, წვიმდა კოკის-პირულათ, საშინლათ ლელავდა ზღვა. თითქო განგება მიწყობდა ხელს; ბნელოდა თანაც.

შიგნით დარაჯთან საქმე მოწყობილი მქონდა. გარედან დასავლეთის მხრივ ბიჩკოვი იდგა სადარაჯოზე, ზღვის მხარეს კი ლელვის გამო დარაჯი სრულებით არ იყო. ჩემს კამერის გვერდზე ეზოსაკენ ვასავალი კარი ღია დარჩენილიყო. აი ამ დროს, როცა „პროვერკა“ სწარმოებდა მე ვისარგებლე და გამოვედი ამ კარებით ეზოში. დარაჯი ეზოში თუმცა ჩვენი იყო, მაგრამ არც იგი სჩანდა, რადგან წვიმის გამო იქვე სადღაც მახლობლათ შეეფარებია თავი... მე აქ აღარ დავაყოვნე და სწრაფად წავედი იმ კედლისაკენ, რომლის მეორე მხარეზე ბიჩკოვი იდგა. ავცოცდი კედელზე, იქიდან ერთბაშათ გადავეფიცი ძირს და კინალამ პირდაპირ ბიჩკოვს დავეცი თავზე მიწაზე ფეხის დადგმის დროს. ბიჩკოვმა შემამჩნია, არ დაიბნა იგი და მიმითითა პირდაპირ ალექსანდრეს ბალისაკენ. გავედი გარეთ, ქუჩაში არავინ სჩანდა და პირდაპირ გავსწიე ნურის ბაზრისაკენ. იქ მყავდა ერთი ნაცნობი წვრილი ვაჭარი, ყოფილი მუშა, რომელიც წინათ მანთაშოვის ქარხანაში მუშაობდა; იგი დათხოვნილი ყოფილიყო ქარხანაში ვაფიცვის გამო. იჯდა აგრეთვე ჩემთან სამი თვე ციხეში, მას ყავდა მეორე ძმა, რომელიც ცხოვრობდა ბარცხანაში—როტშილდის ქარხნის მუშა იყო. იმ ღამეს მე მასთან მომიხდა ღამის გათევა. მეორე დღეს ჩემი ტანისამოსი მას დაუტოვე, მისი მე ჩავიცვი და წამოვედი. ქუთაისში ეს ტანისამოსი მომცეს ამხანაგებმა და წამოვედი ტფილისში. აი ჩემი ბათუმის ციხიდან გამოქცევის ისტორია.

ერთი კვირის შემდეგ კამო ჩემთან შემოვიდა სახელოსნოში და შემიკვეთა რბილი ტახტი. ორივეს გასაღები „სეკრეტნი“ უნდა ქონოდა, რადგან ტახტს ქვეიდგან უჯრები ექნებოდა, რაშიაც იარაღი და პარტიული ლიტერატურა უნდა შენახულიყო; გაღება—დაკეტის საიდუმლოება მარტო გამკეთებელს და კამოს უნდა ცოდნოდა.

რამდენიმე დღის შემდეგ ტახტები უკვე მზათ აყო; კამომ იგი მგონი ვერაზე წაიღო.

ამ ხანებში კამომ ბომბების კეთებაც დაიწყო, რის გამოც ერთ-ხელ თვალში და ხელში დაშავდა კიდევ.

1905 წლის მიწურულში მეფის მთავრობამ ერთობ გააძლიერა სუსხი მებრძოლ რევოლუციონერების წინააღმდეგ; მათ გადაეწყვიტათ, რომ მუშების რაიონი—ნაძალადევი ღამე პლასტუნების თავდასხმით აეკლოთ, გაენადგურებიათ ეს რევოლუციის ბუდე. მუშებმა ეს აღრევე გაიგეს და რამდენიმე მებრძოლი მოწინავე ამხანაგი, უმეტესათ ბოლშევიკებისაგან შემდგარი, შეიარაღებული ბომბებით და ვინტოვკებით სკდილობდნენ დაეცვათ ეს რაიონი.

ამ რაზმში კამოც იღებდა მონაწილეობას. მათ დაიკავეს პოზიცია ხუდადოვის ტყესთან ნაძალადევის გორაკების გასწვრივ, საიდანაც პლასტუნები უნდა ამოსულიყვნენ....

აი ამ ღამეს იქნა მოკლული ჩვენი 9 ამხანაგი; დაიღვარა სისხლი საუკეთესო რევოლუციონერებისა. ეს ამხანაგები იყვნენ: გიორგი ელიავა, მინა კალაძე, დვალიშვილი და სხვები. აქ სიკვდილს გადაურჩა კამო, მაგრამ მძიმედ დაჭრილი იქნა თავში, და დაჭერილი იგი გადაგზავნეს ციხის საავადმყოფოში.

ამ 9 ამხანაგის შეწირვამ იხსნა კი ქალაქის პროლეტარული მხარე განადგურებისაგან. მეორე დღეს ნაძალადევი გავარდა ხმა დახოცილ ცხრა ამხანაგის შესახებ, რომელმაც დიდი მღელვარება გამოიწვია საერთოდ მთელს ტფილისში და კერძოდ მუშათა უბნებში; განსაკუთრებით, როცა ნახა ხალხმა თავისი თვალთ დახოცილ 9 ამხანაგის გვამები, ყელზე გამოჭრილი, ერთად დაწყობილი. სკოლაში თავმოყრილი ხალხი ველარ ითმენდა პლასტუნების ასეთ მხეცობას და დააპირეს თავს დასხმოდნენ პლასტუნების კაზარმებს ბომბებით და შიგ კაზარმებშივე ამოეულიტათ პლასტუნები, მაგრამ აღელვებული ხალხი ამხანაგებმა დაამშვიდეს და არ მისცეს ამ ავანტიურის ნება.

ამის შემდეგ გახშირდა ბომბების სროლა პლასტუნთა კაზარმებში; მაგალ., ესროლეს ბომბა ორთაქალაში პლასტუნებს.

ამან, რა თქმა უნდა, გამხეცებულ მეფის მთავრობაზე გავლენა ვერ იქონია. 1906 წელს უფრო გაძლიერდა რეაქცია. გამოცხადდა სამხედრო წესები, და მთელი ტფილისი გადაიქცა ერთ დიდ ციხეთ, საპყრობილეთ.

ამ სტრიქონების დამწერიც ვერ გადურჩა მეფის ჯალათ-ქანდარმებს და 1 იანვარს ღამის 8 საათზე მეც დამატუსაღეს ჩემი ცოლით და მეტეხის ციხეში მომათავსეს. აქ მე შევხვდი ამხ. კამოს კამერაში: მან აქ უფრო დაწვრილებით მიაბზო ნაძალადევი დატრიალებულ ამბების შესახებ.



— იმ ბრძოლის წინა დღეს—მომითხრობდა იგი,—სილიბისტროს ჯიბლაძემ რამდენიმე ამხანაგი შეგვეკრიბა და გამოგვიცხადა, რომ ხეალ სალამოს ნაძალადევს, როგორც რევოლიუციონურ, უბანს პლასტუნები თავს ესხმის და უნდა ვიხსნათო. აქ მოწინავე მუშებმა ყველამ თანხმობა განაცხადეს ამაზე და შეუდგენ პლანის შემუშავებას.

უმთავრესი შტაბი უნდა ყოფილიყო ეკლესიის გალავანში, სკოლის შენობაში რამოდენიმე კარგათ შეიარაღებული ამხანაგით. პლანის თანახმად 10 ამხანაგი ხუდადოვის ტყის ძირთან უნდა ჩასაფრებულიყო და მტრის შენიშვნისთანავე უნდა ეცნობებინა შტაბისთვის, რომელიც რაზმის ერთ ჯგუფს ჩერქეზოვის ქუჩით ზურგში მოუქცევდა პლასტუნებს, ხოლო მეორე ჯგუფი მარცხნივ გაუჩენდა ცეცხლს და ჩვენ კი ცენტრიდგან ბომბების სროლით შევებრძოლებოდით; ეს ერთ და იმავე დროს უნდა მომხდარიყო სამივე მხრიდან, მაგრამ ბედმა გვიმტყუნა. ჩვენი სიგნალის მიცემის დროს შტაბის უფროსს დაძინებოდა და სანამ მას გააღვიძებდენ, აგერ პლასტუნებიც თავზე დაგვადგენ...

ელვის სისწრაფით დაგვერია პლასტუნების მთელი პოლკი და დაგვიწყო ხმლებით ჩეხვა; ჩვენ ერთობ ცოტანი ვიყავით, ისინი კი ბევრნი. ჩვენი ამხანაგები დაუნდობლათ იქნენ ამოხოცილნი. მე როცა პირველათ მტაცეს ხელი გაშმაგებულათ ვეცა პლასტუნის ოფიცერს, წამოვიდევ ველზე, ჩავაწვინე თოვლში და გავიხადე საფარათ. ამ დროს მოცვინდნენ დანარჩენები ჩემს ასაკუწწავათ, მაგრამ ოფიცერმა, ალბათ იმ შიშით, რომ მასაც არ მოხვედროდა ხმალი სასიკვდილოთ, შეაჩერა პლასტუნები და მე რამოდენიმე ალბას დაჭრილი პოლიციას გადამცეს; ასე გამომისტუმრეს აქ ციხეში. მე ვფიქრობ, რომ ამ 9 კაცის დალუპვა შედეგი იყო სილიბისტროს ჯიბლაძის უტაქტობისო,—დაასრულა კამომ მოთხრობა.

ერთი მწუხარებით ამოიოხრა და დაუბრუნდა თავის საყვარელ საქმეზე ფიქრს.

მას უნდოდა რათაც არ დაჯდომოდა ციხიდან გაქცევა.

აი, მიხა, შენი კამერის ჭერის ფიცარს ამოვჭრი, თუ შენც დამეთანხმები და გავიქცევი,—მეუბნებოდა კამო თავის გაქცევის პლანებზე,—ხერხი უკვე მზათ მაქვს, ამას ისეთ დროს ვიზამ, რომ ვერავინ გამიგოს სრულებით; ამის გაკეთებას მე ვფიქრობ „პრაგულკის“ დროს, როცა ციხის მკველებიც და შენც გარეთ იქნებით. გაქცევის შემდეგ კი ამოჭრილს ისევ დავხურავ; აქედან ავალ სახურავში და შემდეგ გადავალ „სამშვიდობოზე“. ამისთვის ყველა საქირო ზომები უკვე მიღებულია. ასეთი დაუდევარი იყო კამოს მუშაობა ციხეშიც კი. მაგრამ კამო მეორე დღეს რალაც იღბალზე სრულიად გაანთავისუფლეს და შემუშავებული გეგმები ზედმეტი დარჩა. ოთხი თვის შემ-



დევ მეც გამანთავისუფლეს. ერთხელ კამო მოვიდა ჩემთან და მითხრა: ერთი ძალიან სერიოზული საქმე მაქვს შენთან და უნდა გამიკეთო; ჩემს შეკითხვაზე,—თუ რა ასეთი სერიოზული საქმე ქონდა, მან მიპასუხა: აი რა, შენ გამიკეთებ დასაკეც კიბეს, რომელიც იქნება 12 არშინი სიმაღლით; სასურველია იკეცებოდეს ოთხათ, ისე რომ უტბათ იხსნებოდეს და იკეცებოდეს.

ეს კარგი და კეთილი, მაგრამ ერთი მითხარი, გეთაყვა, ამით რა უნდა გააკეთო-მეთქი.

ჩვენ გავაჩაღებთ პარტიაში გაძლიერებულ მუშაობას. მოვფენთ ტფილისს და მთელ მის მაზრას რევოლიუციონურ ლიტერატურით, პროკლამაციებით და მაშინ გაიგებ თუ რათ მჭირია ეს კიბეო.

— მე მაინც ვერ გავიგე; განა მაგაში ფულს მოგცემენ თუ.

— არა, ამ კიბეს ჩავაყუდებ იქ, სადაც ტომრებით აწყვია ფულები, გამოვიტან და მოვახმარ რევოლიუციონურ მუშაობას, პარტიულ საქმეებსო—მიპასუხა მან.—ამის გეგმა უკვე მზათა მაქვს და ეს აქტი ერთ კვირაში აუცილებლათ უნდა მოვახდინო, თუ ხელი არავინ შემეშალა. ხომ იცი ყველაფერი ასეთ შემთხვევებში გაბედულებაზე კილია: თუ გაბედე და მოინდომე, ყველაფერს შესძლებ... ტერტერებმა ეს ერთი კი მასწავლეს: „რასაც ეძებდე მას ჰპოვებდე“ და ცდა, ხომ იცი, ბედის მონახვერეაო. აქ კამომ მიამბო თუ როგორ პირობებში უნდა მოხდეს ამ საქმის გაკეთება.

მე ეს შეუძლებლათ ვიცანი, ჩემის შეხედულობით ამას კარგი შედეგი არ მოყვებოდა და დაუშალე კიდეც. მით უმეტეს, მე კარგათ ვიცოდი ხაზინაში ფულის საწყობების ადგილ-მდებარეობა; მე თითონ მომხდენია მისი გაკეთება სხვა ღურგლებთან ერთად.

ჩემს გამოთქმულს უარყოფით შეხედულებაზე კამო ჯერ დაფიქრდა და მერე სთქვა,—ეგ რასაც შენ ამბობ დიდი ხნის ამბავია და ეხლა იქნებ ისე აღარ არის, როგორც შენ მისურათებო; მაინც ყოველ შემთხვევაში ამ დღეებში გავიგებ დაწვრილებით და თუ მართლა მოუხერხებელი შეიქნება სხვა მხრივ მოუდგებიო.

შემდეგ საქმის დაწვრილებით შესწავლამ ჩემი გამოთქმული შეხედულება გაამართლა, კამო და მისი ამხანაგები მე დამეთანხმენ და ამ განზრახვაზე ხელი აიღეს.

წინა დღით ერევნის მოედანზე მოხდენილ საქმისა მოვიდნენ ჩემთან კამო, დათიკო ჭიაბრიშვილი და არკადი ელბაქიძე და გამიზიარეს თავიანთი განზრახვა დიდი პარტიზანული აქტისა.

— მიხა, ჩვენ ამ მოტაცებულ ფულების შესანახავათ ორი ადგილი გვაქვს, ერთი აქ შენთან და მეორე ჩუღლურეთში ერთ ამხანაგთანო—მითხრა ბოლოს კამომ.

კამოს რევოლიუციონერობაში დამახასიათებელია მისი ორგა-

ნიზატორული ნიჭი; მისი სისწრაფე, ტექნიკური მხარეების გამოგონება შეუდარებელი არის.

ერთხელ კაზაკის ფორმაში ეპოლეტებით გამოწყობილი, რევოლუციონურ ლიტერატურით და დოკუმენტებით დატვირთული გაემგზავრა მოსკოვისაკენ.

ამის შემდეგ სამი ოთხი წლის განმავლობაში მე იგი აღარ მინახავს.

ვნახე ის მხოლოდ 1917 წლის თებერვლის რევოლუციის შემდეგ ტფილისში, რუსეთის საკატორლო ციხიდან რევოლუციის შედეგით განთავისუფლებული და დაბრუნებული.

მ. დავითაძე

მომხმარებელი

1876—1906 წ.წ.

(გაგრძელება).

დაიბადა აზრი მომხმარებელი კოოპერაციის დაარსებისა გორში. ინიციატორთა ჯგუფში შედიოდნენ მომრიგებელი მოსამართლე ან. ბუტენკო, ადგილობრივი გარნიზონის ოფიცერი ლიუბიმოვი, ქალაქის თვითმმართველობის წევრი ალალო ტუტაშვილი და სხვ. თუმცა მე არ ვიყავი შულცე—დელიჩის მომხმარებელი საზოგადოებათა მომხრე საერთოდ და ვოცნებობდი მხოლოდ მწარმოებელ ასოციაციებზე. მაგრამ იმავე მიზნით, რათა ადგილობრივ ძალებში გაღვიძებულიყო თვითმოქმედების სურვილი,—მე მივიღე მონაწილეობა წესდების შედგენაში, შემდეგ მის განხორციელებაშიც, ხოლო უარი განვაცხადე ამხანაგების წინადადებაზე ახალი კოოპერატივის ადმინისტრაციის შემადგენლობაში შესვლის შესახებ.

წრე არ ფარავდა თავის ლიბერალურ აზრებს და მისი გავლენა გორის მაზრის ფარგლებსაც გასცილდა. ჯუზეპე გარიბალდის სიკვდილის გამო (ოთხმოციანი წლების დასაწყისში) „თავისუფლებისათვის მებრძოლის“ ოჯახობას (კაპრერუს კუნძულზე) გაეგზავნა თანაგრძნობის დეპეშა, რომელსაც ხელს აწერდა ოთხმოც კაცზე მეტი. შემდეგ იტალიის გაზეთები სწერდნენ, რომ თანაგრძნობის აუარებელ დეპეშათა შორის არის აგრეთვე დეპეშა რუსეთის ერთ-ერთი პატარა ქალაქიდან—გორიდან, რომელიც არ არის ნაჩვენები რუქაზეო. ბილოს ამ დეპეშის გამო კბილებს ილესავდნენ მეფის ჟანდარმები: „ა—ა! ეს თქვენ გაუგზავნეთ დეპეშა გარიბალდის ოჯახობას? ჩინებულია, ჩინებული!“ *).

*) 1882 წელს მე და საქალაქო სასწავლებლის მასწავლებელმა კოტე გვარამაძემ გავმართეთ გამოსათხოვარი სადილი სამასწავლებლო სემინარიის კურსდამთავრებულთათვის; მოვიწყვიეთ აგრეთვე დირექტორი და მასწავლებელთა პერსონალი. სადილზე ბაღში, ჩემი საცხოვრებელი ბინის გვერდით, ყველა თამაზად აღიპარაკდა, წარმოითქვა მრავალი გულაზღილი სიტყვა, განსაკუთრებით სახალხო მასწავლებელთა შესახებ, რომელნიც მოწოდებულნი არიან იმუშაონ სოფლის სინელეში დაბეჩავებული მშრომელი კლასის სასარგებლოდ. სადილზე მოწვეულ იყვნენ ზოგიერთი მასწავლებელნიც სხვადასხვა სასწავლებლიდან. სხვათა შორის იყვნენ აქ გიმნაზიის უფროსი კლასების მოწაფენიც—სამა გარსევანიშვილი და მიხეილ გედევანიშვილი.

იმ მიზნით რათა წრის მუშაობას ქონოდა რაიმე ლეგალური ფორმა, გადავსწყვიტეთ დაგვეარსებია საქართველოს ისტორიისა და ლიტერატურის შესწავლის საზოგადოება. მოეწყო რამდენიმე კრება საზოგადოების წესდების შესამუშავებლად. კრებები იმართებოდა მაზრის უფროსის შალვა ერისთავის ბინაზეც, რომელიც გასული საუკუნის ორმოცდაათიან წლებში იყო გიორგი ერისთავის მარჯვენა ხელი ქართული თეატრის საქმეში.

მაგრამ მუშაობა შესწყდა სხვადასხვა მოულოდნელ გარემოებათა გამო.

დამოუკიდებლად ამ აშკარა ფართო მუშაობისაგან, არსებობდა, აგრეთვე, რევოლუციონერთა ვიწრო წრე, რომელშიც შედიოდნენ: მიშო ყიფიანი, მისი ცოლი—ელისაბედი, კოტე გვარამაძე (მასწავლებელი), ლევან გრიგორაშვილი (მასწავლებელი), ილიკო მაჭავარიანი (სამაზრო სამმართველოს მოხელე) და მე ცოლით—ქეთევანით. ჩვენთან ტფილისიდან მოდიოდნენ ხოლმე რუსი რევოლუციონერი-ემიგრანტები, რომელთა მონაწილეობით ვაწყობდით თათბირს როვოლიუციური მუშაობის გაფართოებისა და ჩვენი პარტიის ჩამოყალიბების შესახებ, რათა უფრო აქტიური ყოფილიყო ჩვენი მოქმედება, გეჭონოდა სრული კონტაქტი რუსეთის რევოლუციურ პარტიასთან. თუმცა ეს უკანასკნელი ბოლო დროს მეტისმეტად შესუსტდა და სიცოცხლის ნიშანწყალიც თითქმის აღარ ქონდა, მაგრამ ჩვენ გვახსოვდა მისი გვირუკი მოქმედება, მასიური პროცესები, მრავალი სახელოვანი ტერორისტული აქტი, მკვლელობა და ცდა მაღალი თანამდებობის პირთა,—და განსაკუთრებით მეფის,—მოკვლისა (ლოხოვ-სევასტოპოლის-ნიკოლაევსკის გზის ხაზზე, პეტერბურგში—„სადავოიზე“, საზამთრო სასახლეში და, ბოლოს, მეფის მოკვლა მარტის თვის 1-ს) და არ შეგვეძლო დაგვეჯერებია, რომ ეს პარტია დაშალა და მოუკლა მოქმედების უნარი ალექსანდრე III მთავრობის საშინელმა რეპრესიებმა. პირიქით, ჩვენ ვფიქრობდით, რომ პარტიამ ხელი მოკიდა უფრო ფრთხილ მუშაობას და რომ დროებითი მიყუჩება ნიშანია მომავალი ქარტეხილისა. ამ რწმენას ამაგრებდა მოსული რევოლუციონური—ტერორისტების ინფორმაცია. ამიტომ ჩვენ გვინდოდა რაც შეიძლება გაგვემტკიცებია მუშაობა, რომ არ ჩამოვრჩენოდით რუსეთის საერთო მოძრაობას. ერთმა ემიგრანტმა გვირჩია დაგვეარსებია საქართველოს სოციალ-რევოლუციონერთა პარტია, რომლის მუშაობა, უფრო ვიწრო ფარგლებში და ნაცნობ წრეში, იქნება გაცილებით ნაყოფიერი. ჩვენ დავთანხმდით და გადავსწყვიტეთ შეგვედგინა პარტიის წესდება, რომელიც სავესებით შეთანხმებული იქნებოდა ჩვენ კოსმოპოლიტურ შეხედულებებთან. წესდების შედგენა დაეკისრა კომისიას, რომელშიაც შევიდნენ მ. ყიფიანი, კ. გვარამაძე



და მე, ხოლო ამ ამხანაგებმა დამავალეს პროექტის გამოძევა. შევადგინე პროექტი რუსულ ენაზე, წაუკითხე, რამდენადაც მახსოვს, ამხანაგებს, მაგრამ მისი წარდგენა წრისათვის აღარ მოხერხდა...

გარდა ვიწრო ამხანაგურ წრეში მონაწილეობისა, მე არ გამიწყვეტია კავშირი ტფილისთან და ემიგრანტ-ტერორისტებთან, რომელნიც მოდიოდნენ ტფილისში სხვადასხვა პსევდონიმით. არც მე და არც ჩემი ამხანაგები არ ვცდილობდით გაგვეგო ვინ იმალებოდა ამ პსევდონიმების ქვეშ, რადგან ვშიშობდით—სადმე შემთხვევით არაფერი წამოგვეცდენოდა, ან ჟანდარმერიის აგენტებს არაფერი გამოეტყუებიათ დაკითხვის დროს, თავიანთი ათას ნაირი ხერხითა და საშვალებით. ერთ ემიგრანტს, რომელიც ჩამოვიდა გორში 1882 წელს რევოლიუციონერთა წრის თათბირზე (მას ქვემოთ დავასახელებ), ფიქრად მოსვლოდა განეხორციელებია ერთი აზრი და ამ მიზნით მთხოვა როგორმე მომეწყო ერთი ემიგრანტი გორში. მე დავთანხმდი. რანდენიმე ხნის შემდეგ ჩამოვიდა გორში ახალგაზარდა კაცი და შეთანხმების თანახმად, ჯერ მოიარა სხვა დაწესებულებანი, ხოლო შემდეგ შემოვიდა ქალაქის თვითმმართველობაში და აზაროვის გვართითხოვა სამსახური. მე მოვთხოვე მას დოკუმენტები, გაუსინჯე წერა და ჩავრიცხე მწერლად.

მას დაკისრებული ქონდა ფულის ვატაცების მოწყობა ადგილობრივი ხაზინიდან. იგი გაეცნო მდგომარეობას, შესაძლებლად სცნო საქმის განხორციელება, გაიჩინა ინსტრუმენტების ნაწილი და უცდიდა უფრო ხელსაყრელ მომენტს. მე შევდიოდი ხოლმე მასთან და ისიც დადიოდა ჩემთან ბინაზე. ჩემი ამხანაგები იცნობდნენ მას, როგორც ქალაქის თვითმმართველობის მოსამსახურეს. როდესაც საქმე უკვე მოგვარებული იყო, ჩვენ ორივეს მოგვიხვდა ტფილისში წამოსვლა თათბირზე. მე რაღაც საქმემ გამაჩერა და იგი ერთი დღით ადრე წამოვიდა; მეორე დღეს საღამოს უნდა შევხვედროდით ერთმანეთს ალექსანდრეს ბაღში—ტფილისში.

სწორედ ამ დღეს გორს თავს დაესხა ჟანდარმერია, გაჩხრიკეს აზაროვის ოთახი და დაუწყეს მას ძებნა. მე დამიბარეს ქალაქის თავთან და აქ ჟანდარმებმა დამიწყეს გამოკითხვა აზაროვის შესახებ. საქმე იოლად გათავდა, დაკითხვით გადავრჩი.

გადაწყვეტილი მქონდა, რომ აზაროვს დაიჭერდნენ თუ გორში გამობრუნდებოდა, მაგრამ ვერ გავბედე ტფილისში წასვლა, რადგან ვშიშობდი, რომ ჟანდარმერია ამედევენებოდა; ამიტომ ტფილისში გავგზავნე ცოლი მცირე ბარათით, რომელსაც, თუ რაიმე საფრთხე იქნებოდა, იგი გადაყლაპავდა. ჩემი ცოლი წავიდა, შეხვდა აზაროვს დანიშნულ ადგილას და გააფრთხილა. აზაროვი გადიმალა. როგორც შემდეგ გავიგეთ, ეს იყო გამოცდილი რევოლიუციონერი ნემოლოვ-



ქართული
ნაციონალური
ბიბლიოთეკა

სკი (გვარის სინამდვილეს გადაჭრით ვერ ვამოწმებ), რომელიც ზოს დიატუსაღეს ცენტრალურ რუსეთში, მიუსაჯეს 15 წლის კატორღა და გარდაიცვალა ტყვეობაში.

1883 წლის იანვარში გორს კვლავ ესტუმრა ჟანდარმერია; მოახდინეს მკაცრი გამოძიება, კვლავ დამკითხეს, მაგრამ ამ ხანადაც არ მახლეს ხელი. თუმცა პირდაპირი რაიმე ბრალდება ჩემს წინააღმდეგ არ იყო, მაგრამ დარწმუნებული ვარ, რომ მაშინ ჩემს ბედ-იღბალზე დიდი გავლენა მოახდინა ქალაქის თავის ელიმირზოვის დაღვთებამა აზრმა ჩემს შესახებ; ელიმირზოვს არ უმაღავდი ჩემს პოლიტიკურ შეხედულებებს, მას ვუჩვენებდი ხოლმე ყველა, უმეტესად მნიშვნელოვან პროკლამაციებს და საერთოდ არა-ლეგალურ ლიტერატურას, მან იცოდა აგრეთვე ულტიმატუმი რევოლიუციონერთა პარტიის აღმასრულებელი კომიტეტისა ალექსანდრე მესამესადმი.

მაგრამ მე მაინც არ ვიყავი დარწმუნებული, რომ საფრთხე თავიდან აცილებული იყო, მით უმეტეს, რომ არ ვიცოდი ვინ დაასმინა აზაროვი და რამდენად იყო გარეული ამ საქმეში ჩემი სახელი. ჩემი ამხანაგებიდან არავინ იცოდა აზაროვის მისია. ასე რომ შეუძლებელი იყო მათ რამე წამოსცდნოდათ. მაშასადამე, დამსმენელი უნდა გვეძებნა ტფილისის გარეთ, მაგრამ სრულიად შეუძლებელი იყო იმის წარმოდგენა, რომ დამსმენელი იქნებოდა სწორედ ის ემიგრანტი, რომელმაც აზაროვი გამოგზავნა ჩემთან. მით უმეტეს არ შემეძლო მეფიქრა, რომ ამ საქმის შესახებ რამე წამოსცდებოდა გორში რამდენჯერმე ჩამოსულს, ცნობილს რევოლიუციონერ ქალს—ვერა ფიგნერს, რომელმაც გავგაცნო აზაროვის მომყვანი ტერორისტი. ერთი სიტყვით მე ვერაფრით ვერ ამეხსნა ის, რაც მოხდა და ამიტომ არ ვთვლიდი ჩემს თავს უზრუნველყოფილად საფრთხისაგან. მე მხოლოდ ვსთხოვე ამხანაგებს, რაც შეიძლება ნაკლები ელაპარაკათ ჩემი პირადი ურთიერთობის შესახებ აზაროვთან.

1883 წლის მარტის 4-ს მაცნობეს, რომ ამ დღეს კვლავ უნდა მოვიდენ გორში ჟანდარმები. მე გავაფრთხილე ამხანაგები, ვისთანაც კი მეგულებოდა არა-ლეგალური ლიტერატურა, ან მიწერ-მოწერა, გადავმაღე ყველაფერი, რაც საეჭვო იყო და ვუცდი.

ჩემს მიერ შედგენილი საქართველოს სოციალ-რევოლიუციური პარტიის წესდება და ზოგიერთი სხვა ქალაქები ჩავდევი ქალაქის თვითმმართველობის ძველ საქმეებში; ეს დოკუმენტები ალბათ დღესაც იმ საქმეებშია, რადგან ამის შემდეგ მე უკვე აღარ ვმსახურობდი თვითმმართველობაში.

დაკული უნდა იყოს აგრეთვე ზოგიერთი ინსტრუმენტი, რომელიც მოიტანა აზაროვმა და რომელიც მან დამალა ჩრდილოეთის კედლის ფანჯარასთან თავის ოთახში, პეპან მირიანოვის სახლში, მაშინდელ ფოსტის ქუჩაზე.

ამხანაგებმა იცოდენ, რომ მე გაფრთხილებული ვიყავი ჟანდარმების ჩამოსვლის შესახებ, მაგრამ ის აღარ იცოდენ, და არც დღეს იციან, თუ ვინ შემაჩუბია ეს ამბავი. თებერვლის რევოლუციის შემდეგ ერთ-ერთ გაზეთში გორელი კორესპოდენტი, სწერდა რა გორის ინტელიგენციის აღნიშნულ მუშაობაზე, გვაცნობებდა, რომ ჟანდარმების ჩამოსვლა ჩვენ თითქოს შეგვატყობია მაზრის უფროსმა შალვა ერისთავმა, მაგრამ ეს არ არის მართალი: მხოლოდ მე გამაფრთხილა ამის შესახებ ფოსტა-ტელეგრაფის კანტორის უფროსმა—მიხეილ აბაშიძემ, რომელიც სიკვდილამდე მეგობრულ დამოკიდებულებაში იყო ჩემთან.

ჟანდარმები ჩამოვიდნენ ტფილისიდან და პირდაპირ მოადგენ ქალაქის თვითმმართველობას. გამომიძახეს სხდომიდან, წამიყვანეს ბინაზე, დაიწყეს ჩხრეკა, მაგრამ ვერაფერი ნახეს; შემდეგ გამომიცხადეს, რომ შინაგან საქმეთა მინისტრის განკარგულებით მე დაპატიმრებული ვარ; წამათრიეს რკინის გზის სადგურზე. ვფიქრობდი, რომ ვარ ერთად ერთი მსხვერპლი აზაროვის საქმისა. მაგრამ მალე მოიყვანეს მიწო ყიფიანიც და შემდეგ ილიკო მაჭავარიანი. ამათაც გამოუცხადეს მინისტრის განკარგულება. ორივე გაკვირვებული იყო და ეკითხებოდნენ ჟანდარმებს: „რაშია საქმე, რა მიზეზით დაგვატუსაღეთო?“ მაგრამ ეტყობოდა, რომ არც არაფერი ჟანდარმებმა იცოდნენ:

— თქვენ, ბატონებო, უკეთ უნდა იცოდეთ, ჩვენ არაფერს ვიტყვით—იყო პასუხი.

რამდენიმე ხნის შემდეგ სადგურზე მოვიდა სამასწავლებლო სემინარიის დირექტორი სემიონოვი და ჟანდარმთა ოფიცერის ნებართვით შევიდა თავის მასწავლებელთან მიწო ყიფიანთან „საქმის გამო“. მაგრამ მას საქმე არაფერი ქონდა, მას სურდა მხოლოდ ჩვენი ნახვა და გამხნევება. დირექტორს შემოყვა მოსწავლე საშა ციმაკურიძე, რომელმაც მიწო ყიფიანს გადასცა რამდენიმე ათეული მანეთი და გამოგვეთხოვა ცრემლებით.

იმავე დროს ტფილისში დატუსაღებულ იქნა სამეგრელოს პოლიკის თითქმის ათი ოფიცერი—ლევან ვაჩნაძე, ციციშვილი, მიტნიკი და სხვ., აგრეთვე ჩვენი ამხანაგები—სტ. ჭრელაშვილი, ალ. ნანეიშვილი, ელიოზაშვილი და სხვ.

რამდენიმე თვე ვიყავით მეტეხის ციხეში; არც დაკითხვა, არც რაიმე ბრალდების წამოყენება!

დაბოლოს ტფილისში პეტერბურგიდან ჩამოვიდა საგამომძიებლო კომისია; კომისიის სათავეში იყო სასამართლო პალატის პროკურორის ამხანაგი ჟ.—ცკი, რომელმაც სახელი მოიხვეჭა 1881 წლის მარტის 1—ს მოღვაწეთა პროცესით და გამოააშკარავა ვინაობა იმ



საიდუმლო ტუსალისა, შპიონთა მთელი აგენტურა რომ ფეხზე დაეკე-
ნა სატახტო ქალაქში.

— თქვენ ხართ ბ—ნი ყელიაბოვი! მიმართა მან მდუმარე პა-
ტიმარს.

— დიახ, თქვენი მონა-მორჩილი! მიუგო პატიმარმა უშიშრად.

პირველად შე გამომიძახეს; ციხიდან წამიყვანეს ჟანდარმთა სამ-
მართველოში. მაგიდასთან იჯდა სამი კაცი—ერთი ვიცემუნდირში, მეო-
რე ჟანდარმთა მუნდირში, ხოლო მესამე სამოქალაქო კოსტუმში.
ჩვეულებრივ ჩვენების ჩამორთმევამდე პირადობისა და სამართალში
ყოფნის შესახებ, ბ—ნი „შტატსკი“ განზე იჯდა მდუმარედ, ხოლო
შემდეგ დაიწყო შემპარავი, ამხანაგური ტონით:

— ბ—ნო დავიდოვო, დიდი ხანია თქვენ რევოლიუციურ პარ-
ტიაში ირიცხებით?

— არასოდეს არავითარ პარტიაში არ ვყოფილვარ.

— მაგრამ ეწეოდით რევოლიუციურ მუშაობას?

— რა უნდა ვიგულისხმოთ რევოლიუციურ მუშაობაში?

ამის შემდეგ სწარმოებს დაკითხვა არსებითად. წარმომიდგინეს
ზოგიერთი ემიგრანტის (ვინც გორში ჩამოდიოდა ხოლმე) ფოტოგრა-
ფიული სურათი; ბრალდება ის იყო, რომ ვეკუთვნი ოფიცერთა რე-
ვოლიუციურ წრეს ტფილისში და ვამზადებდი ფულის გატაცებას
გორის ხაზინიდან აზაროვთან შეთანხმებით.

დაკითხვის დროს ადგილი ქონდა არა-ჩვეულებრივ თავაზიანო-
ბას; შემდეგ ისევ ციხეში გამისტუმრეს.

დაერწმუნდი, რომ საგამომძიებლო ხელისუფლებამ იმაზე მეტი
იცის, რასაც შე ვფიქრობდი. დასმენილი იყო ერთი აქტიური მუშაკ-
თაგანი, მაგრამ არ შემეძლო იმის დაშვება, რომ ეს იქნებოდა სწო-
რედ ის ემიგრანტი, რომელმაც აზაროვი გამაცნო.

ზოგიერთი ამხანაგები მეტეხის ციხეში ცალ-ცალკე კამერებში
იყვნენ მოთავსებულნი ერთმანეთის მეზობლად. ჩვენ კედელზე კაკუ-
ნით უზიარებდით ერთმანეთს ახალ ამბებს. ზოგიერთი ამხანაგი ზედა
სართულში იყო, მაგრამ მაინც ვახერხებდით მათთან კავშირის და-
ჭერას. ამ გვარად, ჩვენ ვიცოდით ვის რა ბრალდება წაუყენეს. მიშო
ყიფიანის წინააღმდეგ კონკრეტული ბრალდება არაფერი იყო, გარდა
იმისა, რომ დამოკიდებულება ქონდა ემიგრანტებთან. სწორედ იმ
ტერორისტმა, რომელმაც აზაროვი გამომიგზავნა, წაიღო ილიკო მა-
ქავარიანიდან ძველი „პასპორტები“ სხვადასხვა პირებისა იმ მიზნით,
რომ მათ გამოიყენებდა საჭიროების დროს. ეს „პასპორტები“ აღ-
მოჩნდა საგამომძიებლო საქმეში, როგორც ნივთებრივი საბუთი. ნა-
ნეიშვილს, ჭრელაშვილს და ელიოზიშვილს ბრალდებოდათ ურთიერ-
ობა ემიგრანტებთან. დაკითხვის დროს ს. ჭრელაშვილი აიბნა: მას

ერთი მეორეზე აძლევდნენ კითხვებს კომისიის წევრები; თავში იგი უარყოფდა ნაცნობობას ზოგიერთ ემიგრანტთან, ხოლო შემდეგ იძულებული იყო ეს ნაცნობობა დაედასტურებია. მაგრამ ყოველივე ეს არ იძლეოდა სათანადო მასალას იმის გამოსარკვევად თუ ვინ იყო დამსმენელი.

გამოძიება სწარმოებდა ტფილისში, გორში და ქუთაისში მთელი თვის განმავლობაში. შემდეგ კვლავ დაგვიბარეს ჟანდარმთა სამმართველოში; იგივე კომისია დაგვხვდა; გვეკითხებოდნენ, ხომ არაფერი გვაქვს დასამატებელი პირვანდელ ჩვენებაში. ან შესაცვლელი. ამის შემდეგ კომისია უკან გაბრუნდა. რამდენიმე თვის შემდეგ ყველა დაპატიმრებული გაანთავისუფლეს, ზოგი თავდებით და ზოგიც პოლიციის მეთვალყურეობის ქვეშ (ციხეში დავრჩი მარტო მე. დარწმუნებული ვიყავი, რომ ჩემი საქმე ცუდათ იყო.

ჩემი ოჯახობა გორში დარჩა და არ ქონდა საშვალეობა ხშირად ვენახე; ხოლო მეგობრები და ამხანაგები ვერ ბედავდნენ, და არც მე ვურჩევდი მათ, ცდილიყვნენ ჩემს ნახვას. მხოლოდ ანტონ ფურცელაძე არ შიშობდა, დადიოდა ჩემთან, მოქონდა ზოგი რამ (ფული, საქმელი) და მამხნევებდა.

ნახვა შეიძლებოდა ციხის ზედამხედველის თანდასწრებით.

დიდხანს გრძელდებოდა მარტოობის დღეები. წიგნები არ მქონდა, ხოლო რასაც ადმინისტრაცია ვეძლევდა ის სულ სხვა სფეროდან იყო და სულ სხვა, ჩემთვის არა საინტერესო საგანზე მოგვეთხრობდა, მაგრამ ზოგჯერ ასეთი წიგნიც გახარებს; რომ როგორმე დრო მოკლა მთელი დღე იცქირები ფანჯარაში, უყურებ კრწანისის გაძარცულ კლდეებს, თვალს ვერაფერზე შეაჩერებ. თუმცა გასართობიც იყო ხოლმე. ძირს მტკვრის მეორე ნაპირზე აბანოების ქვემოთ მოსჩანს თათრის საროსკიპოს სახლები; ხან-გამოშვებით ამ სახლებში ხალხი გროვდებოდა და დიდი მხიარულება გაჩაღდებოდა ხოლმე. სახლებს ჰრთავდნენ რუსული ნაციონალურ დროშებით, აივნებზე გამოეფინებოდნენ ხოლმე ბრჭყვიალა ტანსაცმელში მორთულში თათრის ქალები, პირახდილნი და რალაც მუსიკაზე ცეკვავდნენ და მღეროდნენ მთელი დღე. ეს გახლდათ სამეფო დღეები. აი, ვფიქრობდი, ვინ სუნთქავს თავისუფლად მეფის წესწყობილებაში...

მივიღე ციხის ეზოში სეირნობის ნებართვა დილ-დილობით ნახევარი საათით, სპეციალური დარაჯის ზედამხედველობის ქვეშ. ეს იყო ჩემთვის უაღრესი ბედნიერება, ამას უცდიდი მოუთმენლად დღე და ღამე. ყარაულის ზოგიერთი უფროსი ოფიცერი ზოგჯერ გაბედავდა მოემართა ჩემთვის ორიოდ სიტყვით, თუმცა მათ აკრძალული ქონდათ პოლიტიკურ ტყვეებთან დალაპარაკება. გესმის ადამიანის სიტყვა, ოდნავ გული გამოგიცოცხლდება, ზოგჯერ ვერ მოითმენ



და წამოგცდებდა რაიმე თავისუფალი აზრი. ერთი გიპასუხებს, მეორე ვაილიმება და ვთხოვს თავი შეიკავო, მესამე წარბშეკრული განზე გაიხედავს... იყო ხოლმე ყარაულის უფროსად ის იუნკერიც (ვენციონ-სკის ქალის ქმარი), რომელიც ოდესღაც ჩვენ ამხანაგობაში ეწაფებოდა რევოლიუციურ აზრებს. იგი თითქოს ვერ მცნობდა და მეც ვცდილობდი არ შეეტყო, რომ მე ვიცნობ მას მხდალსა და მშიშარას. თითქოს ვერც იმ მღვდელმა მიცნო, რომელიც საღვთო სჯულში ხუთ ნიშნიანი სისტემის დროს ექვსს მიწერდა ხოლმე. როდესაც მან აღბათ დაკისრებული მოვალეობისამებრ, ჩამოუარა ტუსალებს და შემოვიდა ჩემს კამერაში, მე მივევარდი მას სიხარულით, მოვავიწყე ჩემი ვინაობა, მაგრამ მან თავი გაიქნია: „არა, არ მახსოვხართო“.

მე ვთხოვე მას მოეწოდებია ჩემთვის წიგნები და, პირველი, რაც მან გამომიგზავნა იყო რუსული სახარება...

და ფიქრები; ფიქრები... მუდამ, დღე და ღამე, ფიქრები ნათელი და შავბნელი, ფიქრები საქმიანი, ფიქრები უქმი...

პირველად გადავავლე რა თვალი ჩემს მუშაობას, მე მახარებდა კიდევ დატუსალება, დამებადა იქვი, რომ „ობივატელური“ ცხოვრება პატარა ქალაქში მისი გასართობებით მე სავსებით ჩამითრევდა. რომ დაპატიმრება ხანგრძლივი არ აღმოჩნდეს და არც რაიმე განსაკუთრებული შედეგი მოჰყვეს, მე დავიწყებდი ახალ ცხოვრებას და მთელ დროს მოვანდომებდი იდეურ მუშაობას. მაგრამ ხანი მიდიოდა და სიხარული და იმედი გაჰქრა.

უქმი ფიქრებიდან მოვიყვან ერთ მაგალითს. ვკითხულობდი რა სახარებას, ჩემი ყურადღება მიიპყრო იუდა ისკარიოტელის ფიგურამ. რატომ ვასცა მან თავისი მასწავლებელი, ნუ თუ 30 ვერცხლისათვის, რა გინდ თვალსაჩინოც უნდა ყოფილიყო ეს თანხა იმ დროს? იუდა ხომ ქრისტეს კასის ხაზინადარი იყო და ნუ თუ მას, გამცემსა და ბოროტი ბუნების კაცს, არ შეეძლო ხელთ ეგდო ასეთი თანხა? შევადარე რა ერთმანეთს სახარებაში გადმოცემული ფაქტები ქრისტესა და იუდას ურთიერთობის შესახებ, მე მივედი იმ დასკვნამდე, რომ იუდა არა თუ არ იყო გამცემი, არამედ, როგორც იდეური მოღვაწე იგი ზოგიერთი მხრით ქრისტეზე მაღლაც იდგა. და მართლაც, თუ უკუვავდებთ ქრისტეს სასწაულმომქმედ ძალას, მაშინ ცხადია, რომ ყველა ისეთი სასწაული, როგორც მაგ. წყალის ღვინოდ გადაქცევა ან ხუთი პური 5.000 კაცის დანაყრება,—არის არა ქრისტეს მიერ მოხდენილი სასწაული, არამედ სხვა შეთქმულთა და, უმთავრესად, იუდასი, როგორც ხაზინადარისა, რომელიც განაგებდა სამეურნეო ნაწილს. იყო შეთქმულთა მთელი ჯგუფი, რომელიც სარგებლობდა ქრისტეს ეკზალტიური ბუნებით და შეპყრობილი ჰყავდა იგი ჰინოზით. ჯგუფი უკარნახებდა ქრისტეს: სთქვი ასე და ასე და მოხდება



სასწაულიო, იესო ხანგამოშვებით ურჩობდა. „არ დამდგარა ჯერ ჩემი დროო“, მაგრამ მას არ ეხსნებოდენ, როგორც ამას ქონდა ადგილი წყალის გადაქცევის დროს ღვინოდ და მისი ვედრება ქმნიდა სასწაულს. მას უთხრეს, რომ იგი უნდა მოკვდეს და კვლავ აღსდგეს სამი დღის შემდეგ და იგი ემორჩილება ამ წინასწარმეტყველებას სიტყვით და საქმით. ბოლოს უკანასკნელ „წმინდა სერობას“ ქრისტემ უთხრა თავის მოწაფეთ: „რომელმან შთამოყოს ჩემთანა ხელი პინაკსა ამას ამან მიმცეს მე“. იუდამ აიღო პურის ნაჭერი და ჩაუწო სამარხილემი. იესომ უთხრა იუდას: „წადი და ქმენ რაცა გსურს“. იგი ადგა და მიატოვა მასწავლებელი. ქრისტემ იცოდა სად მიდიოდა იგი და იუდამაც იცოდა სად წაიყვანდა ქრისტე თავის მოწაფეთ, იმის ნაცვლად, რომ მიეცა მათ დასვენების საშვალება „სერობის“ შემდეგ, და იუდას მიჰყავს მცველნი ბაღში, სადაც შეიარაღებული მოწაფენი პირველად იცავენ იესოს. კოცნა და სხვ. ყველაფერი ეს მოხდა წინასწარი შეთანხმებით, რათა მოწაფეებში გაძლიერებულიყო რწმენა ქრისტეს ღვთაებრიობისა. ხოლო, როგორ დაასრულა იუდამ თავისი მისია?—მან სახეში მიაყარა მღვდელმთავრებს ყველა 30 ვერცხლი და თავი დაიხრჩო... ამ გვარად, ქრისტე მიდიოდა რა საწამებლად დარწმუნებული იყო, რომ ან არ მოკვდებოდა (უკანასკნელ წუთამდე აღვიძედა მის გულში იმედს ეს—„ან, ან“), ან და კიდევ მეტი დიდებით აღსდგებოდა მესამე დღეს მკვდრეთით, ხოლო იუდამ დაისაჯა რა თავი, შეგნებულად მისცა თავისი სახელი წყევლა-კრულვას. ასეთი მსხვერპლი ისტორიაში არ მოიპოება. და ამ მხრით იუდა, როგორც იდეური მუშა და მოწამე უსათუოდ მაღლა სდგას ქრისტეზე...

ჩემი თხოვნით ანტონ ფურცელაძემ მომიტანა ვეფხის ტყაოსანი (არ. კალაძის სტამბის გამოცემა). ვეფხის ტყაოსანი არ მქონდა წაკითხული. არა ერთხელ მომიკიდია ხელი, მაგრამ ვერ დავძლიე, წავიკითხავდი ხოლმე ერთ თავს და მივატოვებდი. ამ ხანად აღვიჭურვე მოთმინებით. მივადექი მეორე თავს და კითხვა გამიადვილდა, თანდათან დამინტერესა, ასე რომ წიგნს თავი ველარ მოვაშორე. პოემამ ღრმა შთაბეჭდილება მოახდინა ჩემზე. მხოლოდ მაშინ გავიგე რატომ იწვევდა იგი ალტაცებას კაზმული მწერლობის ყველა დამფასებელში; მხოლოდ მაშინ მივხვდი რა იყო იმის მიზეზი, რომ ვეფხის ტყაოსანი ჩვენ ხალხში კონკურენციას უწევდა სახარებას და ისეთ ძლიერ კონკურენციას, რომ ერთმა კათალიკოსმა საჯაროთ მისცა იგი ანათემას და დასწვა მისი ეგზემპლარები სიონის ტაძრის გალავანში—ტფილისში. პოემის მთავარი გმირები და მთელი კოლორიტი მისი უაღრესად ახლოა საქართველოს ბუნებასთან და ქართველი ხალხის სულთან. მე სიამოვნებით გადავიკითხე პოემა, ხოლო შემდეგ შეუდექი ხელმეორედ კითხვას განსაკუთრებული ყურადღებით



და დაკვირვებით; მე ვსწავლობდი თვითეულ ფრაზას, თვითეულ მო-
 ტყელებულ სიტყვაზე. უდიდესი ნერვიულობისა და აღშფოთების წუ-
 თებში, პოემა იყო მაგიური მკურნალი ჩემი: გახსნი წიგნს, წაიკითხავ
 ერთ ტაევს, მეორეს, მესამეს და იწყებ ნაფარდს სიმართლის, სილა-
 მზის, სამართლიანობის, ძმობის და თანასწორობის ქვეყანაში...

კამერა ჩემს გვერდით ცარიელი იყო რამდენიმე თვე, შემდეგ
 ვილაც მოათავსეს შიგ რამდენიმე დღით, მერე კვლავ განთავისუფლ-
 და და ბოლოს ვილაც ჩამწყვდირეს ხანგრძლივი ვადით. შევეკითხე მე-
 კარეს, რომელიც კარგად მეპყრობოდა და შევიტყვე მისგან, რომ კა-
 მერაში ზის ახალგაზრდა კაცი, პოლიტიკური, რომელიც მეტის მეტად
 დელავს, ნერვიულობს და სტირის. მე გადავსწყვიტე გამოვლაპარაკე-
 ბოდი მას და სეირნობის დროს უთხარი მეკარეს, რომ მე მივსცემ
 ტუსადს გასართობს. გავიარე რა კამერის გვერდით შეგჩერდი ფან-
 ჯარასთან, სალამი მივეცი პატიმარს და ვსთხოვე გამოეცნო ამოცა-
 ნა: რუსული ანბანიდან უნდა გამოვავლოთ მაგარი და რბილი ნიშნე-
 ბი და აგრეთვე თანაბარი ბგერანი, დავტოვებთ რა მხოლოდ თითო
 ნიშანს, უნდა გავყოთ ამდენს და ამდენ სტრიქონზე თანასწორად,
 უკანასკნელ სტრიქონში იქნება ამდენი და ამდენი ასო. ჩემს მცვე-
 ლებს ეს ხუმრობა ეგონათ, ხოლო პატიმარი მიხვდა რაშიც იყო საქ-
 მე. როცა დავბრუნდი ჩემს კამერაში, დავაკაქუნე კედელზე. მან მი-
 პასუხა კაკუნითვე. ნელ-ნელა ურტყამდი ხელს კედელზე, შიფრის
 მიხედვით. თავში იგი სცდებოდა, მაგრამ შემდეგ შეითვისა კაკუნის
 ენა. და ამ გვარად ვკლავდით დროს საუბარში. მისი გვარი არ
 მაგონდება. ერთხელ მოვიდა მასთან ჟანდარმთა ოფიცერი საქმის
 გამო და შენიშნა, რომ კედელზე ერთ ადგილას ამონგრეულია ნაღესი
 და იქვე მიწერილია ანბანის შიფრი. პატიმარი გამოტყდა, რომ
 აქედან ელაპარაკება ხოლმე მეზობელს. შემდეგ ჟანდარმი შენოვიდა
 ჩემთან, მიაგნო კედელზე კაკუნის კვალი. მე ვიცი, რომ თქვენ ლაპა-
 რაკობთ მეზობელთან, სთქვა მან, მაგრამ საიდან გაქვთ ეს შიფრი,
 რომელსაც იცნობენ მხოლოდ ცენტრალური რუსეთის ციხეებში?—
 როგორც სჩანს ეს შიფრი აქაც გადმოსულა.

მაგრამ იცით თუ არა თქვენ, ბ-ნო დავიდოვო, რომ ასეთი ლა-
 პარაკი სასტიკათ აკრძალულია და იღვენება?

— ციხეში ჩამსვამენ?

— არა, მაგრამ ციხეშიც არის სასჯელი. ამ შეთხვევაში მე
 არ მოვახსენებ უფროსს, მაგრამ გთხოვთ მოერიდოთ ასეთ რამეებს,
 რათა თავიდან აიცილინოთ მოსალოდნელი უსიამოვნება.

ოფიცერი წავიდა და რამდენიმე ხნის შემდეგ მეზობელი კა-
 მერა კვლავ განთავისუფლდა...

სეირნობის დროს მე შევამჩნიე ახალი ტუსალი: წარმოსადგეო



ვაქაცია, წმინდათ ჩაცმული ჩოხა-ახალუხში. ვეკითხები მეკარეს: არის ეს ახალი პატიმარი. მან მითხრა, რომ ეს არის თავადი გიორგი ჩიჩუა, რომელიც დაპატიმრებულია მკვლელობისათვის. ვატყობდი, რომ ჩიჩუა ჩემი ვინაობითაც დაინტერესდა, იგი ცდილობდა მოახლოვებოდა ჩემი სეირნობის ადგილს. პირველათ იწყო სალამის მოცემა, მეც ამით ვუპასუხებდი ხოლმე. შემდეგ, გამივლიდა გვერდით, მომესალმებოდა სიტყვებით და, — თითქოს თავისთვის ლაპარაკობსო, — გადმომცემდა რაიმე ახალ ამბავს. ბოლოს მიგზავნიდა ხოლმე გაზეთს, საუზმეს, ზოგჯერ ლუდსა და ღვინოს. ასე თუ ისე, მას სურდა გაეადვილებია ჩემი მძიმე ობოლი ცხოვრება...

დაახლოებით ერთი წლის შემდეგ ჩემი დაპატიმრების ანტონ ფურცელაძემ მაცნობა, რომ პეტერბურგში მოჰკლეს ვერაგი სუდეიკინი — „ოხრანის“ უფროსი (ჯერ ოდესაში, შემდეგ პეტერბურგში). მოჰკლა იგი ვინმე დეგაევმა, რევოლიუციონერმა, რომელმაც მოიპოვა სუდეიკინის ნდობა, ვასცა რა მრავალი რევოლიუციონერი რუსეთში და კავკასიაში. მან გაიტაცა სუდეიკინის პორთფელი და მიიმალა. მას ეძებენ მთელ რუსეთში, მისი ფოტოგრაფიული სურათები, სხვადასხვა დროს გადაღებული, გამოკიდებულია რკინისგზის მთავარ სადგურებზე. დამჭერის საჩუქრათ მთავრობის მიერ გადაღებულია ათიათასი მან. ჩემში დაიბადა ბუნდოვანი აზრი, — ამ დეგაევს ხომ არ მოუგზავნია ჩემთან აზაროვი. ბოლოს მიღებული ცნობებით ჩემი იქვე გამართლდა. ყველაფერი იმას ადასტურებდა, რომ ეს სწორედ ის დეგაევი უნდა ყოფილიყო. მკვლელობის შემდეგ იგი გამოცხადდა ამხანაგ-რევოლიუციონერებთან, აუწყა მათ მთელი თავისი პროვოკაციული მუშაობა და განაცხადა, რომ იგი მათ განკარგულებაშია და შეუძლიათ გაჰკიცხონ და დასაჯონ, როგორც და რითაც სურთ. რევოლიუციონერებმა პირი იბრუნეს მისგან, მაგრამ დასჯაზე უარი სთქვეს (გაზეთების ცნობით დეგაევი გარდაიცვალა ამერიკაში 1921 წელს).

როცა დეგაევის მისია გამოირკვა რუსეთის მთავრობა უნდობლობით ეკიდებოდა მისგან მიღებულ ცნობებს. სწორედ ამან შეამსუბუქა მდგომარეობა იმ პირთა, ვინც გახდა მსხვერპლი დეგაევის შპიონაჟისა; სხვათა შორის მეც, ალბათ, ამან მიხსნა. ტფილისის ორგანიზაციის საქმე დასრულდა ადმინისტრაციული წესით. ალექსანდრე მე-3 ბრძანებით ზოგიერთი აქაური ბრალდებული გადარჩა სამსახურიდან დათხოვნით, ზოგიც მოკლე ვადიანი დაპატიმრებით; რამდენიმე კაცი: მიშო ყიფიანი, სტეპკო ჭრელაშვილი და ალ. ნანეიშვილი გადასახლებულ იქნენ სემიპალატინსკში. ამხ. ელიოზიშვილმა თავი მოიკლა იმ მომენტში, როცა მის ბინას მიადგენ ჟანდარმები, რათა წაეყვანათ იგი შორეულ ქვეყანაში.



ბოლოს მეც, წელიწადნახევრის ტყვეობის შემდეგ, მაცნობეს რომ განთავისუფლებული ვარ პოლიციის განცხადებული ზედამხედველობის ქვეშ. კამერის კარებს მოხსნეს საკეტი, მომცეს სეინობის ნება მთელ ციხეში, შემეძლო ყველასთან დალაპარაკება, ეკლესიაში სიარულიც, მაგრამ ჯერ კიდევ არ მანთავისუფლებდნენ რაღაც ფორმალური მიზეზების გამო. ეს დღეები ჩემთვის, მგონია, უფრო საშინელი იყო, ვინემ ყველა წინანდელი. ყოველ წუთში უცდიდე განთავისუფლებას და ველარ ეღირსო ციხის კარების გაღებას, ეს საშინელება! იცოდა რა ჩემი სულიერი მდგომარეობა გიორგი ჩიჩუა თითქმის არ მშორდებოდა, თუმცა ეტყობოდა, რომ თათონაც იგი იტანჯებოდა და დიდათ სწუხდა, რომ უნებურად გახდა მკვლეელი და არ შეეძლო დაებრუნებინა სიცოცხლე თავისი სიფიცხისა და წუთიერი აღელვების მსხვერპლისათვის. ჩიჩუას კამერაში იყო შტაბსკაპიტანი მიშჩენკო, (დაპატიმრებული, აგრეთვე, მკვლელობისათვის), რომელმაც ბოლოს სახელი გაითქვა რუსეთ იაპონიის ომში.

ციხიდან გამგზავნეს პოლიცემისტერთან. იქ დამკითხეს სად ვაპირებ ცხოვრებას, მეორე დღისთვის დამიბარეს წასასვლელი მოწმობის მისაღებად და გამიშვეს. გორში დეპეშა გავგზავნე და დავქროდი ქალაქში თითქოს ფრთებშესხმული...

არის თუ არა საპყრობილე გამასწორებელი საშვალეობა იდეური აღამიანისათვის?

განთავისუფლების პირველსავე დღეს მივატოვე თამბაქოს წევა, რათა მეფის ხაზინისათვის არ მიმეცა ის მცირე შემოსავალი, რაც გროვდება აქციზის სახით თამბაქოს ნაკეთობაზე...

როგორ გავიდა პირველ დღე, ვისთან ვიყავი, ფხიზელი დავრჩი თუ მთვრალი, სად გავათიე ღამე, — არაფერი მახსოვს. მოწმობა არ მომცეს არც მეორე დღეს, არც მესამეს და ამ გვარად ვდებდი წასვლას, ხოლო გორის სადგურზე თვითიული მატარებლის მისვლაზე თურმე მელიოდებოდნენ მეგობრები და ნაცნობნი. ჩავედი რა გორში, უწინარეს ყოვლისა გამოვცხადდი ადგილობრივ პოლიციაში ჩემი მოწმობით, რათა დამედასტურებინა ჩემი პატივისცემა და გადამეცა მისამართი.

გორში გამაკვირვა ჩვენი ფართო წრისა და მთელი საზოგადოებრივი ცხოვრების მოღუნებამ. ზოგიერთი ამხანაგი მთლად მოშორებოდა გორს, დანარჩენთ სრულიად გაეწყვიტათ კავშირი ერთმანეთთან, ყველას ემჩნეოდა რაღაც შიში, იქვიანობა, ყველა თითქოს საბოლოოდ გაყროდა ყოველგვარ საზოგადოებრივ საქმეს. შემხვდებოდა რა ნაცნობი, — აიბნეოდა, აქეთ-იქით იყურებოდა, ხომ არავინ გვათვალთვლებსო, თითქოს უნდოდა გამოერკვია რა სახით შემხვედროდა — მომსალმებოდა მხურვალედ, თუ მხოლოდ თავი დაეკრა, თუ კიდევ გვერდი აეველო, თითქოს ვერ შემაძინია.



მაზრის უფროსი შალვა ერისთავი გადააყენეს; მის ადგილზე დანიშნეს ამირინდო ამილახვარი—ლიბერალი, თავად-აზნაურთა წინამძღოლის თანამდებობაზე, მაგრამ მეტად მკაცრი—ადმინისტრატორის როლში.

გორი იქცა ჟანდარმთა როტმისტრის რეზიდენციად; გაძლიერებულ იქნა დაბალ ჟანდარმთა შემადგენლობა.

ვინც იცნობს პოლიციის განცხადებული ზედამხედველობის დებულებას, ის ადვილად წარმოიდგენს როგორი იყო ჩემი მდგომარეობა სამაზრო პატარა ქალაქში. ცისმარა დღე უნდა გამოცხადდეს პოლიციაში, თვითეულ შენს ნაბიჯს მოსდევს „ფრთხილი თვალი“, ვისთან იყავი, ვინ მიიღე, ვის შეხვდი, ვისთან საუბრობდი—ყველაფერი ეს აღრიცხულია, ჩაწერილი და შეტანილი „სამსახურის ნუსხაში“.

მე პირდაპირ შებორკილი ვიყავი, არა მარტო ხელ-ფეხით, არამედ მთელი არსებით.

აი მაგალითი.

დავაპირე უფროსი ძმისა და მისი ოჯახობის ნახვა; მივიღე სათანადო მოწმობა და გაცეშურე სოფ. ცხინვალისაკენ; ცხინვალი რეზიდენცია იყო უბნის საპოლიციო ბოქაულისა, რომელსაც გამოვეცხადე და გავაცანი ჩემი მოსვლის მიზანი. ჩემი ძმა—მოხუცი მღვდელი სცხოვრობდა სოფლად, რომელიც ზედ ეკრა ცხინვალს; მისი მრევლის ერთი ნაწილი შედიოდა ცხინვალის შემადგენლობაში. ბოქაულმა ტერ-აკოფოვმა არ მომცა ნება გავცილებოდი ცხინვალის მიჯნას, როდესაც ჩემს მიერ წარდგენილ მოწმობაში ნაჩვენები იყო ცხინვალი და არა მეზობელი სოფელი. ბოქაულს სთხოვეს სასამართლოს გამომძიებელმა ნ. ხიზანოვმა (მწერალი—ურბნელი) ჩემმა ნათესავმა მასწავლებელმა—ზ. დავილოვმა და სხვა ნაცნობებმა, მაგრამ ვერაფერმა გასჭრა, ბოქაული გაჯიუტდა.

იძულებული ვიყავი მეცნობებია ძმისათვის, რომ ასე ახლოს ვარ, მაგრამ არ შემიძლია მისი ნახვა. მაშინ თითონ მოვიდა ჩემთან და, არ ვიცი რა მიზეზით, შეიძლება შიშისაგან, რომ ჩემს სიცოცხლეს საფრთხე მოელოდა, შეიძლება დიდი სიხარულისაგანაც, რომ ეღიბრა ძმის ნახვა, რომელსაც იგი დაკარგულად თვლიდა,—მოხუცს ენა წაერთვა. საღამომდე ჩემთან იყო, მეფერებოდა და ერთი სიტყვაც ვერ წარმოსთქვა საბრალომ. ასე გამშორდა დამუნჯებული. მისი ოჯახი, რასაკვირველია, ვერ ვინახულე.

ამ ღამეს ცხინვალში დავრჩი, გავიცანი აქ ახალგაზრდა ლიზა ჩერქეზიშვილი, რომელიც მაშინვე ისწრაფოდა ქალაქისაკენ, რომ გამოსულიყო ქართულ სცენაზე. მეორე დღეს დავბრუნდი გორში.

ხედავდენ რა ჩემს შევიწროებას მეფის ჟანდარმებისაგან, ადგილობრივი თავად-აზნაურობა ირონიით ლაპარაკობდა:



— აი, რა მეფე გვყავს,—ჩვენი შიოსიც კი ეშინიან!

იმ დროს გორში სცხოვრობდა იოსებ დავითაშვილი, ხელობით ხარატი, მაგრამ ნაკითხი და გონიერი კაცი; დავითაშვილი პირველი იყო მუშათა წრიდან, რომელიც ჩასწვდა ქართული პოეზიის საკუთხეველს და დაიჭირა იქ საპატიო ადგილი, როგორც უშუალო გამომხატველმა ქართველი ხალხის ფიქრის და მისწრაფებისა. წინათ იგი თავის ახალ ლექსებს უჩვენებდა ხოლმე სოფრომ მაგალობლიშვილს, მაგრამ უკანასკნელი ეხლა გორში აღარ სცხოვრობდა. ამიტომ პოეტი ჩემთან დადიოდა და მთხოვდა შემეხსოვრებია ლექსი ეტიმოლოგიურად, რადგანაც მე გრამატიკა არ მისწავლიაო. როდესაც შემდეგ მე ვათვალისწინებდი დავითაშვილის ლექსთა კრებულს, შევნიშნე, რომ ამ კრებულში არ არის შეტანილი ზოგიერთი ლექსი, რომელსაც მე ვიცნობდი ხელთნაწერით. ვფიქრობ, რომ ეს ლექსები ან რედაქციებში დაიკარგა ან ცენზურამ მოსპო.

უნდა მეფიქრა საარსებო პურზე ოჯახისათვის. „გაცხადებული ზედამხედველობის“ თანახმად მოკლებული ვიყავი უფლებას მონაწილეობა მიმეღო საზოგადოებრივ კრებებზე ან რაიმე დაწესებულებაში; სამსახურში შესვლა თავისუფალ დაქირავებით არ შემეძლო. რა უნდა მექნა?

დაუბრუნდი ჩემს ძველ ხელობას—მკინძაობას, მაგრამ სამუშაოს დიდი გაჭირვებით ვმოულობდი, მით უმეტეს, რომ სასწავლებლებში ფეხსაც ვერ შევადგამდი. მხოლოდ სასულიერო სასწავლებლის ზედამხედველი დავით დათოშვილი ბედავდა მოეცა ხოლმე ჩემთვის სამუშაო, მაგრამ ამ სასწავლებლის საშვალებანი ბიბლიოთეკისათვის მეტად მცირე იყო. ცხოვრება აუტანელი შეიქნა. გადავსწყვიტე ტფილისში გადასვლა და დიდის ვაი ვაგლახით მივიღე გორიდან წასვლის ნებართვა ორი თვის ვადით, თუკაც ტფილისშიაც მოწმობით ჩამოვედი, მაგრამ აქაც ზედამხედველობის ქვეშ ვიძყოფებოდი, თუმცა დიდ ქალაქში იმდენად ვერ გრძნობ თვალყურის დევნებას, ასე მეჩვენებოდა, ყოველ შემთხვევაში. ეს იყო 1885 წელს.

თავშესაფარი მომცა იმავე გულშეუცვლელმა ანტონ ფურცელაძემ. გამოჩნდა სამუშაოც მმართველობა მეურვეობაზე აღებული მამულებისა, რაც დაგირავებული იყო „приказ общественного призрения“-ში და რამაც საბედისწერო როლი ითამაშა ქართველი თავდა-აზნაურობის ცხოვრებაში.

ორი თვის შემდეგ კვლავ მოვახერხე შევებულების გაგრძელება ისევ ორი თვით და ბოლოს ზედამხედველობის საფეხით გადმოტანაც ტფილისში.

ვაკვირდებოდი რა ტფილისის საზოგადოებრივ ცხოვრებას 1885 წელში, არ შემეძლო არ შემენიშნა ახალი მიმდინარეობანი,



რაც სრულებით არ იჩენდა თავს სამოცდაათიან წლებში. მართლაც, ინტელიგენციაში და ახალგაზრდობაში შეიქრა ლიბერალური აზრები, მაგრამ მკაფიოდ ისახებოდა ნაციონალური ტენდენციებიც.

სამოცდაათიან წლებში ეროვნული საკითხი საქართველოში არ არსებობდა. დამოკიდებულება ეროვნებათა შორის სრულიად ნორმალური იყო და სავსებით მეგობრული. ყველანი ცხოვრობდნენ, ასე ვთქვათ, საერთო ცხოვრებით, დაყოფა იყო მხოლოდ წოდებად და კლასებად. არავითარ შუღლს არ ქონია ადგილი ნაციონალურ ნიადაგზე, თვით რუსიფიკატორული პოლიტიკის უმწვევავს მომენტებშიც. არა-მოხელე რუსი მოსახლეობა თანაგრძნობით არ უყურებდა გამარჯვებულთა პოლიტიკას, ხედავდა რა, რომ ეს პოლიტიკა არ არის საერთო რუსული, ან, ყოველ შემთხვევაში, ხალხური პოლიტიკა, რადგანაც რუსეთის ბიუროკრატია თავს ვერ ართმევდა ხალხის მისწრაფებას, არამედ მოქმედებდა მისი ინტერესების წინააღმდეგ, თესდა შურსა და მტრობას რუსეთისა და განაპირა ქვეყნების ხალხთა შორის, ერთის მხრით, და განაპირა ქვეყნების სხვადასხვა ტომთა შორის, მეორეს მხრით.

მე მგონია, რომ ბიუროკრატის აგენტების პროვოკაციულ ანკეს უწინარეს ყოვლისა წამოვეო სომხეთის სამღვდელოება, შეიძლება თავისი იდეური და რელიგიური გატაცებით, მაგრამ უეჭველად ანგარების მიზნითაც, სურდა რა გაეფართოებია თავისი მოღვაწეობის წრე და წინ წაეწია თავისი როლი საზოგადოებრივ სარბიელზე.

მე მახსოვს, რომ გორში მოქალაქენი არ იყვნენ დაყოფილნი ეროვნების მიხედვით, შეადგენდნენ ერთ საზოგადოებას, ლაპარაკობდნენ საერთო ენაზე — ქართულზე და მხოლოდ საეკლესიო წესებს ასრულებდა თვითეული თავისებურათ. თვით ეკლესიებშიც ქადაგება ქართულ ენაზე სწარმოებდა, რადგან სხვა ენა გაუგებარი იყო სამწყსოსათვის. და ამ ქალაქში გაიხსნა სომხური საეკლესიო-სამრევლო სკოლა, სადაც სწავლება შემოღებულ იქნა მხოლოდ და მხოლოდ სომხურ ენაზე, მაშინ, როდესაც ბავშვები ლაპარაკობდნენ მართლმადიდებლურ ქართულ ენაზე. შემდეგ მახსოვს (მე თვით ვიყავი ამის მოწმე), რომ უცხო ქვეყნიდან გორში ჩამოსული ერთი სომეხი ბერი თავის ქადაგებაში მოუწოდებდა მორწმუნეთ არა მარტო რელიგიური, არამედ ნაციონალური გაერთიანებისაკენაც, განსაკუთრებით უსვამდა რა ხაზს უკანასკნელ მომენტს. ეს სიტყვა სომხურიდან ქართულზე სთარგმნა სამასწავლებლო სემინარიის საღვთო-სჯულის მასწავლებელმა-დეკანოზმა ტერ-სტეფანოვმა. მე მქონდა, აგრეთვე, ასეთი შემთხვევა: გარდაიცვალა ქალაქის თვითმმართველობის წევრი ივანე ამირაგოვი, უაღრესად პატიოსანი ადამიანი. მე თავი ვერ შევიკავე და სომეხთა ეკლესიაში წარმოვსთქვი სიტყვა ყველასათვის გასაგებ ქარ-

თულ ენაზე. რამდენიმე ხნის შემდეგ მივიღე შეკითხვა ტფილისის სომეხთა კონსისტორიიდან—გორის ეკლესიის რომელმა მღვდელმა დამართო მე ნება სიტყვის წარმოთქმისათვის. ქალაქის თავმა ელიმირ-ზომა თავის თავზე მიიღო დანაშაული და განაცხადა, რომ მან მომცა სიტყვის ნებართვა, როგორც ქალაქის მდივანს. მიუხედავად ამისა კონსისტორიამ ერთ მღვდელს (ტერ-ეგიშე) დაადო ადმინისტრატიული სასჯელი, ხოლო ჩემს შესახებ აცნობეს საპროკურორო ზედამხედველობას რათა მიცემულ ვყოფილვიყავი პასუხისგებაში კონსისტორიის წესდების ერთ-ერთი მუხლის თანახმად (რომელიც ტომი მეფის კანონებისა).

და ეს ხდებოდა მაშინ, როდესაც მრავალ ქართულ სოფელში სომეხები ერთი გლეხური ცხოვრებით სცხოვრობდნენ თანასწორად ქართველებთან, დადიოდნენ ქართულ ეკლესიებში, ხოლო მომაკვდავნი ლეზულობდნენ ზიარებას ქართველი მღვდლებისაგან, რადგანაც სომეხი მღვდელი არ მოიპოვებოდა.

მე, აგრეთვე, ვფიქრობ, რომ სომეხთა საზოგადო მოღვაწენიც ჩაითრია საქართველოში სომეხური ნაციონალური პოლიტიკის წარმოების ცდუნებამ. მოვიყვან ერთ მაგალითს.

რუსეთ-ოსმალეთის ომის დროს 1877—1878 წ.წ. საფრანგეთიდან კავკასიის ფრონტზე მოდიოდა გაზ. „Tems“-ის სპეციალური კორესპონდენტი—ვინმე კუტული. საქართველოს სამხედრო გზაზე მას დაემგზავრა ერთი სომეხი საზოგადო მოღვაწე, რომელმაც გააცნო კორესპონდენტს სომეხური გაზეთის—„მშაკის“ რედაქტორი—გრიგოლ არწრუნი. ამან, თავის მხრით, სხვა მოღვაწენი წარუდგინა კუტულს, გარს შემოერთყენ მას, აჩვენეს ყველაფერი, რაც ღირსშესანიშნავია „სომეხთა სატახტო ქალაქში—ტფილისში“, წაიყვანეს ქალაქის თვითმმართველობაში—ეს არის სომეხური პარლამენტიო—მოახსენეს და სხვა და სხვა.

ყველაფერი ეს შეიტყო ქართველმა საზოგადოებამ მას შემდეგ, რაც კუტულის კორესპონდენციები გამოქვეყნდა გაზეთში.

როგორ შეხვდა ქართველობა სომეხ პატრიოტების ზრახვებს?

ამის პასუხს იძლევა ქართველი პატრიოტის ილია ჭავჭავაძის ყოველთვიურ ჟურნალში მოთავსებული წერილი. ქართველები ირონიით ეპყრობოდნენ, დასცინოდნენ და არავითარ მნიშვნელობას არ აწერდნენ სომეხთა ასეთ გამოსვლებს.

მაგრამ ომის შემდეგ ჩაისახა სხვაგვარი აზრები. როდესაც რუსეთის ხაზინის მიერ ომისათვის დახარჯული ოქრო თითქმის მთლად ხელში ჩაუვარდა სომეხებს, რომელნიც იყვნენ ომისათვის საჭირო საგნების დამმზადებელნიც; როდესაც სომეხი ვაჭრები წელში გამაგრდნენ, როცა წარმოიშვა სომხის ბურჟუაზია, ხოლო სომეხთა „კუ-



ლაკებმა“ თვალი მიაპყრეს სოფელს და მუქთად ეპატრონებოდნენ თავად-აზნაურთა ადგილ-მამულს; როდესაც ომში სახელ მოხვეჭილმა სომხის გენერლებმა (ლორის-მელიქოვი, ტერ-გუკასოვი, შელკოვნიკოვი და სხვ.) გზა გაუხსნეს სომხის მდიდრებს მეფის მოადგილის კარისაკენ და თვით მეფის ტახტისაკენ—მაშინ ქართველმა პატრიოტებმა თავში ხელი იტაცეს: ქართველ ხალხს სჩაგრავს მეფის მთავრობა პოლიტიკურად და ამავე დროს სომხის ბურჟუაზია შეუდგება მის ექსპლოატაციას; სომხის ვაჭრები, როგორც ქალაქის კლასი, მუდამ თავს დასტრიალებენ თავიანთ ხელობას და მათ საშვალება აქვთ მისცენ ბავშვები სკოლაში, არ იკმარონ რუსეთის მეცნიერება და სწავლის დასამთავრებლად გაგზავნონ ისინი უცხოეთში, ხოლო ქართველი ხალხისათვის დახშულია თვით საქალაქო სკოლების კარიც; ამ გვარად, სომხის ინტელიგენცია უნდა გამრავლდეს, დაიჭიროს პოზიციები ყველა ასპარეზზე, განავითაროს თავისი ლიტერატურა და ხელოვნება, ხოლო ღარიბი და მცირერიცხოვანი ქართველი ინტელიგენცია უნდა ჩაიხშოს სოფლის სიბნელეში.

ყველა ამ მოსაზრებამ, და შეიძლება ზოგიერთმა სხვა მოსაზრებამაც, დაბადა ქართველ საზოგადო მოღვაწეებში აზრი გამოქმენათ თვითდაცვის საშვალეობანი როგორც მეფის ბიუროკრატიის ძალადობის, ისე სომეხი ბურჟუაზიის თავდასხმის წინააღმდეგ.

სწორედ ამ მიზნით იქნა დაარსებული სათავად-აზნაურო სკოლა. წერა-კითხვის გამავრცელებელი საზოგადოება, დრამატიული საზოგადოება მუდმივი დასით და სხვ.

ქართული საზოგადოებრივი აზრის სათავეში იდგა ილია ჭავჭავაძე—პოეტი, სათავად-აზნაურო ბანკის თავმჯდომარე, რედაქტორ-გამომცემელი ჯერ ყოველ კვირული, მერე ყოველთვიური ჟურნალისა, ხოლო 1887 წლიდან ყოველდღიური გაზეთის „ივერიასი“. ჭავჭავაძე სარგებლობდა უღრმესი პატივისცემით, იგი ხიბლავდა დიდსა და პატარას; მისი ავტორიტეტი მეფობდა ყველა საზოგადო მოღვაწეზე მისი დასტურის გარეშე არაფერი გაკეთდებოდა; მისი ლოცვა-კურთხევის გარეშე ვერავინ გამოვიდოდა საზოგადოებრივი ასპარეზზე ცხოვრებაში და ლიტერატურაში. ეს იყო თავისებური ზეგავლენა, რომელიც აღშფოთებას იწვევდა სხვა გეზით მოაზროვნე ახალგაზრდობაში. სწორედ ამიტომ ახალი მწერალი (ჭრელაშვილი, კეხელი, ზებედევი, ხონელი და სხვ.) თავის პირველ ისარს მიმართავდა ხოლმე ჭავჭავაძის წინააღმდეგ. 1880 წ. ტფილისში დაიწყო გამოცემა ახალგაზრდობის ყოველთვიური ორგანოსი ნინო გაბაშვილის რედაქტორობით; ამ ორგანოს მუდმივი თანამშრომლები იყვნენ—ანტონ ფურცელაძე, სტეპკო ჭრელაშვილი, მიხეილ გურგენიძე, შაქრო ბილანოვი და სხვ. მაგრამ რედაქციაში მოხდა რალაც უთანხმოება და ჟურნალის გამო-



ცემა შეწყდა. თითონ ამ ფაქტს არ შეიძლება შევხედოთ სხვანაირად, თუ არ ნაწილობრივი გავლენა იმავე ავტორიტეტისა. ვერც მე შევუ-
რიგდი ფეტიშიზმს და 1887 წელს „მკითხველი“-ს სხედრონომით გა-
მოვიდა ჩემი ბროშურა—„ჩატეხილი ხიდი“, რომელიც მიმართული
იყო ილია ჭავჭავაძის ბელეტრისტული ტალანტის თაყვანისმცემელთა
წინააღმდეგ და რომელიც დაიწერა მისი ახალი მოთხრობის—„ოთა-
ჩაანთ ქვრივის“ გამოქვეყნების გამო*).

მაგრამ მიუხედავად ამისა, თუ თვალს გადავაგვლებთ მაშინდელ
ლიტერატურას და დავაკვირდებით თვითნული ნაწარმოების და წე-
რილის (მათ შორის ილია ჭავჭავაძის ნაწერებსაც) აზრსა და დეტა-
ლებს, დავრწმუნდებით, რომ ქართველები არასოდეს არ გასცილებიან
თავიანთ პოზიციას და არასოდეს არ შეუტოპიანთ აგრესიული პოლი-
ტიკის მორევში.

ქართველი საზოგადოების და თვით ქართველი ხალხის გამოლ-
ვიძებას და მის ამოძრავებას ხელს უწყობდა თითონ მთავრობა
თავისი თავხედი, აშკარა რუსიფიკატორული პოლიტიკით, რომელიც
სასწრაფო წესით ტარდებოდა ცხოვრებაში, განსაკუთრებით, სასუ-
ლიერო უწყებაში. არა ნომინალური, არამედ ფაქტიური გაძევება
ქართული ენისა სასწავლებლიდან, მისი „ძაღლის ენად“ მონათვლა,
ქართველების დამდაბლება სამასწავლებლო თანამდებობაში და თვით
გაძევება მათი სასწავლებელთა კედლებიდან,—ცხადია, იწვევდა
უკმაყოფილებას და პროტესტს ყოველი ქართველის გულში მიუხედა-
ვად მიმართულებისა. საამისო ნათელი დამამტკიცებელი საბუთი
არის „თავხედური წერილები“ ეპისკოპოსი გაბრიელისა საქართველოს
ეკზარხოსის ევსეგის მიმართ (ჯერ კიდევ სამოც და ათიან წლებში).
სემინარიელთა „სიმშობის წინადაგზე“ წარმოშობილი „ბუნტები“
და მრავალი გამოსვლა ცალკე გმირებისა, შედეგი იყო იმავე მდგო-
მარეობის, თუმცა ოთხომოციანი წლების დამდეგს და შემდგომ

* ამ ბროშურას „ივერია“ გამოეხმაურა სასტიკი პასუხით. სხვათა შორის
ბროშურის თითქოს გარეგნული ნიშნების მიხედვით „ივერია“ ამტკიცებდა, ვი-
თომც იგი შედგენილი იყო სამი პირის მიერ და ესენი არიან: აკაკი, ანტონ ფურ-
ცელაძე და მე. წერილობით ვუპასუხე რედაქციას, რომ დასახელებულ მწერლებს
არავითარი მონაწილეობა არ მიუღივთ ბროშურის შედგენაში არც სიტყვით, არც
საქმით და რომ მთელი გამოლაშქრება მომართული უნდა იქნეს მარტოოდენ ჩემს
წინააღმდეგ.

ერთხელ, როგორღაც სამივე,—გაზედავ ვსთქვა,—მეგობრები შევხვდით ერთ-
მანეთს. სიტყვა ჩამოვარდა ბროშურაზე. აკაკიმ თავისებურათ იოხუნჯა:

— შენ რაღას იბერები, თუ მე და ანტონი განუგებელი ვართ! მე და ეს
პატიოსანი კაცი ოცდაათი წელიწადია მწერლობის ჭაპანს ვვზიდებით და შენ,
ძაო, რაღაც ერთი-ორი სტრიქონი დასწერე და ერთბაშად ჩვენს გვერდით ამო-
კავი თავი. პატივი და დიდება!

თვითეული ასეთი მოვლენა ატარებდა თავის თავში რევოლუციურ ელემენტსაც. რუსიფიკატორული პოლიტიკა სასულიერო უწყებაში განსაკუთრებით გაძლიერდა მას შემდეგ, რაც საქართველოს ეკზარხოზსად დაინიშნა არქიეპისკოპოსი პავლე, ხოლო სემინარიის დირექტორად მის მიერ წამოყენებული—დეკანოზი ჩუდეცკი; ამ ორს მხარე შემვენებდა ცნობილი ინსპექტორი კუვშინსკი, რომელსაც უკიდურეს აღშფოთებამდე და საშინელ ნაბიჯებამდე მიყავდა მოწაფენი. სემინარიის ისტორიაში დაუვიწყარი იქნება მოწაფენი: ბესარიონ გოგობია, რომელმაც სცემა მასწავლებელ ალბოვს, სილიბისტრო ჯიბლაძე, რომელმაც რექტორს გამოგლიჯა „წმინდა წვერის“ ბლუჯა (წვერი შემდეგ აღმოჩნდა რექტორის მაგიდაზე კონვერტში წარწერით: „შენი შენთაგან შენდა შემწირველი ყოველთა და ყოვლისათვის“) და ლალიაშვილი, რომელმაც მოჰკლა რექტორი ჩუდეცკი ხანჯლით. ეკზარხოზმა პავლემ, აღშფოთებულმა ამ მკვლევლობით, რექტორის კუბოს წინაშე დასწყევლა მთელი ხალხი, რომლის წიაღიდან წარმოიშვა ისეთი „მხეცი“, როგორც ჩუდეცკის მკვლელი. ამ შემთხვევის გამო პოპულიარულმა ქართველმა მწერალმა და საზოგადო მოღვაწემ, ქუთაისის გუბერნიის თავად-აზნაურთა წინამძღოლმა—დიმიტრი ყიფიანმა გაუგზავნა ეკზარხოზს წერილობითი პროტესტი; ეს პროტესტი მიართვეს მაშინდელ მთავარმართებელს დონდუკოვ-კორსაკოვს, რომელმაც ტელეგრაფით გამოსთხოვა მეფე ალექსანდრე III ყიფიანის თანამდებობიდან გადაყენება და მისი გადასახლება სტავროპოლის გუბერნიაში ადმინისტრაციული წესით. მსცოვანი მოხუცი მოკლულ იქნა სტავროპოლში მეტად საიდუმლო და საეკვეო პირობებში; ეს ფაქტი ბადებდა აზრს იმის შესახებ, რომ ამ საქმეში ადგილი უნდა ქონოდა საიდუმლო ბრძანებას საოლქო სასულიერო ან სამოქალაქო ხელისუფლებისაგან.

ქართველი საზოგადოების აღელვებას საზღვარი არ ქონდა, რაც თავი იჩინა სამოქალაქო დემონსტრაციაში დ. ყიფიანის ნეშთის დასაფლავებაზე ტფილისში.

პრუპ მემკვიდრე

როგორ მოკლეს გენერალი გრიგორი 1906 წელს

მე ბავშობიდანვე გავხდი ენთიაჯიანცის თამბაქოს ქარხნის მუშა. 1900 წელს დიდი გაფიცვის დროს ტფილისში დამაპატიმრეს და გადასახლეს ქალ. ბათუმში 5 წლის ვადით. დავბრუნდი იქიდან 1905 წელს და გამოვცხადდი სოციალ-დემოკრატიულ პარტიის მე 4-ე რაიონში (ავლაბარში) სადაც კომიტეტის წევრებათ ითვლებოდენ შემდეგი ამხანაგები: 1. მოსე ჯანველოვი, 2. ვაბრო აგამიროვი და 3. იოსებ ბარამიაშვილი. კომიტეტი მოთავსებული იყო როზოვის მოედანზე, ფაბრიკის მუშა სიმონა სილიანოვის საჩაიეში. ამ კომიტეტს ჰქონდა ორი ქვე-რაიონი: ხარფუხში და შავ-სოფელში, რომელთა ხელმძღვანელობითაც ხდებოდა ტერორი ტფილისის ყველა უბნებში. მე 4-ე რაიონს ყავდა დაახლოვებით 25 კაცამდე პარტიულ ამხანაგებიდან შედგენილი ტერორისტები. 1905 წელში, როდესაც რეაქციამ გაიმარჯვა, ვიქენი არჩეული ტერორისტების ხელმძღვანელად. ამის გამო მე როგორც წარმომადგენელი გამოვცხადდი სოციალ-დემოკრატიულ პარტიის ერთ-ერთ ხელმძღვანელ სილიბისტრო ჯიბლაძესთან და მოვახსენე ყოველივე ეს. ამის შემდეგ მოვახდინეთ სხვა და სხვა ტერორი მე 4-ე რაიონის დავალებით.

1906 წელს, ერთ საღამოს, კოჭლი ბაგრატას პირით მე დამიბარეს სილიბისტრო ჯიბლაძესთან; გამოცხადებისთანვე ჯიბლაძემ მე მაცნობა, რომ გავით „სხვიის“ რედაქციაში (დიდი მთავრის ქუჩაზე) ზეორე დღეს ღამით მე წამეყვანა მასთან 6 ტერორისტი. ამ დღისათვის მე დავიბარე წასაყვანათ ქვე-რაიონებიდან ორ-ორი კაცი; ხარფუხიდან მოვიდა რაიონში: არსენა ჯორჯიაშვილი და შაქროა პუშკინა, შავ-სოფლიდან მოვიდნენ: ბათუა და ხუნხუზა, ცენტრიდან კი ვიყავით მე და ლარიბოვი იაკოფა (შაბოა). საღამოთი გამოვცხადდით ყველა ჯიბლაძესთან; უკანასკნელმა გვითხრა: პეტერბურგიდან გამოგვიგზავნეს ერთი გენერალი, გვარით გრიგორი, რომელიც ანადგურებს რევოლიუციონურ ორგანიზაციებს, ზარბაზნებით ანგრევს გლეხ-კაცის სახლ-კარს და ამის გამო პარტიამ გადასწყვიტა მისი მოკვლა; მკვლელობის სისრულეში მოყვანა გვეალებათ თქვენ და ეს უნდა აღასრუ-



ლოთ, თუ გინდ სიკოცხლის ფასად დაგიჯდეთო. იქ იყო ამ დროს ამხ. მიხა ლომთათიძე და მიანდო მას გრიაზნოვის ჩვენება, — შორიდან გაცნობა ჩვენთვის, რადგან არც ერთი ჩვენთაგანი მას არ იცნობდა.

მეორე დღეს ლომთათიძეს თანხლებით ჩვენ 6-ნი ერთად უიარალოთ წავედით გრიაზნოვის გასაცნობათ. მიგვიყვანა მან ალექსანდროვის ბაღთან და გაგვაჩერა; ცოტა ხნის შემდეგ, იქვე მახლობელ შენობიდან გამოვიდა ერთი გენერალი; ლომთათიძემ მიგვითითა მაზე და გვითხრა, რომ ის იყო გრიაზნოვი; სახლი, საიდანაც გრიაზნოვი გამოვიდა იყო ინჟინერისა და ბარიატინის ქუჩის კუთხეში, ლომთათიძემ აქ გვიჩვენა თანაც ეტლი და მისი ცხენები. აგრეთვე გაგვაფრთხილა, რომ შეცდომაში არ შევიდეთ (რადგანაც სხვა გენერლებიც მოდიოდნენ მასთან) და ამის გამო გვიჩვენა ცხენების ნიშნები, რომლებიც იყვნენ შავები და წინა ფეხების ჩლიქებთან ჰქონდათ თეთრი. შემდეგ წაგვიყვანა სამხედრო შტაბის სასახლის ქუჩაზე, სადაც გრიაზნოვი ყოველ დღე მოდიოდა. ამის შემდეგ დაგბრუნდით სილიბისტროსთან და ვაცნობეთ, რომ ყველაფერი გვაქვს ნახული. მან აქ მოგვცა წინადადება ამოგვეჩრია ჩვენ შორის სამი კაცი როგორც კომისია და მას დაეთვალა იერებინა ადგილი თუ სად შეიძლებოდა და კისრებულ საქმის უმსხვერპლოდ გაკეთება. არჩეული ვიქენით: მე შაბუა და მიხა ლომთათიძე, დანარჩენი კი დროებით განთავისუფლდნენ. ჩვენ სამნი წავედით მაშინვე, დავათვალა იერეთ ადგილ-მდებარეობა და ვსცანით შესაფერ ადგილათ ალექსანდროვის ბაღის კარები, რომელიც გამოდის ბარიატინის ქუჩის მხრივ. თუმცა ამ კარების პირდაპირ იქითა მხარეზე იდგა ჯარი, მაგრამ ყველაზე უფრო მოხერხებული ადგილი მაინც ეს იყო. ყოველივე ეს ვაცნობეთ ჯიბლაძეს, რომელმაც მოიწონა ჩვენ მიერ არჩეული ადგილ-მდებარეობა და მოქმედების გეგმა. იმავე დღეს ჩვენ მოვეგროვდით სიმონას საჩაიეში და დავიწყეთ მსჯელობა თუ ვინ რა როლი უნდა აიღოს და გააკეთოს. არსენა ჯორჯიაშვილმა და პუშკინამ იკისრეს ბომბის გადაგდება, დანარჩენებმა კი ვიკისრეთ რევოლვერებით მათი დაცვა; აგრეთვე მივიღეთ მხედველობაში ის გარემოებაც, რომ ბომბების ტარება ხელით შეუძლებელი იყო, რადგან ყოველ დღე პატრული დადიოდა მახლობლათ და ამიტომ მე დამავალეს გადამეცვა ძველი ტანსაცმელი და მეტარებია კალათით სემიჩქა, რომელ კალათშიაც იქნებოდა ბომბები. მეორე დღით საჩაიეს პატრონმა სიმონამ ჩამაცვა ძველი პალტო, მომცა სემიჩქიანი კალათი და ერთი პატარა ქიქა; ამხ. მიხა ლომთათიძემ მოგვითანა 2 ცალი ბომბი ავჭალის ტიპისა; ჩავიწყვე იგი კალათაში და წავედი დანიშნულ ადგილზე. იმავე დღეს ჩვენ ერთი ამხანაგი „ხუნხუზა“ გაგვეპარა, რომელიც დღემდის არ ვიცით სად არის. ჩვენ ბევრი ვიარეთ, მაგრამ ვერ მოგვიხდა ჯერ კიდევ საქმის

გაკეთება და დავბრუნდით უკან ბინაზე. მეორე დღეს შაბუაც ავად გახდა, დავრჩით 4-ნი; ამის გამო ხელ-ახლად მოვილაპარაკეთ საჩაიეში, რომ განგვეგრძო დაწყებული საქმე. ვიარეთ, ვიტრიალეთ დანიშნულ ადგილას კიდევ სამი დღე, მაგრამ მაინც ვერაფერს გავხდით. ერთ დღეს როგორც იქნა გამოიარა გრიაზნოვმა, მაგრამ როცა ბომბის გადასროლა დავაპირეთ უცბად პუშკინას ფერი ეცვალა, კანკალი დააწყებია. ამის გამო ჩვენც შევჩერდით და საქმე ჩაიშალა. იმ წამსვე ოთხივემ ერთად შევიყარეთ თავი ერთსასადილოში და მოვილაპარაკეთ, რომ, რადგანაც პუშკინა ასე მხდალია, საქმეს გვიფუჭებს, უმჯობესია ჩამოგვშორდესო. ამაზე მან დაგვეთანხმა. მის მაგივრათ მეორე ბომბის გადაგდება იკისრა **ბათუამ**. ხელახლად დავიწყეთ დილაობით გამოსვლა და სიარული დანიშნულ ადგილზე.

ერთხელ, ორშაბათ დღეს, დილით მე მოვედი სიმონას საჩაიეში, არსენა მოსული არ იყო. მე ავიღე კალათი და გავექანე დანიშნულ საქმეზე: სიმონას კი დავავალე, რომ არსენა მალე გამოეგზავნა. 10—15 წითის შემდეგ არსენაც მოსულიყო საჩაიეში და სიმონას გამოეგზავნა ჩემთან. ცოტა ხნის შემდეგ ბათუაც მოვიდა, გვეჩვენა და წავიდა თავისი ბომბით... დავრჩით მე და არსენა. დაახლოვებით დილის 9 საათზე დავინახეთ, რომ გრიაზნოვის მცველი ყაზახები ჩადგნენ რიგში, ჩვენ გავიგეთ რომ გრიაზნოვი გამოდის ქუჩაში. მე ამოვიღე კალათიდან ბომბი თავისი ქალაღდის პარკით და გადავეცი არსენას, არსენას კაპსული უბეში ჰქონდა. სწორეთ მაშინ, როცა საინჟინერო მმართველობის მწერლები გარეთ იდგნენ, ბაასობდენ, გრიაზნოვის ეტლმაც ამ დროს ამოიარა და ისინი სალამის მისაცემათ ჩაეწყვენ. არსენა მიძიმედ, ფრთხილად მიუახლოვდა ეტლს, გადაუგდო ბომბი და ჩაწვა იქავე. ბომბი აფეთქდა. გრიაზნოვი თავის მეეტლით და ერთი ყაზახით განადგურდა. საინჟინერო მმართველობის მწერლებმა რომ დანახეს ეს, მორთეს ყვირილი: „დერჟი დერჟიო“ და შამოარტყეს ალყა არსენას სანამ ის მოასწრებდა ადგომას. მე ბალის კარებით შევარდი ბალში და გავიპარე.

განყოფილება

= III =

სპეციალური
სამკვლევო
აქტივობები

ზანო სტურუა

მე დავიბადე 1870 წელს ქუთაისის მაზრაში, სოფ. კულაში.

მამა ჩემი იყო ყოფილი საბატონო ყმა, დედა—გლეხის ქალი, მეგრელი ტომით. დედა რომ გარდამეცვალა 10 წლის ვიყავი. 1885 წელს, როდესაც 15 წელი შემისრულდა, შევედი კულაშის ორ-კლასიან სასწავლებელში, რომელიც დავამთავრე 1889 წელს იელისში. იმავე წლის ოქტომბრის პირველ რიცხვებში გავხდი ამიერ-კავკასიის რკინის გზის მთავარ სახელოსნოს სახარატო ამქრის შევირდათ. 1894 წელს დავასრულე შევირდობა და მივიღე ხარატის წოდება სალითონო ნაწილში. 1896 წელს სხენებულ სახელოსნოებში დაარსებულ იქნა პირველი სოც.-დემოკრატიული წრე, რომელშიაც სხვა ამხანაგებთან ერთად ჩავირიცხე მეც. ამ წრეში მაშინ ვითვლებოდით სულ 9 ამხანაგი (აქედან ბოლშევიკი—6)*.

1898 წელს ჩენი წრე იყო ხელმძღვანელი დეკემბერში მომხდარ რკინის გზის მუშათა გაფიცვის, რომელიც გაგრძელდა 2 დღეს და დასრულდა მუშათა გამარჯვებით. ამ გაფიცვით, სხვათა შორის, მოვიპოვეთ 6 სამგზავრო ბილეთი სამის მაგივრათ.

1899 და 1900 წლებში ამხანაგებთან ერთად მოვაწყვე არალეგალური მასიობა მთებში—რომელშიც პირველათ მონაწილეობდა 70 ამხანაგი, ხოლო მეორეთ—600.

1900 წლის პირველ აგვისტოს ჩვენგან მოწყობილ იქნა რკინის გზის მუშათა საერთო გაფიცვა პოლიტიკური მოთხოვნისგან, რომელიც გაგრძელდა მტკიცეთ 16 დღის განმავლობაში. საგაფიცვო კომიტეტში მეც შევდიოდი. გაფიცვის მსვლელობაში დაპატიმრებულ იქნა 700 კაცი. მე-17 დღეზე საგაფიცვო კომიტეტმა გაფიცვა გამოაცხადა დამთავრებულად. რასაკვირველია, ამ გაფიცვით ჩვენ წავაგეთ, რადგან დავკარგეთ მრავალი ამხანაგი და ვერ განვახორციელეთ ჩენი მოთხოვნების ვერც ერთი მუხლი. მაგრამ მაინც მოვიგეთ ბევრი რამ, სახელდობრ ის, რომ ეს 5 ათასი მუშათა მასსა, რომელიც დატყვევებულ იყო 16 დღე—თავისი თვალთ ხედავდა მტრების გულქვაობას.—ამით განაგრდა ჩენი ორგანიზაცია და მოემზადა ხელახალი შეტევისათვის,—რაიც განვახორციელეთ 1904 წელს, ამ დროს მოხდა საერთო სამხრეთის გაფიცვა.

*) მაშინ მენშევიკი და ბოლშევიკი არ არსებობდა.



1900 წლის გაფიცვის დასრულებისას ნოემბერში მე მოვახერხე ქ. ბაქოში გამგზავრება და დავიწყე მუშაობა ბალახანაში, ვიშაკაშვას ქარხანაში.

1901 წელს, 14 თებერვალს გამჩხრიკა ტფილისის ეანდარმთა როტმისტრმა ლავროვმა და დამაპატიმრა. 17 თებერვალს უკვე ვიჯექი მეტეხის ციხეში—ტფილისში. გავატარე 8 თვე. ხოლო იმავე 1901 წლის დეკემბერში კვლავ გავემგზავრე ბაქოში, სადაც ვცხოვრობდი ადმინისტრაციის ყურადღების ქვეშ.

ბაქოში—შავ ქალაქში—დავიწყე მუშაობა მანთაშევის მექანიკურ სახელოსნოში.

1902 წ. 22 აპრილს აქ მოვაწყვეთ საპირველმაისო დემონსტრაცია. კვირა დღეს, დღის 12 საათზე ქალაქის ცენტრალურ ადგილას ბაქოში პარაპეტზე გავშალე წითელი დროშა და წარმოვსთქვე მოკლე სიტყვა: „საერთაშორისო დემოკრატიის დღესასწაულის შესახებ“.

ადმინისტრაციის პირველ თავდასხმას ჩვენ გაუმკლავდით და კოლიუბაკინის ქუჩიდან გადავედით ოლღას ქუჩაზე. აქ მოგვისწრო ცხენოსან ყაზახებმა და მოხდა შეტაკება. მე დავხარე წითელი დროშა და მშვიდობიანათ მივალწიე შემახინკამდე, სადაც სცხოვრობდა კატო იტრიაშვილი. დროშა დაუტოვე მას და წავედი ბალახანის ქუჩისკენ. აქ სცხოვრობდა ამხანაგი აბელ ენუქიძე, ვინახულე იგი და ვაცნობე, რომ დროშა გადარჩენილია და რომ მოწინავე ამხანაგებმა თავს უშველეს. შემდეგ კი წავედი შავ ქალაქში სხვის ბინაზე ღამის გასათევათ.

იმავე ღამესვე იქნენ დაპატიმრებული ამხ. აბელი და დ. ბაქრაძე.

1903 წ. თებერვალში მე გადმომცეს პეტერბურგის საადმინისტრაციო დეპარტამენტის დადგენილება ჩემი არხანგელსკის გუბერნიაში სამი წლით გადასახლების შესახებ.

ამ დღიდანვე მე დავიწყე არა-ლეგალური ცხოვრება და მუშაობა სტამბაში, რომელიც მოთავსებული იყო ზემო-თაზაპირის ქუჩაზე დადაშის სახლში. ეს სტამბა მოწყობილი იყო ამხ. ამხ. ლადო კეცხოველის და სიმონ ენუქიძის მიერ. ამხ. ლადო ამ დროს დაპატიმრებული იყო და სტამბას განაგებდა ამხ. ს. ენუქიძე ამხ. ლ. ბ. კრასინის ხელმძღვანელობით.

1904 წელს ხსენებული სტამბა გადაეცა ტფილისის კომიტეტს, ხოლო ჩვენ მოვაწყვეთ სხვა დიდი სტამბა პირველ პარალელურ ქუჩაზე. ეს სტამბა ეკუთვნოდა რ. ს. დ. პ. (ბოლშევიკების) ცენტრ. კომიტეტს. ამ სტამბაში მე ვმუშაობდი—17 ოქტომბრის 1905 წლის ამინისტიამდე.

17 ოქტომბრის ამინსტიის შემდეგ პეტერბურგის ცენტ. კომიტეტის ბრძანებით ჩვენი სტამბა, რომელსაც ერქვა: „ნინა“ გადატა-



ნილ იქნა პეტერბურგში, რომელსაც გაცყევით ჩვენ ექვსი ამხანაგნი: აბელ ენუქიძე, ვანო ბოლქვაძე, სილიბისტრო თოდრია, სიმონ ენუქიძე, ლადო დუმბაძე და მე.

პეტერბურგში დიდხანს შეუძლებელი შეიქნა ლეგალური მუშაობა, 1907 წელს ჩვენ გადავსახლდით ფინლიანდიაში, ქ. ვიბორგში და იქ დავიწყეთ გაზეთის ბეჭდვა—სახელწოდებით: „პეტერბურგის მუშა“. ვბეჭდავდით აგრეთვე ფურცლებს. ამხ. **ლენინი** ამ დროს სცხოვრობდა კუოკოლში—ფინლიანდიაში.

მე ამ დროს ვასრულებდი ეგრედ წოდებულ არა-ლეგალურ შიკრიკის მოვალეობას და ვზიდავდი ამხ. ლენინთან კორექტურის ფურცლებს და მომქონდა საბეჭდი მასალები სტამბაში.

1907 წელს, მაისში ფინლიანდიიდან ჩამოვედი ქ. ქუთაისში ამხ. ბარონ ბიბინეიშვილთან ბაშფორთების წასაღებათ არა-ლეგალურად მომუშავე ამხანაგებისათვის.

აქ დამაპატიმრეს და გადამგზავნეს ვიატკის გუბერნიაში.

1907 წ. გამოვიქეცი ვიატკის გუბერნიიდან და მოვედი ბაქოში. ბაქოს ბოლშევიკურმა კომიტეტმა, რომელსაც ხელმძღვანელობდნ ამხ. ამხ. შაუმიანი, სტალინი, ჯაფარიძე და სპანდარიანი—დამავალა მომეწყო არა-ლეგალური სტამბა. ვიშოვე ძველებური საბეჭდი დაზგა დიდი ფორმატის; (გუტტენბერგის) და მოვაწყვე სტამბა ბანდარნი ქუჩაზე ფარული შესასვლელით, რომელიც მუშაობდა 1909 წლამდე, ხოლო მე კი—რადგან სასტიკი დევნის გამო იძულებული ვიყავი გავშორებოდი ბაქოს—გადავეცი ხსენებული სტამბა, ბაქოს კომიტეტის დადგენილებით, **ამხ. ზაქარია ჩოდრიშვილს**.

1910 წელს ამხანაგი ზაქარია იქნა დაპატიმრებული, ის გასცა ჯაშუშმა ნიკოლოზ ერიკოვმა (ბაქოში ის სცხოვრობდა სხვისი ბაშფორთით—დავით ბაქრაძის სახელობაზე). სტამბის დაშლა და სხვა ადგილას გადატანა მოასწორეს ამხანაგებმა, მაგრამ ამის შემდეგ მისი ამუშავება შეუძლებელი გახდა.

თებერვლის რევოლიუციამ მე მომისწრო სამტრედიის რაიონში. რუსეთის დამფუძნებელ კრების დებუტატების არჩევნების დროს ვხელმძღვანელობდი სამტრედიის რაიონის ბოლშევიკურ ორგანიზაციას. მქონდა კავშირი ქუთაისთან და ტფილისთან.

1919 წელს გაგზავნილ ვიქენი ბაქოს საოლქო კონფერენციაზე. იმავე წლის ივნისში ბაქოდან დაბრუნებისას დამაპატიმრეს მენშევიკებმა და გავატარე ქუთაისის ციხეები 11 თვე ამხ. ამხ. **მიხა ცხაკაიასთან და მამია ორეხელაშვილთან ერთად**.

1920 წელს მაისის 13-ს ჩვენ გავვანთავისუფლა მენშევიკების მთავრობამ, რადგან იმავე წლის 7 მაისს შეიკრა ზავი საბჭოთა რუსეთსა და საქართველოს შორის. განთავისუფლებისთანავე მენშე-

ვიკებმა კიდევ განაახლეს ჩვენი დევნა და მე იძულებული ვავხდი დამეწყო არა-ლეგალური მუშაობა.

1921 წ. 18 თებერვალს, საქართველოში საბჭოთა წყობილების დამყარებამდე, ისევ დამაპატიმრეს ნაძალადევში და გამაგზავნეს „საგანგებო განყოფილებაში“, სადაც ვიჯექი 1921 წლის 7 მარტამდე.

7 მარტს ქუთაისის დაცლის გამო ჩვენ გადაგვიყვანეს ბათომში—ამ დროს კიდევაც გვცემეს. ბათომში ვიჯექით 17 მარტამდე.

17 მარტს, საღამოს 10 საათზე ჩვენ გამოვედით ბათომში ციხიდან და გამოვაცხადეთ საბჭოთა ხელისუფლება ჯერ კიდევ წითელ არმიის შემოსვლამდე.

მე დავეინიშნე სამხედრო—რევოლ. კომიტეტის თავჯდომარეთ და პოლიტიკურ კომისრათ ბათომის სადგურის ნაწილის.

17-დან 21 მარტამდე, წითელი ჯარის შემოსვლამდე, ჩვენ მოგვიხდა ბრძოლა ქემალისტებთან, რომლის დროს ჩვენ დავკარგეთ 300 კაცზე მეტი.

ჩემ მიერ განვლილ რევოლუციონურ მუშაობაში მოვახდინე სამჯერ ტერორისტული აქტი: ტფილისში 1899 წ., ბაქოში 1908 წ. და ფინლიანდიაში 1907 წელს.

გადასახლება მქონდა მისჯილი ორჯერ—არხანგელსკის გუბერნიაში გადასახლება ავიცილე დამალვით, ხოლო ვიატკიდან გავიქეცი ციხეებში გამიტარებია სამ-ნახევარი წელი.

სულ დაპატიმრებული ვიყავი 8-ჯერ.

გიორგი რთველაძე

მე დავიბადე 1872 წელს. ბავშობიდანვე ჩავები შრომაში, და 1886 წლიდან დაწყებული საქართველოს გასაბჭოებამდე ვმუშაობდი რკინის გზის მთავარ სახელოსნოში.

1895 წელს მე გავეცანი ამხ. ალილუევს. ერთ საღამოს, როდესაც მე მეძინა, ვილაკას ჩემს თავქვეშ ამოედო პატარა ბროშურა. წავიკითხე ცოტა და გამიკვირდა, რომ ხელმწიფეზე რალაცეებს სწერდენ. ამ დროს მოვიდა ჩემთან ალილუევი და უამბე წიგნის შინაარსი. მან მითხრა, რომ მარტო წაკითხვა კი არ არის საჭირო, არამედ რაც შიგ სწერია ის უნდა აასრულოვო. ამის შემდეგ,—1895 წ. იყო თუ 1896 წ. კარგათ არ მახსოვს,—დამიბარა ამხ. ალილუევმა მივსულიყავი მასთან. მეც წავედი და მოვისმინე მოხსენება. იქ დამიხვდა ვასო ცაბაძე და სხვები. შემდეგ ამისა ერთი თვე მუდამ დავდიოდი იქ და ვისმენდი სხვა და სხვა მოხსენებებს. ერთმედ წავგიყვანეს დიდუბეში ვილაკას სახლში და დავგაწყებინეს ქართულად მეცადინეობა. ლექტორათ მოდიოდა ხან ცაბაძე და ხან ამხ. ს. წულუკიძე. ამ ჩვენს წრეში იყვნენ 30 კაცამდე; სამ თვეში გავიარეთ შრომა და კაპიტალი და რამდენიმე სხვა და სხვა ბროშურები. ამის შემდეგ თითოეულ ჩვენგანს დავგავალეს 10 ამხანაგის მომზადება. მე ჩამაბარეს სამჭედლოში მომუშავე რაჭველებში მეცადინეობა. ამავე დროს მეც მამზადებდა ამხ. (პტყელა) არჩილ არჩვაძე. 1898 წ. ჩვენ მოვახდინეთ გაფიცვა, რომელიც დამთავრდა ჩვენს სასარგებლოთ. ამხ. სტეფანე გორიშვილი იყო გაგზავნილი ჩემის ინიციატორობით ხაშურში გაფიცვის მოსაწყობათ, რომელმაც დიდი გავლენა იქონია მთავრობაზე. ამის შემდეგ იწყება აღმინისტრაციასთან ბრძოლა. 1900 წ. კიდევ მოვაწყეთ გაფიცვა ამხ. ვანო სტურუას და ილიკო კოპალეიშვილის ხელმძღვანელობით, ეს გაფიცვაც ჩვენ მოვიგეთ. მასზე წინათ, 1899 წელში კიდევ აყო გაფიცვა კონკაზე. ამის ინიციატორები ვიყავით მე, ვანო სტურუა, მამალაძე და სხ. დილით ადრე ყველანი უნდა წავსულიყავით დანიშნულ ალანას, ჯერ შივედით ერთი კარგი ჩემი ნაცნობისას, შაქროსას (გვარი არ მახსოვს). ის ამ დროს ცხენებს აბამდა, ჩვენ უთხარით რომ არ შეება, ამანაც დავგიჯერა, მას სხვებმაც მიბაძეს, მაგრამ იქ იყვნენ



ზოგიერთი რუსები, რომლებმაც წინააღმდეგობა გაგვიწიეს. აქ მოხდა ცოტა ჩხუბი მუშებს შორის. სწორედ ამ დროს იყო ახალი წლის დღესასწაული. მოიყვანეს სუფთათ ჩაცმული, პარადისთვის მომზადებული საღდათები, რომლებმაც დაიწყეს ყვირილი: „Что-же нужно проклятым, нужно всех истребить. К черту этих грузин“ ეს აფიცრებმა განიმეორეს და დაგვცხეს ყველას. ბევრს თავი გაუტეხეს. ამის შემდეგ წრეების მუშაობა მეტად ცოცხლათ მიდიოდა. 1900 წ. უკვე შეუდექით მაისობის მოწყობას. ერთ დილით მოვიდა ჩვენთან ამხ. არჩვადე და გვითხრა: რაც შეიძლება ფრთხილათ შეიკრიბნით და ხვალ დილით ადრე წამოიყვანეთ თქვენი წრის ამხანაგები დანიშნულ ალაგსაო. ჩვენც ასე მოვიქცეთ. თვითეულმა ჩვენთაგანმა მოვამზადეთ თითო ბოთლი ღვინო, ცოტ-ცოტა „ზაკუსკა“ საგზლათ და დილის 4 საათიდან გავემგზავრეთ დანიშნულ ალაგას. გზაში შემოგვხდნენ მონადირეები (ხულიგანები), რომლებიც დაგვაკვირდნენ და შეგვეკითხნენ: „საით მიდიხართო“. ჩვენც უპასუხეთ, რომ დღეობაზე მივდივართ. ამ დროს გზაში შემოგვხვდა ზაქარია ჩოდრიშვილი და ჰერიქოვი *) და მიგვიყვანეს დანიშნულ ალაგას. დაახლოვებით ვიქნებოდით 200-მდე. ჩვენთან იყვნენ საუკეთესო ამხანაგები: ალილუევი, კალინინი, ივანოვი, კურიცინა, ზელენცევი და სხვები. დროშა გავაკეთებინეთ კოლა მაჭარაძეს. ის სცხოვრობდა, იქ, სადაც მე, ვანო სტურუა და მამალაძე ვცხოვრობდით. ჩვენც მოვიყარეთ თავი მლაშე ტბასთან. მტინგს ხელმძღვანელობდა ზაქარია ჩოდრიშვილი და გოგუა კალისტრატე, დროშა ეჭირა ხელში ლადიმერა ჯიბლაძეს. პირველი სიტყვა წარმოსთქვა ამხ. კალინინმა, ილაპარაკა ერთმა სომეხმა ამხანაგმა (გვარი არ მახსოვს), აგრეთვე ილაპარაკა ამხ. მიხა ბოჭორიშვილმა. ამ დროს ცხენით მოვიდა მინდვრის მცველი ვილაცოსი. ამხ. ზაქარაძემ მას ჩამოართვა ცხენი და არაქელამ დაუწყოს ოსურათ ლაპარაკი. ამ დროს გამოჩნდა თეთრი ცხენით ჟანდარმი. ეხლა ჩვენ ამხანაგებში შეიქნა დიდი მითქმა-მოთქმა, დავაპირეთ დროშის დამალვა, მაგრამ ვერ მოვახერხეთ. ცხენოსანმა ახლოს ვერ მობედა მოსვლა და უკან გაბრუნდა. ჩვენ მაინც განვაგრძეთ მიტინგი. დასრულების შემდეგ ისეთი გათამამდა რამოდენიმე ამხანაგი, რომ პირდაპირ ქალაქში დააპირეს დროშით ჩამოსვლა, მაგრამ რამოდენიმე წინააღმდეგი გაუხდა. ამ შეხლა-შემოხლის დროს ჩამოხსნა ამხ. ზაქარაძემ დროშა და ჩააბარა მაჭარაძეს. ამის შემდეგ ერთი მეორეში დავაც მოისპო. როდესაც ჩამოვედით სადგურზე იქ დაგვიხვდა ჟანდარმები და „გარადავოები“, რომლებმაც დაიჭირეს რამოდენიმე ამხანაგი. მათთან ერთად მეც დამაკავეს, მაგრამ ჩემ მიერ კატეგორიული უარის

*) ჰერიქოვი გამოდგა პროვოკატორი, რომელიც დაზვრიტეს 1920 წ. ბაქოში



ქართული
ნაციონალური
ბიბლიოთეკა

განცხადების შემდეგ ჩქარა ვიყავი განთავისუფლებული. ამის შემდეგ მუშაობა მეტის მეტად ღვივდებოდა.

1901 წელს კიდევ შეუდექით პირველ მაისობის მზადებას მე და რამოდენიმე ამხანაგებს გვექონდა დავალება, რომ განუწყვეტლივ გვემუშავნა პოლიტიკურ ნიადაგზე, როგორცაა პროკლამაციების გავრცელება და სხ. სანამ სამაისო გამოსვლას მოვაწყობდით ჩვენ მოგვიხდა კრების მოწვევა ვერაზე „თეთრი ღუქის“ ბაღში, სადაც დაესწრო ჯერ კიდევ ახალგაზრდა მოწაფე ამხ. ალიოშა ჯაფარიძე. კრებას ხელმძღვანელობდა სილიბისტრო ჯიბლაძე, სადაც გადაწყვეტიტეთ პირველ მაისისათვის უფრო კარგი მომზადება. გადაწყვეტილი იყო დილით, 9 საათზე შევეკრებილიყავით ალექსანდრეს ბაღის წინ (აბოვიანცის სახლთან) და, როდესაც მივედით დანიშნულ ალაგას, იქ დაგვხვდა საპიორნი სალდათები და გარადავოები. ეტყობოდათ სახეზე, რომ რაღაცას მოლოდინში იყვნენ. თვითეულ ჩვენთაგანს გვექონდა თითქოს გასაყიდი ბაზარზე საქონელი, მაგალ. ჯოხები, შამფური, ქლიბები და სხვ. თავის დასაცავად. ამ დროს კონკით მიდიოდა ჟანდარმის როტმისტრი ვილაც ციხი, რომელსაც გვერდით უსხდა რამოდენიმე პროვკატორი მუშა. როდესაც ჩვენმა ამხანაგებმა გვედრს ჩამოუარეს თავისი სიგნალით (მაღალი ჩოთქით), მაშინ პროვკატორმა მუშებმა მიუთითეს ჟანდარმს და თანაც უკან გამოყვენ ჩვენს ამხანაგებს. როდესაც მოვიდენ დანიშნულ ალაგას ჩვენი ამხანაგები და დროშა ასწიეს, მაშინ წაგვესიეს პოლიციელები, დროშაც გამოგვეკლიჯეს ხელიდან და შეიქნა ხელჩართული ჩხუბი. ბევრ ჩვენ ამხანაგს დაუწყეს ცემა-ტყეპა, რამოდენიმე კიდევაც დაიჭირეს. ამ დროს ერთმა ვილაც ცხენოსანმა ჩაფარმა ლეკმა მივარდა ამხ. მამალაძესთან და დაუწყო მათრახით ცემა. ეს ვერ მოითმინა მან, იძრო რევოლვერი და ესროლა, რითაც დაჭრა სასიკვდილოთ.

აი ამგვარად ჩაიარა 1901 წელს პირველ მაისობამ. მეორე დღეს მთავარ სახელოსნოში უკვე დაიწყეს ჩხრეკა. მუშები ყველანი გაკვირვებას იყვნენ ამ მოვლენის გამო. აქაც ჯამუშებმა გამოყვეს თავი, მაგრამ ჩვენ მაინც არ შეუშინდით, პირიქით, უფრო მეტ გაორკეცებულათ ვმუშაობდით. კვირაში ორჯერ ჩემს ბინაზე ეწყობოდა კრება, შემდეგ ვიწყეთ ავჭალაში სიარული, იქ კონფერენციაც მოვაწყვეთ, გვექონდა სჯა-ბაასი თუ როგორც უნდა გამოვსულიყავით, იყო ცოტათი აზრთა გაცვლა-გამოცვლა ჯიბლაძესა და არავიადეს შორის, თუ ვინ უნდა დარჩეს მბრძანებელი—მუშა თუ ინტელიგენტიორ. ამ კონფერენციაზე გადაწყდა გაფიცვა 1902 წლისათვის. მე მქონდა დავალებული პროკლამაციების გავრცელება. როდესაც მოახლოვდა პირველი მაისი, მაშინ დღე და ღამე გვიხდებოდა გაცხოველებული მუშაობა. ამ დროს კიდევაც დამიჭირეს და წამიყვანეს მე-7 უბნის პოლიცია-



ში. იქ ვიჯექი 15 დღე და ღამე. შემდეგ გადამიყვანეს ციხეში. ორი თვის შემდეგ გამომიცხადეს, რომ დამეტოვებია ტფილისი და წავსულიყავი სხვა ალაგას და კიდევაც წავედი ბათუმში. იქაც რამოდენიმე ხნის შემდეგ დამიჭირეს და ვიჯექი ორი კვირა. შემდეგ, როდესაც გამანთავისუფლეს, იძულებული ვავხდი წავსულიყავი ბაქოში. როდესაც ბაქოში ჩავედი, იქ პირველად ვინახულე სტეფანე გორიშვილი, დიმიტრი ვარსიამაშვილი და ვანო სტურუა, რომლებმაც მიშოვეს სამუშაო ლევენსონის ქარხანაში. იქაც მომიხდა ორგანიზაციის მოწყობა, მაგრამ ერთი თვის შემდეგ გამიგეს ჟანდარმებმა, დამიჭირეს და გამეზავნეს ციხეში. ერთი თვის შემდეგ გამანთავისუფლეს „პოდნადზორში“ და ისევ მიმიღეს იმავე ქარხანაში, სადაც ვიმუშავე ერთი წელიწადი. 1903 წელში იქ მოვაწყვე გაფიცვა, რომელიც დამთავრდა ჩვენს სასარგებლოთ. გამიგეს რა ეს, დამითხოვეს ქარხნიდან და დაერჩი უალაგოთ.

რამოდენიმე ხნის შემდეგ ვიშოვე სამუშაო შიბაევის ქარხანაში. იქ მუშაობის დროს გავეცანი რამოდენიმე ჩვენს ამხანაგს. ჩემი სურვილი იყო რაც შეიძლება უფრო მეტს გავცნობილიყავი და კიდევაც ასე მოხდა. ამ დროს აქ გავეცანი ერთ ტენიკს (გვარი არ მახსოვს), რომელმაც წამიყვანა ამხ. კრასინთან და გამაცნო ის. კრასინი იყო მაშინ თეთრ ქალაქში ელექტრონის სადგურის მოურავათ. იმ დამქ ამხ. კრასინმა აგვიხსნა ლონდონში კონფერენციაზე მომხდარ რასკოლის შესახებ, თუ როგორ და რისთვის გამოეყო ბოლშევიკები მენშევიკებს. ამ მდგომარეობამ მე გამაკვირვა და ვფიქრობდი თუ როგორ შეიძლებოდა სოციალისტების დაყოფა. ამ დროს აქ ჩამოვიდნოე რამიშვილი „ჩორნი გოროდში“, ფითოევის ქარხანაში, სადაც გააკეთა ვრცელი მოხსენება. კამათში მონაწილეობა მიიღეს: ამხ. ს. ჯულაშვილმა, ალიოზა ჯაფარიძემ, ალილუევმა და სხვებმა. კრების დამცველათ ვიყავით მე და კ. ბეკზადიანი. მაშინ იქ გადაწყდა ნამდვილად გამოყოფა მენშევიკებისაგან. ამ ქარხანაში ხშირად გვიხდებოდა თავის მოყრა. როდესაც პირველი მაისის გამოსვლები მოვაწყვეთ 1905 წელში, მენშევიკებმა და ესერებმა არ მიიღეს ჩვენთან მონაწილეობა, პირიქით, ხელსაც გვიშლიდენ. გაფიცვის შემდეგ დამითხოვეს სამსახურიდან და კიდევაც დამიჭირეს, მაგრამ ჩქარა გამანთავისუფლეს. შემდეგ ისევ დავიწყე მუშაობა ჩვენი ამხანაგებრს დახმარებით ლევისოვის ქარხანაში, სადაც ერთი წელიწადზე მეტი გვქონდა კარგად მოწყობილი ორგანიზაციული მუშაობაც. ჩვენს წრეებს ხელმძღვანელობდა ამხ. აბელა ენუქიძე და ტიმოფე ისპანდარიანი *).

ამ დროს ჩამოვიდა საზღვარ გარედან მენშევიკი სიმონ ლამბა-

*) ამხ. ისპანდარიანი მოკვდა ციმბირში ნიკოლოზის რევიმის დროს.



შიძე, რომელმაც მთხოვა გამეცნო ის ბოლშევიკ ამხანაგებისათვის და კიდევაც წავიყვანე და გავაცანი ამხ. ისპანდარიანს და ალიოშას. მაშინ ის გახდა ბოლშევიკი. შემდეგ მომიყვანა ამხ. შაუმიანმა და მითხრა, რომ თქვენს რაიონის წარმომადგენლად ეს იქნებაო. მან იმუშავა ჩვენთან ექვსი თვე და შემდეგ ისევ მენშევიკი გახდა. ამ დროს მე ვიყავი ბაქოს კომიტეტის წევრი, ეს იყო 1905 წ. აგრეთვე შევდიოდი მუშათა საბჭოს წევრათაც. ჩვენ მოგვიხდა ძმათა ჩენდრიკოვებთან იდეური ბრძოლა საბჭოების შესახებ. მაშინ ჩვენ, ბოლშევიკები, იძულებული გავხდით, რომ გამოვსულიყავით საბჭოდან. კიდევაც გამოვედით და თან გამოგვყვა ააუკეთესო მუშებიც. სხვა პარტიულ მუშაობას გარდა მე ვიყავი დანიშნული ტრანსპორტის მიმღებათ, ვიღებდი სხვა და სხვა საქონლის სახით ყოველი მხრიდან პროკლამაციებს და სხვა და სხვა ბროშურებს, რომელიც მიმქონდა სიმონ ენუქიძესთან. ამ დანიშნულებაზე ვიყავი ორ წელიწადზე მეტი. აგრეთვე მქონდა კონსპირატიული ოთახი, სადაც ვინახავდი მოსულ ამხანაგებს. ორგანიზაცია მძლევდა ხუთ მანეთს თვეში ოთახის ქირას.

ამავე დროს დამავალეს ამხ. ვ. სტურუამ და პეტრე მონტინმა გამეკეთებია ტიპოგრაფიის ნაწილები, რომელიც ერთი თვის განმავლობაში დავამზადე და გადავეცი. ამხ. სტურუას და მონტინს, რომელიც თვითონ დადგეს და დაიწყეს ფართოთ მუშაობა.

აქ ამ დროს ჩამოვიდა ცეკას წევრი მანდელშტეინი და გააკეთა მოხსენება ელექტრონის სადგურში ბი-ბეი-ბათში. აქ ესერების დაბეზღებით. დაგვიჭირეს 90—მდე და გადაგვასახლეს ყარსში, ჩვენთან იყო 30 ქალიც. ამავე დროს მოგვისწრო 17 ოქტომბრის მანიფესტმა 1905 წ. და განვთავისუფლდით ყარსიდან. მე და ამხ. კირიჩკინს დავავალა ორგანიზაციამ წავსულიყავით სარაყამიშში და გაგვეწია აგიტაცია სამხედრო ნაწილში. იქ დავყავით ერთი კვირა და ისევ დაებრუნდით უკან ყარსში. ამავე დროს გაიხსნა გზები, ჩამოვედით ტფილისში, მაგრამ მენშევიკებთან ვერ შევეწყვე და დაებრუნდი ბაქოში, მხოლოდ დარჩა ტფილისში ამხ. ვაცერი, რომელიც იქმნა შემდეგ დახვრეტილი ნიკოლოზის მთავრობის ჯალათების მიერ. ბაქოში მისვლისთანავე მოგვიხდა ჩვენ გაცხოველებული მუშაობა. ჩვენ, მუშები მოვითხოვდით ამხ. ალიოშა ჯაფარიძის ინიციატივით კავშირების დაარსებას, და თუმცა მთავრობა ნებას არ გვაძლევდა, მაგრამ როგორც იქნა მაინც დავაარსეთ კავშირები, სადაც მუდმივად მიხდებოდა მუშაობა. არ მანსოვს კარგად, მგონი 1907 წელი იყო, ბაქოში მოიტანეს ერთი ვაგონი თოფები ქუთაისში გამოსაგზავნათ. შეგვატყობინა რა ვალოდია. გოგუამ ჩვენ: ამხ. კაჩატკოვმა, გიორგობიანმა, მიშა კუჩუევმა და სხვებმა იმ წამსვე წავედით და წამოვიღეთ 250 თოფი თავისი პატრონებით. რამოდე-

ნიმე მე და კახატკოვმა შევინახეთ და დანარჩენი გაუნაწილეთ სხვა ამხანაგებს. ერთხელ მოვიდა „ზაკასპიისკი კრაიდან“ ქართული პოლკი და მე, როგორც კომიტეტის წევრს, დაძაველეს, რომ ის პოლკი მიდის ქუთაისში და რამენაირად კავშირი დაიჭირე რამოდენიმე სალდათთანო. მეც წავედი და გავიცანი რამდენიმე სალდათი. ისინი იდგნენ მაშინ ნიკოლოზის ქუჩაზე. წავიყვანე სამი სალდათი ჩემთან ბინაზე და აუხსენი ყველაფერი და თან ბროშურებიც გადავეცი დანარჩენებში გასავრცელებლად. მეორე დღეს ერთი მათგანი მოვიდა ჩემთან და მთხოვა რომ წავყოლოდი ყაზარმაში, რომ ამეხსნა რამოდენიმე სალდათებისათვის პოლიტიკური მნიშვნელობა. მეც ხათრვერ გაუტეხე და წავყევი. გზაში შემომხვდა ქანდარმერიის კაპიტანი, მაგრამ მე მას გვერდი აუხვიე და წავედი ყაზარმაში. იქ მართლაც კრება შემდგარიყო, როცა მე მივედი და დავიწყეთ ლიპარაკი. გარე მელოდებოდენ ამხ. კუჩუვეი და ვარსიმაშვილი. ის სალდათი რომელმაც ჩვენ წამოგვიყვანა აღმოჩნდა პროვკატორი. კრებაზე ხელათ შემომარტყეს ალყა და დამიჭირეს. როდესაც წამომიყვანეს ვნახე, რომ ამხ. ვარსიმაშვილი და კუჩუვეიც დაეჭირათ. ჩვენ სამნივე ერთად ჩავგვვეს ციხეში, სადაც ვისხედით ექვსი თვე. შემდეგ გაგვანთავისუფლეს მანიფესტით. ჩვენ ისევ დავრჩით ბაქოში და განვაგრძეთ მუშაობა. იქიდან დაწყებული 1917 წლამდე დავრჩი ბაქოში და ვმუშაობდი შექლებისდაგვარათ, ვღებულობდი ყველა გაფიცვებში და პოლიტ. მუშაობაში მონაწილეობას, მივიღე მონაწილეობა არა-ლეგალური ტიპოგრაფიის გადმოტანაში სხვა ამხანაგებთან ერთად (ამის შესახებ ბევრ ამხანაგს აქვს დაწერილი). აგრეთვე ვასრულებდი ყველა დავალებებს ორგანიზაციიდან, როგორცაა ბომბების ჩამოსხმა, იარაღების შენახვა, მათი გადატან-გადმოტანა და სხვ. 1917 წ. თებერვლის რევოლიუციის შემდეგ მივიღე ტფილისელ ამხანაგებისაგან წერილი, სადაც მთხოვდნენ ჩამოსვლას. თუმცა ამხ. ალიოშა და შაუმიანი არ მიშვებდნენ, ვინაიდან ვიყავი „ჩორნი გოროდის“ წარმომადგენელი, მაგრამ დიდი თხოვნის შემდეგ დამრთეს ნება და ჩამოველი ტფილისში. აქ დავიწყე მუშაობა მთავარ სახელოსნოში და ვითვლებოდი პირველ რაიონის ორგანიზაციის წევრათ. 1918 წელს ვიყავ 1 რაიონის ბიუროს წევრი, 1919 წ. ვიყავი ტფილისის კომიტეტის წევრი. იმავე წელში ვიყავი დაჭერილი მენშევიკების მიერ 1920 წლამდე—პარტიის ლეგალიზაციამდე. ამ წელშიდაც დამიჭირეს და გადამგზავნეს ქუთაისში, იქიდან კი ბათუმის ციხეში საქართველოს გასაბჭოებამდე.

განყოფილება

= IV =

ჩვეთლიუციის მსხვირალთა
სსტვნას

რ. კალაქე

მინა კალაქე

მინა კალაქე დაიბადა 1884 წ. სოფელ ეწერში (ქუთაისის მაზრა, სამტრედიის რაიონი) სოფლის დიაკვნის ოჯახში. წერა-კითხვა ისწავლა თავით ზამის სკოლაში, რომელიც გამართული ჰქონდა მამა მისს თომა (ბათლომე) კალაქეს თავისივე სახლში. აქ, ამ სკოლაში ხშირად უხდებოდა მისი სწავლება მის ძმებს, რაქდენ და ნესტორ კალაქეებს, რომლებიც ზაფხულობით ტფილისიდან სოფელში ჩამოდიოდნენ და სოფელს ბავშვების სწავლებაში მამას ეხმარებოდნენ. მინა ბავშობისას ჩუმი და გულჩათხრობილი იყო. დედის ალერსი მას არ ახსოვდა, რადგან დედა მისი დაბადების ერთი წლის შემდეგ გარდაიცვალა და ის გლეხის ოჯახში ძიძასთან იზრდებოდა. რვა თუ ცხრა წელი რომ შეუსრულდა ქუთაისის სასულიერო სასწავლებელში მისცეს, სადაც მამის უყურადღებობის გამო კარგად ვერ სწავლობდა და ხშირად შიმშილს განიცდიდა. მამა თავისი უფროსი შვილების ვასოციალისტების გამო განრისხებული ჯავრს უმცროს შვილზე იყრიდა და მას სრულიად უყურადღებოთ ტოვებდა. ამის გამო მინამ სწავლაზე ადრე გული აიკრუა და სკოლიდან გამოვიდა. ის თოთხმეტ-თხუთმეტი წლის იქნებოდა, თავის საკუთარი შრომით ცხოვრების სახსარის მოპოებას რომ შეუდგა.

უფროსმა ძმებმა—ნესტორმა და გერონტიმ ის ტფილისში წაიყვანეს და იქ სტამბაში მიაბარეს შევირდათ, სადაც ერთი მისი ძმა გერონტი მეყდეთ მუშაობდა. მინამ აირჩია მბეჭდავ მემანქანის ხელობა და მართლაც გასაოცარი სისწრაფით შეისწავლა იგი. რამოდენიმე თვის შემდეგ იგი „ამერიკანკაზე“ თავისუფლათ მუშაობდა. მალე კარგი მბეჭდავის სახელიც დაიმსახურა და ტფილისის მაშინდელ სტამბებში ადგილს ადვილათ შოულობდა. 1902 წლიდან ის დაუახლოვდა სტამბის რევოლიუციონურ მუშებს, განსაკუთრებით ამხ. ვანო ბოლქვაძეს, მალე დაუვიწყარ ამხ. კამოსაც გაეცნო, რომლის საყვარელი მოწაფე გახდა.

1903 წლის შემოდგომაზე ის უკვე ყოველ მხრივ შეგნებული მუშა იყო და მზათ იყო რევოლიუციურ მოძრაობაში თავგანწირული მონაწილეობა მიელო. 1904 წლის გაზაფხულზე მუშათა პოლიტიკურთა ორ დემონსტრაციაში მონაწილეობა მიიღო, როგორც სადე-

მონსტრაციით აღმართულ დროშის დამცველმა.—მკლავ ლონიერი, წარმოსადეგი და შეუპოვარი ახალგაზრდა იყო და ისეთ „მოღისთვის“ მას ხშირად ირჩევდენ. 1904 წლის ერთ დემონსტრაციაში მონაწილეობის გამო ის კინალამ მსხვერპლი გახდა პოლიციელის ტყვიისა; სხვა დემონსტრანტებთან ერთად ისიც დაიჭირეს და საპოლიციო ნაწილში კაზაკებისა და გარადოვოების მათრახ ქვეშ გაატარეს. შემდეგ ციხეში გაგზავნეს და როცა ვადა გათავდა (სამი თვე), 1905 წელმაც მოატანა. რადგან იცოდა ტფილისში სამუშაოთ არსად არ მიიღებდენ, ბათუმს მიაშურა, მით უფრო, რომ იქ იმ დროს როტშვილდის ქარხანაში (ნავთისა) დიდძალი რევოლიუციონერი მუშები იყვნენ თავმოყრილი. ისიც ამ ქარხანაში შევიდა სამუშაოთ, უკეთ რევოლიუციური მუშაობისათვის. გააჩაღა მან წრეებში მეცადინეობა და მალე საჯარო კრებებზედაც იწყო გამოსვლა, როგორც აგიტატორ-პროპაგანდისტმა. ამ ხანაში ის თავისი რევოლიუციური შეხედულებებით, მისწრაფებით და ტაქტიკით უფრო ბოლშევიკს ემსგავსებოდა, ვიდრე მენშევიკს. მაგრამ ამ ხანებში ბათუმს ევროპიდან მოველინა ნოე ჟორდანიას, რომელმაც ბათუმის მუშებში სისტემატიური ლექციების კითხვა დაიწყო საქართველოში მენშევიზმის გასამაგრებლათ და გასავრცელებლათ.

ის ამ გზით მიზანს მართლაც მისწვდა. სხვა მუშებთან ერთად მინაც დაეწაფა მის ლექციებს და მალე „მენშევიკათ“ მოინათლა. შეუძლებელი გახდა მისთვის ნოე ჟორდანიას გავლენის არ დამორჩილება. მალე დიდი პოლიტიკური გაფიცვის გამო მთავრობამ როტშვილდის ქარხანა სულ დაკეტა.

ამნაირათ მინა უალაგოთ დარჩა და იძულებული იყო მამის ოჯახს დაბრუნებოდა, სადაც ის შეეცადა მამისათვის წილხვედრი მამაპაპეული მიწა-წყალი გამოეთხოვა, გაეყიდა ის და აღებული ფულით რუსეთში წასულიყო სწავლის მისაღებათ. მაგრამ მამის სიჯიუტე და უარი ვერ დაძლია. მამას არ სურდა მიწა გაეყიდა, ვინაიდან თავის საცხოვრებელ საშუალებასა და ძალას ამ მიწაში ხედავდა: ის მას „აზიარებდა“ გლეხებზე და შემოსული ღალით სცხოვრობდა და ოჯახსაც ასაზრდოებდა. თვითონ მას მუშაობა არ შეეძლო.

ამასობაში 1905 წლის რევოლიუციაც გაჩაღდა. სამტრედიის რაიონის რევოლიუციური ხელმძღვანელობა იმერეთის ს. დ. კომიტეტმა მინადო (ბოლშევიკურმა) მინას უფროს ძმას, რომელიც, თუმცა დაავადმყოფებული იყო, მარა ადგილობრივ რევოლიუციურ საქმეებს შესაფერათ უძღვებოდა, ვიდრე არ დაატუსაღეს (4 მაისს); მაშინ ამით იდროვეს სამტრედიის მენშევიკებმა ნოე ხომერიკის მეთაურობით და სამტრედიის რაიონი ხელთ იგდეს... დაარსეს მენშევიკური რაიონული კომიტეტი, რომელშიაც მინაც შედიოდა.



ამ დღიდან ის სამტრედიის რაიონულ კომიტეტშიაც მუშაობდა და ამ რაიონის შორეულ სოფლებშიაც რევოლიუციურ პროპაგანდა-აგიტაციას ეწეოდა. კომიტეტში ის „გალმაშხრის“ პროპაგანდისტათ დაინიშნა. სამტრედიის მუშები და გლეხკაცები მისი მეტათ მაღლიერი და კმაყოფილი, იყვნენ დიდი გავლენა ჰქონდა მას მოპოებული ადგილობრივ გლეხთა მასსებზე, განსაკუთრებით ახალგაზრდებზე, რომელთაც ნამდვილ ამხანაგურ-მუშური სოლიდარობით ეპყრობოდა. მათ შორის ხსოვნა და სახელი დღესაც ნათელია.

მინა 1905 წლის ოქტომბრის „მანიფესტის“ გამოსვლის შემდეგ ისევ მამის ოჯახში მოიქცა, რადგან სამტრედიის რაიონში მოძრაობა თითქო დაცხრა და პროპაგანდისტი საჭირო აღარ შეიქნა... მაგრამ, როგორც ისმოდა, რევოლიუციური მოძრაობა ქ. მოსკოვში და ტფილისში სულაც არ ცხრებოდა. მუშათა რევოლიუციური ტალღები კიდევ უფრო ზევით მიდიოდა და აჯანყებისაკენ იწევედა. მინაზე ეს ამბები აღმფრთოვანებელ გავლენას ახდენდა და მას სწყყროდა ამ ბრძოლაში კვლავ ჩარეოდა.

ამ მიზნით მან ქ. ტფილისს დაბრუნება გადაწყვიტა, თუმცა ამას მამა უშლიდა, რადგან ის გრძნობდა, რომ მინას იქ, როგორც რევოლიუციონერს „კარგი დღე არ დაადგებოდა“. ძმები კი, პირიქით, ცდილობდნენ, რომ მინა ამ მომენტში ქ. ტფილისში მოქცეულიყო, რადგან იცოდნენ, რომ მისი მონაწილეობით ტფილისის მუშათა მოძრაობა ბევრს შეიძენდა.

მინამ 1905 წლის ნოემბერში მართლაც აიკრა „გუდა-ნაბადი“, აიკიდა ზურგზე და გაემართა სამტრედიის სადგურისაკენ ტფილისში წასასვლელათ.

1905 წლის დეკემბერში ს. დ. პარტიის ტფილისის კომიტეტმა ნოე ჟორდანიას მეთაურობით დღიური გაზეთის, „სხივის“ გამოცემა გადაწყვიტა. და აი ამ მიზნით მოუყარეს თავი საჭირო მუშებს, მათ შორის დაუძახეს მინასაც, რომელიც ჯერ ისევ უალაგოთ იყო. მან გაზეთის „მბეჭდაობა“ იკისრა.

ამ ხანებში არა-რეგალური რევოლიუციონური მუშაობაც ძალზე გაცხოველდა. მოსკოვის აჯანყების ზეგავლენით ვერც ნაძალადევის მუშები ისვენებდნენ, აჯანყებისათვის ემზადებოდნენ, თუმცა მენშევიკები მათ ცივ წყალს ასხამდნენ ხოლმე გასანელებლად. მუშების მოთხოვნით სამხედრო შტაბი შედგა, რომლის ხელმძღვანელად სილიბისტრო ჯიბლაძე დაინიშნა. შტაბის გადაწყვეტილებით ნაძალადევის მუშები იარაღით ხელში უნდა გამოსულიყვნენ: აჯანყების დროთ 17 დეკემბერი ღამე დანიშნეს და ნაძალადევის ღამის რევოლიუციურ პატრულის ხელმძღვანელ-წინამძღოლობა დაუფიწყარმა ამხ. კამომ იკისრა. მან შეადგინა ცხრა რჩეულ რევოლიუციონერ მუ-



შებისაგან პატარა რაზმი, რომელშიაც კამოს დანიშნებით მინა პირველ რიგში მოხვდა. მინამ ალტაცებით მიეგება ამ ახალ დანიშნულებას და, დაბეჭდა გაზეთ „სხივის“ პირველი №-რის ცალები საჭირო რიცხვი თუ არა, მყისვე ლამის 12 საათზე ნაძალადევის რევოლუციონურ სადარაჯოზე გაეშურა.

მაგრამ არც ტფილისის ჟანდარმერიას ეძინა. მან დროზე შეიტყო ყოველივე ეს და ტფილისის შეიარაღებულ ძალების უფროსს, გენერალ გრიაზნოვს აცნობა, რომელმაც მყისვე განკარგულება მოახდინა, რომ ასაჯანყებლად გამზადებულ ნაძალადევისათვის ორი მხრიდან ალყა შემოერტყათ: კაზაკების რაზმებით ჩრდილოეთის მხრიდან მთაგორებით, ხოლო სამხრეთიდან ნაძალადევის რკინის გზაზე გადასასვლელ ხიდით ქვეითა ჯარის როტა შესულიყო. ამის მოლოდინში რევოლუციონური შტაბიც იყო, ამიტომ ის შეირყა და ყოყმანი იწყო. დაინახა, რომ ნაძალადევი შემოსეულ ძალას ვერ გაუმკლავდებოდა. ამიტომ „გამოსვლა“ ერთი პირობით უნდა მომხდარიყო: სახელდობრ იმ პირობით, თუ ჯარები გათენებამდე ვერ მოუსწრებდნენ. კამოს რაზმი მხოლოდ რევოლვერებით და ყუმბარებით იყო შეიარაღებული: თუ შტაბისაგან ცნობას მიიღებდნენ გათენებისას, რომ აჯანყება იწყებაო, მაშინ აჯანყება ყუმბარების გასროლით უნდა დაწყებულიყო, ხოლო თუ გათენებამდე ჯარები შემოვიდოდნენ ნაძალადევიში, მაშინ ეს უბედურება პატრულს მძინარე ხალხისთვის ყუმბარების გასროლით უნდა ეცნობებია, რომ მას იარაღი მიემალმოემალა და შემოსულ ჯარს მშვიდათ, თავდაქერით დახვედროდა.

როგორც ზემოთ ვთქვით, ჯარის მოლოდინში შტაბი შეირყა: გათენების ჟამი ახლოვდებოდა და ის აჯანყების დაწყებას ვერ ბედავდა, განკარგულების გაცემას აგვიანებდა; მეორე მხრით ამ განკარგულებას კამოს რაზმი მოუთმენლათ მოელოდა, რომ აჯანყების სიგნალი მიეცა. ის იყო ირიჟრაჟა, ალიონი უკვე გაქრა, რომ არც შტაბიდან ცნობა გამოჩნდა, არც მტრის შეიარაღებული ძალა სჩანდა, რომ ნაძალადევის რკინის გზის ხიდისკენ უგუნებოთ მიმავალი რევოლუციონური პატრული უეცრათ ხიდზე შემოსულ ქვეითა ჯარის როტას წააწყდა. შებრძოლება არ შეიძლებოდა, ვინაიდან ეს მათ შტაბისაგან დავალებული არ ჰქონდათ, ვიდრე მისგან შესაფერი განკარგულებას არ მიიღებდნენ: ეს განკარგულება კი არ იყო; მაშასადამე ისინი უკანვე უნდა გამობრუნებულიყვნენ და იარაღი სადმე მიემალათ. ასედაც მოიქცენ: იქვე ახლათ აშენებულ ნაძალადევის საყდარში ყუმბარები მიმალეს და შემდეგ ხევებში და ფერდობებზე მიმალვა სცადეს; მაგრამ მათდა საუბედუროთ სწორეთ ამ ხევებსა და ფერდობებზე ჩრდილოეთის მხრიდან ცხენოსანი კაზაკთა რაზმი გადმომდგარიყო.



შენიშნეს თუ არა კაზაკებმა, რომ მუშები იმალებიან, მიხედენ, რომ ისინი აჯანყებულთა მხვერავეები იყვნენ და მყისვე მათ სროლა აუტეხეს. ესროდენ განუწყვეტლივ ტყვიებს ამ უიარალო მკაცს, რომელნიც მხოლოდ მიმალვას ცდილობდენ. რამოდენიმე მათგანი კაზაკის ტყვიით განგმირული მკვდარი დაეცა. ამ მომენტში კი კამო და მინა ერთი მეორეს ხედებიან. კამო შესძახებს მინას: ჩაუწევი ბიჭო ხევში იქნებ გადაარჩე. მინა შეუპოვარი დგას (კამოს გადმოცემით) და თოვის სროლით წამოსულ და ხმალ ამოწვდილ კაზაკებს ელოდება. რამოდენიმე ტყვიამ უკვე გაუარა მას ტანში. შეტორტმანდა ვაჟკაცი, უნდა წაეტანოს კაზაკს და თავისი მძლავრი ხელი ჩასჭიდოს მას ყელში მოსახრჩობათ, მარა ამ დროს კაზაკებს ხიდის გზით წამოსული ხიშტიანი სალდათებიც მოეშველებიან და ზურგიდან ხიშტს ჩასცემენ მინას. მინა ეცემა ძირს და როცა შეტაკების ადგილს ჯარი ტოვებს, ნაძალადევის მუშები მინას გვაშს წააწყდებიან; ხედავენ, რომ მისი გული ისევ ფეთქს. ბევრს მისი მობრუნების იმედიც ებადებოდა. მაგრამ მალე ეს იმედი ჰქრება და მინა სამუდამოთ ესაღმება სიცოცხლეს.

გამხეცებულ კაზაკებს ყველა დახოცილ მუშებისათვის (ცხრა კაცისათვის), მათ შორის მინასთვისაც, ტანზე და ფეხზე გაეძროთ ყველაფერი და გაეტაცნათ. კამო მაშინ გადაარჩა შემთხვევით. ის ტყვიით გაკაწრული ძირს დაეცა: თავი მოიმკვდარუნა და როცა კაზაკებმა მკვდარი ნახეს, იქვე ხევში უგულოთ გადისროლეს, ზედ საიმისო არაფერი ჰქონდა თურმე რომ დახარბებოდათ და გაეძროთ. კამომ ამით მოხერხებულათ ისარგებლა და თავი გადაირჩინა.

ასე უღროოთ შეეწირა ცხრა გმირი მუშის, მათ შორის მინა კლადის, ვაჟკაცური, ძალღონით სავსე სიცოცხლე 1905 წლის რევოლიუციას. საქართველოს მუშათა კლასმა თავის მხურვალე რევოლიუციონურ პროლეტარულ გულში ხელთუქმნელი ძეგლი აუგო მათ.



პოსტა ბიოგრაფის ქე ჩაჩავა და იოსებ ზავა- რის ქე ებრაელიქე *)

1904 წ. 20 აპრილს, ლამის 1-ლ საათზე ლანჩხუთის ადგილობრივმა ბოქაულმა კვაშალმა სტრაჟნიკებით დახვდა გზაზე მომავალ ხალხს და ორი მათგანი—**კოსტა გიორგის ქე ჩაჩავა და იოსებ ზავარის ქე ებრაელიქე** სამუდამოთ გამოასალმა წუთისოფელს. თვითმპყრობელ მთავრობის სისაძაგლემ და სიმხეცემ შიალწია უმადლეს წერტილამდე. ისინი ჩასაფრებულნი ხედებიან ხალხს გზაზე და არც კი აფრთხილებენ, თითქოს ყაჩაღებთან ქონდეთ საქმე... მთავრობის მონა-მოსამსახურეები, კვაშალი-ჯაფარიძეები და სხვა გარყვნილი პოლიციელები აღარ უფრთხიან არაფერს, რომ შერყეული თვითმპყრობელობა შეამაგრონ;—მისთვის კლავენ ხალხის შვილებს, რალა დარჩენიათ მეტი. რის პოლიციელები არიან, თუ ხალხის პატიოსან სისხლში არ გაისვრიან ხელს. თვითმპყრობელობის ჯალათთ არ შეუძლიათ გულ-გრილათ უყურონ ხალხის შეგნებას და გათვითცნობიერებას. ციხის, მათრახის და სახრჩობელას მთავრობას არ შეუძლია მოითმინოს ხალხის გაღვიძება. პატიოსან რუსეთს არ შეუძლია ადამიანური უფლებები მოითხოვოს; მას ამისათვის ციხითა და გადასახლებით უპასუხებენ. ჩინოვნიკებისა და პოლიციელებისაგან აკლებულს, მეფისაგან გაღატაკებულს, მემამულეებისა და მდიდრებისაგან გაყვლეფილ და შეურაცხყოფილს ხალხს არ შეუძლია თავისუფლათ კრებები გამართოს და თავის ჭირ-ვარამზე მოილაპარაკოს. ამისათვის მას გზაში ჩაუსაფრდებიან, ტყვიით გულს გაუგმირავენ, სამუდამოთ მოაშორებენ თავის საყვარელ დედ-მამას, ცოლ-შვილს, ნაცნობებს და ნათესავებს. ხალხისაგან დაქცეულ სისხლის მორევში უნდათ მათ ჩაახრჩონ სიმართლე და პატიოსნება, ჩვენი ამხანაგების სიკვდილით უნდათ თავიდან აიცილინონ ხალხის რისხვა. მოგვიკლეს ორი თავგანწირული მებრძოლი, სიცოცხლეს მოსწყვიტეს ორი სალდათი რევოლიუციისა. ძალღებმა აღარ დააცალეს მათ, რომ თავიანთი თვალით ენახათ ნა-


*) უცნობი ავტორის ეს ნეკროლოგის ხასიათის ბიოგრაფიული წერილი ამოღებულია არა-ლეგალურათ დაბეჭდილ ბროშურიდან: „გლეხის ეკონომიური და პოლიტიკური მდგომარეობა“. ჩვენ მას ვბეჭდავთ უცვლელათ.

რედაქცია.



ყოფი ხალხის დიდებული ბრძოლისა, ენახათ მათი და მათებრ გმი-
რების ხელით განადგურებული თვითმპყრობელობა. დიახ, მოკლეს, ყა-
ჩაღურათ მოგვტაცეს ორი გმირი, ორი თავდადებული მებრძოლი:
მოკლეს **კოსტა ჩაჩავა და იოსებ ებრაელიძე**, რომლებიც საუკეთე-
სო კაცები იყვნენ. მთელ სოფელში. მოკლეს, ძოკლეს ორი ლომივით
ვაჟკაცი, რომელთა ყურადღება ამ ერთი წლის განმავლობაში ხალხზე
და ხალხისთვის ბრძოლაზე იყო მიქცეული. ისინი სოფლის ოჯახში
გაზრდილნი, მხოლოდ წერა-კითხვის მცოდნენი გახდენ დაუძინებელი
მტერი არსებული წესწყობილებისა. მათ შეითვისეს პროლეტარიატის
მოძღვრების დიდებული აზრი და შემთხვევას არ უშვებდენ, რომ ვის-
მესთვის გადაეცათ თავიანთი აზრი და შეხედულება, ვინმე შეუგნე-
ბელი კაცისათვის აეხილათ თვალი, გაეხსნათ გონება. მთელი დღის
აუტანელ შრომისაგან დაღლილ-დაქანცულები, საღამოს შინ დაბრუ-
ნებული მიდიოდენ მეზობლისას და უკითხავდენ წიგნებს ამხანაგებს,
არჩევდენ ხალხს და ამ რჩეულებიდან ადგენდენ წრეებს, რომ თავის
გარშემო შემოეერთებიათ ყველა ჩაგრული და გაჭირვებული.

მათ დასაფლავებაზე 3000 კაცმა და ქალმა მოიყარა თავი და
სასაფლაოზე შესაფერი სიტყვებიც წარმოსთქვეს. ყველას გული მთავ-
რობისადმი ზიზღით იყო სავსე, ყველა წყევლას და კრულვას უთვლი-
და მხეც მთავრობას (ამის მეტი ცნობები არ არის).



განყოფილება

= V =

პატრიულის არქივი

მ ქ მ ი

საქართველოდან ჩამოსულ კომუნისტებისა *)

ხუთშაბათს, 30 სექტემბერს **) საღამოს 7 საათზე, ცენტრალურ მუშათა კლუბის ბინაზე გაიმართა კრება საქართველოდან ჩამოსულ (თუ გადმოსახლებულ? რედაქცია) ყველა კომუნისტებისა, რომელიც მოწვეული იყო ამხანაგების ჯგუფის ინციატივით ***).

კრებას დაესწრო 80 ამხანაგამდე.

თავმჯდომარეთ არჩეული იყო ამხ. დ. ლორთქიფანიძე, მდივნათ კი ამხ. ა. მიქაძე.

საინიციატივო ჯგუფმა დღის წესრიგში წამოაყენა მხოლოდ ერთი მუხლი—ამხ. მახარაძის მოხსენება: „საქართველოს კომპარტიის მორიგი ამოცანები“ და გახსნა კამათი ამ საკითხის გარშემო.

სიტყვა მიეცა მომხსენებელს:

ჩვენი პარტია განიცდის მწვავე, კრიტიკულ მომენტს. თვითელი ჩვენგანი ეკითხება თავის თავს: „როგორ მოვიქცე შემდეგში“? ჩვენი პარტია ხელმძღვანელობდა მასსას, და მან თუ ვერ მიაღწია საბოლოო შედეგებს—ეს მისი უბედურებაა. მაგრამ მან გამოიარა გმირული წუთები. იგი იბრძოდა საშიშარ პირობებში. ერთის მხრით იმპერიალისტების მიერ წარმოებული ოკუპაცია ქვეყნისა, მეორეს მხრით, მენშევიკების ბატონობა და ბოლოს კი, გაბატონებული კლასების მიერ გაღიზიანებული შოვინისტური გრძნობები მასაში ქმნი-

*) ბაქოში.

**) 1920 წელს.

***) ეს კრება, —მენშევიკურ საქართველოდან გამოქცეულ თუ გადმოსახლებულ კომუნისტებისა, —მოწვეულ იქნა, არა-ღეგალურ მუშაობის მომხრე ჯგუფის მიერ, წინააღმდეგ ამხ. არჩილ მიქაძის სურვილისა, რომელიც მაშინ, რ. კ. პ. კავშიტროს დანიშნვისამებრ ითვლებოდა ბაქოში ახლად დაარსებულ საქართველოს ცენტრალურ ფრთათ.

როგორც საქირო დოკუმენტი რევოლიუციის ისტორიისათვის, კრების ეს ოქმი და რეზოლუცია შემოენახა ამ კრების მდივანს ამხ. არჩილ მიქაძეს.

მას ვათავსებ ჩვენი ჟურნალის 5-ე განყოფილებაში—„პარტიულ არქივში“, იმიტომ უფრო, რომ იგი თარდას ხდის, სხვათა შორის, იმ ამტყდარ დაფას, რომელიც გამოიწვია „რევოლიუციის მათიანეს“ 3-მე ნომერში გაშვებულ ამხ. რუბენის მოგონებაზე დართულმა რედაქციის შენიშვნამ.

რედაქცია.



დენ საშინელ პირობებს და გადააქციეს ქვეყანა სისხლისმღვრელობის ასპარეზათ. ასეთ პირობებში გვიხდებოდა ჩვენ ბრძოლა და ბრძოლაში ჩვენ ვიყავით მარტონი, ჩვენ საკუთარ ძალაზე დაყრდნობილი, რისთვისაც ვერ მივალწიეთ გამარჯვებას. სასტიკი მარცხი განიცადა პარტიამ, მაგრამ საქართველოს მუშურ-გლეხური მასსა მასთან იყო, იგი რევოლუციონურათ განწყობილი იყო.

ოქტომბრის ამბოხების (1919 წ.) შემდეგ პარტიას უნდა გადაესინჯა თავისი ტაქტიკა, და არა უკუვედო ბრძოლის ძველი, ნაცადი მეთოდები. ჩვენ დარწმუნებული ვიყავით, რომ მხოლოდ შეიარაღებული ამბოხებით შეიძლება გამარჯვება. მაგრამ გადასინჯვა კი საჭირო იყო. პარტიას წინეთ თავისი ძალების იმედი ქონდა, დამარცხების შემდეგ კი დაისვა კითხვა: შეიძლება თუ არა მივალწიოთ რამეს ჩვენი საკუთარი ძალ-ღონით, დამოუკიდებლათ? მენშევიკური პარტიის დიქტატურის დროს, რომელიც აერთიანებს ყველა არამუშურ ელემენტებს და ლებულობს დახმარებას გარედან—მუშათა და გლეხთა დაქსაქსული მასებით, თუ გინდ ისინი დიდი თანამგრძობნიც გახდნენ საბჭოთა ხელისუფლებისა, შეიძლებელია გამარჯვება საკუთარი ძალების ამარა. მაგრამ შეიარაღებული გამოსვლის შესახებ ფიქრი მაინც საჭირო იყო, და როდესაც ჯარები ამიერ კავკასიის ნავთსადგურებს უახლოვდებოდნენ, ჩვენ მათგან დახმარების მიღების იმედით საქართველოს ჯოჯოხეთურ პირობებში ვამზადებდით შეიარაღებულ ამბოხებას. ამიერ კავკასიის საოლქო კომიტეტს წარმოდგენილი ქონდა ახალი დროის ყველა პირობები—მას წარმოდგენილი ქონდა ბევრი რამ, მაგრამ ის კი ვერ წარმოედგინა, რომ, როდესაც წითელი ლაშქარი მოუახლოვდება საზღვარს და შიგნითაც ყველაფერი მზათ იქნება ამბოხების მოსახდენათ, ჩვენ ისევ დავმარცხდებოდით. ამ დროს საქართველოს მთავრობამ ფარულათ გაავაზვნა რუსეთში თავისი წარმომადგენელი. ჩვენ ამის შესახებ არავითარი ცნობა არ გვქონდა. ჩრდილოეთ კავკასიაში ჩვენ გავავაზვნეთ ამხანაგი საქართველოში და მის გარეთ მომხდარ ყველა მოქმედებების შესათანხმებლათ, დასაკავშირებლათ და ამ დროს გავიგეთ ხელშეკრულების შესახებ. რ. ს. ფ. ს. რ. იცხო მენშევიკების მთავრობა. რ. კ. პ. ც. კ-მა გაუშვა... ამას შედეგათ მოყვა ახალი პარტია—საქართველოს კომპარტია და ახალი ც. კ-ი, ჩვენ იძულებული ვიყავით დავმორჩილებოდით. მე არ შევეხები იმას, თუ რამდენათ მიზანშეწონილი იყო საქართველოსთან მშვიდობიანობის დამყარება. მაგრამ ჩვენ პარტია ლეგალურათ გამოვაცხადეთ, დავშალეთ სამხედრო აპარატი—წლობით ნაშენი არა-ლეგალური აპარატი.

ახალი ც. კ-ი ენერგიულათ და რამოდენიმეთ გულწრფელათ შეუდგა საბჭოთა რუსეთის დირექტივების გატარებას ცხოვრება-



ში—ძველი ნაბიჯების უარყოფა და მშვიდობიანი მუშაობა კომუნის საფუძვლების განსახორციელებლათ. ამითი ჩვენ ვურიგდებოდით იმ აზრს, რომ დემოკრატიული გზით შესაძლებელია დასახული იდეალების მიხწვევა. გულში ყველა ჩვენგანი დარწმუნებული იყო, რომ მენშევიკები ისე ადვილათ ჩვენგან თავს არ მოიტყუებდენ. ლეგალური ქადაგება კომუნის შესახებ და მშვიდობიანი კავშირი რ. ს. ფ. ს. რ-თან სასიკვდილო იარაღი იყო მოწინააღმდეგის ხელში. მათ გაძლიერეს თავისი აპარატი ჩვენი პარტიის დასამარცხებლათ (1000-3000 კაცამდე). მათ არ დაგვაწყებდეს დიდხანს ლოდინი და შეუდგენ საქმეს. პირველად გვეგონა, რომ დაპატიმრებანი ხდებოდა ავტომატიურათ, გვეგონა, რომ ადგილობრივმა ხელისუფლებებმა არ იცოდნენ ხელშეკრულების შესახებ არაფერი. მაგრამ შემდეგი დაპატიმრებანი კი ნათლად მოწმობდენ, რომ ჩვენ პარტიას ლეგალურად უკეთებდენ ლიკვიდაციას. ციხეები ივსება და ჩვენი ბიურო კი ხაფანგია კედლის აგენტების ხელში. მიუხედავთ მშვიდობიანი კავშირისა რ. ს. ფ. ს. რ-თან მთავრობა ინტენსიურათ აწარმოებდა თავის ბნელ საქმეს საბჭოთა რუსეთის წინააღმდეგ (დახმერება ვრანგელის და სხვ.). საქართველოს მთავრობა დღეს უფრო ძლიერია, ვიდრე ხელშეკრულებამდე იყო. ის გაძლიერდა ჩვენი პარტიის დასუსტების დროს, და ჩვენ ჩვენი პარტიის გახრწნის ფაქტის წინ ვიმყოფებით. ჩვენ იმედი გვქონდა, რომ რეპრესიები მხოლოდ გაუგებრობის შედეგი იყო და რ. ს. ფ. ს. რ-ის მისია მოსთხოვს საქართველოს მთავრობას შეასრულოს ხელშეკრულების მუხლი ჩვენი ლეგალობის შესახებ. მაგრამ მისიის ჩამოსვლის შემდეგ მდგომარეობა გაუარესდა. მასები ახლა გაეჭვიანებულია და არ იცის ვინ ლალატობს მას.

დაშლა მომავალში არ უნდა გაგრძელდეს. მაშ როგორ მოვიქცეთ? ამ საკითხს ჩვენ მუდამ წამოვაყენებთ. კრიზისი იმაში მდგომარეობს, რომ პარტია ლეგალურათ კვდება. არავითარი სამუშაო არ არის, ჩვენი ორგანო აი რისთვის ექივრება მთავრობას: 1. დაანახვოს ხალხს, რომ ის ჩვენ არ გვდევნის, არის ხალხი, რომელიც სცემს ამ გაზეთს და რომელიც კითხულობს მას, 2. აპატიმრებენ მხოლოდ სისხლის სამართლის საქმეებისათვის და ჩვენ ამხანაგებს სწორეთ ასეთ ბრალდებას უყენებენ, 3. გამოძებნოს და დაიჭიროს კომუნისტები და უბრალო პირები, რომელნიც კითხულობენ ამ გაზეთს. მაშ რა გამოსავალია? ყველა ამხანაგები, რომელთაც დავეკითხე, ერთხმათ მიპასუხებენ—დავიწყოთ არა-ლეგალური მუშაობა. ჩვენ აქ ვარჩევთ არა პოლიტიკურს, არამედ საორგანიზაციო საკითხებს. ჩვენ უნდა შევიგნოთ, რომ ჩვენი გამარჯვება საქართველოში უნდა მოვამზადოთ ისევ ჩვენ, ჩვენმა ორგანიზაციებმა—გარდა სხვა ძალებისა, რომელსაც მე აქ არ ვეხები. ჩვენ სახით გვიცნობენ, მაგრამ მუშაობა კი

საჭიროა არა-ლეგალურათ. ჩვენ, რასაკვირველია, არ გამოვაცხადებთ ჩვენს არალეგალურობს, მაგრამ, გამოვიყენებთ რა ყველა ლეგალურ შესაძლებლობას, უნდა გადავიდეთ არალეგალური მუშაობის სისტემაზე. მე ვაყენებ შემდეგ თეზისებს (იხ დამატება).

მიპასუხებენ: 1. არ შეიძლება არალეგალურათ მუშაობა, უფრო ადვილათ დაგვიჭირენ ყველას, ვინემ ლეგალური მუშაობის დროსო. ეს არ არის საბუთიანი განცხადება. ჩვენ გვჭირდება არმია—მაშ უნდა ვიმუშაოთ არალეგალურათ. 2. ამბობენ, რომ არალეგალური მუშაობა რუსეთთან დადებულ ხელშეკრულების დარღვევა იქნება ჩვენივე მხრითო. სრულიადაც არა, ჩვენი პარტია დამოუკიდებელია. მას ეს ხელშეკრულება არ დაუდვია. ჩვენი პარტია (საქართვე. კომპარტია) ამ ხელშეკრულებით გაანადგურეს.

3. ლაპარაკი იმის შესახებ, ვითომ ჩვენ ამ გზით დავკარგავთ ლეგალურ ორგანოს, წარმოადგენს ლოზუნგს—როგორც არ უნდა იქნეს უნდა შევირჩინოთ ლეგალიზმი.

როდესაც ვარჩევდით ხელშეკრულებას, ჩვენ ვეუბნებოდით მენ-შევიკებს, რომ არავითარი ფორმა ბრძოლისა ჩვენთვის ფეტიშს არ წარმოადგენს. მაშ გამოვიყვანოთ აქედან დასკვნა.

დასასრულ ორატორი მოგვიწოდებს გავამაგროთ ყოველი ძალებით კომპარტია და საბჭოთა ხელისუფლება ადერბეიჯანში. მიძიმა ჩვენი მდგომარეობა. სამი წელიწადია დამდგარია ჩვენში წარმოება, რომელიც იძლევა სიცოცხლეს, და მუშაობენ ისინი, რომელნიც სთესენ სიკვდილს. მაგრამ პროლეტარული რევოლუცია გაიმარჯვებს მთელ დედამიწაზე. მე თქვენ მოგიწოდებთ დაიცვათ რკინისებური დისციპლინა და მტკიცეთ შეკავშირდეთ და გისურვებთ, რომ ჩვენ თავისუფლათ ვარჩევდეთ მომწიფებულ საკითხებს არა მარტო აქ, არამედ საბჭოთა საქართველოშიდაც.

რამდენიმე შეკითხვის შემდეგ სიტყვა ეძლევა—კრების თხოვნის თანახმად—ამხ. ძნელაძეს საქართველოს მდგომარეობის შესახებ მოხსენების გასაკეთებლათ.

მასსა დამფრთხალია, ორგანიზაციები დანგრეული. ჩვენი გაზეთის წაკითხვისათვის დაატუსაღეს 70 წლის მოხუცი. მასსა მაინც არ არის ჩვენ წინააღმდეგ. გურიამ გადასწყვიტა გადავიდეს არალეგალურ მუშაობაზე.

ბათუმიდან ახლათ ჩამოსული ამხ. ონგლისკი ამბობს, რომ ინგლისელების მიერ განადგურებული პროფკავშირები აღადგინა ნაზნა-ჩენსკის საბჭომ ცნობილ აიოლლოს მეთაურობით. ამ მენშევიკური საბჭოს მოწოდება, რომელშიაც ნათქვამია, რომ არჩევნები ერთი თვის შემდეგ იქნება დანიშნულიო, დღემდის არ არის განხორციელებული. მაგრამ კავშირების გამგეობების არჩევნებში, მაგალ., მელითო-



ქართული
საქმიანობა

ნეთა, მბეჭდავთა, სავაჭრო-სამრეწველო მოსამსახურეთა, გავიმარჯვებ
ჩვენ. მბეჭდავთა ორგანო „შრომის ხმა“ („გოლოს ტრუდა“) დაკეტა
ხელისუფლებამ ბოლშევიკობისათვის.

ამხ. მაისურაძის მოხსენების გამო თავის აზრი გამოსთქვეს თოდ-
რიამ, სტურუამ, კატო მიქაძემ, ევაშვილმა, ხელისმა, არამმა, კიკნაძემ.
გარდა კიკნაძისა, რომელიც წინადადებას იძლეოდა საბჭოთა ხელის-
უფლების პოლიტიკისა და რ. კ. პ. ინტერესების დასაცავად პარ-
ტიული ლეგალური მუშაობისა და არალეგალური ორგანიზაციების
შექმნის შესახებ—გაგვეტარებინა სათანადო ხაზი, თანხმად ცენტრის
დირექტივებისა, ვინაიდან ჩვენ, წინააღმდეგ ამხ. მახარაძის სიტყვისა
—ვითომდა ჩვენი პარტია დამოუკიდებელი იყოს, ორგანიულათ ვართ
დაკავშირებული რ. კ. პარტიასთან და ჩვენი მოქმედებანი უნდა იქნეს
შეთანხმებული უკანასკნელთან, ყველა დანარჩენი ორატორები, ეთანხ-
მებოდნენ რა არსებითად ამხ. მახარაძეს, მის მოხსენებას თითქმის არ
შეხებოან. მაგრამ ყველა მოითხოვდა აგვერჩია ამ კრებაზე ჯგუფი
საქართველოში სამუშაოდ, რომელიც უნდა დაემტკიცებია კავკასიის
ბიუროს. ეს უკანასკნელი და მთელი რეზოლიუცია მიღებულ იქნა
უმრავლესობის მიერ.

რეზოლიუციას ხმა მისცა 70 და თავი შეიკავა ერთმა (მიქაძემ).
მახარაძეს ფორმულიროვკას ხუთი კაცისაგან შემდგარ ბიუროს არჩე-
ვის შესახებ ხმა მისცა 63 კაცმა და წინააღმდეგი იყო 7.

არჩეულ იქნა ჯგუფში: დუმბაძე, ლორთქიფანიძე, კიკნაძე, ძნე-
ლაძე, ელიოზიშვილი.

დადგენილ იქნა გადაეცეს ეს სია კავკასიის ბიუროს დასამტკი-
ცებლათ და რეზოლიუცია კი ეცნობოს რ. კ. პ. ც. კომიტეტს.

თავმჯდომარე ლორთქიფანიძე.
მდივანი არ. მიქაძე.

31 / IX 1920 წ.
ქ. ბაქო.

რეზოლიუცია

რომელიც მიღებულ იქნა. ბაქოში, 1920 წ. 30 სექტემბერს,
კომუნისტების საერთო კრებაზე.

კრებას დაესწრო 85 მომუშავე საქართველოს კომუნისტური
პარტიიდან.

მოისმინა რა ამხ. მახარაძის მოხსენება საქართველოს კომუნის-
ტური პარტიის ამოცანების შესახებ მდგომარე პირობებში, კრებამ
დაადასტურა 79 ხმის უმრავლესობით (წინააღმდეგი არავინ ყოფილა,
თავი შეიკავა 6-მა) შემდეგი დებულებები, რომელიც წამოაყენა
მომხსენებელმა პარტიის აღდგენის მიზნით.



გამოვდივართ რა იმიდან, რომ ოთხ-ნახევარი თვის წინეთ გატარებული „ლეგალიზაცია“ დაღუპვას უქადის, თუ ჯერ კიდევ სასეზონით არ დაღუპულა, საქართველოს კომუნისტურ პარტიას, რომ პარტია კვდება, მენშევიკური მთავრობა მას სისტემატიურად ანადგურებს, და ჯერ კიდევ შერჩენილ-პარტიული ორგანიზაციების დასაცავად და დანგრეულ ორგანიზაციების აღსადგენათ და გასაძლიერებლათ საქიროა:

1. ყველაზე უსაჭიროეს და გადაუდებელ ამოცანას წარმოადგენს დღეს არალეგალური პარტიული აპარატის მოწყობა როგორც ცენტრში, ისე ადგილებზე მთელი პარტიული მუშაობის—როგორც ლეგალურის, ისე არა-ლეგალურის ხელმძღვანელობის გასაწევით. ამასთან ერთად პარტია უარს არ ამბობს გამოიყენოს მუშაობისათვის ყველა ლეგალური შესაძლოებანი, მაგრამ საქმის სათავეში კი არალეგალური მუშაობა იქნება.

2. პარტიული უჯრედების დაარსება ყველა სოფლებში, სოფლის საზოგადოებებში, აგრეთვე ყველა ქარხნებში, ფაბრიკებში, უპარტიო დაწესებულებებში (საერო და ქალაქის თვითმართველობებში, კოოპერატივებში, ბანკებში და სხ.).

3. ფრიად სერიოზული ყურადღება უნდა მიექცეს მათ მუშაობას არმიაში, თვითეულ პოლკში, ბათალიონში, რაზმში, გუნდში დაარსებულ უნდა იქნეს კომუჯრედები.

4. მასასთან დაახლოება არალეგალური კრების მოწყობით, კრება-საუბრების გამართვით და ფურცლების „ლექტურების“, გამოშვებით, რომელიც ხელს უწყობენ საბჭოთა ლოზუნგების გავრცელებას: მთელი ძალა-უფლება მუშათა, გლეხთა და სალდათთა დეპუტატების საბჭოს, მთელი მიწები მშრომელებს და სხვ.

5. უპირველესად ყოვლისა საქიროა პარტიის გაწმენდა. პარტიიდან უნდა გამოირიცხოს ყველა ის, ვისაც ზედმეტ ბარგათ მიაჩნია პარტიული საქმეები, მისთვის თავს არ იცხელებს და გულს არ იტკივებს და საერთოდ საქმისადმი გულგრილათ მოპყრობით დეზორგანიზაცია და გახრწნა შეაქვს პარტიაში; უნდა გამოირიცხოს პარტიიდან ყველანი, ვისაც ეზარება „ხელის განძრევა“ („ბელორუჟკა“-ები), რომელიც ზედმეტათ ამძიმებენ ჩვენ პარტიას და მათი გამოყენება საქიროების დროს და ყოველ საქირო საქმეში კი შეუძლებელია. ჩვენ ახლა გვჭირდება რიცხვით პატარა, მაგრამ თვისებრივით კი საუკეთესო, რკინის დისციპლინით შეკავშირებული, მტკიცე ცენტრალიზაციის სისტემაზე აგებული პარტია, რომელიც შესძლებს, თავის ხელმძღვანელ ცენტრალურ ორგანოს ბრძანების თანახმად, ყოველ დროში შეკრიბოს ყველა თავისი ძალები.

6. საჭიროა დაუყონებლივ შეუდგეთ პარტიული კონფერენციის

ან პარტიული ყრილობის მოწვევას. ასეთი დაგვიანება ამსაკითხში გააძლიერებს ჩვენ მოუწყობლობას და დაასუტებს პარტიული ძალთა შეკრებას. დასასრულ, საჭიროა თვით პარტიის ნამდვილი აზრი პარტიული ორგანიზაციასა და ტაქტიკის უსაჭიროეს და არსებით საკითხებში.

7. ვინაიდან ამ ცოტა ხანში დანიშნული საქართ. პარტიული ც. კომიტეტი თავის შემადგენლობით, ცოტას გამოკლებით, სრულიად შეუფერებელია და მის შემადგენლობას არავითარი ავტორიტეტი არ ექნება საქართველოს მუშებში და გლეხებში, ამიტომ საჭიროა რ. კ. პ. ც. კ-მა ხელახლა დანიშნოს ს. კ. პ. ხელმძღვანელი ცენტრალური კომიტეტი უფრო პასუხისმგებელ, გამოცდილ, გაწვრთნილ და გამობრძმედილ ამხანაგებიდან, რომელნიც შესძლებენ ყველა ამ დავალებების ცხოვრებაში გატარებას.

8. საჭიროა დაუყონებლივ დაარსდეს საქ. კომპარტიის ც. კ-ის ორი ბიურო—ერთი ბაქოში და ერთი ვლადიკავკაეში, რომ შეაერთოს, შეაკავშიროს ის გარეთ გასულნი ამხანაგები, რომლებიც ახლო არიან დაინტერესებული საქართველოს საქმეებით, ერთის მხრით ხალხითა და სხვა საშვალელებით უშუალო დახმარების გასაწევად კომუნისტური მუშაობისათვის თვით საქართველოში.

თავმჯდომარე **ლორთქიფანიძე.**
მდივანი **მიქაძე.**

ფ. მახარაძე

მოხსენება მესამე კომუნისტური ინტერნაციონალის მეორე მსოფლიო კონგრესზე *

წინასიტყვაობა.

როგორც საქართველოს კომუნისტური პარტიის დელეგატი მეორე მსოფლიო კონგრესზე, სხვებთან ერთად მეც ტფილისიდან გავემგზავრე მოსკოვს 1920 წლის 29 ივნისს (თიბათვეს). კონგრესის გახსნა დანიშნული იყო 15 ივლისს (მკათათვეს). რა თქმა უნდა, ბენკედიას განსაკუთრებული რაზმის აგენტები მეტის გადაციცვებით და გულმოდგინებით გვითვალთვალებდნენ სანამ საქართველოს საზღვრებს გავსცილდებოდით, იმათ სახეზე ადვილათ ამოიკითხავდი შემდეგს: გვიმადლოდეთ, რომ გასვლის ნება მოგეცით და რაც შეეხება დაბრუნებას, ამაზე კი ნუ ფიქრობთო.

და მართლაც, ისინი მართლები იყვნენ. ბევრს ჩვენგანს უკან დაბრუნების უფლება ჯერ-ჯერობით მოსპობილი გვაქვს, მაგრამ მე მაწევს დელეგატის მოვალეობა, ე. ი. მოხსენების გაკეთება და ეს მოხსენება უნდა გავაკეთო დღეს წერილობით.

ჯერ კიდევ არაა გამოქვეყნებული სრული, დაწერილებითი ანგარიში მესამე ინტერნაციონალის მეორე კონგრესზე. ამ მოხსენების შედგენის დროს მე ვსარგებლობ მხოლოდ მით, რაც კონგრესამდე თუ თავით კონგრესის დროს იყო გამოქვეყნებული, და აგრეთვე მით, რაც თავისი თვალთ ვნახე მოსკოვში და პეტროგრადში. ნურავინ იფიქრებს კი, რომ ეს მოკლე მოხსენება სავსებით ამოსწურავს მთელ იმ მუშაობას, რომელიც მეორე კონგრესმა მოახდინა. ამ მოხსენებას მხედველობაში ყავს ჩვენი მუშების და გლეხების დიდი უმრავლესობა, ე. ი. მკითხველების ის ნაწილები, რომელიც არა თუ მოკლებულია საშუალებას უცხო ენაზე არსებული ლიტერატურით ისარგებლოს, არამედ რომლისთვის უმეტეს შემთხვევაში ქართული ლიტერატურაც ამა თუ იმ მიზეზის გამო ხშირად მიუწოდომელია.

ჩვენ ვეცდებით გავაცნოთ მკითხველებს მესამე კომუნისტური ინტერნაციონალის წარმოშობის ისტორია, რაც შეიძლება მოკლეთ

* ამ სტატიის დაბეჭდვა მენშევიკების ბატონობის დროს საქართველოში გაზეთის დახურვის შიშით არ მოხერხდა, ახლა ვბეჭდავთ მას, როგორც დოკუმენტს პარტ-მასლოისათვის.



და შემდეგ დაეახასიათოთ მეორე კონგრესის მუშაობა საზოგადოებრივ შევეცდებით იმის გარკვევას, თუ რა გააკეთა ამ კონგრესმა, თუ რა კითხვები გადაჭრა მან, და თუ რა მნიშვნელობა ექნება მას მსოფლიო პროლეტარულ რევოლუციაში.

როგორ შეხვდა საერთაშორისო პროლეტარიატი და განსაკუთრებით საბჭოთა რუსეთი მეორე კონგრესს?

სანამ პირდაპირ საგანზე გადავიდოდე, საჭიროთ მიმაჩნია შევხებო რამდენიმე სიტყვით იმ საკითხს, რომელიც ზევით დავსვი.

საქმე იმაშია, რომ უპიროველეს ყოვლისა საერთაშორისო პროლეტარიატმა მეორე კონგრესისადმი გამოიჩინა უდიდესი ყურადღება. არ დარჩენილა არც ერთი ქვეყანა, არც ერთი სახელმწიფო, სადაც მუშათა კლასის უფრო რევოლუციონური ნაწილი, მისი ავანგარდი არ დაინტერესებულიყოს მესამე ინტერნაციონალის მეორე კონგრესის მოწვევით. ყოველივე ის, რაც პატიოსანი, ცხოველმყოფელი და საუკეთესოა საერთაშორისო მუშათა კლასში, გულწრფელი პატივისცემით და ღრმა თანაგრძნობით იმსჯვალემა საბჭოთა რუსეთისა და კომუნისტური ინტერნაციონალისადმი, მაშინ როცა მეორე ინტერნაციონალი, რომელიც ნამდვილ ცოცხალ მძორს წარმოადგენს, თანდათან კარგავს ყოველივე პატივისცემას და თანაგრძნობას მუშათა კლასის ფართო მასაში. ამით აიხსნება ის გარემოება, რომ მიუხედავად ათასნაირ გარდაუვალ დაბრკოლებათა ევროპის, ამერიკის და აზიის მშრომელ მასათა წარმომადგენლებმა შესძლეს ყველა ამ დაბრკოლებათა გადალახვა და საბჭოთა რუსეთში შესვლა დიდი ვაივაგლახის და გაჭივრების შემდეგ. ერთი სიტყვით, ევროპის და ამერიკის პროლეტარიატის რევოლუციონური ავანგარდი (მოწინავე რაზმი), კომუნისტური პარტიები, რევოლუციონური სინდიკატები, საფაბრიკო და საქარხნო კომიტეტები, — დღეს მესამე კომუნისტური ინტერნაციონალისკენ იყურებიან, წითელი პეტერბურგისა და მოსკოვისაკენ მოეშურებიან და თავის ხსნას, თავის ბედ-იღბალის გადაჭრას საბჭოთა რუსეთის ბედზე ამყარებენ.

მაგრამ ის, რაც მოხდა წითელ პიტერსა და მოსკოვში მეორე კონგრესის მოწვევის დროს, როგორ დაუხვდა საერთოთ საბჭოთა სოციალისტური რუსეთი კომუნისტურ ინტერნაციონალის მეორე კონგრესის შეკრებას, ენით გამოუთქმელი და კალმით აუწერელია. დაახლოვებით თვე, თვე-ნახევრის წინ თვით კონგრესის გახსნამდე, თითქმის მთელი რუსეთი მესამე ინტერნაციონალზე და მის მორიგ კონგრესზე ლაპარაკობდა. არ დარჩენილა მთელ ამ უზარმაზარ რუსეთში არა თუ ისეთი ქალაქი, არამედ მიყრუებული სოფლებიც კი, რომელსაც არ სცოდნოდეს, რომ ახლო მომავალში მოსკოვში შეიკრიბება მეორე



მსოფლიო კონგრესი კომუნისტური ინტერნაციონალისა, სადაც თავს მოიყრიან საერთაშორისო პროლეტარული რევოლუციონური პროლეტარიატის ნამდვილი ბელადები. ამ მომავალ კონგრესზე ლაპარაკობდნენ გაზეთები, კრებებზე, მიტინგებზე, გამოჰქონდათ შესაფერი რეზოლუციები. უგზავნიდნენ მისალმებებს, იმართებოდა სპეციალური „სუბოტნიკები“ მეორე კონგრესის პატივსაცემლათ და სხვა და სხვა.

ჩვენ აქ არაფერს ვამბობთ იმაზე, თუ როგორ დაუხვდა მეორე კონგრესის გახსნას ჯერ წითელ პიტერის გმირული პროლეტარიატი 19 ივლისს და შემდეგ, 27 ივლისს, წითელი მოსკოვის სახელოვანი პროლეტარიატი. მარტო ამ ორი საზეიმო დღესასწაულის აღწერას მოუწოდებოდა მთელი ბროშოურა, ამიტომ მე აქ ამას თავს ვანებებ ავლნიშნავ მხოლოდ იმას, რომ როგორც საერთაშორისო პროლეტარიატმა, ისე განსაკუთრებით რუსეთის მუშათა კლასის ავანგარდმა სავსებით შეიგნეს მესამე კომუნისტური ინტერნაციონალის უდიდესი მნიშვნელობა კაცობრიობის ცხოვრებაში.

მუშათა საერთაშორისო ამხანაგობის ანუ ინტერნაციონალის მოკლე ისტორია.

მუშათა ინტერნაციონალს, ნიადაგი მოუმზადა კაპიტალიზმის ზრდა-განვითარებამ, ხოლო პირველი საფუძველი ჩაუყარეს მას **მარქსმა და ენგელსმა** ჯერ კიდევ 1848 წლის დასაწყისს თავიანთ შესანიშნავი „**კომუნისტური მანიფესტი**“, რომელიც თავდებოდა ცნობილი მოწოდებით: „**პროლეტარებო ყველა ქვეყნისა შეერთდითო**“.

მუშათა კლასის დამარცხების გამო (1848—49 წლების რევოლუციები საფრანგეთში, გერმანიაში და ავსტრო-უნგრეთში) ერთი მხრით და ბურჟუაზიის და მემამულეების გამარჯვების გამო, მეორე მხრით მუშათა ინტერნაციონალის დაარსების საკითხი სამერმისოდ გადაიღვა. რა თქმა უნდა მარქსმა და ენგელსმა ყველა ქვეყნის მუშების გაერთიანების, შეკავშირების, სოლიდარობის იდეები ფართოთ გაავრცელეს მუშათა კლასში, ჰაერი გაჟღენთილი იყო ამ იდეებით, მაგრამ პირობები მუშათა საერთაშორისო საზოგადოების შესადგენათ საკმაო მომზადებული ჯერ კიდევ არ იყო. მართლაც, **პირველი ინტერნაციონალის** დაარსება 1864 წელს უფრო შემთხვევით იყო გამოწვეული.

ამ წელს ლონდონში, სადაც იმ დროს მარქსი ცხოვრობდა, სამრეწველო გამოფენა იყო, რომელიც ინახულეს სხვათა შორის სხვა და სხვა ქვეყნის მუშებმა. აი ამ გარემოებით ისარგებლა მარქსმა და დაარსა მუშათა პირველი **საერთაშორისო ამხანაგობა**. ეს იყო **პირველი ინტერნაციონალი**. მარქსმა განსაზღვრა მუშათა ინტერნაციო-



ნალის დანიშნულება და მიზანი, მანვე შეადგინა მისი წესდება (სტატუტი).

აი რას ვკითხულობთ, სხვათა შორის ამ წერილებში:

„მუშების განთავისუფლება უნდა იყოს თვით მუშების საქმე... მუშის ეკონომიური დამორჩილება წარმოების საშუალებათა მფლობელობის მიერ შეადგენს მუშათა კლასის პოლიტიკური და ეკონომიური, ნივთიერი და ზნეობრავეი მონობის უმთავრეს მიზეზს. ამიტომ მუშების ეკონომიური განთავისუფლება შეადგენს იმ დიად მიზანს, რომელსაც უნდა დაემორჩილოს ყოველივე პოლიტიკური მოძრაობა, როგორც საშუალება. ყოველივე მეცადინეობა ამ მიზნის მისაღწევად რჩებოდა აქამდის განუხორციელებელი თითოეულ ცალკე ქვეყანაში სხვა და სხვა პროფესიის მუშებს შორის სოლიდარობის უქონლობის გამო და აგრეთვე სხვა და სხვა ქვეყნის მუშებს შორის ძმური კავშირის არ არსებობის გამო. შრომის განთავისუფლება, რაც არ ჩაითვლება არც ადგილობრივ, არც ნაციონალურ, არამედ სოციალურ საქმედ, შეიცავს ყველა ქვეყნის ინტერესებს, სადაც კი თანამედროვე საზოგადოებრივი წესწყობილება არსებობს, და ამიტომ ამ საკითხის გადასაჭრელად საჭიროა ყველა ქვეყნის მუშების ურთიერთ ნივთიერი და იდეური დახმარება“-ო.

ამ სიტყვებში მარტივად და ნათლად ნაჩვენებია მუშათა ინტერნაციონალის მიზანი, მისი გზა, და მისი დანიშნულება. პირველი ინტერნაციონალი მარქსის წინამძღოლობით ახორციელებდა, ცხოვრებაში გაყავდა ზევით ნაჩვენები მიზანი და დანიშნულება. ის ეხმარებოდა მუშათა მოძრაობას სხვა და სხვა ქვეყნებში, ეხმარებოდა მუშათა გაფიცვებს, როგორც ზნეობრივად, ისე ნივთიერად, ესარჩლებოდა დაჩაგრულ ერებს (პოლონელებს, ირლანდიელებს და სხვ.),— ერთი სიტყვით მარქსის მიერ დაარსებული მუშათა საერთაშორისო ამხანაგობა იყო ინტერნაციონალი საქმით და არა მარტო სიტყვით, და როგორც ასეთი, ის პირველი დღიდანვე თავის მოვლინებისა თავზარდამცემი შეიქმნა ბურჟუაზიულ-კაპიტალისტურ სეხელმწიფობისთვის და იმათ მთავრობათათვის. ცნობილია, რომ 1871 წლის პარიზის კომუნა,—ეს პროლეტარული სახელმწიფოს ანუ პროლეტარიატის დიქტატურის პირველი წინამორბედი,—ინტერნაციონალს პირდაპირ არ მოუშაადებია, და მხოლოდ მას შემდეგ, რაც ის ფაქტათ იქცა, მარქსმა ზომები მიიღო მასზე გავლენა მოეხდინა და მისთვის გზა ეჩვენებია. კაპიტალისტური მთავრობები კი დარწმუნებული იყვნენ, რომ პარიზის კომუნა,—ეს ინტერნაციონალის საქმეა, და უნდა ვთქვათ, რომ არსებითად ისინი არ ცდებოდნენ, ვინაიდან მთელი მაშინდელი მუშათა მოძრაობა სხვა და სხვა ქვეყნებში და, მათა—სადამე, პარიზის კომუნაც, იმ იდეების, ამ პროპაგანდის და აგიტა-



ციის შედეგი იყო, რომელსაც აწარმოებდენ მარქსი და ენგელსი იმათი მიმდევრები და რომელიც იკვებებოდა მარქსის და ენგელსის ნაწერებით და პირველ რიგში იმათი, „კომუნისტური მანიფესტი“ და აგრეთვე თვით მუშათა საერთაშორისო ამხანაგობით, ანუ პირველი ინტერნაციონალით.

პარიჟის კომუნის დაცემა—ეს არ იყო მარტო პარიჟის ან საფრანგეთის მუშათა კლასის დამარცხება, ეს იყო მთელი მაშინდელი მუშათა მოძრაობის დამარცხება საერთაშორისო ფარგლით, რომელსაც მეთაურობდა იმ დროს საფრანგეთის, ანუ უკეთ რომ ვთქვათ, პარიჟის პროლეტარიატი.

აშკარა იყო, რომ პარიჟის პროლეტარიატის ყოვლად უსასტიკესი დამარცხება 1871 წელს მეტად ცუდ გავლენას იქონიებდა მუშათა კლასის საერთაშორისო მოძრაობაზე, რომ ეს დამარცხება დიდი ხნით შეაჩერებდა ამ მოძრაობას, ყოველ შემთხვევაში აშკარა იყო, რომ მუშათა ინტერნაციონალის მოქმედებას დროებით ნიადაგი ეცლებოდა, ვინაიდან გამარჯვებულმა ბურჟუაზიამ მახვილი ჩასცა გულში საერთაშორისო პროლეტარიატის მოწინავე რაზმს, პარიჟის მუშებს, და დანარჩენ ქვეყნებში კი მუშათა მოძრაობა ისედაც სუსტი იყო და ახლა კიდევ უფრო დასუსტებოდა. მარქსი კარგათ ხედავდა ამას, და ამიტომ მან საუკეთესოთ ჩასთვალა ინტერნაციონალის მოქმედების დროებით შეჩერება. ეს მოხდა 1872 წელს. პირველმა ინტერნაციონალმა შესწყვიტა თავისი მოქმედება, იმ მიზნით, რომ მას განეახლებია თავისი მოქმედება უფრო ხელსაყრელ პირობებში. მარქსის აზრით ინტერნაციონალის აღდგენა შესაძლებელი გახდებოდა მხოლოდ მაშინ, როცა ცალ-ცალკე ქვეყნებში მუშათა მოძრაობა მოლონიერდებოდა, თავის გარკვეულ სახეს მიიღებდა, როცა ცალ-ცალკე სახელმწიფოები, ნაციონალურ ფარგლებში ჩამოყალიბდებოდნენ მუშათა პოლიტიკური, პროფესიონალური თუ კოოპერატიული ორგანიზაციები, მხოლოდ მაშინ დაურჩებოდა მუშათა საერთაშორისო ამხანაგობას ანუ ინტერნაციონალს მკვიდრი საფუძველი. პარიჟის კომუნის დაცემამ შეაჩერა, შეასუსტა, შეაფერხა მუშათა მოძრაობა საერთაშორისო ფარგლით. მაგრამ ამ გარემოებამ ვერ მოსპო ეს მოძრაობა და არც შეეძლო მოესპო ის. ხოლო ამ გარემოებამ ერთნაირი დალი დაასვა მუშათა მოძრაობას. საქმე იმაშია, რომ 1871 წლამდე მუშათა მოძრაობას აშკარა რევოლიუციონური ხასიათი ჰქონდა, პარიჟის კომუნის დამარცხების შემდეგ მუშათა მოძრაობა საერთოთ და საფრანგეთის პროლეტარიატი კერძოთ დიდი ხნით კარგავს ამ ხასიათს. და ეს ადვილი ასახსნელია. საფრანგეთის მუშათა კლასს აღარ ყავდა თავისი რევოლიუციონური მოწინავე რაზმი: იგი ან ამოწყვეტილი იყო, ან კატორღაში იტანჯებოდა; ერთი სი-



ტყვით საერთაშორისო მუშათა მოძრაობას კაპიტალისტებმა მოსჭრეს. მუშათა მოძრაობას აღარ ყავდა გამოცდილი, მომზადებული და გაბედული მეთაურები, მუშათა მოძრაობა დიდი ხნით ტოვებს რევოლიუციონურ მეთოდს და ადგება მშვიდობიან, რეფორმისტულ გზას, ვითარდება მუშათა კლასის პროფესიონალური და კოოპერატიული ფორმები; პოლიტიკური ორგანიზაციები, მუშების პოლიტიკური შეგნება ეცემა ან ოღნავ ბუტყავს; საერთოთ მუშათა კლასი ბურჟუაზიის, კაპიტალისტების და მემამულეების მაჩანჩალა ხდება. ინგლისში **ტრედ-იუნიონები** ანუ მუშათა პროფესიონალური ორგანიზაციები ლიბერალური ბურჟუაზიის გავლენის ქვეშ ვითარდებიან. თითქმის ამასვე ვხედავთ საფრანგეთში, ამერიკაში. მხოლოდ გერმანიაში ნახევრად აბსოლიუტური წესწყობილების მეოხებით, ერთი მხრით, და მუშათა ორგანიზაციების დევნის გამო მეორე მხრით, მუშათა მოძრაობა ისევ რევოლიუციონურ სულისკვეთებას განიცდის; იქ საძირკველი ეყრება მუშათა ძლიერ **პოლიტიკურ პარტიას—სოციალ-დემოკრატიას**, რომელსაც წილად ერგო მთელი განსაზღვრული ეპოქის განმავლობაში ხელმძღვანელი ორგანიზაციის როლი ეთამაშა მუშათა კლასის საერთაშორისო მოძრაობაში.

მაგრამ მიუხედავად ამისა ცალ-ცალკე ქვეყნებში მუშათა კლასის ერთნაირი დარაზმვა პოლიტიკურ, თუ პროფესიონალურ და კოოპერატიულ ორგანიზაციებში ვითარდება, წინ მიიწევს; ზოგ ქვეყნებში, როგორც მაგ. გერმანიაში, იტალიაში, რამოდენიმეთ საფრანგეთში მუშათა პოლიტიკური პარტიებიც ჩნდებიან და ვითარდებიან, და არ გაუვლია ორ ათეულ წელსაც კი პირველ ინტერნაციონალის მოქმედების შეწყვეტის შემდეგ, რომ ინტერნაციონალის აღდგენა აუცილებელი ხდება. 1872 წლის შემდეგ საერთაშორისო სოციალისტური კონგრესი პირველათ იკრიბება 1889 წელს პარიჟში. აქედან დასაწყისს მეორე **ინტერნაციონალი**, რომელიც პირველი ინტერნაციონალის ანდერძის შესრულებას კისრულობს.

სამწუხაროთ, საერთაშორისო სიტუაცია შეცვლილი იყო. მართალია, სხვა და სხვა ქვეყნებში მუშათა კლასი ამ ხნის განმავლობაში მოლონიერდა, მან შექმნა თავისი საკუთარი კლასიური ორგანიზაციები, მაგრამ ეს არ იყვნენ რევოლიუციონური მებრძოლი ორგანიზაციები, არამედ ისინი ეგუებოდნენ არსებულ ბურჟუაზიულ წყობილებას; ისინი ფიქრობდნენ არა ბურჟუაზიულ წყობილების დაგმობას, რამდენათ ამ წესწყობილებასთან შეწყობას, ფიქრობდნენ არა რევოლიუციონურ მოქმედებებზე, არამედ მშვიდობიან განვითარებაზე ბურჟუაზიულ სახელმწიფოების ფარგლებში, ლაპარაკობდნენ და მსჯელობდნენ კაპიტალისტებიდან რაიმე ნაფინჩხების მიღებაზე, რეფორმების შემოღებაზე და სხვ. ეს იყო პროლეტარული რევოლიუციისაგან



განზე გადახვევა, ეს იყო პროლეტარიატის დიქტატურის და ამას ეწოდებოდა **რეფორმიზმი, ოპორტიუნიზმი**; ეს იყო შეთანხმება ბურჟუაზიასთან, ეს იყო კლასების თანამშრომლობის ქადაგება, რასაც საქმით ჩადიოდენ მუშათა კლასის ახლად მოვლენილი ბელადები, წინამძღოლები, იდეოლოგები. მეორე ინტერნაციონალს ეს სენი თავიდანვე დაყვა. მეორე ინტერნაციონალის მსოფლიო კონგრესები იკრიბებოდა ორი-სამი წლის განმავლობაში, არსებობდა მუდმივად საერთაშორისო სოციალისტური ბიურო, გამოქონდათ მეტად რადიკალური და ლამაზი რეზოლიუციები,—ერთი სიტყვით, მეორე ინტერნაციონალი თითქო მართლაც იზიარებდა მარქსის და პირველი ინტერნაციონალის დიად იდეებს და ანდერძებს, მაგრამ ეს იყო მხოლოდ სიტყვით, საქმეზე არავინ არ ფიქრობდა, არც ამ რეზოლიუციების ცხოვრებაში გატარებაზე, არც მარქსის იდეების განხორციელებაზე. დაიშლებოდა კონგრესი, წავიდ-წამოვიდოდენ სხვა და სხვა ქვეყნის მუშების წარმომადგენლები და კონგრესის დადგენილებებზე არავინ არ ფიქრობდა. იმის საუკეთესო დამახასიათებელ მაგალითს. თუ როგორი ღრმა წინააღმდეგობა არსებობდა მეორე ინტერნაციონალის კონგრესების დადგენილებებსა და იმათ ცხოვრებაში განხორციელების შორის, წარმოადგენს **ომის** საკითხი. მეორე ინტერნაციონალი ამ საკითხს აყენებდა თითქმის ყველა თავის კონგრესებზე. სხვათა შორის კონგრესზე 1907 წელს გამოტანილ იქნა ფრიალ დასაბუთებული რეზოლიუცია, სადაც სხვათა შორის ნათქვამი იყო: „იმ შემთხვევაში, თუ ომმა მაინც იფეთქა, სოციალისტები ვალდებული არიან ჩაერიონ, რომ რაც შეიძლება ჩქარა შეაჩერონ ის და სავსებით გამოიყენონ ომის მიერ გამოწვეული ეკონომიური და პოლიტიკური კრიზისი, რათა ააჯანყონ ხალხი და მით დაახლოვონ კაპიტალისტური ბატონობის დამხობა“. კოპენჰაგენის კონგრესზე (1910 წ.) ეს რეზოლიუცია განმეორებით იქნა მიღებული და გარდა ამისა კიდევ ერთხელ ინტერნაციონალმა განაცხადა, რომ სოციალისტ-დემუტატების (პარლამენტების წევრების) შეურყეველ ვალდებულებას შეადგენს ყოველგვარი სამხედრო კრედიტების წინააღმდეგ ხმის მიცემაო.

რაც შეეხება მეორე ინტერნაციონალის უკანასკნელ კონგრესს, რომელიც მოხდა ბალკანეთის ომის დროს 1912 წელ. ქ. ბაზელში, იქ მიღებული რეზოლიუცია ომის შესახებ—ეს პირდაპირი მუქარაა რევოლიუციით, თუ ვინცობაა დამნაშავე ბურჟუაზიული მთავრობები ევროპის ომს გამოიწვევენ. „დეე, ნუ დაივიწყებენ მთავრობები—აცხადებს ბაზელის კონგრესი,—საფრანგეთ პრუსიის ომმა პარიზის რევოლიუციონური აფეთქება გამოიწვია, რომ რუსეთ-იაპონიის ომმა მოძრაობაში მოიყვანა იმ ხალხთა რევოლიუციონური ძალები, რომლებიც რუსეთში ცხოვრობენ... პროლეტარებს დანაშაულათ მიაჩნიათ



ერთი-ერთმანეთს ესროლონ კაპიტალისტების მოგების, დინასტიების შეჯიბრების და საიდუმლო დიპლომატიურ ხელშეკრულებათა გულისთვის...“

მაგრამ რა მოხდა სინამდვილეში. როგორ შეიცვალა, რაზე დახურდა ეს ამაყი რეზოლიუციები, როცა მუშათა კლასის მოსისხლე მტრებმა, ევროპის მტაცებელ იმპერიალისტებმა ქვეყანას საშინელი შოაფლიო ომი დაატეხეს თავს. როცა 1914 წლის 2 აგვისტოს იფეთქა იმპერიალისტურმა ომმა, ყველა ეს რეზოლიუციები სავსებით დავიწყებულ იქნა. გერმანიის, ავსტრო-უნგრეთის, საფრანგეთის, ინგლისის, ბელგიის და რუსეთის სოციალისტები, რომლებმაც ორი წლის წინეთ მიიღეს და ხელი მოაწერეს ბაზელის კონგრესის დადგენილებას ომის შესახებ, წარბეზებულად, ყოველივე სინიდისის გარეშე, სიტყვის დაუძვრელათ შეუერთდნენ თავის საკუთარ ბურჟუაზიას და ბურჟუაზიულ მთავრობას, ერთხმად მიიღეს სამხედრო კრედიტები და თავ-თავიანთ მუშებს მოუწოდეს სხვა ქვეყნის მუშების ამოწყვეტისაკენ. ეს იყო მეორე ინტერნაციონალის კრახი, მისი სრული და საბოლოო გაკოტრება. იმ დღეს, რა დღესაც ევროპაში იფეთქა უკანასკნელმა იმპერიალისტურმა ომმა, მეორე ინტერნაციონალი უკვე აღარ არსებობდა, ის უკვე მძვობი იყო. მეორე ინტერნაციონალმა, უკეთ რომ ვთქვათ ამ ინტერნაციონალის დიდმა უმრავლესობამ, გასცა, უღალატა მუშათა კლასს, დაატყუილა ის, მეორე ინტერნაციონალს თავიდანვე ღღინიდა, როგორც მატლი, ოპორტიუნისში: მეორე ინტერნაციონალის ბელადები უარყობდნენ მარქსიზმს, პროლეტარიატის დიქტატურას, პროლეტარულ რევოლუციას, მაგრამ ისინი ამას თარავდნენ, უმაღავდნენ მუშებს; პირიქით, მუშებს ისინი ეჩვენებოდნენ ნამდვილ რევოლუციონურ მარქსისტებათ, ნამდვილ სოციალისტებათ. და აი სწორეთ ამაში იყო იმათი ვერაგობა, იმათი ყოვლად სამარცხვინო ღალატი მუშათა კლასის და სოციალიზმის წინაშე.

მეტად საგულისხმიეროა ის ფაქტი, რომ ასეთ მოღალატეებათ და გამცემლებათ აღმოჩნდნენ არა მარტო ის „სოციალისტები“, რომლებიც მეორე ინტერნაციონალში ცნობილი იყვნენ, როგორც გაუსწორებელი ოპორტიუნისტები და უკიდურესი რეფორმისტები (შეიდეშანი, ზიუდეკუმი, ვანდერველდე, ლონგე, რენოდელი, ჰაინდმანი და სხვ.), არამედ ასეთივე მოღალატე აღმოჩნდა II ინტერნაციონალის რადიკალური ფრთაც, როგორც, მაგ., კაუტსკი, ლედებური, ჰაზენ, გედი და სხვ. ჩვენ არ ვლაპარაკობთ გ. პლენხანოვზე, რომელმაც ომის გამოცხადებისთანავე, 1914 წელს გამოაცხადა, რომ რუსეთის მეფე ნიკოლოზ რომანოვი სამართლიან ომს აწარმოებს და მუშებს ვალდებულათ ხდიდა მისთვის მხარი დაეჭირათ.

ამნაირათ, ფაქტიურათ 1914 წლის 2 აგვისტოდან მუშათა



ინტერნაციონალი აღარ არსებობდა. ის ტყუილი, რომელიც მეორე ინტერნაციონალის ბელადები ავრცელებდნენ მუშებში 20-25 წლის განმავლობაში, საბოლოოდ გამომეღავენდა და ფარდა აეხადა. მაგრამ დღიდან მეორე ინტერნაციონალის სამარცხვინო კრახისა, იწყება ბრძოლა ნამდვილ მუშათა ინტერნაციონალის დასაარსებლათ, რომელიც შესძლებდა მუშათა საერთაშორისო რევოლუციონურ მოძრაობას წინ გაძლოლოდა, რომელიც ისევ მაღლა ამართავდა პროლეტარული რევოლუციის დროშას, რომელიც განახორციელებდა როგორც მარქს-ენგელსის, ისე პირველი ინტერნაციონალის ანდერძს. თუმცა დიდი, მეტად დიდი უმრავლესობა მეორე ინტერნაციონალის მუშათა კლასის წინაშე მოლაღატე გამოდგა, მაგრამ მეორე ინტერნაციონალში მაინც აღმოჩნდა უმცირესობა, თუმცა უმნიშვნელო თავისი რიცხვით, მაგრამ სამაგიეროთ ერთგული მუშებისადმი. ასეთი ჯგუფები მოიპოვებოდნენ რუსეთში (ლენინი, ზინოვიევი) პოლონეთში (რადეკი, ვარსკი), შვეციაში (ხეგლუნდი), ჰოლანდიაში (ტრიბუნისტები: გორტერი და პანეკუკი), გერმანიაში (კ. ლიბკნეხტი და როზა ლიუქსემბურგი), ბოლგარიაში (ტესნიაკები), შვეიცარიაში, იტალიაში და სხვ. ეს პატარა ჯგუფები, განსაკუთრებით ლენინის და ზინოვიევის წინამძღოლობით იწყებენ ბრძოლას მესამე ინტერნაციონალის დასაარსებლათ. პირველი პრაქტიკული ნაბიჯი ამ მხრით გადადგმულ იქნა 1915 წელს, როცა იტალიის სოციალისტური პარტიის თაოსნობით, სექტემბრის თვეში, ქ. ციმმერვალდში (შვეიცარია) მოწვეულ იქნა პირველი საერთაშორისო სოციალისტური კონფერენცია. ამ კონფერენციაზე შეკრებილი დელეგატები ყველანი წინააღმდეგნი იყვნენ იმპერიალისტური ომის და სოციალისტების მონაწილეობისა ამ ომში ბურჟუაზიასთან ერდად, მაგრამ კონფერენციის უმრავლესობას კიდევ სწამდა მეორე ინტერნაციონალის აღდგენა, ეს უმრავლესობა შიშობდა ვაბედჟული ნაბიჯი გადაედგა წინ ახალი ინტერნაციონალის დასაარსებლათ. მხოლოდ მნიშვნელოვანი უმრავლესობა რუს-ამხანაგების: ლენინის, ზინოვიევის და რადეკის მეთაურობით, გადაჭრით მოითხოვდა მეორე ინტერნაციონალისაგან სრულ გამოთიშვას და მესამე ინტერნაციონალის დაარსებას.

ციმმერვალდის კონფერენციის უმრავლესობა ჯერ კიდევ ფიქრობდა, რომ მეორე ინტერნაციონალის უმრავლესობა, რომელმაც იმპერიალისტურ ომის დროს პროლეტარიატს ურცხვათ უღალატა და ბურჟუაზიას მიემხრო, გონს მოვა და ისევ სოციალიზმს დაუბრუნდებო. ამიტომ ციმმერვალდის კონფერენციის მიერ დაარსებულ ინტერნაციონალურ სოციალურ კომისიას დროებით მნიშვნელობას აძლევდნენ, — აი მოლაღატე სოციალისტები მორჯულდებიან და კომისიაც თავის-თავათ დაიშლებაო. მაგრამ გავიდა ნახევარი წელი-



წადი და უმრავლესობის მოლოდინი ოდნეაც არ გამართლდა. გა-
ვიდა კიდეც 2-3 თვე და კინტალში 1916 წელს (მაისში) შეიკრიბა
ციმმერვალდის მეორე კონფერენცია. ახლა უმრავლესობის პოზიცია
კიდეც უფრო სუსტი შეიქნა. სამაგიეროთ ციმმერვალდის მემარცხენე
ფრთის პოზიცია ბევრათ უფრო მტკიცე შეიქნა და ბევრათ უფრო
გავლენიანი გახდა. კინტალის კონფერენცია წარმოადგენდა უკვე
ახალ ნაბიჯს მესამე ინტერნაციონალისაკენ, ერთი მხრით, და მეორე
ინტერნაციონალისაგან გამოთიშვისა მეორე მხრით: მაგრამ გამარ-
ჯვებამდე ჯერ კიდეც შორს იყო. ჯერ კიდეც შესაძლებელი იყო რყევა,
დათმობა სოციალ-შოვინისტებისათვის, ერთი სიტყვით, ჯერ კიდეც
მესამე ინტერნაციონალის იდეის გამარჯვება დიდ და შეუპოვარ
ბრძოლას თხოულობდა.

რუსეთის დიდი რევოლიუცია და მესამე კომუნისტური ინტერნაციონალი.

როცა ეს ბრძოლა ჯერ კიდეც გრძელდებოდა, რუსეთში იფე-
თქა თებერვლის რევოლიუციამ. ეს რევოლიუცია ცვლიდა სიტუაციას.
მესამე ინტერნაციონალისათვის ბრძოლის სიმძიმის ცენტრი ამიერი-
დან გადადიოდა რუსეთში, მით უმეტეს, — ამ ბრძოლის მთავარი მე-
დროშენი რუსები იყვნენ. მაგრამ არ უნდა დავივიწყოთ, რომ თვით
რუსეთში თებერვლის რევოლიუციის შემდეგაც, განსაკუთრებით პირ-
ველ ხანებში, ბატონობდა სოციალ-შოვინისტური და სოციალ-პატ-
რიოტული მიმართულება, რომელსაც სათავეში უდგენ მენშევიკები
და მემარჯვენე ესერები. ესენი ლამობდენ იმპერიალისტური ომის
განგრძობას ანტანტის იმპერიალისტებთან ერთათ გერმანიის იმპე-
რიალისტების წინააღმდეგ; ამისთვის კი საჭირო იყო მუშების და გლე-
ხების რევოლიუციის ჩაქრობა. ამ მიმართულებას შეურიგებელი ბრძო-
ლა აუტეხა თავიდანვე ბოლშევიკების (კომუნისტების) პარტიამ
ამხ. ლენინის მეთაურობით. თუ ვინ გამოვიდოდა გამარჯვებული ამ
ბრძოლიდან, — სოციალ-მოლალატენი (მენშევიკები და ესერები) თუ
კომუნისტები, აქედან თავის თავად წყდებოდა საკითხი ან მეორე
ინტერნაციონალის ან მესამე ინტერნაციონალის სასარგებლოთ: გა-
მარჯვება მენშევიკების და ესერებისა ნიშნავდა მეორე ინტერნა-
ციონალის გამარჯვებას და პიროქით. ოქტომბრის რევოლიუციამ
გამარჯვება ბოლშევიკებს არგუნა და მით სიკვდილის განაჩენი გა-
მოუტანა მეორე ინტერნაციონალს. ბრძოლა მესამე ინტერნაციონალის
დასაარსებლათ გამარჯვებით დაგვირგვინდა. მესამე ინტერნაციონალი
ოქტომბრის რევოლიუციის შემდეგ უკვე ფაქტი შეიქნა. მაგრამ სა-
ჭირო იყო წელიწადზე მეტი მუშაობა მეტის მეტ მძიმე და ჯოჯო-
ხეთურ პირობებში, რომ მესამე ინტერნაციონალს ხორცი შეესხა



და როგორც ახალი გავლენიანი ძალა ისტორიულ სარბიელში სულიყო. ვინ არ იცის, თუ რა უბედურება, რა გაჭირვება არ გადაიტანა საბჭოთა რუსეთმა მარტო ერთი 1918 წლის განმავლობაში. მიუხედავად ამისა, ახალი ცხოვრების უდიდესი ფაქტორი, მსოფლიო პროლეტარული რევოლუციის უძლიერესი იარაღი—**მესამე კომუნისტური ინტერნაციონალი** არა თუ ჩაისახა საბჭოთა რუსეთში, არამედ მან აქვე შეისხა ხორცი და გახდა უძლიერეს ფაქტორად.

1918 წლის განმავლობაში ევროპის მრავალ ქვეყნებში უკვე დაარსდნენ კომუნისტური პარტიები, ჯგუფები, და სხვ. ასე რომ 1919 წლის დასაწყისში, მარტში, შესაძლებელი შეიქნა საბჭოთა რუსეთის დედა ქალაქში, მოსკოვში, მესამე კომუნისტური ინტერნაციონალის **პირველი კონგრესის** მოწვევა. იმ დროს ჯერ კიდევ ბევრს არ ჯეროდა, რომ შეიძლებოდა 1919 წლის დასაწყისში პირველი კონგრესის მოწვევა და მესამე კომუნისტურ ინტერნაციონალის დაარსება. მაგრამ სინამდვილემ ყოველივე მოლოდინს გადააჭარბა. პირველ კონგრესზე გამოცხადდა წარმომადგენლები 15-20 სხვა და სხვა ქვეყნიდან.

ამხ. ლენინი ასე ახასიათებდა მესამე კომუნ ინტერნაციონალს: „პირველმა ინტერნაციონალმა (1864—1872) ჩაუყარა საფუძველი პროლეტარულ, საერთაშორისო ბრძოლას სოციალიზმისათვის.

„მეორე ინტერნაციონალის დრო იყო მოძრაობის ფართო, მასიურ გასავრცელებლად სხვა და სხვა ქვეყნებში ნიადაგის მოსამზადებლად.“ მესამე ინტერნაციონალმა მიიღო მეორე ინტერნაციონალის მუშაობის ნაყოფი, გამოაცალა მას ოპორტიუნისტული, სოციალ-შოვინისტური, ბურჟუაზიული და წვრილ-ბურჟუაზიული სული და იწყო პროლეტარიატის დიქტატურის განხორციელება...

„მესამე ინტერნაციონალის მსოფლიო ისტორიული მნიშვნელობა მდგომარეობს იმაში, რომ ის შეუდგა მარქსის უდიდესი ლოზუნგის ცხოვრებაში გატარებას, იმ ლოზუნგის, რომელიც შეადგენს სოციალიზმის და მუშათა მოძრაობის დიდხნოვან განვითარების ჯამს. იმ ლოზუნგის, რომელიც გამოიხატება პროლეტარიატის დიქტატურაში...

„იწყება ახალი ხანა მსოფლიო ისტორიისა. კაცობრიობა იშორებს თავიდან მონობის უკანასკნელ ფორმას: კაპიტალისტურ ანუ დაჭირავებულ მონობას“.

ასეთი ლოზუნგით გამოვიდა მესამე კომუნისტური ინტერნაციონალი. მან მიმართა ყველა ქვეყნის მუშებს მანიფესტით, რომლითაც გადაუშალა მათ საშინელი სურათი კაპიტალისტური ექსპლოატაციისა, რამაც გამოიწვია უკანასკნელი ჯერ არ ნახული ულტრა-ხოცვა, რომელშიაც გამოაშკარავდა მეორე ინტერნაციონალის ბელადებს



ქართული
ლიბრერი

სრული გაკოტრება და ლალატი და რომელიც თავდებოდა შემდეგ მრავალ მნიშვნელოვანი სიტყვებით: „**მუშათა საბჭოების და რევოლუციონური ბრძოლის დროშის ქვეშ პროლეტარიატის ძალა-უფლების და დიქტატურისათვის, მესამე კომუნისტური ინტერნაციონალის დროშის ქვეშ. პროლეტარებო ყველა ქვეყნისა შეერთდით**“.

მესამე ინტერნაციონალის აღმასრულებელმა კომიტეტმა, რომელიც არჩეულ იქნა პირველ კონგრესზე, გასწია ენერგიული და დაუღალავი აგიტაცია და პროპაგანდა ყველა ქვეყნის მუშებში პროლეტარიატის დიქტატურის (მუშების და გლეხების საბჭოების) და კომუნიზმის ლოზუნგებით, სამოქალაქო ომის ლოზუნგით ბურჟუაზიის დიქტატურის დასამხობათ, მან შექმნა სრულიად ახალი ლიტერატურა მესამე კომუნისტური ინტერნაციონალის დროშის ქვეშ თითქმის ევროპის ყველა ენებზე; იგი მიწვდა ჩამორჩენილ ქვეყნების, კოლონიების მშრომელ დაჩაგრულ და დამონებულ მასსებს, გამოიყვანა ისინი საღათას ძილიდან, დაბადა მათში ინტერესი განთავისუფლების და ბრძოლის ევროპიელ და შინაურ მხაგვრელების წინააღმდეგ; მან ითავა ასეთი ბრძოლის მეთაურობა. მთელი ამ მუშაობით მესამე კომუნისტური ინტერნაციონალის პირველმა აღმასრულებელმა კომიტეტმა მიაღწია იმას, რომ დაახლოვებით ერთი წლის შემდეგ ევროპის თითქმის ყველა ქვეყნებში დაარსდა კომუნისტური პარტიები. მუშათა მასსები გარეგოლიუციონერდნ და დაინტერესდნ, როგორც მესამე ინტერნაციონალით, ისე **პროლეტარიატის დიქტატურით**, ე. ი. **საბჭოებით** (სოვეტებით). ამით აიხსნება ის მეტათ საგულისხმიერო მოვლენა, რომ ის დიდი სოციალისტური და სოციალ-დემოკრატიული პარტიები (როგორც საფრანგეთის სოციალისტური პარტია, გერმანიის დამოუკიდებელი პარტია და სხვ.), რომლებიც მეორე ინტერნაციონალის ქვაკუთხედს შეადგენენ, იძულებული გახდნ მუშათა ზეგავლენით მეორე ინტერნაციონალიდან გამოსულიყვნენ და ახლა ლამობენ მესამე ინტერნაციონალში შესვლას. ეს უკვე სრული გამარჯვებაა მესამე ინტერნაციონალის და როგორც ასეთი ის მოასწავებს იმავე დროს მეორე ინტერნაციონალის სრულ დამარცხებას.

ამნაირათ იმპერიალისტური ომის გაჩაღებამ 1914 წელს გამოაშკარავა, რომ მეორე ინტერნაციონალი მარტოოდნ ფიქცია იყო, რომ ის გაკოტრდა, რომ მისი ქებული შემქმნელნი და ხელმძღვანელები მუშათა კლასის მოღალატენი გამოდგნ. აუცილებელი შეიქნა მაშინვე დაწყებულიყო ბრძოლა ახალი ინტერნაციონალის დასაარსებლათ, და დაიწყო კიდევ. თებერვლის რევოლიუციამ რუსეთში შექმნა ახალი სიტუაცია ამ ბრძოლისათვის; ოქტომბრის რევოლიუციამ კი დააჩქარა მესამე კომუნისტური ინტერნაციონალის დაარსება. მესამე ინტერნაციონალის მეორე კონგრესმა ნათელჰყო, რომ მესამე ინტერ-



ნაციონალის მოთავეებს სინამდივლისათვის ძალა არ დაუტანებიათ. პირიქით, ერთი წლის გამოცდილებამ ყველას დაანახვა, რომ მესამე ინტერნაციონალი სწორედ თვით ცხოვრების მიერ იყო გამოწვეული.

მეორე კონგრესის საერთო დახასიათება.

მოწოდებაში, რომელიც გამოუშვა აღმასრულებელმა კომიტეტმა მეორე კონგრესის მოწვევის გამო, ნათქვამი იყო, რომ კონგრესზე თავის წარმომადგენლებს გზავნიან არა მარტო ჩამოყალიბებული კომუნისტური პარტიები, არამედ ჯერ კიდევ შეუღლებელი მუშათა რევოლიუციონური ორგანიზაციები, რომლებიც თანაუგრძობენ კომუნისტურ ინტერნაციონალს, მაგრამ რომლებიც ჯერ კიდევ გაქლენთილი არიან სინდიკალისტური და ანარქისტული იდეებით. ასეთებია საფრანგეთის და ისპანიის სინდიკალისტების (პროფკავშირების) რევოლიუციონური ნაწილები, ინგლისის საფაბრიკო-საქარბნო კომიტეტები (Shop Stewards Committes), მსოფლიოს სამრეწველო მუშები ამერიკაში (S. W. W.) და სხვა.

ყველა ამ ორგანიზაციების წარმომადგენლები გამოცხადდნენ მესამე ინტერნაციონალის მეორე კონგრესზე, და დადგინდნენ იქნა, რომ იმათ მინიჭებოდათ არა მარტო სათათბირო, არამედ გადამწყვეტი ხმა. მესამე ინტერნაციონალი არ ემსგავსება ამ მხრით მეორე ინტერნაციონალს, რომლისთვის არსებობდნენ მხოლოდ ერთხელ და სამუდამოთ ჩამოყალიბებული პარტიები, რომელიც არა თუ არ ცდილობდა დაახლოვებოდა მასსას, არამედ პირდაპირ გაუბოდა მას, რომლისთვის არსებობდა მხოლოდ განყენებული დებულებანი და არა ცოცხალი საქმე. მესამე ინტერნაციონალი ემყარება, რა თქმა უნდა, კომუნისტურ პარტიებს, მაგრამ იმავე დროს ის ყოველივე ზომებს იღებს დაუახლოვდეს მასსას, გაარევილიუციონეროს იგი, დაიხლოვოს და შეაგნებინოს ამ მასსას კომუნისტური ინტერნაციონალის ლოზუნგები. მესამე ინტერნაციონალი პირველ რიგზე აყენებს მასსის რევოლიუციონურ მოქმედებას, რევოლიუციონურ პრაქტიკას, მაშინ როცა მეორე ინტერნაციონალს ახასიათებდა მრავალი განყენებული დებულებები და მშრალი სიტყვები. 37 ქვეყანამ, ანუ 37 ქვეყნის მუშებმა და დაჩაგრულმა და დამონებულმა მასსებმა გამოგზავნეს მეორე კონგრესზე თავისი დელეგატები, რომ მიიღონ გადაჭრილი პასუხი იმ საჭირობოროტო კითხვებზე, რომლებიც მათ დღეს წინ უდგათ გადასაჭრელათ და საკუთარი ძალით, საკუთარი გამოცდილებით ვერ გადაუწყვეტიათ, ან გადაუწყვეტიათ ბოუნდეთ. კონგრესზე სრული გულწრფელობა იყო. აქ არ იყო ერთი მეორის წინააღმდეგი მიმართულებანი, რომლებიც ერთი მეორეს ურაცოდდნენ, აქ იყო მხოლოდ შეხედულებათა და აზრთა სხვა და სხვაობა; ამ შეხედულებათა და აზრთა



ერთი მეორის დაპირდაპირება შველიდა ქვეშაობების გამორკვევას. აქ არ იყო ჯიუტობა და შით უმეტეს ფარისევლობა, პირმოთნეობა, რაც მეორე ინტერნაციონალის თვისებას შეადგენდა სწორედ. პირფე-რობა, ერთმანეთის დატყუილება, დიპლომატიური სიცრუე და ფარი-სევლობა,— აი დამახასიათებელი თვისებები მეორე ინტერნაციონალისა.

მეორე კონგრესის დღის წესრიგში იდგა შემდეგი საკითხები:

1. დამოკიდებულება ჯერ კიდევ გამოურკვეველ და შეუდებელ მემარცხენე მიმდინარეობათა მიმართ ევროპის და ამერიკის მუშათა ორგანიზაციებში (საფრანგეთის და ისპანიის სინდიკატების მემარცხენე ელემენტები, ინგლისის საფაბრიკო-საქარხნო კომიტეტები, მსოფლიოს სამრეწველო მუშები ამერიკაში) და აგრეთვე ანარქისტების მიმართ;
2. დამოკიდებულება უვითელ პროფესიონალურ კავშირებთან;
3. დამოკიდებულება ბურჟუაზიულ პარლამენტებისადმი;
4. კომუნისტური პარტიის როლი პროლეტარულ რევოლიუციაში;
5. ეროვნული და კოლონიალური საკითხები;
6. აგრარული საკითხი;
7. ორგანიზაციული კითხვები (ლეგალური და არა-ლეგალური ორგანიზაციები, ქალთა ორგანიზაციები და სხვ.);
8. მესამე კომუნისტურ ინტერნაციონალში შესვლის პირობები.

გარდა ამისა სათავეში იდგა შემდეგი საკითხი: საერთაშორისო მდგომარეობა და მესამე კომუნისტური ინტერნაციონალის დანიშნულება. ამ საკითხზე მოხსენება გააკეთა ამხ. ლენინმა კონგრესის პირველსავე სხდომაზე პეტერბურგში (19 ივლისს). როგორც საერთაშორისო მდგომარეობაზე, ისე ყველა დანარჩენ კითხვებზე წინდაწინვე იყო მომზადებული თეზისები. ლენინი თავის თეზისებში ეხება იმას, თუ რა შეადგენს დღევანდელ მომენტში კომუნისტური ინტერნაციონალის და კომუნისტური პარტიების დანიშნულებას, თუ რას უნდა აკეთებდნენ ისინი დღეს პროლეტარული რევოლიუციის სასარგებლოდ. ჩვენ არ მოგვყავს აქ ამ თეზისების შინაარსი, ვიტყვი მხოლოდ, რომ ისინი შეიცავენ ნათლად და გარკვევით პასუხს თითქმის ყველა დანარჩენ კითხვებზე, რომლებიც კონგრესს უნდა გადაეჭრა. თავის ვრცელი და ღრმა შინაარსიანი სიტყვა ლენინმა უძღვნა თანამედროვე საერთაშორისო—მდგომარეობას, მან გააკეთა ღრმა ანალიზი და დაახასიათა კაპიტალიზმის უკანასკნელი საფეხური—იმპერიალიზმის ანუ ფინანსიური კაპიტალის ბატონობა, რაც გამოიხატება იმაში, რომ მთელ ქვეყნებზე თავის ბატონობას აერკვლებს ერთი მუჟა ფინანსიურ მეფეებისა ანუ ყველაზე უდიდეს ბანკირებისა. ჩაღდება ბრძოლა ფინანსიურ მეფეების ანუ მაგნატების სხვა და სხვა ჯგუფებს შორის მდიდარ კოლონიების დასანაწილებლათ. აქედან იმპერიალისტურ ომების აუცილებლობა. უკანასკნელი იმპერიალისტური ომი წარმოიშვა ორ ფინანსიურ მაგნატების ჯგუფების—ერთი



მხრით ინგლის-საფრანგეთ-რუსეთის, რომელთაც შემდეგში თედენ იტალია და ამერიკა, მეორე მხრით ავსტრო-გერმანიის კალიციის ერთმანეთთან შეჯიბრებით. ომი დამთავრდა ინგლის-საფრანგეთ-ამერიკის იმპერიალისტების გამარჯვებით. გამარჯვებულნი შეუდგნენ ნადავლის, ე. ი. კოლონიალურ და ნახევრად კოლონიალურ ან კოლონიებად ქცეულ ქვეყნების დანაწილებას ურთიერთ შორის ერთი მხრით, და ქვეყნიერების დამშვიდებას, აღდგენას მეორე მხრით. ეს უნდა მოექმედნა ვერსალის კონფერენციას იმპერიალისტების მთავარი ღმერთების ვილსონის, ლოიდ-ჯორჯის და კლემანსოს მეთაურობით. მაგრამ გამარჯვებულნი თავის მეტოქე ავსტრო-გერმანელ იმპერიალიზმთან ბრძოლაში, ანტანტის იმპერიალისტები სრულებით უძლურნი შეიქმნენ იმ დანიშნულებათა შესრულებაში, რომლებიც იმათ თავის თავზე იკისრეს, ვინაიდან პირველად კოლონიალურ და ნახევრად კოლონიალურ ანუ დამოკიდებულ და ნახევრად დამოუკიდებელ ქვეყნების ურთიერთ შორის დაყოფა, არც თუ ისე ადვილი საქმე გამოდგა და ამ ნიადაგზე თვით გუშინდელ მოკავშირეებში ჯიბრმა და ქიშპობამ იჩინა თავი; მეორე მხრით ეკონომიური ცხოვრების იმ მოშლის და განადგურების შემდეგ, რაც ოთხი წლის განმავლობაში შეუწყვეტელმა ომმა გამოიწვია, ეკონომიური წარმოების აღორძინება კიდევ უფრო შეუძლებელი შეიქნა. ომმა გამოიწვია ყველა მებრძოლი ქვეყნების მტკის მეტი დავალიანება, გარდა ამერიკისა, და ამ ვალების გადამხდელი არავინაა. ამას აღიარებენ თვით ბურჟუაზიული ეკონომისტები, კაპიტალიზმის ვეჭილები (მაგ., კენსი). მეორე მხრით, რაც იმპერიალისტებისთვის ყველაზე უფრო დამაფიქრებელი და საზრუნავი შეიქნა.—ეს ბრძოლა საბჭოთა რუსეთის წინააღმდეგ, ვინაიდან საბჭოთა რუსეთი, სადაც განხორციელდა პროლეტარიატის დიქტატურა, იმპერიალიზმის პირდაპირი მესაფლავეა. ანტანტა არა თუ თითონ ჩაება, არამედ სხვებიც ჩააბა საბჭოთა რუსეთის წინააღმდეგ ბრძოლაში. მაგრამ აქ მან კიდევ უფრო წაიკრა ფეხი და ვინ იცის ჩქარა კისერსაც მოიტეხს. ამნაირათ ანტანტის იმპერიალისტები, რომლებიც თავის თავს მთელი ქვეყნიერების ბედის გადამწყვეტათ თვლიდენ, ყოველი მხრით უძლურნი გამოდგნენ. „აქედან —განაცხადა ლენინმა თავის სიტყვაში—გამომდინარეობს მსოფლიო კრიზისი. და ეს ეკონომიური საფუძველნი კრიზისისა შეადგენენ უმთავრეს მიზეზს იმისას, თუ რათ იმარჯვებს ასე ბრწყინვალეთ კომუნისტური ინტერნაციონალი.... „ბურჟუაზიული წყობილება მთელ მსოფლიოში განიცდის უდიდეს რევოლიუციონურ კრიზისს. ახლა საჭიროა დავამტკიცოთ რევოლიუციონური პარტიების პრაქტიკით, რომ ისინი საკმარისათ შეგნებულნი და ორგანიზაციულათ მოწყობილნი არიან, რომ იმათ აქვთ კავშირი გაყვლეუილ მასსებთან და მტკიცე



გადაწყვეტილება და ცოდნა, რომ გამოიყენონ ეს კრიზისი გამარჯვებული, ძლევა მოსილი რევოლიუციისათვის.“ ამიტომ ლენინი ამბობს, იგი ამტკიცებს, რომ რაც შეიძლება ამ მიზნით გამოყენებულ იქნას რუსეთის გამოცდილება, რუსეთის გაკვეთილი. „თეზისები კომუნისტური ინტერნაციონალის ძირითად დანიშნულებათა შესახებ — ასე დაიწყო ლენინმა თავისი მოხსენება, — რუსეთის ამხანაგებისთვის არსებითათა ახალს მაინც და მაინც არაფერს წარმოადგენს, ვინაიდან უმეტეს ნაწილათ ეს თეზისები ავრცელებენ დასავლეთ ევროპის ქვეყნებზე ჩვენი რევოლიუციონური გამოცდილების თვისებებს და ჩვენი რევოლიუციონური მოძრაობის გაკვეთილებსო“.

მართლაც, კომუნისტური ინტერნაციონალს მეორე კონგრესზე თითქმის ყველა ძირითადი საკითხის გადაჭრის დროს, მთავარი საბუთი, რომელსაც უკანასკნელი გამაწყვეტი მნიშვნელობა ეძლეოდა იყო რუსეთის გამოცდილება, რუსეთის რევოლიუციის გაკვეთილები. თეორეტიული მსჯელობა და კამათი, რაც უნდა ის სერიოზული და საფუძვლიანი ყოფილიყო, უკან იხევდა ცოცხალი გამოცდილების, საბჭოთა სოციალისტური რუსეთის პრაქტიკის წინაშე, და ბოლოს ყველანი რწმუნდებოდნენ, რომ საკითხი ისე უნდა გადაიჭრას, როგორც ამას რუსეთის გამოცდილება გვიჩვენებსო. და სხვანაირათ შეუძლებელიც იყო. სრულებით შემთხვევით არ ყოფილა, რომ მეორე კონგრესზე და საერთოდ კომუნისტურ ინტერნაციონალში მთავარ და ხელმძღვანელ როლს თამაშობდნენ და თამაშობენ რუსეთის კომუნისტური პარტია და რუსეთის ამხანაგები — ლენინი, ზინოვიევი, ბუხარინი, რადეკი და სხვები, ვინაიდან პროლეტარული რევოლიუციის და პროლეტარიატის დიქტატურის ცოცხალ პრაქტიკას გიგანტურ ფარგალში ჯერ-ჯერობით იძლევა მხოლოდ საბჭოთა რუსეთი. ჩვენ არ ვამბობთ, რომ რუსეთის მეთოდი არის ერთად ერთი საშუალება პროლეტარული რევოლიუციის და პროლეტარიატის დიქტატურის განსახორციელებლათ, მაგრამ დღემდის ჩვენ სხვა მაგალითი არა გვაქვს. ამიტომ სხვა ქვეყნის მუშათა კლასმა ამ მაგალითზე უნდა ისწავლოს, როგორ უნდა ბრძოლა ბურჟუაზიული წესწყობილების დასანგრევათ და პროლეტარული სახელმწიფოს ასაშენებლათ. აი, როცა მუშათა კლასი სხვა ქვეყნებშიაც, — ინგლისში, საფრანგეთში, გერმანიაში და სხვ. ჩამოადგებს ძირს ბურჟუაზიას და პროლეტარიატის დიქტატურას დააწესებს და ბრძოლის ახალ მეთოდებს შემოიღებს, მაშინ ჩვენ იქიდანაც ვისწავლით. მანამ კი რუსეთის პრაქტიკა შეურყეველი და ყველა-სათვის სავალდებულო რჩება.

(დასასრული იქნება).

თარგმანი რუსულით-
ასლი.

საბრალდებლო ოქმი

უოველ განსაკუთრებულ უფლება-უპირატესობათა ახდლის, გლეხთაგანის თომა ამბაკოს ძე ჩუბინიძის შესახებ.

26 სექტემბერს 1907 წ., სალამოს 6 საათზე დაახლოვებით, მე-129 ქვეითი ბესარაბიის პოლკის პორუჩიკმა დე-პარმემ, როდესაც ის ქუთაისის საპატიმროს შენობის მახლობლად იდგა ქუჩაში, სამი საექვო კაცი შენიშნა, აქაურ მკვიდრთაგანი (ტუზემცი), რომელთაგან ერთს პატიმართა ტანთსაცმელის მინაგვარი თეთრი ტანისამოსი ეცვა. აფიცრის დანახვაზე სამნი ერთმანერთს მოშორდნენ და ცალ-ცალკე გვერდს აუარეს; მაგრამ ამ დროს მეზობელ სახლიდან ტირასპოლის პოლკის მორიგე ივანე გუში გამოვარდა და ყვირილი დაიწყო: „არიქა, ბიჭებო, დაიქით, დაიქით, თეთრში მგონი ტუსალია საპატიმროდან“. ყვირილი გაიგონა იქვე მიმავალმა იმავე პოლკის მორიგმა პეტრე მირონოვმა, რომელმაც თეთრტანისამოსიანი უცნობი სწრაფად დაიჭირა. ამას შემდეგ, პორუჩიკ დე-პარმეს მიერ ატეხილ ყვირილსა და განვაშზე მოცვივდნენ სხვა ჯირისკაცებიც და გაქცეული ორი უცნობიც შეიპყრეს. ყველა დაჭერილები მაშინვე საპატიმროში მიიყვანეს, სადაც მალე მოვიდა შტაბს-კაპიტანი სერდიუკოვი, გადასახლებელთა განყოფილების გამგე და თან მეორე უცნობიც მიიყვანა. საპატიმროში მიყვანილთა ვინაობა სწრაფად გამოირკვა. იგინი იყვნენ საპატიმროდან ლტოლვილნი ტუსალნი: შმაგი კოპალავა, ვასილ ბოჭორიშვილი, ნიკოლოზ ასათიანი და ფილიპე შერვაშიძე. შემდეგ საპატიმროს უფროსმა აბშილავამ საპატიმროს ყველა განყოფილებათა დაწვრილებითი დათვალიერება მოახდინა და აღმოაჩინა, რომ შენობის ქვემო სართულის სეკრეტში № 1 აღარ იყვნენ იქ დამწყვედულნი პატიმარნი: ლავრენტი გძელიშვილი, სერგო ჯოხაძე, მათე ბანძელაძე და ლავრენტი ლომიძე, და ამ დროს ასფალტის იატაკში ნახეს ნახვრეტი, რომელიც ხვრელში ჩადიოდა. ამ ხვრელის დათვალიერებით გამოირკვა, რომ იგი გაყვანილი იყო მიწაში საპატიმროს შენობის საძირკვლის ქვეშ, შემდეგ საპატიმროს გარშემო გალანისა და ქუჩის „საპატიმროს შესახვევის“ ქვეშ და გადიოდა საპატიმროს პირდაპირ მდებარე სახლში, რომელიც ეკუ-



ენის ვარლამ ფანცხავას. აღნიშნულ სახლის სარდაფში, ხვრელის გასავალთან დაგროვილი იყო ხვრელიდან გაზიდული ნათხარი მიწა. ქუჩის ქვეშ ხვრელი გამაგრებული იყო ხის ბოძებითა და ფიცრებით, რომ არ ჩანგრეულიყო. სიგრძე მთელი ტონელისა, რომელიც გაყვანილი იყო ოთხის არშინის სარმეში მიწის ზედაპირიდან, შეადგენდა ათ-ნახევარ საყენს, განდაგან კი იმდენად ფართო იყო, რომ მოზრდილი კაცი ფოფხვითა ანუ წაკუზული ადვილად გაეტეოდა. ექსპერტებმა დაადასტურეს, რომ თვით ხვრელის გაყვანა ერთს კაცს შეეძლო, ამ საქმეში დახელოვნებულს, მაგრამ ორი კაცის დახმარებით, რომლებსაც მიწა უნდა გაეზიდნათ, და რომ ამ სამუშაოს დასჭირდებოდა არა ნაკლებ 30 დღისა. ადგილობრივ მისულს გამოძიებელს იქვე მყოფებმა ადმინისტრაციის მოხელეებმა ჩააბარეს ხვრელსა და ფანცხავას სახლში ნაპოვნი: რკინის პატარა ბურაო, 2 თოხი, რკინის ძელი, რკინის ნიჩაბი, ასეთივე წერაქვი, ორი საბერველი, ტილოთი ძირგაკრული ხის ყუთი, რომელსაც გასაწევ-გამოსაწევად ორი თოკი ჰქონდა მიბმული, არაყის ბოთლი, რკინის ყავადანი, 5 წყვილი ბორკილი, 2 ქამარი ტყავისა, ერთი პარუსინისა, ბორკილის ჯაჭვის დამჭერი რავდენიმე პატარა თასმა, 5 წყვილი შავი შალის შალვარი, ერთი ხავერდის შალვარი, 5 ბლუზა, პიჯაკი, ჟილეტი, წყვილი გალოში, ყელსახვევი, ქუდი და სხვ. იატაკის ქვეშ პოვეს აგრეთვე ორი ანთებული სანთელი, რომელიც გასავალს ანათებდა. (ტ. I ფ. დ. 5-10, 19-27, 39-44 უკ., 65-68, 90). ბოლოს, შემოწმებით გამოირკვა, რომ ზემოდ აღნიშნულ ხვრელით გაპარულიყო სულ 37 ტუსალი საპატიმროს სხვა და სხვა კამერებში დამწყდელი, სახელდობრ: ფილიპე შერვაშიძე, ნიკოლოზ ასათიანი, ვლადიმერ ბოჭორიშვილი, შმაგი კობალავა, გედენი კაჭარავა, ვასილ კიკნაძე, ალაბო მერკვილაძე, ამბაკო ქოიავა, სანდრო წულუკიძე, ბახვა თოლორდავა, პეტრე საყვარელიძე, ერასტო ყუფარაძე, თომა ჩარკვიანი, მაქსიმ თოლორდავა, გიორგი ქომეტიანი, ლავრენტი ზურაბიანი, ილია ჯუღელი, მათე ბანძელაძე, ტროფიმ ჭიჭინაძე, ჭიჭიკო ასათიანი, პოლიკარპე გოგიაშვილი, პავლე კიკნაძე, მოსე ბაიტლერი, ლავრენტი ლომიძე, ლავრენტი გძელიშვილი, დავით სულაშვილი, თომა ჩუბინიძე, ჯოლო მიქია, ტარიელ გვაზავა, ლევან შენგელია და შაქუ გაბისონია. ამ 37 პატიმართაგან ჭიჭინაძე და საყვარელიძე ადმინისტრაციულ-გადასახლებულნი იყვნენ, დანარჩენები კი დამწყდელნი იყვნენ თანახმად სასამართლოს მოხელეების დადგენილებისა (ტ. I ფ. დ. 29-30, უკ. 71-76).

წინასწარ გამოძიებაზე დამტკიცდა, რომ ვარლამ ფანცხავას სახლში თვით სახლის პატრონი ოჯახითურთ ხვრელის აღმოჩენის დროს იქ არა ცხოვრობდა, დიდი ხანი არ იყო გასული, რაც ის ქალაქის სხვა



ნაწილში იყო გადასახლებული და თავისი სახლი ვილაც უტყობს რებს გვარად „მიქაძედ“ წოდებულთ ჩააბარა. ცხადია, რომ ხერელი სახლის სარდაფიდან საპატიმროს სეკრეტ № 1-ში ამ მდგმურებმა გაიყვანეს და მათ პატიმრების გაქცევას ხელი შეუწყვეს. ხოლო არამც თუ მათი დაკითხვა ამის გამო, არამედ მათი პიროვნების გამორკვევაც-კი ვერ მოხერხდა, რადგან ხერელის აღმოჩენის დროს იგინი უკვე გაპარულიყვნენ (ტ. 1, ფ. დ. 10 უკ.—12 უკ, 16—18 უკ). ეს №7 ლტოლვილი ტუსაღები საერთოდ, გამოძიებლის დადგენილებით 2 ოქტომბრის თარიღით 1907 წ., გამოძიებაში იყვნენ მიცემულნი, როგორც ბრალდებულნი, და მათ ბრალდებოდათ საპატიმროდან გაპარვა ხერელით თავიანთ შორისა და სხვა პირებთან წინასწარ შეთანხმებით. ამ №7 ბრალდებულთა რიცხვიდან სხვადასხვა დროს შეპყრობილი იქმნა 24 კაცი, სახელდობრ: ფილიპ შერვაშიძე, ნიკოლოზ ასათიანი, ვლადიმერ ბოჭორიშვილი, შმაგი კობალავა, გედენი კაჭარავა, ვასილ კიკნაძე, ალაბო მერკვილაძე, ალექსანდრე სტეფანოვი, სერგი ჯოხაძე, ალექსანდრე ჩიკავა, ლავრენტი ევსანჯია, ისმაილ ჭუმბურიძე, აპოლონ ბერიძე, ამბაკო ქოიავა, სანდრო წულუკიძე, ბახვა თოლორდავა, პეტრე საყვარელიძე, ილია ჯუღელი, პავლე კიკნაძე, ჭოლო მიქია, ერასტო ყუფარაძე, მათე ბანძელაძე, ლავრენტი ლომიძე და თომა ჩარკვიანი. დაკითხვის დროს ბრალდებულთ არა სცნეს თავისი თავი დამნაშავეებად, ხოლო ფილიპე შერვაშიძემ, ნიკოლოზ ასათიანმა, ვლადიმერ ბოჭორიშვილმა, შმაგი კობალავამ, გედენი კაჭარავამ, ვასილ კიკნაძემ, ალაბო მერკვილაძემ, ალექსანდრე ჩიკავამ, ლავრენტი ევსანჯიამ, ისმაილ ჭუმბურიძემ, აპოლონ ბერიძემ, ამბაკო ქოიავამ, სანდრო წულუკიძემ, ბახვა თოლორდავამ, პეტრე საყვარელიძემ, ილია ჯუღელმა, პავლე კიკნაძემ, ჯოლო მიქიამ, ერასტო ყუფარაძემ, მათე ბანძელაძემ და თომა ჩარკვიანმა თავისი გასამართლებლად განაცხადეს, ერთმანეთის თანხმობით, რომ ხერელი მათ არ გაუყვანიათ და არც იციან, ვისი გაკეთებულია, ხოლო მათ ისარგებლეს იმით, რომ დამზადებულ ხერელით გაპარვა შესაძლებელი იყო: სერგი ჯოხაძემ და ლავრენტი ლომიძემ სულაც არ ისურვეს რაიმე განმარტება განეცხადებინათ. უკანასკნელ, ალექსანდრე სტეფანოვმა განაცხადა, რომ ხერელის გაყვანაში მას პირდაპირი მონაწილეობა არ მიუღია, ხოლო მან იცოდა, რომ ხერელს აკეთებდნენ მისი ამხანაგები სოციალ-დემოკრატიის პარტიის, რომლებმაც შემდეგ მაცნობესო, რომ ხერელი უკვე მზად არის, და მიცდიდნენ ეტლით საპატიმროს მახლობლადო (ტ. 1, ფ. დ. 33-37 უკ., 44-45, 53, 168, 196, 224, 240, 253, 265, 277, 289, 305, 328, 336).

ჩამოთვლილ 24 ბრალდებულის შესახებ ეს საქმე უკვე საბოლოოდ გადაწყვეტილია, აღნიშნულნი ბრალდებულნი სასამართლოს



განაჩენებით ცნობილი არიან დამნაშავეებად იმ ბოროტმოქმედებაში, რომელიც მათ ბრალდებოდათ, დანარჩენ 13 დამნაშავეთაგან ხუთი კაცი, სახელდობრ: შაქუ გაბისონია, ტარიელ გვაზავა, ლავრენტი გველიშვილი და გიორგი ქობეტიანი *) სასამართლოს საქმის წარმოებაში არსებულ ცნობებით, როდესაც ლტოლვილობაში იმყოფებოდნენ, უკვე დახოცილან, რის გამო საქმის წარმოება მათ შესახებ, თანახმად სასამართლოს დადგენილებებისა, მოსპობილია. სხვა შვიდი კაცი, სახელდობრ: მაქსიმე თოლორდავა, ლავრენტი ზურაბიანი, ტროფიმ ჭიჭინაძე, ჭიჭიკო ასათიანი, პოლიკარპე გოგიაშვილი, მოსე ბაიტლერი და ლევან შენგელია აქამომდე ვერ აღმოაჩინეს და მათ შესახებ, თანახმად საოლქო სასამართლოს დადგენილებისა 20 დეკემბრიდან 1907 წ. სწარმოებს ძებნა პუბლიკაციით: უკანასკნელი, მეცამეტე—თომა ჩუბინიძეც დიდხანს ვერ ეპოვნათ, ხოლო 1915 წლის აპრილში, თანახმად სასამართლოს ბრალმდებელის წინადადებისა, საქმე მის შესახებ დაბრუნებულ იქმნა გამოძიების დასამატებლად ახლად გამოაშკარავებულ გარემოებათა გამო.

აღნიშნული ახალი გარემოებები შემდეგში მდგომარეობდა: 1914 წ. სექტემბერში ტფილისის გუბერნიის უანდარმთა გამგეობის უფროსმა ცნობა მიიღო, რომ ტფილისის გუბერნიის № 1 საპატიმროში დამწყვდეულია ტუსალი, რომელიც თავის თავს იწოდებს ტფილისის გუბერნიის თელავის მაზრის სოფელ იყალთოს მცხოვრებად, თავად დიმიტრი დავითის-ძე მაყაშვილად და ამ სახელით ამ ტუსალს ტფილისის სამოსამართლო პალატის განაჩენით გადაწყვეტილი აქვს პატიმართა გამასწორებელი განყოფილება გორის სახაზინოს ქვეშ ხვრელის ვაკეთებისათვის. რაც მან ჩაიდინა 1909 წ. ხოლო ის ნამდვილად ქუთაისის გუბერნიის შოოაპნის მაზრის სოფელ სახანოს მცხოვრებია თომა ამბაკოს-ძე ჩუბუნიძე, რომელიც 26 სექტემბერს 1907 წ. ქუთაისის საპყრობილედან გაპარულა ხვრელით და შემდეგ, როდესაც იმალებოდა 1908 წ. მაისში შეპყრობილ იქმნა ალექსანდრე მაისურაძის სახელით ყუმბარების შემზადების დროს ქ. ბაქოში, მაგრამ ბაქოს საპყრობილედანაც გაქცეულა. მაყაშვილად წოდებული დაკითხულ იქმნა ზემოდ აღნიშნულ ცნობათა გამო, ხოლო მან უარყო ამ ცნობების სინამდვილე და განაცხადა, რომ ის ნამდვილად სოფელ იყალთოს მცხოვრებია თავადი დიმიტრი მაყაშვილი, მუდმივ ამ სოფელში ცხოვრობდა და იქვე ცხოვრობდნენ მისი ნათესავებიც: დედა დარია სვიმონის ასული 60 წლისა, ძმა ალექსანდრე 33 წ. და ბიძა სამსონ გრიგოლის-ძე მაყაშვილი, ავრედვე ნაცნობნი: თავადი

*) ხსენებულ 5 კაცში ოთხია მხოლოდ დასახელებული, რაც ალბათ შეცდომას შედეგია.

ალექსანდრე გრიგოლის-ძე მაყაშვილი და მედავითნე „სისოური“. ეს განცხადება გამოკვლევით არ დადასტურდა, რადგან წინანდალის უბნის ბოქაულის ცნობით აღმოჩნდა, რომ ფოტოგრაფიით გადაღებული იმ ტუსალის სახე, რომელიც თავის თავს მაყაშვილს უწოდებს, სოფელ იყალთოში სრულიად უცნობია და ამ ტუსალის მიერ დასახელებული ვითომც მისი ნათესავები და ნაცნობები აღნიშნულ სოფლის მცხოვრებთა შორის სრულიად არ მოიპოვებინან მაშინ ცნობების შესასწორებლად დიმიტრი დავითის-ძე მაყაშვილად წოდებულის ვინაობის შესახებ, მისი ფოტოგრაფიული სურათები გადაეგზავნა, ჩხარის უბნის ბოქაულის შუამავლობით, სოფელ საზანოს მამასახლისს და ამ სოფლის მრავალ მცხოვრებთ, და ყველამ იცნო ამ სურათებზე გადაღებული თავისი მეზობელი თომა ამბაკოს-ძე ჩუბინიძე. შედეგი ამრიგად მის-მიერ მოხდენილ გამოკვლევისა - ტფილისის გუბერნიის უნდარმთა სამმართველოს უფროსმა აცნობა, მიმართვით 17 თებერვალს 1915 წ. № 402, ტფილისის საოლქო სასამართლოს პროკურორს, ხოლო უკანასკნელმა ასლი ამ მიმართვისა გადუგზავნა ქუთაისის ოლქის პროკურორს. ამის გამო დაბრუნებულ იქმნა გამოძიების დასამატებლად როგორც ეს საქმე „ქუთაისის საპატიმროდან 37 ტუსალის გაქცევის შესახებ“, ისე სხვა საქმეებიც, რომლებიც პატიმარ თომა ჩუბინიძეს შეეხებოდა იმ დროს, როდესაც ის საპატიმროდან გაიქცა, სახელდობრ, საქმე „აპრასიონ მერკვილაძის ბრბოსაგან ჩადენილ ძარცვისა და მკვლელობის შესახებ“ და „შორაანის მაზრაში რევოლუციონურ მოძრაობის შესახებ 1905 წ. დეკემბერში“ (ტ. 2 ფ. დ 1—15 უკ.).

როგორც სჩანს აღნიშნულ საქმეთა უკანასკნელის განხილვიდან სასამართლოს გამოძიებელმა კარსკომ, გამოკვლევით შეგროვილ ცნობების დასადასტურებლად, ჩვენება ჩამოართვა თერთმეტ კაცს, სოფელ საზანოს მცხოვრებთაგანს,—მათ შორის თომა ჩუბინიძის ბიძა-შვილს—ალექსანდრე ჩუბინიძეს, მის ბიძაშვილებს სიმონ და პლატონ ჩუბინიძეებს და შორეულ ნათესავს რევაზ ჩუბინიძეს, აგრედვე საზანოს საზოგადოების მამასახლისად ნამყოფ ექვთიმე ჩუბინიძეს და იმავე საზოგადოების ეხლანდელ მამასახლისს მელიტონ ჩუბინიძეს. ყველა ამათ განიხილეს თავდაპირველად ხუთი ფოტოგრაფიული სურათი, რომლებიც გადაღებული იყო სხვა და სხვა წელს, სახელდობრ 1909, 1914 და 1915 წლ., დიმიტრი მაყაშვილად წოდებულ პირისა, მეოთხე გადაღებული იყო 1908 წ. იმ პირისაგან, რომელიც ალექსანდრე მაისურაძეთ იწოდებოდა და მეხუთე, როგორც საქმიდან სჩანს, თომა ჩუბინიძის სახეს წარმოადგენს და იმ დროინდელია, როდესაც ის ჯერ არ გაქცეულიყო ქუთაისის საპატიმროდან 1907 წ. როდესაც აღნიშნულ სურათებს გაეცნენ, ექვთიმე ჩუბინიძემ განაცხადა, რომ ხუთსავე სურათში ის სცნობს თავის თანასოფლელის თომა ჩუ-



ზინიძის სახეს; მელიტონ და პლატონ ჩუბინიძეებმა განაცხადეს, რომ ისინი სცნობენ თომა ჩუბინიძეს იმ სურათში, რომელიც გადაღებულია 1907 წ. და დიმიტრი მაყაშვილის სურათზე, რომელიც გადაღებულია 1909 წ.; ამას მელიტონ ჩუბინიძემ დაუმატა, რომ დანარჩენ სურათებზედაც ის რავედენადმე თომა ჩუბინიძის მსგავსებასა ხედავს, ალექსანდრე ჩუბინიძემ განაცხადა, რომ ის სცნობს თომა ჩუბინიძეს 1909 წ. „დიმიტრი მაყაშვილად“ გადაღებულ სურათში, ორ სხვა სურათზე-კი მის მსგავსებასა პოულობს; დანარჩენმა შეიღმა კაცმაც მსგავსება დაინახა თომა ჩუბინიძესთან ამა თუ იმ გადასინჯულ სურათზე. ამას შემდეგ თავის დიმიტრი დავითის ძე მაყაშვილად მხმობელი სასამართლოს გამომძიებელმა წარუდგინა იმავე თერთმეტ მოწმეს და ყველამ კატეგორიულად განაცხადა, რომ წარდგენილში ივინი სცნობენ თანასოფელს თომა ამბაკოს ძე ჩუბინიძეს (ტ. 2 ფ. დ. 19 უკ. — 24 უკ., 25 უკ.—27, 29 და უკ. 42 და უკ. 56).

მაშინ თავისთავის დიმიტრი დავითის ძე მაყაშვილად მხმობელს სასამართლოს გამომძიებელმა ჩვენება ჩამოართვა როგორც საექვოს და ის მაინც თავისას ამტკიცებდა, რომ სოფელ იყალთოს მცხოვრებია—დიმიტრი დავითის ძე მაყაშვილი. ხოლო წინანდელ ჩვენებათა შესაცვლელად თავის ნათესაობის შემადგენლობის შესახებ, ამჟამად მან განაცხადა, რომ მის ღებდას, რომელიც სამშობლოში ცხოვრობს მასთან ერთად, ჰქვიან დარია გრიგოლის ასული, რომ იქვე ცხოვრობს მისი ძმა იასონ, 45 წლისა, რომ მეორე მისი ძმა—ალექსანდრე გადაიცვალა 15 წლისა და რომ მის ბიძას, რომელიც იმავე სოფელ იყალთოში ცხოვრობს, ჰქვიან გრიგოლ სვიმონის ძე მაყაშვილი. ამასთანავე მან განაცხადა, რომ მას არ ახსოვს სახელი თავის გარდაცვალებულ მამისა, მგონი „ივანეს ძედ“ იხსენიებოდა (ტ. 2 ფ. დ. 25 უკ.). საექვო პირის განცხადებათა სიმართლის გამორკვევის დროს სასამართლოს გამომძიებელმა წინასწარ გამოძიებით დაადასტურა, რომ სოფელ იყალთოს მცხოვრებთა შორის მართლა არის თავადი დიმიტრი დავითის ძე მაყაშვილი, ხოლო ეს პირი ამჟამად დასახლებულ სოფელში ცხოვრობს, სადაც მამასახლისად არის. ამ ნამდვილ დიმიტრი დავითის ძე მაყაშვილმა, რომელსაც გამოძიების დროს ჩვენება ჩამოერთვა, როგორც მოწმეს, განაცხადა, რომ მის მამას სამსახურიდან დათხოვნილ კაპიტანს—ერქვა დავით მიხეილის ძე, ღებდას—დარია რევაზის ასული; ორივენი გადაიცვალნენ 20 წლის წინად. გარდა თვით მოწმისა მის მშობლებს კიდევ სამი ვაჟი ჰყავდათ: ნიკოლოზ, ალექსანდრე და მიხეილი; ყველანი ღღესაც ცოცხალნი არიან, ნიკოლოზი წინანდალის უბნის მოხელეა, ალექსანდრე—პოდპოლკოვნიკი სამსახურიდან დათხოვნილი—ქ. ტფილისში ცხოვრობს, მიხეილიც ტფილისში ცხოვრობს და საზოგადოება „კახეთისში“ მსახურობს; მეორე



თავადი დიმიტრი დავითის ძე მაყაშვილი, გარდა თვით მოწმისა, მისი სიტყვით, თელავის მაზრაში არ არსებობს და არცა ყოფილა; სწორედ აგრედვე სოფელ იყალთოში არც არის და არც ყოფილა დარია სვიმონის ასული, დარია გრიგოლის ასული, სამსონ გრიგოლის ძე, ალექსანდრე და გრიგოლ სვიმონის ძე მაყაშვილები, არც მედავითნე სისოური; თავადი იასონ მაყაშვილი იყო, ხოლო მას უწოდებდნენ დავითის ძედ კი არა, არამედ გრიგოლის ძედ; ტუსალი, რომელიც თავის თავს მის, მოწმის სახელით იხსენიებს, მათ ოჯახს არ ეკუთვნის და სრულიად უცნობია. ყველა ამას მოწმემ დაუმატა, რომ ათი წლის წინად, მკონი 1903 წელს, იყალთოსა და ტფილისის შორის მან დაკარგა თავისი უვადო პასპორტის წიგნაკი, თელავის მაზრის თავად-აზნაურთა წინამძღოლის მიერ მიცემული 1899 ან 1900 წ. და ამ დანაკარგის გამო დაბეჭდილი იყო მისი განცხადება ვახუთ „კავკასი“-ში. აღწერილი ჩვენება მოწმე დიმიტრი მაყაშვილისა სახსრებით დადასტურდა გამოძიების დროს დაკითხულ მის ძმის ნიკოლოზ მაყაშვილის ჩვენებით და აგრედვე მოწმე ვალერიან კიკნაძის ჩვენებითაც, რომელიც თელავის მაზრის სამაზრო გამგეობის საქმის მწარმოებელია და, როგორც ამ მაზრის მკვიდრი მცხოვრები, თავად მაყაშვილთა საგვარეულოს წევრებს კარგად იცნობს. (ტ. 2 ფ. დ. 43-45).

გადასინჯვით წინასწარ გამოძიებისა და სასამართლოს წარმოებისა გორის ხაზინის ქვეშ გაყვანილ ხერელის შესახებ, რომელიც 1900 წ. მოხდა, დადასტურდა, რომ ამ საქმის გამო დიმიტრი დავითის-ძე მაყაშვილის სახელით დამნაშავედ ცნობილის ვინაობა თავიდანვე დიდს ეჭვს იწვევდა. ამჟამად სოფელ იყალთოში მცხოვრები თავადი დიმიტრი დავითის-ძე მაყაშვილიც ამ საქმის გამო თავის დროს დაკითხულ იქმნა, როგორც მოწმე და მისი ჩვენება, როგორც ჩვენება აწ გარდაცვალებულ თავად იასონ გრიგოლის-ძე მაყაშვილისა, აგრედვე საქმეში მოვროვილი სხვა საბუთები მაშინაც უჩვენებდნენ, რომ ბრალდებული მაყაშვილი ტყუილად იწოდებოდა ამ სახელით. ამის გამო დასახლებული მაყაშვილი დამატებით იყო გამოძიებაში მიცემული, როგორც მატანტალა და შემდეგ ტფილისის საოლქო სასამართლოს განაჩენით 1912 წ. 15 აპრილის თარიღით ცნობილ იყო დამნაშავედ, სხვა დანაშაულობასთან ერთად, ამ ბოროტმოქმედებაშიც, ხოლო ტფილისის სამოსამართლო პალატამ თავის განაჩენით 1913 წ. 12 თებერვლის თარიღით შესცვალა აღნიშნული ოლქის განაჩენი და მასთან ერთად, გაუგებარ მოსაზრებით, გააუქმა ეს განაჩენი იმ ნაწილებშიც, რომელიც მატანტალაობას შეეხებოდა. გორის ხაზინის ქვეშ ხერელის შეთხრის შესახებ წარმოებულ საქმეში ისიც იყო ნაჩვენები, რომ ბრალდებული დიმიტრი მაყაშვილი და ბაქოს საპატიმროდან გაქცეული ტუსალი ალექსანდრე მისიურაძე ერთი და იგივე პირია და



ესეთი საბუთები არ იყო გამოყენებული იმ დრომდე, ვიდრე ბაქოს ოლქის სასამართლოს პროკურორისაგან არ მოვიდა ტფილისის ჯანდარმთა სამმართველოს გამოკვლევით შეგროვილი ცნობები. ბაქოს საოლქო სასამართლოს გამომძიებელი მოზგუნოვის მომართვიდან და აგრეთვე მის საქმის გადასინჯვით — „ბრალდებულ ალექსანდრე მაისურაძეთ წოდებულის დანაშაულობა რომელიც აღნიშნულია სასჯელთა კრებულის მე-978 მუხლში“ — სჩანს, რომ აღნიშნულ გამოკვლევის მიღების შემდეგ წინანდელი საბუთები იმ პიროვნების იგივეობისა, რომელიც ან თავის თავს დიმიტრი მაყაშვილს უწოდებს და 1908 წელს ალექსანდრე მაისურაძედ იწოდებოდა, სრულიად დადასტურდა არა მარტო იმ მოწმეების ჩვენებით, რომლებიც ალექსანდრე მაისურაძეს საპატიმროში იცნობდნენ, როგორც ბოქაული ესაძე, მის შეპყრობაში მონაწილეობის მიმღები, არამედ კალიგრაფიულ ექსპერტიზის შედეგით, რომლითაც დამტკიცდა იგივეობა „დიმიტრი მაყაშვილისა“ და „ალექსანდრე მაისურაძის“ ხელმოწერისა (ტ. 2 ფ. დ. 8 უკ. 9 18 და თკ., 40 უკ. — 12).

ქუთაისის საოლქო სასამართლოს გამომძიებელმა კარსკიმ თავის მხრივაც მოახდინა კალიგრაფიული ექსპერტიზა იმ მიზნით, რომ დაემტკიცებინა იგივეობა ხელმოწერისა იმ პირისა, რომელიც თავის თავს დიმიტრი მაყაშვილად უწოდებს, და ქუთაისის საპყრობილედან გაქცეულ თომა ჩუბინიძისა და ამრიგად თვალსაჩინოდ დაედასტურებინა სხვა საბუთები ორთავე პიროვნების იგივეობისა. ექსპერტები კატეგორიულ დასკვნას დაადგნენ, რომ მათდამი შესადარებლად გადაცემული ხელისმოწერები ერთსა და იმავე პიროვნებას ეკუთვნის და მხოლოდ დაუმატეს, რომ თავისთავის მაყაშვილად მხმობელი, როგორც ეტყობა, ცდილა თავის ხელმოწერა შეეცვალა, როდესაც მის ნიშნებს იძლეოდა სასამართლოს გამომძიებლის მოთხოვნისა (ტ. 2 ფ. დ. 27—28 უკ.).

ამავე მიზნით, რომ თვალსაჩინოდ დაემტკიცებინა იგივეობა დიმიტრი მაყაშვილის და „თომა ჩუბინიძის“ პიროვნებისა, სასამართლოს გამომძიებელმა კარსკიმ კიდევ ერთი საცადი იხმარა, რომელიც შემდეგს მოსაზრებაზე იყო დამყარებული. ამჟამად თავისთავის დიმიტრი მაყაშვილად მხმობელი დიდ წვერს ატარებს, თავზე-კი თმა არა აქვს. წინაჲ კი თომა ჩუბინიძე, ვიდრე ის ქუთაისის საპყრობილედან გაიქცეოდა, როგორც სჩანს იმდროინდელ ფოტოგრაფიულ სურათზე, წვერს არ ატარებდა, თავზე-კი თმა ჰქონდა. ეს განსხვავება ძალიან აშორებს მსგავსებას წინანდელ თომა ჩუბინიძესა და იმ პირს შორის, რომელიც ეხლა თავისთავს დიმიტრი მაყაშვილს უწოდებს. ამიტომ ამ განსხვავების გაქარწყლება მეტად სასურველი იყო მხოლოდ ფოტოგრაფიულ სურათზე მაინც, რაც უკვე მოხერხდა



სპეციალ-ფოტოგრაფის დახმარებით, რომელმაც 1907 წელს გადაღებულ თომა ჩუბინიძის სურათის ასლზე ხელოვნურად (რეტუშით), ერთის მხრივ, თავს თმა ააცალა და მეორე, წვერი გაუკეთა იმ მოყვანილობისა, როგორც ამჟამად აქვს იმ პირს, რომელიც თავის თავს მაყაშვილს უწოდებს. მიღებულ გამოხატულობას საოცარი მსგავსება აქვს დიმიტრი მაყაშვილის ფოტოგრაფიულ სურათთან, რომელიც გადაღებულია 1915 წელს (2 ფ. დ. 38—39 უკ. 46 და უკ.).

ყველა ზემოდ მოყვანილ საბუთებით, თავისთავის თელავის მაზრის სოფელ იყალთოს მცხოვრებ დიმიტრი დავითის-ძე მაყაშვილად მწოდებელი, ნამდვილად-კი, როგორც გამოაშკარავდა, შორაპნის მაზრის სოფელ საზანოს მცხოვრები თომა ამბაკოს-ძე ჩუბინიძე დაკითხულ იქმნა ამ საქმის გამო როგორც ბრალდებული, რომელსაც ბრალად ედება ზემოდ აღწერილი გაქცევა ქუთაისის საგუბერნიო საპატიმროდან; ხოლო მან თავისი თავი დამნაშავედ არ იცნო და კვალად ამტკიცებს, რომ ის თავადი დიმიტრი მაყაშვილია, თუმცა არავითარი ამის დამამტკიცებელი ახალი საბუთი არ წამოაყენა (ტ. II ფ. დ. 34-35, 57).

ზემოდ მოყვანილ საბუთებით, ყოველ განსაკუთრებულ ღირსებაუპირატესობას აყრილს ქუთაისის გუბერნიის, შორაპნის მაზრის, სოფელ საზანოს მცხოვრებს თომა ამბაკოს-ძე ჩუბინიძეს, რომელიც თავის-თავს თავად დიმიტრი დავითის-ძე მაყაშვილს უწოდებს, 31 წლისას ბრალად ედება, რომ 26 სექტემბერს 1907 წ., როდესაც ის ქუთაისის საგუბერნიო საპატიმროში იყო დამწყვედელი, ვითარცა გამოძიების ქვეშ მყოფი ტუსალი, წინასწარ შეთანხმებითა და საერთო ძალღონით სხვა იმავე საპატიმროს ტუსალებთან და აგრედვე გარეშე, გამოძიებით ვერ აღმოჩენილ პირებთან ერთად, მან ხერგილი გაიყვანა საპატიმროს მეზობლად მყოფ ვარლამ ფანცხავას სახლიდან საპატიმროს სეკრეტში № 1 და სალამოს 1907 წ. *) სხვა ტუსალებთან ერთად აღნიშნულ საპატიმროდან გაიქცა, ე. ი. ჩაიდინა დანაშაულობა, სასჯელთა კრებულის მე-13 და მე-3 ნაწ. 309 მუხლებით გათვალისწინებული.

ამის გამო და თანახმად სისხლის სამართლის წესდების მე-200, 208, 1260 და 1271 მუხლებისა, დასახელებული თომა ამბაკოს-ძე ჩუბინიძე ქუთაისის ოლქის სასამართლოს-მიერ განსამართლებას ექვემდებარება.

შედგენილია ნოემბრის 15 დღესა 1915 წ. ქ. ქუთაისში.

ბრალმდებლის ამხანაგი დანევსკი.

*) თვე და დღე არ არის დასახელებული ოქმში.



სია იმ პირთა, რომელნიც დაბარებულ უნდა იქმნენ სასამართლოს სხდომაზე:

ბრალდებული: თომა ამბაკოს-ძე ჩუბინიძე, რომელიც თავის-თავს დიმიტრი დავითის-ძე მაცაშვილად უწოდებს.

მოწმენი: 1, ილია დავითის-ძე აბშილავა, 2, მიხეილ ივანეს-ძე დე-პარმე, 3, სვიმონ სტეფანეს-ძე ნოსკოვი, 4, ვასილ პეტრეს-ძე ქორჭაშვილი, 5, პეტრე იოსების-ძე ფეიქაროვი, 6, თავადი დიმიტრი დავითის-ძე მაცაშვილი, 7, თავადი ნიკოლოზ დავითის-ძე მაცაშვილი, 8, ვალერიან იოსების-ძე კიკნაძე, 9, ექვთიმე ვახტანგის-ძე ჩუბინიძე, 10, მელიტონ არხიპოს-ძე ჩუბინიძე, 11, პლატონ სფირიდონის-ძე ჩუბინიძე, 12, ალექსანდრე ნიკოს-ძე ჩუბინიძე, 13, რევაზ ვახუშტის-ძე ჩუბინიძე, 14, სვიმონ ვახუშტის-ძე ჩუბინიძე, 15, ოქროპირ ლუკას-ძე ჩუბინიძე, 16, ერმილ დავითის-ძე ჩუბინიძე, 17, გიორგი იესეს-ძე ვალარა...

ბრალმდებლის ამხანაგი დანევსკი.



პროლეტარებო ყველა ქვეყნისა, შეერთდით!
კავკასიის კავშირი რუსეთის სოციალდემოკრატიული
მუშათა პარტიისა.

„პროლეტარიატის ბრძოლის“ ფუნდამენტი

№ 7.

1 (14) აპრილი 1904 წ.

№ 7.

მე II

В угождение Богу злата
Край на край встает войной!
И людская кровь рекой
По клинку течет булата.
Люди гибнут за металл!
Сатава там правит бал!

გეგმა

„გაყვები დაუფიწყარ მამაჩემის კვალს“ ამბობდა ამ ათის წლის წინეთ ნიკოლოზ II, და გაჰყვა კიდეც... თავის მხრივ „დაუფიწყარი მამა“ ალექსანდრე III-მაც ყველას არწმუნებდა, რომ „ერთგულათ ავასრულებ წინაპართაგან გადმონაცემ ანდერძს—ალექსანდრე II-ისა, ნიკოლოზ I-ისა და სხვებისაგანაო“. რაში მდგომარეობდა ამ დაუფიწყარ ჯალათების ანდერძი? როგორ ექცეოდნენ ისინი თავიანთ მეზობელ სახელმწიფოებს, რითი ხელმძღვანელობდნენ ისინი თავიანთ საგარეო პოლიტიკაში?

„გაახილე თვალი! სცარცვე მეზობლები!“ აი რუსეთის მეფეების დევიზი. მონურ უღელში შებმა ახალ-იხალი ქვეყნების, რომლებიც ახალ მოხარკეებსა და სალდათებს მისცემდნენ რომანოვების გვარის სახელის ასამალღებლათ—აი რუსეთის დესპოტების თავდაპირველი მისწრაფება! ეს მტაცებლობის პოლიტიკა წითელ ძაფად გასდევს მთელ რუსეთის ისტორიას.

მოვიგონოთ უკანასკნელი ასი წელიწადი. აუარებელ ხალხებსა და შხარებებს ჩაურკო თავისი მტაცებელი ბრჭყალები რუსეთის ორთავიანმა არწივმა. აი რუსეთის შენაძენთა მოკლე სია: 1801 წელს



ქართლ-კახეთი, 1803 წ. სამეგრელო, 1810 წ. იმერეთი, 1815 წ. ვაჟა-ფშაველას სამთავრო (Варшавское Герцогство), ბესსარაბია, ფინლიანდია, 1858—60 წ. ამურისა და უსსურის მხარეები, 1859 წ. აღმოსავლეთი კავკასია და ჩემკენტი, 1865—66 წლ. ტაშკენტი და თურქესტანის მხარე, 1868 წ. სამარყანდი, ზარეფშანის ოლქი და ბუხარა. 1870 წ. მანგიშლაქი. 1873 წ. ხივა, 1376—კოკანის სახანო (ეხლა ფერგანის ოლქს ეძახიან), 1881—გეოკტეფე და იმიერ-კასპიის ოლქი, 1884—მერვი, 1886—პენდე .. აი ფაქტები. რომლებიც რუსისა და სხვა ხალხების სისხლით არის დაწერილი ისტორიაში! ამ ფაქტების დაღადებას ვერ ჩააჩუმებს ვერც რუსეთის დესპოტების ფარისევლური ლათაიობა მათს „მშვიდობიანობის მოყვარეობაზე“ და ვერც გოდება მოსყიდულ პატრიოტებისა, რომლებიც ქებით ამკობენ ამ „მშვიდობიანობის მოყვარეობას“ საეკლესიო კათედრებიდან და ნებადართულ გაზეთებში. ეს თვალ-საჩინო ფაქტები პირდაპირ გვიმტკიცებს იმას, თუ რამდენათ მშვიდობიანობის მოყვარე იყო „მშვიდობიანობის მოყვარეთ“ წოდებული ალექსანდრე III, რომელმაც თავის მეზობლებს მთელი იმიერ-კასპიის ოლქი ჩამოაცალა (გეოქ-ტეპე, მერვი და პენდე) სივრცით 486 ათასი კვადრატული (ოთხ-კუთხი) ვერსტი, ე. ი. კავკასიაზე უფრო დიდი მხარე (კავკასია 411 ათასი ოთხ-კუთხი ვერსტია). შესანიშნავია ის, რომ ამ „მშვიდობიანობის მოყვარემ“ იუდაებურათ ისარგებლა მეზობლების სისუსტით და უომრათ, „უბრალო“ მოტაცებით მიითვისა ეს მხარე. ნიკოლოზ II-ე გაჰყვა „დაუფიწყარ მამის კვალს და მოინდომა მამისებურათ გამოეტაცნა მანჯურია დაუძღვრებელი ჩინეთისათვის. ამ მიზნით. ვითომდა იჯარით აიღო, ნამდვილათ-კი მისიაკუთრა, —1897—8 წ. ხელ-შეკრულობით პორტ-არტური და კვანტუანის ნახევარ-კუნძული. შემდეგ გაყვანილ იქნა მანჯურიის რკინის გზა, რომლის დასაცავათ ჯარით აავსეს მთელი მანჯურია. მაგრამ „მშვიდობიანობის მოყვარის“ შვილს ისე ველარ გაუღიმა ბედმა მანჯურიაში, როგორც მის „დაუფიწყარ მამას“ იმიერ-კასპიის ოლქში. „მშვიდობიანობის მოყვარე“ ნიკოლოზ II-ის მტაცებლობის უინმა ომიანობა და სისხლის ღვრის საშინელებანი თავს დაატეხა ისედაც ნაწამემ რუსეთის პროლეტარიატს და გლეხ-კაცობას. თვითონ ჩინეთმა, დაუძღვრებულმა, დაძაბუნებულმა ჩინეთმა ვერ შესძლო წინააღმდეგობა გაეწია რუსეთის დესპოტის ასეთ მტაცებლობისათვის, მაგრამ მას გამოესარჩლა იაპონია, რომლის ზურგს უკან დგანან ინგლისი და ჩრდილოეთ-ამერიკა. რაკი მანჯურიას დაისაკუთრებდა და ჯარით აავსებდა მას, რუსეთის თვითმპყრობელობა ახლო მიუჩოჩდებოდა ჩინეთის და კორეის სატახტო ქალაქებს—პეკინსა და სეულს. ამ სახელმწიფოთა მთავრობებმა თავიანთი ცარცვა-გლეჯითა და ძალ-მომხრეობით იქამდე მიიყანეს თავიანთი ქვეშევრ-



დომნი, რომ ძლივ-ძლივობით იმორჩილებენ მუდამ ასაჯანყებლად გამზადებულ ხალხს. „ბუნტები“ იქ უფრო ხშირია, ვიდრე ჩვენში. რუსეთის თვითმპყრობელობა, რა თქმა უნდა, ისარგებლებდა ჩინეთის და კორეის მთავრობათა ასეთი სისუსტით, ხან მუქარას გამოუცხადებდა მათ თავისი ჯარების გავზავნით, ხან იმავე ჯარებით მიეშველებოდა მათ აჯანყებულ ქვეშევრდომთა დასაწყნარებლათ. ამგვარათ უძლიერეს გავლენას მოიპოვებდა ჩინელ და კორეელ მმართველებზე, რომელთა ძალა და მომავალი რუსეთის დესპოტის ხელში იქნებოდა. ფაქტიურათ, ჩინეთი და კორეა რუსეთის პროვინციებათ გადაიქცეოდა, რუსეთის ვაჭრები-კი ისეთსავე განსაკუთრებულს სავაჭრო უფლებებს მოიპოვებდნენ იქ, როგორც დღეს შუაგულ რუსეთში აქვთ, ეს-კი სასიკვდილო ლახტი იქნებოდა იაპონიის, ინგლისის და ამერიკის ვაჭრობისათვის.

იაპონიის ახალგაზდა ბურჟუაზია, რომელიც სხვებზე უფრო დაინტერესებულია ჩინეთის და კორეის ბაზრებში, პირველი აღსდგა თავისი სავაჭრო ინტერესების დასაცველათ და მოსთხოვა რუსეთს ჯარების გაყვანა მანჯურიიდან. რადგან ცბიერი თვითმპყრობელობა დროს მოსაგებათ აჭიანურებდა მოლაპარაკებას და „მშვიდობიანობაზე“ ლათაიების დროს საჩქაროთ ეზიდებოდა აღმოსავლეთისკენ ჯარებს,—იაპონიამ აღარ მოიცადა და ომი გამოაცხადა.

აი რამდენიმე ციფრები, რომლებიც აშკარათ გვიჩვენებს, თუ სად იფარება ნამდვილი მიზეზები იაპონიის მთავრობის ასეთი ყოფაქცევისა. სულ ცოტა ხანია მას აქვთ, რაც იაპონიაში მსხვილი (კაპიტალისტური) წარმოება ვითარდება, მაგრამ, მიუხედავთ ამისა, უკვე შესანიშნავი ნაყოფი გამოიღო მან. მაგალითად 1894 წ. იაპონიაში სულ მხოლოდ ათასამდე სამრეწველო დაწესებულება იქნებოდა, რომლებიც ორთქლისა და ელექტრონის მანქანებსა ხმარობდნენ. 32 ათასი ცხუნის ძალით (ე. ი. ეს მანქანები იმდენსავე ძალას ქმნიდნენ რამდენსაც 32 ათასი ცხენი); 1900 წელში-კი, ე. ი. ექვსი წლის შემდეგ, იქ უკვე ორი ათასზე მეტი მანქანებიანი სამრეწველო დაწესებულება იყო, რომელიც 83 ნახევარ ათას ცხენის ძალას შეიცავდა. მრეწველობის ზრდასთან ერთად იზრდებოდა ძალა და გავლენა იაპონიის ბურჟუაზიისა, რომელმაც ბოლოს სავსებით ხელში ჩაიგდო პოლიტიკური ძალა.

მაგრამ იაპონელ მაწარმოებლებმა, რომლებიც თავიანთ ფაბრიკებსა და ქარხნებში აუარებელ საქონელს ამზადებდნენ, ვეღარ გაასაღეს იაპონიაში ეს საქონელი; მუშტართა უმრავლესობა (მუშები და გლეხ-კაცობა) მთავრობის გადასახადებისგან და ხაზინებისა და მემართულების ცარცვა-გლეჯისაგან ისეთსავე სიღატაკეში არიან ჩაყვინულნი, როგორც ჩვენში, საუკეთესო და გამოუცდელი მუშა 70 კ.



ქართული
ნაციონალური
ბიბლიოთეკა

მეტს ვერ იღებს დღეში, და ქალი ხომ აბაზსაც ძლივს აკეთებს. გლეხ-კაცობის ცხოვრება, რომლებიც მთელი მცხოვრებლების ნახევარზე მეტს შეადგენენ (60 პროც), კატორგის ცხოვრებას ბევრით არ სჯობია: თითო კაცზე საშუალო რიცხვით სამი-მეოთხედი დესეტინა მიწა მოდის, და თითოეულ დესეტინაზე-კი ყოველ წლივ 15 იენამდე (იენა 97 კ) სახელმწიფო და საზოგადო გადასახადები ეწერება. ამის შემდეგ ცხადზე ცხადია, რომ იაპონელი (საქმის) მაწარმოებელი ყველა თავის საქონელს ვერ გაასაღებდენ იაპონიაში და საქონლის კაი დიდ ნაწილს საზღვარ-გარეთ უნდა ეპოვა ბაზარი. მაგალითად 1896 წ. იაპონიიდან გამოტანილ იქნა 117 მილიონი იენის საქონელი, 1902 წელში-კი 258 მილ. იენისა. ჩინეთსა და კორეაში ერთად გამოტანილია 1896 წ. იაპონიიდან 36 მილიონ იენის საქონელი, 1902 წ. თითქმის 100 მილ. იენისა, სხვანაირად რომ ვთქვათ, იაპონიის ექსპორტი (вывоз) ჩინეთში და კორეაში სწრაფად იზრდებოდა და დღეს-კი თითქმის ნახევარ ექსპორტს უდრის. აქედან ადვილი ასახსნელია ის გარემოება, თუ რად ადევნებდა ასეთი დიდი ყურადღებით თვალს იაპონიის ბურჟუაზიული მთავრობა თვითმპყრობელ მტაცებელის „მშვიდობიანობის მოყვარულ“ პოლიტიკანობას, ადვილი გასაგებია იაპონიის სიბრძნე და თავის გამოღება ჩინეთის დასაცველათ ნიკოლოზ II-ის მტაცებლობისგან. ბურჟუაზიულ მთავრობებს ვერ შეუძლიანთ ერთმანეთს უანგარო მეგობრობა გაუწიონ.

მაგრამ შეიძლება „რუსეთსაც“, როგორც ამბობენ ხოლმე ბურჟუაზიის კულ-ქიციანა მეგაზეთეები, რომლებიც არ არჩევენ ბურჟუაზიას და რუსეთს ერთმანეთისაგან, აქვს თავისი სავაჭრო ინტერესები ჩინეთში და კორეაში? ამაზე ციფრები გვიპასუხებს: საშუალოთ რუსეთიდან ჩინეთში გაუტანიათ ყოველ წლივ 1895 წლიდან დაწყებული 1898 წლამდე 5 მილ. მან. საქონელი, მაშინ როდესაც რუსეთიდან გატანილია საზღვარ-გარეთ 1898 წ. 489 მილ. მანეთის საქონელი! კორეაში-კი ისეცოტა საქონელია გიტანილი, რომ არც-კი ღირს სათქმელათ. შეიძლება ამის შემდეგ კაცმა ილაპარაკოს „სერიოზულ“ სავაჭრო ინტერესებზე რუსეთის ბურჟუაზიისათვის ჩინეთსა და კორეაში? ამისთანა ადვირ ახსნილ სიტუტეს ჩვენი ცრუპენტელა ლეგალური ვაზეთებიც-კი ვერა ბედავენ, მაგალითად, ჟურნალი „Вестник Европы“ პირდაპირ აცხადებს: „ჩვენ მანჯურიაში არავითარი ინტერესი არა გვაქვსო“. სხვანაირათ ლაპარაკობს ლეგალური პრესა „რუსეთის ინტერესებზე კორეაში“. რადგან ამ ცოტა ხანში შესდგამტაცებელთა „შაიკა“ დიდი მთავრებისა და მეფის საყვარელი დამქაშების—ბეზობრაზოვისა და ალექსეევისაგან,—რომელმაც კორეის მთავრობისაგან აიღო კონცესია (განსაკუთრებითი უფლება) ტყისა



და ქვანახშირის ექსპლოატაციისა როზოვის და დაველეტის ლებზე, და აგრეთვე ტუბენისა, ულასა და იალუს მიდამოებში — რა თქმა უნდა, ზეგარდმო შთაგონებულმა პრესამ ყვირილი მორთო „რუსეთის“ ეკონომიურ ინტერესებზე კორეიაში? როგორ არ მოუწოდოს ზეგარდმო შთაგონებულმა პრესამ, — იარალით ხელში დაიცავით „რუსეთის“ ინტერესებიო? ნამდვილი სავაჭრო ინტერესები ჩინეთში და კორეიაში შეიძლება მომავალში აღმოჩენილიყო რუსეთის ბურჟუაზიისათვის: როცა თვითმპყრობელობა გამაგრდებოდა მანჯურიაში და მოიპოვებდა ჩინეთის და კორეის მთავრობისაგან განსაკუთრებულს პრივილეგიებს რუსეთის ვაჭრებისთვის და ამგვარათ ზეგაუადვილებდა ამ ვაჭრებს სისხლი ეწოვათ ჩინელი და კორეიელი ხალხისა. მაგრამ დღემდის ასეთი ინტერესები არა ყოფილა და, ამიტომ, რუსეთის მთავრობისაგან მანჯურის მითვისება და ამ ნიადაგზე აღმოცენებული ომი იაპონიასთან ნამდვილი სავაჭრო ინტერესების დაცვა-კი არა, რუსეთის თვითმპყრობელობის აღვირ-ახსნილი მტაცებლობა და ცარცვა-გლეჯაა! როცა რუსეთის თვითმპყრობელობა თავს ახვევდა რუსეთის პროლეტარიატსა და გლეხ-კაცობას იაპონიის ომს და მასთან შეერთებულ სისხლის ღვრას, მას საიდუმლო მიზანი ჰქონდა: ხალხის უბედურებით რომანოვების ტახტი გაემაგრებინა. მან განიზრახა საგარეო ომით ესარგებლნა შიგნიდან შენგრეულ ტახტის გასამაგრებლათ. საგარეო ომმა უნდა გამოიწვიოს და გააძლიეროს მცხოვრებლებში პატრიოტული გრძობები, თავი უნდა მოუყაროს პატრიოტებს მეფის გარშემო და მით დაავციანოს მისი დაცემის ჯამი! აი რა იმედები ჰქონდა ჩვენს ტირანს, როცა იაპონიასთან ომი დაიწყო! როგორც წყალში დამხჩვალი ხაესს მოეკიდება ხოლმე ისე მუშათა რევოლიუციონური მოძრაობისგან შერყეული რუსეთის დესპოტიზმი ორივე ხელით მოეკიდა საგარეო ომს. ქვემძრომმა ლეგალურმა გაზეთებმაც სრულიად დაუფარავად გამოსთქვეს ეს იმედები: „ომი შეაჩერებს მუშათა და ხაზინებთა შორის არსებულ უსიამოვნობას და წვრილ შეტაკებებს პოლიციასთან“ ამბობს „Новое время“. მთავრობის ანგარიშით, რუსეთის ხალხს სისხლი უნდა დაიღვაროს იმისთვის, რომ მცხოვრებთა მთელი ყურადღება ომმა მიიზიდოს, მუშების და გლეხ-კაცობის ყურადღება მოაშოროს უკვე დაწყებულ ბრძოლას შინაურ მოსისხლე მტრების წინააღმდეგ და რევოლიუციონური მუშტი, რომელიც ხალხმა გამირულათ ამართა მეფის, ფაბრიკანტების და მემამულეების წინააღმდეგ, — მიმართოს იაპონელებზე, რომლებსაც მზათ არიან დააბრალონ რუსეთის ხალხის ყოველგვარი უბედურება. საგარეო ომის შემწეობით რევოლიუციონურ მოძრაობის შესუსტება გახდა უმთავრეს საგნათ თვითმპყრობელობის შინაურ პოლიტიკისა. პატრიოტიზმის გამოწვევა მცხოვრებლებში და იმით მეფის ტახტის განსამტკიცებლათ სარგებ-



ლობა—აი მთავრობის მისწრაფება, ლოზუნგი. ომის გამოცხადების
 მეორე დღესვე სისხლით გაუმადლარმა ტირანმა, რომელმაც ჯერ კი-
 დევ წარსულ ზაფხულში დააქცია რუსეთის მუშა ხალხის სისხლი, გა-
 დაიცვა უმანკო ცხერის ტყავი და დაუწყო წუწუნის „საყვარელ“
 ხალხს—„ცბიერმა“ იაპონელებმა შეურაცხოთა მომაცუნეს და თავზე-
 დათ ამართეს იარაღი პასუხათ ჩემს „მშვიდობიანობის მოყვარულ“
 ყოფაქცევაზეო! უცებ, თითქოს ნიშანი მისცა ვინმემო, ატყდა მთელ
 რუსეთში ხუცებისა და პოლიციელების ყმელილი პატრიოტულ ჰანგზე..
 „შეურაცყოფილი მამა მეუე“, „საყვარელ ხალხზე ზრუნვისაგან ჩამომ-
 მხარი“ მეფე გახდა უმთავრესი საგანი პატრიოტული აგიტაციისა.

ხალხის სისხლით შესვრილი ხელებით ებლაუქებოდენ მთავრო-
 ბის აგიტატორები ხალხში გაღვიძებულ წმიდა სიყვარულს სამშობლო-
 სადმი და ცდილობდენ ამ წმიდა გრძობაზე აეშენებიათ უმთავრესი
 სიმაგრე ხალხის ჯალათ ნიკოლოზ რომანოვისათვის. ბევრ ქალაქებში
 და უფრო-კი სოკულებში აუხვიეს ამ ვაჟბატონებმა თვალი შეუგნებელ
 ხალხს და სიხარულითაც-კი გააწოდებინეს ქედი თვითმპყრობელობის
 უღლისკენ. ხალხის შეუგნებლობამ, რომელსაც ასე თავ-გამოდებით
 იფარავს მთავრობა, მხოლოდ ამ შეუგნებლობამ, გაამარჯვებინა მეფის
 გაიძვერულ პოლიტიკას. მაგრამ, რამდენათ მტკიცეა ეს გამარჯვება?
 „არეულობებისგან“ შეშინებული მთავრობა ომის დაწყების პირველ
 თვეშივე იძულებული გახდა აეკრძალა პატრიოტული მანიფესტაციები.
 ეს ფაქტი მჭერმეტყველურათ არ გვიჩვენებს სინამდვილეს?! ხალხის
 შეუგნებლობა—ეს თვითმპყრობელობის თავდაპირველი საფუძველი—
 ფეხ-ქვეშ ეცლება თვითმპყრობელობას! სიტყვა „პატრიოტი“ საგი-
 ნებელ სიტყვათ გახდა შეგნებულ მუშების ენაზე. რომელი შე-
 გნებული მუშა ან გლეხკაცი იქნება, რომ ომის მომხრე იყვის?
 განა რუსეთის მთავრობის ძველმა ომებმა შეამოკლა როდისმე მუ-
 შების სამეშაო დღე? განა ამ ომებმა მოუმატეს რამე გლეხ-კაცე-
 ბის „ნადელს“, შეამცირეს როდისმე უმუშევრობა? განა მათ მისცეს
 ხალხს როდისმე სკოლები, გაფიცების, კრებების, ბეჭდვის, კავშირე-
 ბის თავისუფლება? რა თქმა უნდა არა. ხალხს, მხოლოდ ომში და-
 ლუჯულ მოძმე სალდათების საფლავები შეხვდა წილათ და აუარებე-
 ლი სახელმწიფო ვალი, დღეს—მთელი 6 მილიარდი, ე. ი. ექვსი
 ათასი მილიონი მანეთი, რომლის პროცენტებს იხდის დღეს ხალხი,
 გადასახადების სახით ყოველ წლივ 300 მილიონ მანეთს! ომის დროს
 მთავრობა, ფაბრიკანტები და მემამულეები ხალხის სისხლს აქცევენ
 და ხალხის ფულს ფლანგავენ თავიანთი თავის გასამდიდრებლათ.
 ხალხისთვის-კი ომიანობა უბედურებაა! ეს უბედურება კი სულ მეფემ
 დაატეხა რუსეთს თავზე! ნუ თუ არ აავსებს ყველა ეს ხალხის მოთ-
 მინების ფიალას?! ნუ თუ ეხლაც, როცა მეფემ ასე გულგრილათ გა-



დაყარა ომისთვის რამდენიმე ასი ათასი სალდათი და რამდენიმე
 ლიონი ხალხის ფული, ნუ თუ ეხლაც მუნჯათ დაუწყებენ ცქერას მე-
 ფის ბოროტ-მოქმედებას მუშები და გლეხ-კაცები?! ნუ თუ სახელოს-
 ნოებში და ყანებში კვლავინდებური სიმშვიდით გაგრძელდება მუ-
 შარბა, როცა იქ, ომში, რუებათ და ნიავეღრათ მისჩქეტს ხალხის სის-
 ხლი?! არა, არასოდეს! ისედაც მოახლოვებულია პირველი მაისი! ამ
 დღეს ისედაც ასწევდა ბრძოლის დროშას სრულიად რუსეთის შეერ-
 თებული პროლეტარიატი! ჩვენ, სოციალ-დემოკრატები, უამისოდ მი-
 ვიტანდით იერიშს მეფის თვითმპყრობელობაზე! ეხლა კი სალდათე-
 ბის დაობლებულ ოჯახობათა ცრემლებიც აანთებს და გააღვიძებს
 ჩვენში მოქალაქობრივს სიმამაცეს! შეგნება ამ უდიდესი ისტორიული
 მომენტის მნიშვნელობისა და შეურყეველი რწმენა ჩვენი საქმის სი-
 წმიადეში ფრთებს შეგვასხამს საგმირო ბრძოლისათვის! ჩვენ ჩვენი
 აღფრთოვანებით ავიყოლიებთ და გავიტაცებთ გაუბედავ და შემ-
 დრკალ ამხანაგებს! სიტყვები „ძირს ომი“ „ძირს თვითმპყრობელობა“!
 — იქნება ჩვენ გზის მაჩვენებელ ვარსკვლავათ. თუ ჩვენი მოძმე — სალ-
 დათები სიმამაცის განსაცვიფრებელ მაგალითებს გვიჩვენებენ ომში,
 მეფისა და მდიდრების სასარგებლოთ ბრძოლაში, — ჩვენ გაათკეცებულ
 სიმამაცეს და სივაჟაკეს უჩვენებთ ქვეყნიერობას ხალხის თავისუფ-
 ლებისა და ბედნიერებისათვის ბრძოლაში!

ბ შ ი ლ ი ს ი ს ჰ რ ო ნ ი კ ა

როდესაც ტფილისიდან შორეულ აღმოსავლეთს პირველ პარ-
 ტია სალდათებს გზავნიდენ „საუღელტაღ“, რკინის გზის სახელოსნოე-
 ბის უფროსმა მათ გასაცილებლად მოიწვია ყველა მუშები. მუშები
 წავიდენ ვაგზალში და მუსიკით ვააცილეს ისინი. როცა დაბრუნდენ
 უკან სახელოსნოებში, ჩამოაგდეს ლაპარაკი ომზე, იბრალებდენ უბე-
 დურ სალდათებს, რომელთაც რამდენი ვაი-ვაგლახი და გასაჭირი
 მოეღისო იქ, უცხო მხარეს. შენიშნეს ეს თუ არა, დატრიალდენ ბრი-
 გადირები და მოხუცებული მუშები, გადაწყვიტეს გასაგზავნ სალდა-
 თების სასარგებლოთ გადაედოთ დღიური ქირა, — და უფროსის წინა-
 შე წარსდგენ ნებართვის გამოსატანათ, რომ ფული მოეკრიბათ.
 უფროსმა, რასაკვირველია, ნება დართო და ხელ-მოსაწერი ფურცე-
 ლიც გადასცა ამათ. ფულების მოკრების დროს, უფრო შეგნებული
 მუშები ამბობდენ: „ტყუილათ აწერთ, ბატონებო, ხელს! ეს ფულები
 სალდათებამდე არ მიალწევს; მთავრობა თვითონ ჩანთქავს მას!“ მო-
 ხუცებულნი და ჯაშუშები ამაზე გულ-მოსული უპასუხებდენ: „ბევრი
 გესმით თქვენ, თქვენ დემოკრატებო“!.. მოხთა-კი ისე, როგორც შე-
 გნებული ამხანაგები ამბობდენ. იმავე დღეს სალამოს უფროსმა ამ-
 კრეფმა შეკრიბა „წარმომადგენლები“ და გამოუცხადა მათ, რომ შე-



კრებულ ფულებიდან 50 მანეთად გასაგზავნ სალდათებისთვის ხატო
 ვიყიდო. წარმომადგენლებს პირში ნერწყვი გაუშრათ, კერაფერი
 თქვეს და შერცხვენილები დაბრუნდენ უკან.

—სამხედრო წითელ ჯვარის სასარგებლოთ ფულების შესაკრე-
 ბათ სახელოსნოების უფროსმა შეადგინა სიები და ცეხის კანტორებს
 დაუგზავნა. კანტორებმა ბრიგადირებს მიანდო, სიტყვიერთ გამოუც-
 ხადეთ ყველას თქვენს ბრიგადებში და ვისაც უნდა შემოწირვა ხე-
 ლიც მოაწეროსო. ვინც მოისურვა—მოაწერეს, ვინც არა—არ მოუწე-
 რიათ; სიები კანტორებში წაიღეს. მოჩა და გათავდა, გგონიათ თქვენ.
 მთავრობის ბილწი და ბრმა დამქაში ასე როდი ფიქრობდა! 25 თე-
 ბერვალს ვაგონების ცეხის ტაბელშიკმა სერებრიანსკიმ სასადილოთ
 მუშაობის შეჩერების წინ ჩამოხსნა და შეინახა „მარკები“ იმ მუშე-
 ბისა, რომელთაც ხელი არ მოუწერიათ. მუშებს ექვი არ შეუტანიათ-
 რა, მივარდენ მარკების ჩამოსახსნელათ, ჩქარობდენ, რადგან ცოტა
 დროა,—სულ სადილის საქმელათ და დასასვენებლათ საათ-ნახევარი!
 შეხედეს,—მარკები არ არის! ეცენ ტაბელშიკს: რატომ ჩამოხსენი
 ჩვენი მარკებიო?—იმიტომ, რომ თქვენ წითელ ჯვარის სასარგებლოთ
 ხელი არ მოგიწერიათო. მიუხედავად იმისა, რომ მუშებმა აუხსნეს
 თავ-გასულ სერებრიანსკის რომ ფულის შემოტანა ნება-ყოფლობით
 იყოო,—მან უსირცხვილოთ უთხრა მუშებს: „ხელი მოაწერეთ და
 თქვენს მარკებს მაშინ მიიღებთ. განა ბევრი დაგაკლდებათ თქვენ, მა-
 ნეთიდან რომ კაპეიკი გადასდოთ? სულ ერთია, დუქნებში კიდეც უფ-
 რო მეტს ხარჯავთ სათრობათ“—ო, მუშებმა ერთმანეთს შეხედეს და
 ხელი მოაწერეს.

— ჩვენს სახელოსნოებში გაკრულია უფროსის განცხადება ფლო-
 ტისათვის ფულის შემოწირვის შესახებ, განცხადებაში სხვათა შორის
 ნათქვამია: „შემოსწირეთ, ბატონებო, ვის რამდენი შეგიძლია ჩვენი
 რუსეთის ფლოტის გასაძლიერებლათ. კეთილი საქმეა და რუსეთის
 მომავალი ამაზედაა დამოკიდებული. ყველას შემოაქვს თავისი წვლი-
 ლი: თავადებს, აზნაურებს, ჩინოვნიკებს, ვაჭრებს, „კუხარკებს“, მე-
 ეზოვებს, მეეტლეებს... ნუ თუ ჩვენ ჩამოვრჩებით მათ უკან! შემოსა-
 ტან ფულებს **ჯამაგირიდან გამოვრიცხავ რამდენიმე თვის განმავ-
 ლობაში**“. რომელ დროის აქეთ გახთა სახელოსნოების უფროსი
 ჩვენიანი? ნუ თუ—ამბობს ის,—ჩვენ ჩამოვრჩებით უკან?“ ამხანაგებო,
 გახსოვს რომელიმე თქვენგანს, რომ ის ჩვენთან ერთად იღებდა მო-
 ნაწილეობას გასულ ზაფხულის საერთო გაფიცვაში? რაც შეეხება
 იმას, რომ ის იძახის,—„კეთილი საქმეაო“,—ამაში ხომ ჩვენ ვერ
 შევთანხმდებით მასთან. ჩვენ ვთხოულობთ, რომ ომი დაუყო-
 ნებლივ შეწყდეს, უმანკო სისხლი ჩვენი ძმები სალდათებისა ნუ ილ-
 ვრება დამნაშავე მეფის მთავრობის ჟინის აღსასრულებლათ!



არ გვინდა ჩვენ არც კორეია, არც მანჯურია, არც პორტ-არტური! ჩვენ კარგად ვიცით, რომ თუ რუსეთმა გაიმარჯვა, თვითმპყრობელობა უფრო გამაგრდება, — და მაშინ მშრომელი ხალხი სულს ვერ მოიბრუნებს. იცოდეთ, — თითოეული მუშა-კაცი, რომელიც ფლოტის გასაძლიერებლათ ფულებს სწირავს, „კეთილ საქმეს“ არ ეწევა, ის თვითონ ყიდულობს ტყვიებს თავის და თავის მოძმეთა სახერცხათ.

მარა, თავი დავანებოთ ამაზე ლაპარაკს. უკეთესია ყური დაუგდოთ ჩვენს ჭეშმარიტ მეგობრებს, — საზღვარ გარეთელ პროლეტარებს, — აბა რა აზრისა არიან ისინი ამ ომზე. — გერმანიაში სოციალ-დემოკრატიული პარტიის ყველა გაზეთები ერთნაირათ წერენ, — რომ რუსეთის თვითმპყრობელობა დაეცემა, თუ იაპონიამ გაიმარჯვო. გერმანელი ამხანაგები იმედითა და სიხარულით მოელიან ამ ბრწყინვალე დღეს, მათ კარგათ იციან, რომ იმ დღიდან, როცა ბოლო მოეღება რუსეთის ხალხის ჭეშმარიტ მტერს — თვითმპყრობელობას, — რუსეთის პროლეტარიატი წელს გამართავს და მჭუხარე ხმით მოითხოვს თავისუფლებას, პოლიტიკურ უფლებებს. რუსეთში მოისპობა, გადაშენდება ჯაშუშები, ჯანდარმები, მათრახი, — და ჩვენ თავისუფლათ შეუდგებით ჩვენი საქმეების მოწყობა-მოწესრიგებას, აი ამიტომაც ჩვენი მეგობრები, — საზღვარ-გარეთელი მუშათა კლასი, — სიხარულით და მოუთმენლათ მოელოდებიან ამ დღეს და წინდაწინ გვაწვდიან ძმურ ხელს... ჩინოვნიკები-კი თავის ტყავის შიშით ყოველგან ცდილობენ ასეთი თუ ისეთი დახმარება აღმოუჩინონ მეფის მთავრობას, რომელიც არჩენს მათ. ისინი ყოველგვარ საშვალებას ხეალობენ, რომ დაგვიბრიყვნ ჩვენც: ისინი დაიმედებულნი არიან, რომ ჩვენ შესაბორკ ჯაჭვს ჩვენვე გამოვსქედთ.

„შემოსატან ფულებს“, ამბობს სახელოსნოების უფროსი, „ჯამაგირიდან გამოვრიცხავ რამდენიმე თვის განმავლობაშიო“. ამხანაგებო, იცოდეთ რომ თუ ომი სამარცხენოთ გათავდა ჩვენი ჩირქ-მოცხებული მთავრობისათვის, მართლაც, რამდენიმე თვეს შემდეგ ჩვენი სისხლის მწოველნი დაუსჯელათ ვერ შესძლებენ ყოველ რამე შემთხვევისა გამო ჯამაგირიდან გამოგვირიცხონ ფულები. მანამდე-კი... დღეს, როგორც თქვენც იცით, ბევრ მუშას, იმის შიშით, რომ „ბუნტოვნიკებათ“ არ ჩასთვალონ, მართლაც შეაქვს ფულები ფლოტის გასაძლიერებლათ, რითაც ისინი ჯაჭვს თვითონვე იჭედავენ... ნებაყოფლობით შეწირელება შეაქვთ მხოლოდ ჯაშუშებს, ბრიგადირებს, მასტერებს, — შეაქვთ ექვს-ექვსი, ოთხ-ოთხი, ორ-ორი მან. სჩანს მათ შეგნებული აქვთ, რაშიცაა საქმე და არ ძუნწობენ, რადგან იციან მთავრობისაგანაა დამოკიდებული მათი დღევანდელი კეთილდღეობა. ასე მოქმედობს, ამხანაგებო, ჩვენი „შინაური პოლიცია“. არ ძინავს ნამდვილ პოლიციასაც, პოლიციას მუნდირში. აკალოდოჩნიკები



საქციზო მოხელეებთან ერთად დაიარებიან დუქნებში და ძალა-უხერხულად ართმევენ მედუქნეებს „ნება-ყოფლობით შემოწირულებას ფლოტის სასარგებლოთ“. ამას წინეთ ამგვარათ ერთ მედუქნეს ნახა-ლოვკაში დააძვრეს ნ. მ. ამნაირათ, მთავრობა თავის მოხელეების შემწეობით ამ ომიანობის შხუილ-ქუხილში თავის საქმეებს აკეთებს. ახალი ხარკები შემოიღეს, — წითელი ჯვრის გენერლები-კი ჩვენი ნა-შრომ-ნაწვავ გროშებით ხელებს მოითბობენ. მართლაც, რა დიდი განძია, ძმებო, ჩვენთვის კაპეიკი? რომელიმე გენერალი, ან სხვა მსხვილი გაიძვერა-კი შეაგროვებს ამ კაპეიკებს და ომის გათავების შემდეგ მშვენიერ სახლს წამოჰქიმავს!.. მარა „კეთილი საქმის“ გარდა ამ ფუ-ლების შეკრების დროს სხვა გვარი საქმეც კეთდება: ჯაშუშებზე ნა-კლები ხარჯი წავა, რადგან „ბუნტოვნიკებს“ ადვილად გამოიცნობენ. „არ მოაწერე ხელი! აბა, წამომხანდი აქეთ (პოლიციაში) ჩემო მტრებო.

— ამ ცოტა ხანში მოხდა ისეთი ამბავი, რომელიც კიდევ ერთხელ ამტკიცებს, რომ რუსეთში სკოლა და პოლიცია ერთი და იგივე დაწესებულებაა.

ტფილისის რეალურ სასწავლებელში, უფროს კლასებში ბლო-მათ იყო დარიგებული ადგილობრივი სოციალ-დემოკრ. კომიტეტის პროკლამაცია, რომელიც იწვევდა მოსწავლე ახალგაზდობას საბრძო-ლველად მეფის თვითმპყრობელობასთან. ამ მოწოდებამ სინათლისა-კენ, არია სიბნელის მოსამსახურე მთავრობა, მით უფრო, რომ ამ-გვარი ფაქტი „მისდამი მინდობილ სასწავლებელში“ პირველი ხილი იყო. დატყუარდა მთავრობა და დაუწყო ძებნა „ბუნტობიას“ მეთა-ურებს. ექვი მითანეს, სულ უსაფუძვლოთ, ერთ შეგირდზე, რომელიც, იმ დღეს, როცა პროკლამაცია გავრცელდა, არც-კი იყო კლასში. გამოუძახეს სასწავლებლის კანცელარიაში, — ის წარსდგა განრისხებუ-ლი მთავრობის წინ.. თავ-გასულმა ჩინოვნიკმა, რეალურ სასწავლე-ბლების დირექტორმა, ტირიუტინმა, და ინსპექტორმა, გაიძვერა ტკბილათ-მოლაპარაკე სტასენკომ, სხვა პედაგოგებთან (მასწავ-ლებლებთან) ერთად, გაჩხრიკეს შეგირდი, გამოკითხეს პროკლამა-ციაზე, სხვა საექვო ამხანაგებთან დამოკიდებულების შესახებ და სხვა ამგვარი ბევრი რამ: დაბოლოს, იმავე „პედაგოგი“ ტირიუტი-ნის განკარგულებით, დაიჭირეს შეგირდი და ეანდარმის გამგეობას წარუდგინეს ჩვენების ჩამოსართმევათ.

ამოდენი თრევა-წვალების შემდეგ „დამნაშავე ბუნტოვნიკი“ გაან-თავისუფლეს ჯანდარმებმა, — ხოლო ცრტა ხნის შემდეგ სრულ თავისუფ-ლებასაცუწია ის: მას უბრძანეს, სასწავლებლისათვის თავი დაენებებია.. ბ. ტირიუტინს უნდა მიულოცოთ: — ის ქების ღირსია. — მას კარგათ შე-უსწავლია საპოლიციო დეპარტამ. საიდუმლო ცირკულიარები და იქცევა ისე, როგორც „წესი“ თხოულობს: გაჩხრიკე, დაიჭირე, ვაგ-



ზავნე! სააღდგომოთ უნდა გამოეჩინა თავი ერთგულ ჩინოვნიკს თვითმპყრობელობისას.—საღღესასწაულოთ ხომ „უმაღლესი მთავრობა“ ჯილდოებს არიგებს.

ფრიად საჭიროა, ამხანაგებო, გახსოვდეთ, რომ ჩვენ მთავრობას არამც თუ არ დაუფიწყინია თავისი ვერაგული პლანი ჩვენ წინაღმდეგ, არამედ უკვე მოყავს სისრულეში. ამ ცოტა ხანში დაათვალიერეს რკინის-გზის ბათალიონის დასაადგომათ აჩენილი შენობები. ამ ომის შხუილ-ხუილში მას უნდა თავისი ბნელი საქმეები მოაწყოს. ის სარგებლობს ჩვენი შეუგნებლობით და განცალკევებით: ერთი მხრივ,—უკანასკნელ გროშებს გვაცლის ხელიდან სამხედრო წითელ ჯვრისა და ფლოტის სასარგებლოთ, რასაკვირველია, ამასთანავე „ტკბილ პატრიოტულ სიტყვებითაც“ გვათრობს; მეორე მხრივ, უბე ქვა აქვს დამალული ჩვენთვის... ჩვენ სრულიად დარწმუნებული ვართ, ყოველ ეჭვ გარეშე, რომ ჩვენი რკინის-გზის უფროსის ოცნება მართო ბათალიონების დაწესება კი არაა,—მას სურს ჩვენს გზაზე ისეთივე წესები, როგორიც იმიერ-კასპიის რკინის გზაზეა, იქ-კი, როგორც ვიციით, ყველა მოსამსხურენი სალდათები და აფიცრებია!

ამხანაგებო! ნუ გაჩუმდებით, ამოიღეთ ხმა, აუხსენით შეგნებულებმა ყველა ამხანაგებს მთავრობის მხეცური პლანი! შეერთდით, შეკავშირდით და მედგრათ გაუწიეთ წინააღმდეგობა მთავრობას, როცა ის შეუდგება ცდას სისრულეში მოიყვანოს თავისი პლანი: თავისუფალ მუშების სალდათებით შეცვლით.



ბ ა თ უ მ ი .

შორეულ-აღმოსავლეთის ზარბაზნის ხმამ ბევრ ჩვენ ამხანაგს აუხვია თვალები და თავ-ბრუ დაასხა. ისიც-კი, ვინც ჯერ „კიდევ გუშინ, ისე თამამათ და გარკვეულათ იყურებოდა წინ, ღღეს რალაც უოყმანში და რყევაშია. აი რისთვისაც სიამოვნებით ვჩქარობთ ვიამბოთ ის, თუ როგორ მიეგება ბათუმის მუშა ხალხი ომის გამოცხადებას და რა ზომები იხმარა, რომ თავიდან აეშორებია ის ბურუსი, რომელშიაც საზიზღარ მთავრობას სურდა გაეხვია ის.

იქაურმა პოლიციამ განიზრახა მოეხდინა დიდი მანიფესტაცია ომის სასარგებლოთ. ამ მიზნით 28 იანვარს მართმადიდებელთა „სობოროსთან“, სადაც უნდა წაეკითხათ მანიფესტი ომის შესახებ, მოგროვდა მოზარდი თაობა ბათუმის ყველა სასწავლებლებისა და მთელი მასწავლებელთა „პერსონალი“. მოახხეს აუარებელი ჯარის-კაცნი, მოზღვავედა „ჩინოვნიკობა“ და, როგორც მოგვხსენებათ, „ურას“ ძახილს საზღვარი არა ჰქონდა.

ხალხს არავითარი მონაწილეობა არ მიუღია. მანიფესტაცია მეტად „კაზიონური“ გამოვიდა. პოლიცია მეტად გულ-ნატყენი და-



რჩა და განიზრახა, რაც უნდა მოხდეს ხალხს უნდა მივალებიო მონაწილეობაო. პირველ თებერვალს მეეზოვეთ და გარადავოებს ებრძანათ დაუარონ ყველა მცხოვრებთ და დაავალონ ხვალ დილით დანიშნულ ადგილს მოვიდნენ პატრიოტულ გრძნობათა გამოსაცხადებლათო. დაფაცურდენ პოლიციის მოხელენი: „ბოსიაკებს“ არაყს ჰპირდებოდნენ, ზოგს ციხით აშინებდნენ და სხვ. მაგრამ არ ეძინა აქაურ სოციალ-დემოკრ. კომიტეტსაც! მან გადასწყვიტა ესარგებლა ამ მომენტით და მოეხდინა კონტრ-მანიფესტაცია...

დილით 2 თებერვალს „სობორსკენ“ გაეშურენ გადაცმული მეეზოვეები, მთვრალი ბოსიაკები და „20 რიცხვის“ ხალხი (ჩინოვნიკები). ყველა ეს „პატრიოტები“ ბაირალებით ხელში ზედ-წარწერით „Боже царя храни“, ჩამწყვიდნენ სობოროს შესავალთან. 10 საათი იქნებოდა, როცა ჩვენი ამხანაგებიც გამოჩნდნენ. იმათი რიცხვი ყოველ წამს იზრდებოდა და იზრდებოდა. პოლიციამ შენიშნა ეს და გახარებული მით, რომ მუშები მორჯულებულანო სიამოვნებით უღიმოდა ჩვენ ამხანაგებს, მაგრამ მალე წაუხდათ ილიუზია! დაჰკრა 11 საათმა, მუშები რიცხვით 1,500 კაცი ერთად შეჯგუფდნენ და ყვირილით — „ძირს თვითმპყრობელობა“ იერიში მიიტანეს „პატრიოტებზე“. ერთი წამი და... პატრიოტები გასთელეს ფეხ-ქვეშ, ბაირალები მიღეწ-მოღწეს, აფთრიალეს წითელი დროშა და გასწიეს ქუჩისკენ. დაამტვრიეს ფანჯრები გურსკის სტამბისა. საცა „Черн. Вестн.“ იბეჭდებოდა. როცა დემონსტრანტები დაიშალნენ, პოლიცია მხოლოდ მაშინ მოვიდა გონს და ოთხი ამხანაგი დაიჭირა. ორი იმათგანი წაართვეს მუშებმა და ამ შეტაკების დროს ძალზე სცემეს ჟანდარმს და გოროდოვოის; პირველს რევოლვერი და ხმალიც წაართვეს. მეორე დღეს გიმნაზიის მთავრობამ მოინდომა გაემართა სასწავლებლის კედლებში რაღაც მანიფესტაციის მსგავსი, მაგრამ მოულოდნელათ უფროსი კლასის შევირდებმა მეოთხე კლასიდან დაწყებული დაიხურეს ქუდი და თავ-თავიანთ ბინაზე წავიდნენ. დარჩენ მხოლოდ „მამენკინ სინებს“ რომ ეძახიან, აზიზათ გაზრდილები რაღა...

—::—

ქ უ თ ა ი ს ი .

პირითა ყრმათა, ჩჩვილთა მწოვართათა დაამტკიცე ქება... (ფსალმუნნი VIII, 3).

ადგილობრივი მთავრობა აქაც ათასგვარ ღონისძიებას ხმარობდა მეფის სათანადო გრძნობო მანიფესტაციების გასამართად, მაგრამ ყოველმა ცდამ უნაყოფოთ ჩაიარა და ხალხი ენერგიულად წინააღმდეგ მის განზრახვებს. არ გასულა დიდი ხანი ომის გამოცხადების შემდეგ, გუბერნატორი და ჟანდარმთა პოლკოვნიკი თეატრში „ლალატის“



წარმოადგენას დაესწრენ. მათი მოთხოვნისამებრ, გამოვიდა სტენაზე მთელი ტრუპა „საერო“ ჰიმნის საგალობლათ. ვაისმა თუ არა ხმა ამ მონურ ჰიმნისა, მთელმა გაღერეიამ ასტეხა ერთი საშინელი სტვენა და სისინი. მგალობელთა გუნდი იძულებული შეიქნა ხმა ჩაეკმინდა. მეორე დღეს გუბერნატორმა ხელმეორეთ სცადა იქვე გაემეორებინა პატრიოტული თვალთ-მაქცობა, მაგრამ ახლა უფრო უარესი, მისთვის არასასიმოვნო ამბავი მოხდა. გაღერეიამ არამც თუ გააწყვეტინა სტვენით, სისინით და ყვირილით ჰიმნის შესრულება, არამედ მთელს თეატრს მოჰვინა სოციალდემოკრატიული პროკლამაციები. ერთი პროკლამაცია ზედ წარწერით—გუბერნატორს! თვითონ გუბერნატორის თვალწინ დავარდა. არავინ დაუპატიმრებიათ.

— 28 იანვარს, როცა გიმნაზიაში ხუცესი ომის გამოცხადების მანიფესტს კითხულობდა, გიმნაზიელებმა ერთხმად ასტეხეს სტვენა, სისინი და აურ-ზაური და კითხვა გააწყვეტინეს. 30 იანვარს ესევე განმეორდა რეალურ სასწავლებელში. თავზარდაცემული და დარეტიანებული მთავრობა შეუდგა მოსწავლე ახალგაზრდობის დაპატიმრებას. დაიჭირეს 10 კაცი გიმნაზიელებიდან და რეალისტებიდან. მთავრობის ამგვარ საზიზღარმა საქციელმა ალაშფოთა ყველა საშვალო სასწავლებლების შეგირდები. სამ თებერვლისთვის გადასწყვიტეს გაფიცულიყვნენ,—გაკვეთილებზე არ მისულიყვენ,—სანამ დაჭერილ ამხანაგებს ისევ უკან არ დაუბრუნებდენ. ქუთაისის მოსწავლე ახალგაზრდობის სასახელოთ უნდა შეენიშნოთ, თუ რა ერთსულობას და ერთგულობას იჩენდა ის ამ გაფიცვის დროს. გაიფიცნენ: გიმნაზია, რეალური სასწავლებელი, ქალების გიმნაზია, სასულიერო სემინარია და ეპარქიალური სასწავლებელი. სასწავლებლის მთავრობამ სუნი იკრა, რომ ახალგაზრდობა მოლაპარაკებულა და მომზადებულა სადემონსტრაციოთ, ამისთვის სასწავლებლის გასავალი კარები საჩქაროთ დაკეტილ იქნა... მაგრამ არც ამან უშველათ-რა. მოწაფეებმა დაიწყეს თანჯრების და კარების მტვრევა და ყოველგვარ საშვალეებს ხმარობდენ გარეთ გამოსასვლელათ. სამოც-და-ათმა სემინარიელმა და გიმნაზიელმა შესძლეს დაკეტილ კარებიდან გამოსულიყვნენ ქუჩაში და მთავრობის საწინააღმდეგო სიტყვებით და სიმღერებით წასულიყვნენ ქალების გიმნაზიისაკენ. გზაზე მათ შეუერთდენ მოსწავლე ქალები ეპარქიალურ სასწავლებლიდან. გიმნაზიაში მოსწავლე ქალებმა და რეალისტებმა ვერ შესძლეს დაკეტილ კარებიდან გამოსვლა... მარა, აჰან უფრო გააბრაზა ისინი. რეალისტებმა არ ისურვეს დირექტორთან მოლაპარაკება და ეანდარმი უწოდეს მას. ქუჩაზე გამოსულმა მოსწავლეებმა თავი მოიყარეს ქალაქის ბუღეართან, სადაც მოახდინეს მცირე მაგრამ ძლიერ დამაფიქრებელი დემონსტრაცია მმართველობის საწინააღმდეგოთ. მოვიდენ ცხენოსანი სტრაჟნიკები და



სახტათ დარჩენ. რა უნდა ექნათ? დარეოდენ მათრახებით? მაგრამ ეს ხომ ცოტა სასირცხო იყო; ხნოვანობით დემონსტრანტები თითქმის ბავშვები იყვენ! ამ დროს ერთმა მეხუთე კლასის გიმნაზიელმა ვერ მოითმინა, ეცა სტრაჟნიკს, გადმოითრია ცხენიდან და გაიგდო ფეხ-ქვეშ. ამის გამო განძვინვარებული სტრაჟნიკები მისცვივდნენ ვაბედულ გიმნაზიელს და დაუწყეს უმოწყალოთ ცემა. შეიპყრეს, მარა მეორე დღესვე გაანთავისუფლეს. დღეს ყველა მაშინ დაპატიმრებული შეგირდები განთავისუფლებულია, მარა აღარ ლეზულობენ-კი მათ სასწავლებელში. ეს გარემოება კიდევ უფრო მეტ შფოთსა და უკმაყოფილებას ბადებს ახალგაზრდობაში. სწავლის საქმე ძლიერ აწეწილ-დაწეწილია... რადგანაც მაშინდელ გაფიცულებს მეტი ძალა აღარ შესწევთ, დემონსტრაციის ნაცვლათ მიმართეს ქიმიურ „ობსტრუქციას“—აყროლებენ კლასს წამლებით და შიგ მოცდა ყოვლად შეუძლებლათ ხდება. ასეთი „ქიმიკოსების“ შიშით მასწავლებლები კლასში ვერ შესულან. ყველა ამ ამბებმა ააჩოჩქოლა და აალაპარაკა დამყაყებელი ძველი თაობა. მაშინ როცა ახალგაზრდებმა საშინელი ვაბედული, შეგნებული ბრძოლა გამოაცხადეს, მათ მამებს „დონოსები“ შეჰქონდათ არა კეთილ-საიმედო პირებზე, რომლებმაც ვითომ „გააბრიყვეს და გარყვნეს“ მათი შვილები. ასახელებენ რამოდენიმე ჯაშუშს. გავახსენებთ ამ მამებს ქრისტეს სიტყვას: „რამეთუ დაფარე სე ბრძენთაგან და მეცნიერთა და გამოუცხადე ესე ჩჩვილთა“ (მათე 11: 25). მამებმა ვერ შეიგნეს ღროების მიმდინარეობა, ვერ იგრძნეს კარზე მომღგარი რევოლიუცია და გარყვნილ თვითმპყრობელობის დამხობა... და აი „ყრმათა ჩჩვილთა მწოვართათა დაამტკიცე ქება რევოლიუციისა...“ „მამანი“ დასჯილ იქნებიან, „ყრმანი ილტვიან მათგან, ვინაიდგან თვითონ ცხოვრებაც ილტვის იმათგან და ნამდვილ შვილთა მისთაგან,—და კრთოდენ მტერი თვით-მპყრ. თავის დამქაშ-დამცველებით!

— :: —

მ ა ქ ა ლ ა ქ ე ნ ი! (ბაქო)

თამამათ შეიძლება ითქვას, რომ ჩვენ საზოგადოებას არას დროს არ განუცდია იმ გვარი ღიდებული და პასუხ-საგებელი მომენტი, როგორიც ესაა.

არ გაივლის არც ერთი დღე, რომ ან აქ, ან იქ ამ ჩვენ უბედურ რუსეთში არ იფეთქოს ცეცხლმა, ან აქ ან იქ არ გაიეღვოს და ერთი წუთით მაინც არ გაანათოს ის ბნელი ღამე, ღამე უკუწე-თი, რომელშიაც ასე მძიმეთ გახვეულა საცოდავი რუსეთი. მაგრამ სად ძალუძს ციციანათელას დასძლიოს ძალა საშინელი ბნელი ღამისა!.. და გაანათოს კიდით-კიდემდე ტანჯული მხარე...



ეს ციკინათელანი ჩვენი ძმებია, ეს ისინია, ვისაც სველად ხვდათ მარტოთ მარტონი შეებან მძიმე უღელში, მარტოთ-მარტონი იბრძოდნ თავისუფლებისათვის. ეს ისინია, ვინც ბნელ ნესტიან სატუსალოში ყრიან: რუსეთის თაიგული, სიამაყე ჩვენი სამშობლოსა ნელ-ნელა ქვენბა ოთხ-კედელ შუა სატუსალოსა და ეს ხდება მაშინ, როცა სუსტი მებრძოლიც-კი გამოსაყენებელია.

მოქალაქენო! განახლებული რუსეთი, რუსეთი სპეტაკი და ბრწყინვალე მოდის ჩვენკენ! მეგობრები სინათლისა და თავისუფლების, მტრები უკანონობისა და ძალ-მომრეობისა უნდა შეერთდეთ და გაბედულათ გადმოხვიდეთ განახლებულ რუსეთის მხარეს და შემწეობა მისცეთ ვისაც რითი შეგიძლიათ მებრძოლ ამხანაგთ. ნუ გაგვიტაცებს შოვინიზმი, ნუ ავყვებით ბოროტ გულის თქმას, ნუ მივარბენინებთ უკანასკნელ გროშს ფლოტის გასაძლიერებლათ, დეე, ის ფული მოხმარდეს მას, ვინც ხალხის თავისუფლებისათვის იტანჯვის. ისტორიას ვერ გავეტკევეთ, ის მსჯავრს დასდებს ჩვენ გულცივობას ჩვენ ინდიფერენტიზმს! მომავალი გამარჯვება მეტი წილი იმაზეა დამოკიდებული რაგვარ აქტიურ მონაწილეობას მივიღებთ იმ პირთა ბედში, ვისაც წილათ ხვდა ხალხის ვარამის ზიდვა.

მაშ, მოვკიდოთ ენერგიულათ საქმეს ხელი და გავაკეთოთ ის, რაც ყველა ჩვენგანს შეუძლია და ვალდებულია გააკეთოს. მიყვით ხელი ფულის მოგროვებას და რამდენიმე მაინც შეუშუბუქოთ დატუსალებულ მებრძოლთ მათი მწარე ცხოვრება.

ჩვენ ვიწვევთ ყველა თანაგძნობთ განსაზღვროს ყოველ-თვიური შემოსატანი ბაქოს წითელ ჯვრის სასარგებლოთ პოლიტიკურ დამნაშავეთათვის.

ანგარიში ბაქოს წითელ ჯვრის კომიტ. დეკემბრის 1903 წ. და იანვრის და თებერვლის 1904 წ. შემოსავალი—747 მ. 90 კ., გასავალი—1,197 მ. 80 კ., დეფიციტი—449 მ. 90 კ.

28 დეკემბ. მიაგნეს სტამბას და დაიჭირეს შიგ სტუდენტი ხუნდაძე და ერთი ქართველი მუშა. 24 თებერვალს მეორეთ მიაგნეს სტამბას და დაიჭირეს შიგ სტუდენტი მალიეცკი, რაბინოვიჩი და ერთი ქალი. თეატრში დაატუსაღეს 6 მუშა. ბალახანაში—5 მუშა 3 მარტს დაატუსაღეს 1 მუშა; 3 თებერვალს—4 ინტელ. (3 გამოუშვეს).

— ბაქოდან წასულები სადგურ ხაჩმაჯში დაიჭირეს ორნი: ათანასე მაჩალოვი და იზაბელა ურანოვსკაია. ისინი იცნო ტელეგრაფისტმა ვიტკოვსკიმ და გასცა კიდევ, ორივე გააგზავნეს ყუბანის სატუსალოში, საიდანაც, ალბათ, როსტოვში გადაიყვანენ.

განთავისუფლეს პოლიციის ზედამხედველობის ქვეშ ვლ. შვეიცერი. ამას წინ დაიჭირეს ვლ. ზეიცი, გიმნაზიის შეგირდი ფიშბეინი, ერთი მუშა და ასოთ-ამწყობი კორნევი.

ნოქრების გაფიცვა დაიწყო 16 მარტს, მარა, რადგან უმეტესობამ მხარი არ დაუჭირა, განსაკუთრებით რუს-ნოქრებმა, მეორე დღესვე შეწყდა. არაფერი არ მოუთხოვიათ. სამი ნოქარი დაიჭირეს. გამოვიდა №№ 1 და 2 გექტოგრაფით დამზადებულ გაზეთ „ნოქარისა“. შედგენილია კარგათ.

შლიაპების გამკეთებელი ქალები, რიცხვით 25, გაიფიცენ. დაიჭირეს 4, გაანთავისუფლეს 3.

25 მარტს დილიდან „კონკა“ შეჩერდა. სალამოსათვის სალდათებისა და კაზაკების მფარველობის ქვეშ, „კონკა“ ისევ დადიოდა.

ყუბის ციხეში დატყვევებულმა ბენდელიანმა მთავრობას სთხოვა პატიება. ამხანაგებმა მასთან ყოველგვარი კავშირი შესწყვიტეს.

9 მარტს ასტრახანში 53 კაცი გაჩხრიკეს. 14 კაცი დაჭერილია: ნაფიცი ვექილი სერეჟნიკოვი, კალანდაძე, კბილის ექიმი ბუკოცკი და მისი თანაშემწე ბენდერსკი, სოსნიცკი (გაანთავისუფლეს), პოლენეცკი კოლიანათ (მუშაა), ჩერვერი და ობრაზცოვი (მუშა), გაბრიელ ხუნდაძე შემახას საპრობილეში გაგზავნეს.

კავშირის კომიტეტი.



პროლეტარებო ყველა ქვეყნისა, შეერთდით!
 კავკასიის კავშირი რუსეთის სოციალდემოკრატიული
 მუშათა პარტიისა.

„პროლეტარიატის ბრძოლის“ ფურცელი

№ 8.

5 (18) მაისი 1904 წ.

№ 8.

დაჯერა საათმა!

ვერაინ გიხსნის, ვერც ღმერთი, მეფე,
 ვერც თითონ გმირი, ამაოდ ველით:
 სასურველს საგანს მივალწევთ მხოლოდ
 ჩვენის ერთობით, საკუთარ ხელით.
 „ინტერნაციონალიდან“.

ბევრ დიდებულ სანახაობას უმზადებს ახლო მომავალი მთელ რუსეთს. ჩვენ აქ არ ვლაპარაკობთ რუსეთის გამარჯვება-დამარცხებაზე შორეულ აღმოსავლეთში, არა! დეე ამაზე იმან იფიქროს, ვინც დამნაშავეა ამ უაზრო ომის დაწყებაში—მთავრობამ. სულ სხვა რამეზე გვინდა მივაქციოთ მკითხველის ყურადღება.

ბნელ ბურჟუაზიაში გახვეულ მომავალს რუსეთისას, მომავალს საქვოს და საფიქრებელს, დღეს ფარდა აეხადა; მისი სვე-ბედი ნათელია, როგორც მზის სხივი და აშკარა, როგორც დღე; მის მომავალში გარკვევით ვარჩევთ დიდებულ სურათს, სურათს დიადს ხალხთა ისტორიაში—სურათს ჩვენი ძველი წეს-წყობილების დამხობისას.

თვისი უაზრო სურვილით დღევანდელ უფლების შერჩენისა, დროსა და გარემოების მიუხედავად, თვითმპყრობელობა თითონ აახლოებს იმ დიდებულ და სანეტარო საათს, რადგან მან თვისი ცბიერი პოლიტიკით შორეულ აღმოსავლეთში იაპონიის ომში გამოწვევით თითონ გაიღესა თავისი დასაკლავი დანა. ომი საბოლოოდ აშკარად ჰყოფს მთელ სისაძაგლეს დღევანდელ წეს-წყობილებისას, ომი საბოლოოდ შთანთქავს ნაცარცვს სახელმწიფო ფულებს და საბოლოოდ გაუტეხს სახელს და ნდობას მთავრობას მთელ ევროპაში. როგორიც უნდა იყოს ბოლო ომისა, აუცილებელია ფინანსიური გაკოტრება (კრახი) მთავრობისა, ეს-კი დასაწყისია რევოლუციისა.

ომიდან დაბრუნებული ჯიბე გამოცარიელებული მთავრობა გაორკეცებული გაუმაძღრობით დაეცემა ისედაც გალატაკებულ მუშებს და გლეხებს და მოსთხოვს წინანდებურათ ოქროთა გროვას თვის საზიზღარ არსებობისათვის.

მაგრამ ხალხის მოთმინებასაც საზღვარი აქვს, საზღვარი აქვს ხალხის ტანჯვასაც. დიახ, ახლოა ის საათი, როცა ქალაქის პროლეტარიატი და მასთან ერთად სოფლის გლეხობა ზღვასავით აბობოქრდება. ეს იქნება დღე შურისძიებისა, აქ გაუსწორებს ანგარიშს ხალხი მთავრობას. ასე იყო ყველგან დასავლეთ ევროპაში, ასე იქნება ჩვენშიაც.

ხალხი ამ წმინდა საქმეში, ბრძოლაში თავისუფლებისათვის დაღვრის თავის წმინდა სისხლს და ვაი მას, ვისაც მოხვდება ტალღა ხალხის შურისძიებისა: არა ერთსა და ორს აათამაშებინებს ფეხებს სახრჩობელაზე.

ასეთია კანონი ისტორიისა. მოახლოებულია ბრწყინვალე მომავალი რუსეთისა, და ეს ისე ცხადია, როგორც ხვალინდელი გათენება. ამ დიდებულ დროს პროლეტარიატი მთელი რუსეთისა მზათუნდა იყოს თვისი ინტერესების დასაცველად. როცა დღევანდელი მთავრობა აღარ იქნება, ბევრი გამოჩნდება მსურველი მისი ადგილის დაჭერისა. პროლეტარიატი პირველი უნდა იყოს ამათ შორის, რადგან მარტო ის იყიდის თავის სისხლით თავისუფლებას რუსეთისას.

იკოდეს პროლეტარიატმა, რომ ეხლა, როცა ცხადად იძვრის ტახტი თვითმპყრობელობისა, რუსეთის ყველა საზოგადოების ნაწილში იღვიძებს ინტერესი პოლიტიკური ცხოვრებისადმი. ყველას სურს ჩაიგდოს ხელში უმთავრესი მმართველობა. ყველა ამ ჯგუფთა და დასებთა შორის უძლიერესი და უმდიდრესი ქალაქისა და სოფლის ბურჟუაზიაა. ის უკვე დღევანდელ კანონთა ფრთებ ქვეშ მიჩვეულია თავისი ინტერესების დაცვას. ქალაქის საბჭოში, ერობის კრებებზე, თავის გაზეთებში ის, თუმც ცუდათ, მაგრამ მაინც მიიჩვია დაფასებას ერობისას, ისწავლა სახალხოთ ლაპარაკი, შეიძინა ცოტაოდენი პოლიტიკური სიბრძნე და მოხერხება.

ბურჟუაზიას კარგათ ესმის, რომ მომავალი დრო ცოტა მტრულად უყურებს მის ჯიბეს, რადგან რუსეთს, როგორც სახელმწიფოს არ შეუძლია იცხოვროს გადასახადით მარტო გალატაკებული ხალხისა. ბურჟუაზიამ იცის, რომ როლები უნდა შეიცვალოს და გადასახადის სიმძიმე რარიბ ხალხთა მხრებიდამ მდიდართა მხრებზე გადავიდეს. თვითმპყრობელობის ადგილს პარლამენტი დაიჭერს, ის გამოსცემს ყველა კანონებს, ის დაეპატრონება სახელმწიფოს ყველა შემოსავალგასავალს.

აი ამ პარლამენტში მეორე დღესვე, შემდეგ რევოლიუციისა,



ბურჟუაზია ეცდება რაც შეიძლება მეტი გაგზავნოს თავის წარმომადგენელი, დამცველი მისი ინტერესებისა, იმ მიზნით, რომ პარლამენტმა რაც შეიძლება მეტი გადასახადი ისევ ღარიბთა კისერზე დასტოვოს, იმ მიზნით, რომ შემოსავალი მის სურვილზე იხარჯებოდეს, იმ მიზნით რომ უხელმწიფოთაც გამოსცენ კანონები მუშა და ღარიბ ხალხის წინააღმდეგ,—ერთი სიტყვით, იმ მიზნით, რომ ყველასა და ყველაფერზე თავისი გავლენა იქონიოს. მაგრამ იქ, იმ პარლამენტში ჩვენც, ქალაქის მუშები და სოფლის გლეხობა, გაგზავნით ჩვენ ამხანაგებს. შეერთებულის ძალით ისინი შესძლებენ ალაგმონ მაღა აშლილი წარმომადგენელნი ბურჟუაზიისა.

მეტი არ იქნება ავხსნათ, თუ რა არის ეს პარლამენტი და როგორ უნდა შესდგეს ის.

რევოლიუცია ბოლოს მოუღებს დღევანდელ მთავრობას, მისი ადგილი დაცარიელდება; მაგრამ სახელმწიფოს უსათუოდ უნდა უდგეს ვინმე სათავეში. მთავრობის ალაგას სათავეში ხალხის წარმომადგენლები ჩადგებიან, ამათგან შესდგება პარლამენტი. ბევრნაირია პარლამენტი. ჩვენ აქ დავხატავთ იმგვარ პარლამენტს, რაგვარი პარლამენტიც სასურველია და რისთვისაც უნდა იბრძოდოს პროლეტარიატმა. რუსეთში დაახლოვებით 130 მილ. მცხოვრებია. წარმოვიდგინოთ, რომ თითოეულ კუთხეს, საცა 100 ათასი მცხოვრები ითვლება, ნება ექნება გაგზავნოს პარლამენტში ერთი თავისი წარმომადგენელი. ყოველ ამგვარ კუთხეს დაერქმევა საარჩევნო კუთხე. ამგვარათ მთელი რუსეთი შესდგება 1300 საარჩევნო კუთხისაგან, და რუსეთის პარლამენტი—1300 წარმომადგენელთაგან ანუ დეპუტატთაგან. თითოეულ საარჩევნო მხარეში ყოველ მოქალაქეს სქესისა, ეროვნებისა, რჯულისა და შეძლების განურჩევლად ექნება უფლება ერთი ხმა მისცეს მას, ვისიც არჩევა სურს დეპუტატათ პარლამენტში. აი ამას ჰქვია პირდაპირი, საზოგადო და თანასწორი საარჩევნო უფლება. მთელ მხარეში უნდა დაინიშნოს არჩევნებისთვის ერთი დღე. უნდა მოვითხოვოთ, რომ არჩევნები უთუოდ უქმე დღე მოხდეს, რათა ყველას შეეძლოს ამ დღეს მონაწილეობა მიიღოს არჩევნებში. უნდა მოვითხოვოთ, რომ ამ დღეს ყველა სავაჭრო და სამრეწველო დაწესებულებანი დაიკეტოს, რომ ამ დღეს განთავისუფლებულები იყვნენ ყველა მოსამსახურენი. დილიდან მოკიდებული საღამომდი თითოეულ საარჩევნო მხარეში კრებას უნდა ჰმართავდეს საარჩევნო ბიურო. შემდგარი ყველასაგან პატივცემულ მოქალაქეთაგან. ადგილი ამ კრებისა წინდაწინ უნდა იყოს ბეჭდვითი სიტყვით გამოცხადებული. ამ დღეს ყველა მოქალაქეს, რომელსაც-კი 20 წელი შეუსრულდა, ნება უნდა ჰქონდეს მოვიდეს ბიუროში და ჩასდოს საარჩევნო კუთხეში წერილი, რომელშიაც იქნება დასახელებული მისგან დეპუტატად



არჩეული პირი. ამგვარი წერილები უნდა იყოს დაბეჭდილი კონვენტში, რათა არავის არ შეეძლოს ძალა დაატანოს და აარჩევინოს ის, ვინც ამრჩევებს არა სურს. მექარხნეს, მაგალითად, შეუძლია მოსთხოვოს თავის ქარხანაში მომუშავეს, რომ ამ უკანასკნელმა ხმა მისცეს ან თითონ მას, ან მას, ვინც მექარხნეს სურს. თუ მუშამ არ აასრულა ეს, მექარხნე დაითხოვს მას სამსახურიდან. აი ამ ძალ-მომრეობის თავიდან ასაცილებლათ საჭიროა კენჭის ყრა დაფარული იყოს. ამგვარ არჩევანს ეძახიან დაფარულ კენჭის ყრას. როცა დასრულდება არჩევნები, საარჩევნო ბიურომ უნდა დასთვალოს ყველა წერილები და გამოიანგარიშოს ვის რამდენი ხმა მიუღია. ის, ვინც ყველაზე მეტ ხმას მიიღებს, გამოცხადებული იქნება ბეჭვდითი სიტყვის საშვალე-ბით დეპუტატთა ამა დაწამ საარჩევნო მხარისა. შემდეგ ყველა ეს 1300 დეპუტატი (თუ რასაკვირველია, რუსეთში 1300 საარჩევნო კუთხე იქნა; ნუ დაგავიწყდებათ, რომ 100 ათასი მცხოვრები საარჩევნო კუთხის, ჩვენ ავიღეთ როგორც მაგალითი) მოგროვდებიან, ვთქვათ, პეტერბურგში, გამართავენ კრებას და გამოაცხადებენ ამ კრებას ერთად-ერთ მმართველობათ, უმაღლეს კანონმდებლათ, მთელ რუსეთში, ე. ი. პარლამენტათ.

ამ დღიდან რუსეთი შეიქნება თავისუფალ დემოკრატიულ რესპუბლიკათ. უნდა მოვითხოვოთ, რომ პარლამენტი ირჩეოდეს ორი წლით. ყოველი ორი წლის შემდეგ ხალხი აირჩევს ახალ დეპუტატებს პარლამენტში.

ამგვარი მოთხოვნილება უსათუოდ უნდა დააყენოს პროლეტარიატმა და ყოველი ღონის ძიება იხმაროს მის განხორციელებისათვის, რადგან მომავალ თავისუფალ რუსეთში ჩვენი სოციალ-დემოკრატიული პარტია დაულალავად და უშიშრად იშრომებს, რათა რაც შეიძლება მეტი და მეტი თანამოაზრენი მოიპოვოს. და თუ დღეს რომელიმე განუვითარებელი მუშა ხმას მისცემს კანდიდატს ბურჟუაზიის პარტიისას, ხვალ, როცა ის გათვითცნობიერდება, მისი კენჭი უთუოდ სოციალ-დემოკრატიის კანდიდატს ეკუთნება. მთელ მხარეს უნდა მოედოს საარჩევნო აგიტაცია დეპუტატთა არჩევნების წინა დღეებში.

ყოველ საარჩევნო კუთხეში ბურჟუაზია პირს მისცემს ერთმანერთს და წამოაყენებს თავის კანდიდატს და ყოველ ღონისძიებას იხმარს გაიყვანოს ის პარლამენტში. მაგრამ ჩვენ პარტიასაც არ ეძინება ამ დროს; ის თავის კანდიდატს წამოაყენებს და ცხოველი აგიტაციის საშვალეებით ეცდება წინააღმდეგობა გაუწიოს მოპირდაპირე კანდიდატს და თავისი გაიყვანოს. დეე, ახსოვდეს ყველა მუშას, რომ პირდაპირი, საერთო და თანასწორი საარჩევნო უფლება მომავალ პარლამენტის შესადგენათ—ეს ის გასაღებია, რომლითაც პროლეტა-

რიატი მოიპოვეს უპირატესობას მთელ მხარეში. ნუ დაგვავიწყდება, რომ ხალხს ქალაქისა და სოფლის პროლეტარიატი შეადგენს. და, როცა ხალხი გაიგებს რაშია მისი ნამდვილი ბედნიერება, იმ დღიდანვე მთელი პარლამენტი პროლეტარიატის უფლებაში, მის გავლენის ქვეშ იქნება. დეე ახსოვდეთ მუშებს, რომ მისი ბრძოლა მძარცველთა წინააღმდეგ მხოლოდ მაშინ იქნება ნაყოფიერი, როცა ამ ბრძოლას კანონი შევლის. მხოლოდ პარლამენტს შეუძლია ამ გვარი კანონების გამოცემა და მხოლოდ იმგვარ პარლამენტს, რომელსაც პირდაპირი, საერთო და თანასწორი არჩევნების უფლება და დაფარული კენჭის ყრა უძევს საძირკვლათ. მხოლოდ მაშინ მივალწევთ ჩვენ სამუშაო პირობების შემსუბუქებას.

მხოლოდ მაშინ თავისუფალ მხარეში ბრძოლით მოპოვებული კანონები მართლაც და მოვლენ სისრულეში. და ეხლა, როცა ხალხის წყრომა დღე-დღეზე იზრდება, ბობოქრდება, ტალღას ტალღაზე სცემს და საბოლოოთ წალეკვას უქადის თვითმპყრობელობას, დეე ყველა შეგნებული მუშა მოემზადოს ბრძოლისათვის და გაიგოს, რომ პირველი მისი მოვალეობაა რუსეთის მუშათა სოციალ-დემოკრატიულ პარტიას შეუერთდეს, იმ პარტიას, რომელიც ერთად-ერთი დამცველია პროლეტარიატის და ყველა მშრომელთა ინტერესებისა.

მაშ მოემზადეთ ამხანაგებო! დაჰკრა საათმა, უკანასკნელმა საათმა მთავრობის ძალ-მომრეობისამ. დაჰკრა საათმა, საათმა სამაგალითომ ისტორიაში, საათმა ბედნიერმა რუსეთის ხალხისთვის!

ბ ა თ უ მ ი .

ნ მარტს მანთაშევის ქარხნის მუშებს—დამტვირთველებს მეიჯარადრემ სამუშაო ქირის დაკლება გამოუცხადა. ერთმა ნაწილმა მუშებისამ—ქართველობამ პროტესტი გამოაცხადა და თავი დაანება მუშაობას. მეორე ნაწილმა—კი—სომხებმა მიიღეს ახალი პირობები და განაგრძეს მუშაობა. ქართველ მუშებმა ძალა იხმარეს და გამორეკეს სომხები ქარხნიდან. შეტაკების დროს რამდენიმე სომეხი მძიმეთ გაილახა და ერთი იმათგანი ერთი კვირის ავითმყოფობის შემდეგ მოკვდა კიდევ. მეორე დღეს მანთაშევის პირველ ქარხანაში სომხები ჩაქურჩებით შეიარაღებულები თავს დაესხნენ ქართველ მუშებს და რამდენიმეს მძიმეთ სცემეს. პატარა ჯგუფმა ქართველი მუშებისამ, მიუხედავთ შეგნებულ მუშათა თხოვნისა, მოიწვია პოლიცემისტერი ჩიქოვანი (ქართველია). პოლიცემისტერი მაშინვე ქარხანაში გაჩნდა და ქართველების საჩივარზე უპასუხა: „განა მარტო ამისათვის მომიწვიეთ მე? როგორ არა გრცხვენიათ ქართველებს, რომ სომხებმა გაჯობათ! სირცხვილი თქვენი, რომ ერთი ათი სომეხი მაინც არ გაგისტუმრებიათ იმ სოფელსო. მერე სომხებთან მივიდა და ისინი ქართველებზე წააქეზა. პატარა



ჯგუფმა ქართველ მუშებისამ გათამამებულმა პოლიცემისტრის სტრუქციით მიმართა სხვა ქარხნების ქართველ მუშებს და სთხოვა დახმარებოდნენ სომხების ამოუღეტაში. ადგილობრივმა სოციალ-დემოკრატიულმა კომიტეტმა გამართა აგიტაცია ამ საშინელი კატასტროფის ასაცილებლად. გამოიკა მაშინვე პროკლამაცია, რომლითაც უხსნიდნენ ხალხს პოლიცემისტრის ხრიკებს და აფრთხილებდნენ არ მოსდებოდნენ მის ბადეს. კომიტეტმა მიმართა აგრეთვე ადგილობრივ სომხურ ნაციონალისტურ არგანიზაციას და სთხოვა გავლენა იქონიოს იმ მუშა სომეხთა შორის, ვისთანაც მას კავშირი აქვს. არგანიზაციამ მაშინვე შეასრულა ეს თხოვნა კომიტეტისა. ამნაირათ აიცდინეს თავიდან საშინელი სისხლის ღვრა. და აი ესევე მუშები, რომლებიც ჯერ კიდევ გუშინ მზათ იყვნენ ერთმანეთი ამოეხოცნათ, შეერთდნენ და გადასწყიტეს პატივი ეცათ 9 მარტს 1902 წ. დახოცილ ამხანაგთა ხსოვნისთვის.

ბათუმის კომიტეტმა ერთი თვით წინ გადაწყვიტა 9 მარტს მოეხდინა საყოველთაო ერთ-დღიური გაფიცვა. პოლიცია თითონ ავრცელებდა ხმებს, რომ საშინელი ამბები იქნება 9 მარტსო და დიდის ამბით ემზადებოდა. 8 მარტს პოლიციამ გააკრა ქალაქში განცხადებები ქართულ, რუსულ და სომხურ ენებზე, რომელშიაც არწმუნებდა ხალხს, რომ ყველას თოფს ესვრიან, ვინც-კი ჯგუფ-ჯგუფათ დაიწყებს შეყრას ქუჩაში.

9 მარტს შეიარაღებულ პოლიციელებით, კაზაკებით და მეზოეებით სავსე იყო ქუჩები. საერთო ერთ-დღიურმა გაფიცვამ მშვენიერად ჩაიარა. მუშებს სასაცილოდ არ ჰყოფნიდათ დიდი მზადება მთავრობისა და მოქალაქეთა კითხვაზე, თუ რა ამბავი ხდება, დაცინვით უპასუხებდნენ: დღეს იაპონიის ნაღმიანი გემები იერიშს მოიტანენ ბათუმზედაო“.

15 მარტს ქუთაისის საოლქო სასამართლოს სესიამ ბათუმში გაასამართლა კ. კალანტაროვი, სლესარი ბრიტოს ქარხნისა და მიუსაჯა ოთხი წლით სატუსალო რაზმი. დამნაშავეს ბრალს დებდნენ იმაში, ვითომ მას წარსულ ზაფხულში მომხდარ გაფიცვის დროს ძალზე ეცემოს დამოქნაში მოსამსახურე სათადარიგო-საღდათისთვის, (სტ. 1489, 1490), რის შედეგიც ვითომ ნაცემის კუთაზე შეშლა იყო, თუმცა საღდათი თითონ გამოცხადდა სამსჯავროში, დალაგებით ლაპარაკობდა და არავითარი კუთაზე შეშლა არ ეტყობოდა. მოწმეებმა დაამტკიცეს, რომ კალანტაროვს არ უცემია საღდათისთვის და არც შეეძლო ეს ექნა, რადგან, როცა საღდათს სცემდნენ, პირველი მოშორებით იდგა და მონაწილეობას არ ლებულობდა. მხოლოდ ერთმა მოწმემ საღდათის მხრით აჩვენა კალანტაროვის წინააღმდეგ; ამ მოწმესა და კალანტაროვის შორის რაღაც უთანხმოება ყოფილა. ბრალ-

დებას მხარს უჭერდნენ ჟანდარმები, რომლებიც მოელოდნენ სამსჯავროსაგან კატორგას (სტ. 1490). მიუხედავად იმისა, რომ ბრალდება ვერ დაამტკიცეს, საძაგლმა სამსჯავრომ, როგორც ზევით ვთქვით, ოთხი წლის სატუსალო რაზმი მიუსაჯა კალანტაროვს.

ორი თვის განმავლობაში (17 იანვრიდან 18 მარტამდე) ბათუმის კომიტეტმა გამოსცა 16,950 ეკზ. პროკლამაცია (10 სხვა-დასხვა გვარი) მუშათა და მოქალაქეთა მიმართ ქართ. და რუსულ ენებზე.

—::—

ქ უ თ ა ი ს ი.

ქარიშხალი, რომელიც ქუთაისის საშუალო სასწავლებლებში დატრიალდა ამას წინათ, რაც წარსულ №-ში უკვე გვქონდა მოხსენებული, ჯერ კიდევ არ დაწყნარებულა, თუმცა, სიმართლე უნდა ითქვას, ეხლა არეულობას თვით უფროსები ახდენენ. ახალგაზღობა მარტის შუა რიცხვებში უკვე დამშვიდდა, როცა დაამსხვრია ის უკანასკნელი საწყაოც, რომელშიაც მეტად არა კეთილ-სუნნელოვანი სიტხე იყო მოთავსებული. ამ არა კეთილ-სუნნელოვანმა სიტხემ ბევრი უსიამოვნება დაჰბადა და ამის გამო არა ერთხელ და ორხელ შეჩერდა სწავლა. იანვრის გაფიცვისა და დემონსტრაციისათვის სხვა-დასხვა სასწავლებელთაგან გამორიცხეს სულ 13 მოსწავლე.

ხუცესმა ცაგარეიშვილმა, რეალურ სასწავლებლის სამღვთო რჯულის მასწავლებელმა, აღსარება „ჩვენების“ ჩამორთმევად გადააქცია. აღსარების დროს ის ყველას პატარა შეგირდებსაც-კი ჰკითხავდა, მიიღო თუ არა მან მონაწილეობა „ბუნტში“? ყოჩალი რეალისტები ამ კითხვას უპასუხოთ სტოვებდნენ. მაშინ ხუცესი დააფარებდა თავზე რაც ჯერ არს, და გაუშვებდა ცოდვებ-ახდილ მოსწავლეს. ეხლა რეალისტები დასცინიან ცაგარეიშვილს და მეტ სახელად „ჟანდარმს ანაფორაში“ ეძახიან.

ყველაზე მეტი, მგონი, სემინარიელებს მოხვდება. „უწმინდესმა“ სინოდმა განკარგულება მოახდინა ყველა რუსი შეგირდები და ორი ბერძენი გადაიყვანონ ტფილისის სემინარიაში და დანარჩენები, როგორც „ბუნტოვნიკები“ და ურჯულოები გამორიცხონ სასწავლებლებიდან. სემინარიაში სწავლა აღარ არის. შემდეგ რა იქნება, ჯერ არ ვიცით. ამბობენ სულ დაკეტნო.

— ყველა საეკლესიო და სამინისტრო სკოლების მასწავლებლებმა ქუთაისის გუბერნიისამ მიიღეს ბრძანება აუხსნან ბავშვებს, თუ რამდენად მატყუარნი და ცბიერნი არიან იაპონელნი და აღუძრან ბავშვებს ზიზღი და მტრობა მათდამი. განსაკუთრებით თხოულობენ ჩააგონონ ბავშვებს, რომ იაპონელნი კერპთაყვანისმცემელნი არიან.

ჩვენ ვიწვევთ სოფლის მასწავლებელთ არ შეასრულონ ეს საზი-
ზლარი ბრძანება. თუმცა სკოლამ კიდევ რომ მოინდომოს გარყენილება
შეიტანოს მოსწავლეთა გულში, ის ვერ მიაღწევს ამ მიზანს. ცხოვრება
ძლიერია სკოლაზე, ის სულ სხვა ჰანგზე უმღერის მოზარდ თაობას.

— აპრილის შუა რიცხვებში ქუთაისში დაიჭირეს სემინარიელი
ცინცაძე და სადგურ სამტრედიაში სემინარიელი ბრეგვაძე.

სამეგრელოში ერთ სოფელში დაიჭირეს აპრილის პირველ რი-
ცხვებში, 5 კაცი. აღდგომა ღამეს ყველა ეკლესიებში მოჰფანტეს,
კავშირის კომიტეტის პროკლამაციები მოქალაქეთა მიმართ ამ სათა-
ურით: „ძირს ომი!“

—::—

ტფილისი. უღეტა რკინის გზის სადგურზე.

კვირას, 11 აპრილს, გაემგზავრა პირველი პარტია კავკასიიდან
გადასახლებულ ამხანაგებისა. მიდიოდა 9 კაცი. სულ გაგზავნილები
26-ია. ადგილობრივმა კომიტეტმა გადაწყვიტა გაეცილებინა ამხანა-
გები. ნაშუადღევს პირველ საათზე პლატფორმა სავსე იყო ხალხით.
უმეტესობა მუშები (400 კაცამდე), ბევრნი იყვნენ თანამგობრნი სხვა
წრებიდანაც. იყვნენ ქალებიც. ერთი მანდილოსანი დიდი თაიგულით
მოვიდა, მაგრამ იგრძნო თუ არა რითაც გათავდებოდა ყველა ეს,
არჩია დამალულიყო, სადგურის ჩისავალთან უკვე იდგენ 15-მდე
შეიარაღებული კაზაკები; თითონ სადგური გაქედილი იყო ყველა
რანგის პოლიციელით. ლურჯი მუნდირიანებიც მზათ იყვნენ და ელო-
დენ „საქმეს“. გაგზავნილმა ამხანაგებმა დაიჭირეს ცალკე ვაგონი,
მათთან მხოლოდ ორი თუ სამი ჯაშუში-ლა იყო.

ჩამოკრეს მეორე ზარი. ვაგონის ფანჯრებიდან მოისმა ძლიერი
ხმა: „ძირს თვითმპყრობელობა“. პასუხათ მოისმა კანტი-კუნტათ გა-
მოთხოვების ძახილი, რომელიც ნელ-ნელა გაიზარდა, გადიდდა და
ერთ საერთო გუგუნათ გადაიქცა. პოლიცია გაშტერებული იდგა და
არ იცოდა რა ექნა; ამ გამოურკვევლობიდან გამოიყვანა ის საძა-
გელმა პოლიცმეისტერმა კოვალევმა, რომელიც მუშტებ მოშვერილი
მოულოდნელათ შეიჭრა ხალხში; მას მხარს უმშვენებდა ორი რიგი
ხმალ-ამოწვდილ ჟანდარმებისა. ეს იყო ნიშანი უღეტის დასაწყებად.
ცხენოსანი კაზაკები შესცვიდნენ პლატფორმაზე და ხმალ ამოწვი-
ლებმა უმოწყალოთ დაუწყეს ხალს ჩეხვა. არ ზოგეს არც ბავშვი, არც
ქალები. თმა ყალყზე მიდგება, როცა ის სურათი წარმომიდგება
თვალწინ... რალაც აუწერელი საშინელება იყო. ბევრს გადუჩხეს
თავი. ერთ თათარს, რომელიც თავის საქმეზე მოსულიყო, კისერი
გადუჩხეს. ერთ ვილატას თითი წააჭრეს. შეტაკების შემდეგ, როცა
პლატფორმა დაცალიერდა, ერთმა ჟანდარმმა დაინახა მოჭრილი თითი
და დაცინვით დაძახა: „ვისია ეს თითი?“ ერთი ბავშვი ფეხ-ქვეშ გა-



თელეს. ერთმა ნაწილმა ხალხისამ მოასწრო ბუფეტში შესვლა, მეორე ნაწილი-კაზაკებმა და ჟანდარმებმა მიაშწყვიდეს კუთხეში და გარს შემოერთყენნ. ამ დროს მატარებელი დაიძრა და კიდევ გაისმა პლატფორმაზე დარჩენილებში: „გაუმარჯოს წამსვლელებს!“ ვაგონში-კი მწყობრათ მარსელიეზას მღეროდნენ. მატარებლის წასვლის შემდეგ, ვინც-კი პლატფორმაზე დარჩა, ჩასწერეს და 19 კაცი დაიჭირეს. 11 კაცი დაჭრილები საავადმყოფოში გაგზავნეს. ზოგი იმათგანი ეხლაც წევს საავადმყოფოში; სადგურის შესავალთან მდგომი კაზაკებიც არ იყვნენ ცუდათ. იმათაც ბევრი საქმენი საგმირონი ჩაიდინეს: სხვათა შორის ერთ მოსწავლეთაგანს იმ ზომამდი სცემეს, რომ ვილაც აკოლოდოჩნიკიც-კი წამოესარჩლა და ცოცხალ-მკვდარი ხელიდან გამოგლიჯა გამხეცებულ ბაში-ბუზუყებს. მოქალაქენო! ეს უღეტა წინდაწინ იყო მომზადებული: სადგურის ახლო ვილაც ექიმები ჰყავდა პოლიციას დამზადებული; ხმლები გალესილები ჰქონდათ, როგორც სამართებელი, ჩვენ ვამტკიცებთ, რომ 1! აპრილს პირველ საათზე კაზაკები და ჟანდარმები კოვალევის ხელმძღვანელობით ტფილისის სადგურზე უკვე წინდაწინ განზრახულები თავს დაესხნენ უიარალო და მშვიდ ხალხს და საზარელი სისხლის ღვრა მოახდინეს. დადგება დღე, როცა ისინიც წარსდგებიან ხალხის სამსჯავროს წინაშე. აი დაჭრილთა სია: ი. სულაშვილი მძიმეთ დაჭრილია, ვორმინოვი, ალ. კუზანოვი I გიმნაზიის მოწაფე, ჰასან-რაფი-ოღლი, გალუშკოვი ნიკ. რკინის გზის სახელოსნოს სლესარი, პორფ. თევზაძე, არსენ ატომიანცი, არტ. ტერმეთეუზოვი, ზაქ. ახმეტელოვი, იოს. მნაცაკანიანცი, უცნობი. პოლიციამ გააგზავნა საავადმყოფოში ჟანდარმის უნტერი პეჩერსკი, რომელიც ცოტათი დაჭრილი იყო.

— 4 აპრილს ტფილისის მუშები ამხანაგს ასაფლავებდნენ. საძაგელი წვიმიანი დღე იყო, ლაფი მუხლებამდი იდგა, მაგრამ ამან ვერ შეუშალა ხელი 500 მუშას გაჰყოლოდა ძვირფას ცხედარს ქალაქის განაპირა სასაფლაომდი. არც პოლიცია, არც კაზაკები, რალაც მანქანებით, არსად ჰაჭანობდა. მწუხარება და დაღვრემილება იხატებოდა ამხანაგთა სახეზე, მაგრამ მით უფრო სასიამოვნოა, როცა თვალწინ წარმომიდგება იმათი გაბრწყინვებული და იმედებით აღსავზე სახე სასაფლაოდან დაბრუნების შემდეგ. ასე ძლიერი შთაბეჭდილება მოახდინა იმათზე სასაფლაოზე წარმოთქმულმა სიტყვებმა რუსულ, ქართულ და სომხურ ენებზე.

დიდებული სურათი მედგა თვალ-წინ: ხალხი გრგოლივით შემოერთყა საფლავს და სულ-განაბული ისმენდა ორატორთა სიტყვას. „ეხლა მაინც მოვისმენ თავისუფალ სიტყვას“ ეწერა ყველას სახეზე. დიახ, თავისუფალ სიტყვას, რომელსაც ხან შორეულ ციმბირით, სატუსალოთი და ათასნაირ სხვარიგ ძალ-მომრეობით სურთ დაუხშონ



კარები; მაგრამ ეს სიტყვა თავისუფალი მთის ნაკადულოვით გადმო-
ხეთქს ხოლმე და სიცოცხლესა ჰფენს გარშემო ყველაფერს, და მით-
უფრო ძლიერია ის, რამდენათ ხალხის გულს ეკუთვნის ეს სიტყვა
ცხოველი როგორც ეს 4 აპრილს იყო, რადგან ამ დღეს განსაკუთრე-
ბით მხოლოდ მუშები იყვნენ ორატორები. გატაცებით უსმენდა
ხალხი ორატორთ, რომლებიც ყოველ სიტყვას ასრულებდნენ იმედით
მუშათა კლასის გამარჯვებისა. ცას ისევ თავ-პირი ჩამოსტიროდა,
თითქო გლოვს უდროვით დაკარგულ მუშაკსაო, ნესტით გაჟღენთილ-
პაერში შორს გაისმოდა: „ძირს თვითმპყრობელობა! გაუმარჯოს თავისუფლებას!“ მოვიყვანთ აქ დაახლოვებით ერთ სიტყვას, თქმულს 4 აპრილს რუსულ ენაზე.

„ამხანაგებო! იქნება გეუცხოვით, რომ დღეს, როცა წინ გვი-
ძვეს ცხედარი ძვირფასი ამხანაგისა, ჩვენ ძალიან ცოტას ვლაპარაკობთ მიცვალებულზე და ასე ბევრს—დღევანდელ მუშათა მდგომარეობაზე, ვლაპარაკობთ სოციალ-დემოკრატთა პარტიაზე, რომელმაც დიადი როლი იკისრა—როლი უკეთესი მერმისის მოპოვებისა?! ნუ გაგიკვირდებათ ეს, ამხანაგებო! დაწყევლილმა თვითმპყრობელობამ იმგვარ პირობებში ჩააყენა რუსეთის მუშათა კლასი, რომ სიმართლის მოსასმენათ იძულებულები ვართ ვეძიოთ მივარდნილი და მიუვალი ადგილები, ვისარგებლოთ ყოველი შემთხვევითი მომენტით, რათა გაუუზიაროთ ერთმანეთს აზრი, შევერთდეთ და შევკავშირდეთ. გაღვიძებული პროლეტარიატი ხან ძალით, ხან მოხერხებით სარგებლობს იმგვარ მომენტებით და გატაცებით ისმენს თავისუფალ სიტყვას. ხომ ხედავთ, ამხანაგებო, თუ რა გვარი დაბრკოლებანი გველობებიან წინ, სანამ სუსტნი ვართ, თუ რამდენი მსხვერპლი გვჭირდება მხოლოდ იმისთვის, რომ სიტყვა წარმოვსთქვათ ცოტად თუ ბევრად მრავალ-ხალხოვან კრებაზე. ყველა ის, რაც დღეს აქ ითქვა როგორც საუკეთესო ანდერძი მეგობრისა გავატაროთ ცხოვრებაში და უანდერძოთ სხვებს. აბა, მიმოიხედეთ, რამდენი ვართ აქ, და ჩვენ ხომ წვეთი ვართ ზღვაში, შედარებით იმ აურიცხველ მებრძოლთა, რომელიც დღეს თუ ხვალ განადგურებას უქადის დღევანდელ წესწყობილებას.

„მაშ, ფიცი დავსდოთ ცხედრის წინაშე, რომლის მარჯვე მკლავს არა ერთხელ ამაყად აუფრიალებია წითელი დროშა, ფიცი დავსდოთ, რომ მომავალში ჩვენ ვიკისრებთ ამ ვაჟაკობას. დავსდოთ ფიცი, ამხანაგებო, და ეს იქნება დიდი ნაბიჯი სასურველ პოლიტიკურ თავისუფლების მისაღწევად!“

სიტყვა წარმოთქმული სომხურ ენაზე 4 აპრ. ამხანაგის დასაფლავების დროს: „დღეს რამდენიმე ასი კაცი მოველით აქ, რომ უკანასკნელათ გამოვეთხოვით ძვირფას ნეშტს ჩვენის მეგობრისას.



ქართული
ნაციონალური
ბიბლიოთეკა

უდროვოდ დაკარგვა ამ დროს იმ კაცის, რომელიც შეგნებულად
ემსახურება ჩვენ საერთო საქმეს, დიახ, დიდი დანაკლისია. ჩვენ წინ
ძევს გვამი მებრძოლი ამხანაგისა! ჩვენ გვინდა პატივი ვცეთ ხსოვნას
იმ კაცისას, რომელმაც მთელი თავისი სიცოცხლე დღევანდელ წეს-
წყობილებასთან ბრძოლაში გაატარა. ჩვენ ვაფასებთ ამგვარ ამხანა-
გებს, ჩვენ პატივსა ვცემთ და თავს ვიხრით მათ წინაშე, და ეს პა-
ტივისცემა ნაყილია არა ოქროთი, როგორც მუქთა-ყლაპია ბურჟუა
მოისყიდის ხოლმე რედაქტორებს და ორატორებს, რათა აქონ და
ადიდონ მისი „სასიქადულო საქმენი“! დეე ამისი წარსული იყოს
მაგალითი ჩვენთვის, ჩაგჭიდოთ ხელი უფრო მაგრათ და ძმურათ ერთი
მეორეს და იერში მივიტანოთ ჩვენ სისხლის მსმელებზე!

გაუმარჯოს ჩვენს ერთობას! გაუმარჯოს ჩვენს ბრძოლას და მო-
მავალ გამარჯვებას! ძირს მძარცველები! ძირს მეფე! გაუმარჯოს
სოციალიზმს“!

—**იარაღოვის ქარხანა.** ჩვენს ქარხანაში 300 კაცი მუშაობს. მუშა-
ობა აქ დღიურია. კანტორა იჯარით აძლევს საქმეს „მასტერებს“, რომ-
ლებიც თავიანთ ჯიბის გასასქელებლათ მოსვენებას აღარ აძლევენ მუ-
შებს და ეკონომიის გულისთვის ქარგლების მაგივრათ შევირდებს იყვა-
ნენ. ენა ვერ გამოთქვამს, რა უსინდისოთ ექცევიან „მასტერები“ ამ
შევირდებს; ისინი მუშაობენ „პოდმასტერების“ ალაგას და ქირით-კი
25 კაპ. იღებენ დღეში; მაგიერში ცემა-ტყეპა-კი უხვად იციან „მასტე-
რებმა“. აი მაგალითი: 12 აპრილს „მასტერმა“ გერასიმე სულაძემ სა-
შინლად სცემა ერთ შევირდს. შევირდმა კანტორაში იჩივლა, მაგრამ
არა გამოვიდა—რა და იძულებული შეიქნა, იმ შიშით, რომ მეორჯერ
უარესს უზამდა „მასტერი“, გასულიყო ქარხნიდან. ამგვარივე სიმხეცეს
ჩადის მეორე „მასტერი“—ვარსიძე. სურათის დასასრულებლათ საჭი-
როა ისიც მოვიხსენოთ, რომ აქ ძალიან ხშირად სახიჩრდებიან მუშე-
ბი. ქარხნის პატრონი, რომელიც მარტო თავის ჯიბეზე ფიქრობს,
არავითარ ყურადღებას არ აქცევს იმ გარემოებას, რომ აქ მოუწყობ-
ლობის გამო ყოველ წუთს მოსალოდნელია კაცი დასახიჩრდეს.

ამხანაგებო! ჩვენ პირუტყვები არა ვართ, რომ ამგვარი პირობე-
ბი ავიტანოთ. ყოველივე დასახიჩრებამ ჩვენი ამხანაგებისა, მხეცურმა
მოპყრობამ საძაგელი „მასტერებისა“ უნდა გამოიწვიოს ჩვენში
საერთო პროტესტი. სირცხვილია, ასე გულ-გრილათ ცქერა ამდენი
უსამართლობისა და სისაძაგლისა!

ბ ა ქ ო.

აღდგომა ღამეს ყველა ეკკლესიებში მოჰფანტეს კავშირის კომ.
პრაკლამაციები ამ სათუაურით: „ძირს ომი“! ამ ღამესვე აქვე ეკკლე-
სიის ახლო დაიჭირეს 4 კაცი. 31 მარტს ერთ კერძო სახლს, სადაც
რამდენიმე ნაცნობი შეყრილიყვნენ და „ლეგალურ“ ბაასს ეწეოდნენ,



საათის პირველზე თავს დაესხა პოლიცია კაზაკებით და 4 კაცი დაატყვევა.

— ვასილი მაქსიმეს ძე მეღვედვეს ვაცხადებთ პროვოკატორათ და გამცემლად. ამ ერთი თვის წინეთ ის გამოუშვეს სატუსალოდან და გაგზავნეს პეტერბურგში. წასვლისას ის ურცხვად ტრაბახობდა ნაცნობებთან თავის „პაეიშენიაზე“ (სამსახურში ამალგებაზე).

— მარტის გასულს დაიჭირეს: ქალაქის სასანიტარო ექიმი ლ. ფაინბერგი, ვასილი ივ. მარკოვი, ე. ი. გუკოვსკი, 14 აპრილს დაიჭირეს ლიუდოვიგ კუნიანი.

— 18 აპრილს ადგილობრივმა სოციალ-რევოლიუციონურმა ჯგუფმა გამოსცა პროკლამაცია და მოიწვია ხალხი სადემონსტრაციოთ, მაგრამ ერთი რა არის, ერთი სულიც არსად გაჭაჭანებულა. ჩვენმა ადგილობრივმა კომიტეტმა გადასწყვიტა ამ დღეს არაფერი მოეხდინა და ამ გადაწყვეტილებას თავისი სერიოზული მიზეზები ჰქონდა.

ც ი მ ბ ი რ ი.

(წერილი ამხანაგისგან.) ტექსტი განცხადებისა, გაგზავნილი იაკუტსკის გუბერნატორთან.

იაკუტსკის გუბერნატორს:

„დასჯა გადასახლებით რუსეთის რომელიმე შორეულ კუთხეში ან სხვა რეპრესალიები მთავრობისა ჩვენ არასდროს არ მიგვაჩნდა ნორმალურ მოვლენათ, მოვლენათ, რომელსაც რაიმე საერთო ჰქონდეს სიმართლესთან. მით უფრო ვერ შეურიგდებით, მით უფრო აუტანელია ის გარემოება, როცა ისედაც უაზრო, უადამიანო და ბარბაროსულ სასჯელს ყველა, ვასიც კი ხელი მოწვდება ჩვენამდი, კიდევ უფრო ამძიმებს და აუტანელს ხდის, ჩინოვნიკ-პოლიციურ ტვინს ავარჯიშებს, რომ რაიმე ახალი გამოიგონოს და ისედაც აუტანელი პირობები ჩვენი ცხოვრებისა უფრო აუტანელი გახადოს. ამ ვაებატონთა ახალ-ახალ საშვალებათა გამოგონებას რუსეთის თვითმპყრობელობის გამოცემული კანონებიც კი ვერ უდებს სამზღვარს! ამ ბოლო დროს „ჩინოვნიკური“ თვითნებობა მეტად საგრძნობელი შეიქნა.

ჩვენ გვცემდნენ და გვცემენ გზაში, გვცემენ სატუსალოში, გვაყენებენ იმგვარ პირობებში, რომ ცხოვრება შეუძლებელია, გვასახლებენ იმგვარ მივარდნილ სოფელში, საცა სადგომის პოვნაც-კი შეუძლებელია, — „ნებადაურთველად“ წასვლისათვის საქმის გაურჩევლად ჩვენდა დაუკითხავად გვასახლებენ კიდევ უფრო შორს და მივარდნილ კუთხეში, გვიგრძელებენ ვადას სასჯელისას კიდევ ისევ საქმის გამოუძიებლათ, თავიანთ ნებით, — მივყვევართ უგროშ-კაპეიკოთ, უტან-

საცემლოთ—და ამ დროსვე ნებას არ გვაძლევენ ვისარგებლოთ ჩვენივე ამხანაგის დახმარებითაც-კი! აქ, ამ შორეულ ქვეყანაშიც-კი მახეს გვიგებენ და, მიუხედავათ კანონისა, უარს გვეუბნებიან ვადის შესრულების შემდეგ სახელმწიფო ხარჯით უკან გაგზავნაზე.—ყოველი კანონიერი მოთხოვნილება რაღაც მიზეზთა გამო უყურადღებოთ რჩება და-სხვ.-და-სხვ. ჩვენ არ ვგსურს ვიყოთ ობიექტი ადმინისტრაციული თვითნებობისა, საიდანაც უნდა მონდინარეობდეს ეს თვითნებობა. გიცხადებთ, რომ არც ერთი ჩვენგანი არ დასტოვებს ქ. იაკუტსკს და ერთი წუთსაც არ შესდგება უკიდურეს ზომების წინაშე იქამდის. სანამ არ იქნება დაკმაყოფილებული შემდეგი მოთხოვნილებანი:

ა) გარანტია—დაუყოვნებლივი და უდავიდარაბოთ გაგზავნისა სახელმწიფო ხარჯით თავიანთ სამშობლოში ყველა იმ ამხანაგებისა, რომელთაც შეასრულეს ვადა სასჯელისა.

ბ) გაუქმებულ იქმნას ყველა განკარგულებანი, ამ ბოლო დროს გამოცემულნი, თავისუფლების შევიწროებისა და მისვლა-მოსვლის სრული აკრძალვის შესახებ.

გ) გაუქმებულ იქნას ყველა კანონი, რაც რა არის სავსებით განმარტებული „დებულებაში აშკარა თვალ-ყურდენისა“ (в положении о гласном надзоре) და რეპრესიები, გამოწვეული ამ კანონთა დარღვევისათვის.

დ) გაუქმებულ იქმნას ცირკულიარი, რომელიც უკრძალავს პარტიას ინახულოს აქეთ, ციმბირში გამოგზავნილები.

ე) გარანტია იმაში, რომ არავითარი რეპრესიული ზომები არ იქნება ხმარებული იმათ წინააღმდეგ, ვინც-კი ხელი მოაწერა ამ მოთხოვნილებებს.

ზემო მოხსენებულ ცირკულიართა და განკარგულებათა ქაუქმებას ჩვენ მით უფრო საჭიროთ ვთვლით, რომ იმათი განხორციელება და ცხოვრებაში გატარება ყოველთვის იწვევს და კვლავაც გამოიწვევს მთელ რიგს სერიოზულ შეტაკებათა და განმეორება-კი იმგვარ საზიზღარ ფაქტისა, როგორიც მოხდა უსტ-კუტში, სადაც კინლამ უმოწყალოთ ამოჟლიტეს მთელი პარტია გამოგზავნილთა, ჩვენ დარწმუნებულები ვართ, ყოველთვის გამოიწვევს სასტიკ პროტესტს. ჩვენ დარწმუნებულები ვართ, რომ ამ კითხვის ასე თუ ისე გადაჭრა სავსებით დამოკიდებულია თქვენ საკუთარ სურვილსა და მოქმედებაზე, და სწორედ ამისათვის პასუხისგება, თუ ვინიც-მან რაიმე არა სასურველი მოხდა, მარტო თქვენ კისერზე იქნება. წინდაწინვე გიცხადებთ, რომ პოლიციაში არ გამოვცხადდებით, და ყოველივე მიწერ-მოწერა შეგიძლიათ ერთი ჩვენთაგანის აღრესზე გამოგზავნოთ“.



ამავე ამხანაგებმა დანარჩენ ციმბირში მყოფ ამხანაგებს მიმართეს შემდეგის მოწოდებით:

„ჯგუფი, რომელმაც გადაწყვიტა პროტესტის გამოცხადება, ღრმად დარწმუნებულია, რომ კითხვა შეიარაღებულ წინააღმდეგობის გაწევისა რეპრესიების წინააღმდეგ უკვე მომწიფდა; როგორც უნდა იყოს შედეგი პროტესტისა, გარდა საზოგადო რევოლუციონურ მნიშვნელობისა, ის არ დარჩება უმნიშვნელო და შესაძლოა შესცვალოს თვით წესი დასჯისა. ჩვენ გადავწყვიტეთ, რაც უნდა გახდეს, დავიცვათ ჩვენი მოთხოვნილებანი, თუ გინდ იარაღით ხელში, დავიცვათ, რა ფასათაც უნდა დაგვიჯდეს ეს.

ჩვენ იმედი გვაქვს, რომ ამხანაგები სხვა კალონიებისა შემოგვიერთდებიან და ამ თანაგრძნობას ამა თუ იმ ფორმაში გამოხატავენ. მხურვალე ამხანაგურ სალამს გიძღვნი!“

ჯგუფი პროტესტის გამომცხადებელთა!

ხელს აწერენ 70 კაცი.

ამხანაგები, რიცხვით 41, ჩაიკეტნენ ერთ სახლში და ბარიკადები გამართეს. ეს იყო 25 თებერვალს.

ოლეკმინსკის კალონიამ, რიცხვით 18 კაცმა, 26 თებერვალს შემდეგი ტელეგრამმა გაუგზავნა იაკუტსკის გუბერნატორს:

„ჩვენ საესებით თანაფუგრძნობით იაკუტსკელ ამხანაგთ, და ვუერთდებით-რა იმათ მოთხოვნილებათ, გიცხადებთ, რომ დღეიდან არ დავემორჩილებით იმ ცირკულიართ, რომელთა წინააღმდეგ ჩვენი ამხანაგები პროტესტს აცხადებენ, არ დავემორჩილებით აგრეთვე ადმინისტრატიულ სასჯელს, რომლებიც იქნებიან ჩვენ წინააღმდეგ მობართული ამ ცირკულიართა დარღვევისათვის.“

ნამდვილ წყაროებიდან შევიტყვე, რომ იაკუტსკში 15 ამხანაგი მოუკლავთ და ბევრი მძიმეთ დაუჭრიათ. არ ვიცი მხოლოდ, მოკლულები იმათგანია ვინც ჩაიკეტნენ, თუ სხვები. მოკლულია 8 სალდათი და ერთი აფიცერი. ჯერ მეტი აქ არა ვიცი-რა. იაკუტსკიდან ფოსტას თვეში ერთხელ ვიღებთ. უსტ-კუტა იმყოფება კირჩინსკის მაზრაში ირკუტსკის გუბერნიაში იმ გზაზე, რომლითაც პოლიტიკური დამნაშავენი მიჰყავთ იაკუტსკში. რა „ჟღეტა“ იყო უსტ-კუტში ჯერ-ჯერობით ვერ გავიგეთ-რა. ოლეკმინსკი იმყოფება იაკუტსკის გუბერნიაში.

—:—

† ნ ე კ რ ო ლ ო გ ი .

ამ დღეებში თბილისში გარდაიცვალა ახალგაზდა ფარმაცევტი (შეგირდი) ჯანელიძე. ეს შეიქნა მსხვერპლი იმ აუტანელ პირობებისა, რომელიც გამეფებულია ჩვენს აფთიაქებში, იმ მომშხამველ ცხოვრებისა, სადაც განუწყვეტელ მომუშავე ნელნელა ეთხოვება სიცოცხლეს



ორიოდე გაუმძღარ კაპიტალისტის ჯიბის გასასქელებლათ. მიცვალე-
ბულს თავის ამხანაგებში ძალიან პატივს სცემდენ; ცდილობდა უფრო
კარგათ შეეგნო მშრომელთა ინტერესები და დღევანდელი მუშათა
მოძრაობა, რომ მალე მომავალში გამხდარიყო ერთ მის მომქმედ
წევრათ. მაგრამ აუტანელმა ცხოვრების პირობებმა უდროოთ გამოა-
სალმეს სიცოცხლეს. მომავალს მოაკლდა ერთი მუშაკთაგანი, მაგრამ
დარწმუნებული ვართ, მისი სიკვდილი ბევრს სხვა მის ამხანაგებს
გამოათხიზლებს, შეაგნებებს თავის ინტერესებს და შეაჩვევს ხანგრ-
ძლივ აუტანელ პირობებთან ბრძოლას. მიცვალებული ამხანაგებმა
რკინისგზის სადგურამდე შიაცილეს. ამხანაგებმა მიუძღვნეს რამდენიმე
გვირგვინი. 30 მანეთი შეგროვილი მიცვალებულის სახელზე გადაეცა
საქმისათვის იმერეთ-სამეგრელოს კამიტეტს. უკვდავი იყოს შენი
ხსენება, ნორჩო ამხანაგო!

—::—


განცხადება იმერ.-სამეგრ. ს. დ. მ. კ.—საგან.

ჯ ა შ უ შ ე ბ ი :

ლექვა გოჯასპირ. მილიციის პორუჩიკი, ძან მაღალი (ხშირად
ფორმასაც ატარებს), გრძელი შავ-შავი წვერი, ცოტა ქალარა შერე-
ული, ცხვირი მსხვილი, გრძელი და უშნო, იცვამს შავს ჩოხას, იხუ-
რავს ბუხრის ქუთს, მოსული კაცია, 40 წელზე გადასულია.

ჯანორიძე დიო (დიონისი?): სიმალით საშვალოზე მეტი, ტან-
წვრილი, ქერა, ლამაზ-ლამაზი, პატარა წვერი (ქერა), იცვამს ევრო-
პიულად (ფინჯაკს), იხურავს ბუხრის ქუთს მორგვალოს (კაბალახსაც),
ზოგჯერ ჩოხასაც ატარებს, მხრებში ცოტა მოხრილია, ასე 27—30
წლის იქნება.

კავშირის კომიტეტი.



პროლეტარებო ყველა ქვეყნისა, შეერთდით!
კავკასიის კავშირი რუსეთის სოციალდემოკრატიული
მუშათა პარტიისა.

„პროლეტარიატის ბრძოლის“ ფურცელი

№ 9.

15 (28) მაისი 1904 წ.

№ 9.

ხილისთავის საქმი

იმ ღრმა და ძლიერ ხალხის მოძრაობაში, რასაც დღეს რუსეთი განიცდის, ქალაქის პროლეტარიატს, ისე მჭიდროთ შეკავშირებულს სოციალ-დემოკრატიის დროშის ქვეშ, უნდა ეკისრნა და იკისრა კიდევ დიადი როლი, როლი მოწინავე მებრძოლთა ხალხის თავისუფლებისათვის.

მას აქვთ, რაც ჩვენი სოციალ-დემოკრატიული პარტია, მიუხედავად მთავრობის მხრივ ათასგვარ დევნისა, დამკვიდრდა ქალაქად, მან გადასწყვიტა, და შესძლო კიდევ შიკრიკთა გაგზავნა მიყრუებულ სოფლებშიც-კი. ჩვენ სოფლებს არა ერთხელ გაუოვიძნია უკუნეთ ძილისგან, მაგრამ რისხვა ხალხისა ყოველთვის იხატებოდა მკვლელობაში აგრარიულ ნიადაგზე, კერძო უკმაყოფილებასა, მღელვარებასა და მოწინააღმდეგეთა სახლ-კარის გადაწვაში. სოფლის მცხოვრებთა ძალ-ღონე ამაოდ იკარგებოდა, რადგან არ იყო წინამძღოლი, რომელსაც სული შთაებერა და აზროვანი მსვლელობა მიეცა დაქუცმაცებულ ბრძოლისათვის... მარა დრო ჩქარა იცვალა. ასმა და ათასმა მთავრობის-მიერ სოფლად განდევნილმა ქალაქის პროლეტარებმა ქვეყნად მოჰფინა ჩვენი მოძღვრება და მოამზადა ჯერ ხელუხლებელი ნიადაგი სოფლისა ახალ, შეგნებულ ცხოვრებისათვის. და როცა მივიდა იქ მეთაური, შიკრიკი ჩვენის პარტიისა, სოფლის ღარიბთა და ლატაკთა შორის მან ჰპოვა ურიცხვი აღტაცებული და ერთგული მომხრე ჩვენის პარტიისა.

სარწმუნო და გამოცდილმა ხელმა დაქსაქსული და უაზრო მოძრაობა უფრო და უფრო შეაერთა და ერთ დიდ და მძლავრ მდინარედ აქცია, რომ თავის ძლევა-მოსილ ზვირთთა შორის შთანთქას და გაანადგუროს ძველი და დახავსებული ბურჯი ჩვენის პოლიტიკურ



შენობისა. რაც დრო გადის, უფრო ხშირათ ისმის სანეტარო ხმა მო-
რეულ სოფლის მთა და ბართაგან და უფრო მტკიცეთ ვრწმუნდებით.
რომ ჩვენ შრომას ნაყოფი მოაქვს...

წრევანდელ ცქრიალა გაზაფხულს მთელი გურია-იმერეთი ცე-
ცხლის ალში გახვეული მიეგება. ხალხის მრისხანება ხან აქ, ხან იქ
გადმოხეთქდა, მაგრამ ძველიბურათ-კი არა.

დიდი ხნის აგიტაციისა და პროპაგანდის შემდეგ პირველად
გამოაცხადეს სოფლის მუშებმა სურვილი ქალაქის პროლეტარიატთან
შეერთებისა. დიდებული რამ მოხდა: ეს ყოველი ჩვენი თანამგრძო-
ბის სულსა და გულში წარუხოცველ კვალს დასტოვებს და უკეთესი
მერმისის იმედს გაუასკეცებს.

კვირას, 2 მაისს გურიაში პირველ მაისის საკვირველი დემონს-
ტრაცია მოხდა. სოფელ ხიდისთავიდან 400 კაცი, რომელთა შორის
40-მდე ქალი იყო, მწყობრად გაემართა ჩოხატაურისაკენ, სადაც სხვა
სოფლის დემონსტრანტებიც უნდა შეკრებილიყვნენ. ხიდისთავის ახლო
ეს კრებული გაჩერდა და მოისმინა სიტყვა პირველ მაისის მნიშვნე-
ლობის შესახებ. ხალხთა შორის ზეამართული იყო წითელი დროშა
ჩვენის მოძღვრის კარლ მარქსის სურათით; ამავე დროშის მეორე
მხარეზე თავდაყირა ეკიდა სურათი ნიკოლოზ II-სი. აღფრთოვანებუ-
ლი რევოლიუციონურ სიმღერის ძლიერის ჰანგებით, აღტაცებულნი
წმინდა გრძნობითა და აზრით, გმირულად მიისწრაფვოდნენ იქ, საცა
მთავრობის თვალწინ უნდა გამოეჩინათ თავისი ძალა და შემძლებ-
ლობა. მაგრამ არ აცალეს მათ მისვლა ჩოხატაურამდე. შუა გზაზე
ხალხს გადაეღობა შეიარაღებული სტრაჟნიკები, რიცხვით ცხრა კა-
ცი, და ანიშნეს დაშლილიყვნენ. პასუხად დემონსტრანტებმა ჰაერში
რევოლვერები გასროლეს. სტრაჟნიკებმა ამგვართვე უპასუხეს. მიუ-
ხედავად ამისა, ხალხი მაინც წინ მიდიოდა. სტრაჟნიკებმა უკან დაი-
ხიეს, ჩაუსაფრდნენ და ბერდანკებიდან სროლა ასტეხეს. პირველი სა-
სიკვდილოდ დაჭრილი დაეცა ფოცხიშვილი, ტყვია პირში ჰქონდა
მოხვედრილი. მაგრამ ხალხის რისხვა უფრო აზვირთდა, დემონსტრან-
ტები უშიშრად გაემართნენ სასიკვდილოდ. ტყვიას ტყვიაზე ისრო-
დნენ მეფის მონები. ხალხიც პასუხს აძლევდა, მაგრამ რევოლვერის
ტყვია მიზანს ვერ აღწევდა... ბერდანკი ტყვიები ჰაერში ზუზუნებდა,
შორს ისმოდა რევოლვერის ხმა, მთელ მიდამოს მოედო ხმა ბრძო-
ლისა. მეფის მონები ხალხს უმკლავდებოდნენ და აი იუდის ერთმა
ტყვიამ სასიკვდილოდ დასჭრა მამაცი იესე კალანდაძე. იგი წაიქცა...
მოიკრიბა უკანასკნელი, ღონე წამოხტა და გასწია წინ. ამხანაგებმა
შეაჩერეს—უნდოდათ დაებრუნებიათ; იგი მაინც წინ იწევდა, „თავი
დამანებეთ მე აქ მოვკვდები! იბრძოლეთ ბოლომდის! იბრძოლეთ ვიდ-
რე არ გაიმარჯოთ!.. როცა დადგება დღე რევოლიუციისა, ჩემი ძველ-



ბი ამოხეთქენ საფლავიდან და ბოლომდე იბრძოლებენ თქვენთან ერთად!“ ეს იყო უკანასკნელი მისი სიტყვა. ის მოკვდა! მოჰკლეს ამხანაგი, უბრალო სოფლის მჭედელი, მოჰკლეს ხალხის ბედნიერებისა და თავისუფლებისათვის მებრძოლი! მოჰკლეს! მაგრამ მისი ანდერძი და სახელი უცდავი არის. ვითა საყვირი, იგი მოიწვევს დანარჩენ მებრძოლთ მთელი მხარისას.

წყევლა მტარვალთ! ჩვენ გვართმევენ ისინი საუკეთესო ამხანაგთ. საუკუნო დიდება თქვენ, ხიდისთაველნო, თქვენ შესწირეთ სიცოცხლე ორი საუკეთესო შვილისა პროლეტარიატის განთავისუფლების საქმეს.

და შენ, პროლეტარო, უსახლკარო, ყარიბო რუსეთისავე, განველ ქვეყნად და უამბე ყველა შენ ძმებსა და პატიოსან მოქალაქეთ, რომ აქ, ხიდისთავში, სოფლის მყუდრო სასაფლაოზე განისვენებს ნეშთი ორის ახალის მსხვერპლისა, ორის თავისუფლებისათვის მებრძოლთა, ვინც მეფის მონათა ხელმა იმსხვერპლა. მოჰფინე მთელს ქვეყანას ზიზლი მტარვალთადმი: დაე ძლიერის რისხვით მოევიწიოს მათ ხალხის შურისძიება.

—:—

ლ ა ნ ჩ ხ უ თ ი. (ოზურგეთის მაზრა).

დიდ საგონებელში ჩავარდა ამ ბოლო დროს სოფლის პოლიცია! ოღონდაც რომ თავ-საპტვრევი ბევრი რამ აქვს — სოფელი, ჩვენი მიძინებული სოფელი იღვიძებს და გაბედულათ ებმის საერთო პროლეტარიატის ფერხულში. პოლიცია არავითარ საზიზღარ ზომებს არ ერიდება; ყოველი საშვალეობა რაც-კი ხელს შეუშლის ხალხის გამოფხიზლებას კანონიერია მისთვის. მაგრამ ლანჩხუთის პოლიციელთა თავ-აშვებულება ყოველივე საზღვარს გადასცილდა...

20 აპრილს ღამით ხუთი გლეხი მუშაობიდან სახლში ბრუნდებოდნენ. ერთი მათგანი ცოტათი დაწინაურდა. უცებ მას ესმის ხმა ჯაშუქმის დავით მენალარიშვილისა: „დაიკით, აი მოდიანო!“ გლეხს წინ გადაეღობა იქვე ჩასაფრებული ექვსი სტრაჟნიკი, რომელთაც მეთაურობდა ორი ბოქაული, კვაშალი და სრლოროვი. ბაში-ბუზუქები, დარწმუნებულები, რომ ხელთ იგდეს „ცოციალისტი“, როგორც იქ ეძახიან, მისცივიდენ გლეხს; ამ ჩოჩქოლში დანარჩენი ოთხი გლეხიც მოახლოვდა და რა დაინახეს თავიანთი ამხანაგი გასაქირში მისცივიდენ მტარვალთ. მარდმა კოსტა ჩაჩავამ დასტაცა ხელი ბოქაულს კვაშალს, ააფცქენა თოფი და თხრილში ბრავგანი მოაღებინა. იოსებ ებრაელიძე ერთ სტრაჟნიკს მიუხტა და მისთავაზა ჯოხი თავში. ბოქაული ამოფოფხდა თხრილიდან და რევოლვერით სასიკვდილოთ დასტკრა კოსტა ჩაჩავა და უბრძანა სტრაჟნიკებს ესროლათ. გავარდა თოფი და მტრის ტყვიამ გული გაუპო მეორე გმირს იოსებ ებრაელი-



ძეს; დანარჩენები გაიქცნენ და თან წაიღეს ბოქაულის თოფი. რამდენიმე ტყვია გაქცეულებსაც, დაადევნეს, მაგრამ ამათ. ორმა სტრატეგიკმა არ მიიღო მონაწილეობა სროლაში, რისთვისაც ისინი უკვე სამსჯავროს გადასცეს. მეორე დღეს დიდ-ძალი ხალხი მოგროვდა დახოცილთა სატირლათ. სხვათა შორის ადგილობრივი ჯაშუში სამილდებრაელიძეც გაერია ხალხში, ვითომ როგორც გულშემატკივარი. ჯაშუშის დანახვამ საშინლად ააღელვა ხალხი და ერთმა მოხუცმა იქვე ძალზე მობრიგა კეტით საზიზღარი ჯაშუში. მოხუცი დაატუსაღეს. (ეხლა განთავისუფლებულია). ყველა ამ სიმხეცეთა შესახებ ბათუმის კომიტეტმა პრაკლამაცია გამოსცა, რომელიც კ. ჩაჩავასა და ი. ებრაელიძის დასაფლავების დღეს გავრცელდა ხალხში. მიცვალებულთა დაკრძალვას 4,000-მდე ხალხი დაესწრო. ჩაჩავა და ებრაელიძე ერთად ძმურ სამარეში დაკრძალეს. საფლავზე მეტად გრძნობიერი სიტყვაწარმოითქვა, კუბოებს შვიდი გვირგვინი ამშვენებდა.

პოლიციამ ვერ გაბედა დასაფლავებას დასწრებოდა, მხოლოდ როცა ხალხი სულ დაიშალა, ქურდებივით მიიპარნენ ისინი და გვირგვინებს სინჯვა დაუწყეს იმ იმედით, რომ იქნებ მიცვალებულთა გასამტყუნარი რამ ამოეკითხათ იქ. ერთ გვირგვინზე ეწერა: „ბარბაროს თვით-მპყრობელობის მსხვერპლთ“.

დაუფიწყარო კოსტა და იოსებ!

თქვენ გმირულათ შეებრძოლეთ ხალხის მტერთ და ნება არ მიეცით მათ ამხანაგების დატუსაღებისა! განისვენეთ მშვიდათ! თქვენი გმირული ნამოქმედარი სკოცხლობს ჩვენთან! თქვენ სახელს ჩავაქსოვთ ხალხის საომარ სიმღერაში, იქიდან მოვკრებთ ძალას, გამბედაობას, ახალ მეომართ ის შთაბერავს გმირულს სულს! განისვენეთ მშვიდათ! სუბუჭი იყოს მიწა თქვენთვის!

— აქაური მაზრის უფროსი ჯაფარიძე, გატაცებული სურვილით, როგორც ჩაეგდო ხელში მოძრაობის მეთაურნი, ჩამოვიდა ლანჩხუთში, შეკრიბა ხალხი და მოსთხოვა გაეცათ მოთავენი. აღელვებულმა ხალხმა გადაჭრით უარი განაცხადა და დაუმატა: „თქვენ მოკალით ორი ჩვენი ამხანაგი და ეხლა ახალ მსპვერპლს ითხოვთო?...“ ჯაფარიძეს მეტად ეუცხოვა ეს და მოითხოვა „თავეხედი“ გლენი მასთან ბალკონზე ასულიყო. როგორც ჩანდა მტარვალი დატუსაღებას უპირებდა გაბედულ გლენს, რომელიც მარდათ და უშიშრათ აიჭრა კიბეზე და წარბშეუხრელი ელოდა, რითი გათავედებოდა ყველა ეს. ხალხმა ერთხმათ იგრიალა და მუქარით მოსთხოვა ჯაფარიძეს დაუყონებლივ განთავისუფლებია გლენი, რაც მაშინვე შეასრულა, რადგან მიხვდა, რომ იათად არ დაუსვამდენ მის დაკავებას.

ხალხი თამამათ გმობდა პოლიციელთა საქციელს და, მიუხედა-



ვით იმისა რომ მაზრის უფროსი სათითაოდ ეძახდა ყველას დარჩენილიყვნენ,—ისინი დაიშალნენ თავ-თავიან სახლებში. აქ დავეუმატებთ, რომ ჯაფარიძე განუსაზღვრელ უფლებებით სარგებლობს, ის გუბერნატორია თავის მაზრაში, მაგრამ, როცა ხალხი ამოძრავდება, მორჩა, მის წინ ქედს იხრის თვით მეფე,—ხალხი თვით მეფდება...

—:—

ბ ა თ უ მ ი .

პრველ მაისს, ძველი სტილით, ბათუმის ს.-დ. კომიტეტის გადაწყვეტილებით, მოხდა საერთო გაფიცვა ერთი დღით. ქარხნები და უმეტესდ ნაწილი სახელოსნოებისა დაიკეტა. ბათუმის მოედნები და ქუჩები სავსე იყო კაზაკებით და სტრაჟნიკებით. სალდათები დამალულნი იყვნენ ქალაქის სვა-და-სხვა ნაწილებში.

საომარი მომზადება იყო, 2 მაისს—კვირას. ამ დღეს მეეზოგბ-მაც მხურვალე მონაწილეობა მიიღეს ამ მზადებაში: იმათგან იყო შემდგარი „მებრძოლი დრუჟინა“ 15—20 კაცისაგან, შეიარაღებულები იყვნენ კეტებით. მუშები, კომიტეტის გადაწყვეტილების გამო ჩუმათ იყვნენ და 2-ს არავითარი დემონსტრაცია არ მომხდარა.

პოლიცია, დარწმუნებული, რომ აქ რაღაც ხრიკია მუშების მხრივ, ყოველ დღე მოელოდა „ბუნტს“ და დღე და ღამე ფეხზე იდგა: ასე ვაგრძელდა 9 მაისამდე. 6 მაისს პოლიცია, არ ვიცით, რა მიზეზით, მეტის-მეტად გამოვიდა მოთმინებიდამ (იქნებ ლოდინიც მობეზრდა) და შეურეკა თავისებურად: არ გამოუშვა ბარცხანიდან ქალაქში მომავალი მუშები; ვინც-კი ძალას იხმარდა, გაჩხრეკდენ და მათრახებით სცემდნენ. მაქტერალ საზოგადოებასაც ბარე ორი მოხვდა. „სტრაჟნიკებს“ მხეცი ლევან გურიელი ხელმძღვანელობდა. „რა ნება გაქვს, რომ ვამვლელ-გამომვლელს უმოწყალოთ სცემ“,—შეუთია ერთმა მუშამ გურიელს. „აი. შე მამაძ...! შენ უფლებასაც ეძებ?! აი მე გაჩვენებ ნებას და უფლებას“. და ამ სიტყვებით მათრახს ტყლამანი აადენინა. „თქვენ სულ იმას იძახით მოვკლავთ გურიელსო, რათ არ მკლავთ მერე?“,—ეუბნებოდა მხეცი თავადი მუშებს,—„შუალამეზე სახლების წინ დავდივარ, რატო ვერაფერს მიბედავთ?! მოგვლევქავთ ყველას! ტყავს ვაგაძრობთ!“ საკვირველია მხოლოდ, რათ არის რომ ასეთ „მამაც“ თავადს ღამ-ღამობით მთელი გროვა სტრაჟნიკებისა დასდევენ თან?

—:—

ფ ო თ ი .

22 აპრილიდან ვაგზალზე მუშაობა მოიჯარადრის ხელიდან გადავიდა რკინის გზის ადმინისტრაციის ხელში, რომელმაც ერთბაშათ შეცვალა სამუშაო პირობები. წინეთ მუშებს ქონდათ უფასო ბინები და კვირაობით მხოლოდ ნახევარ დღეს მუშაობდნენ. ესენი



ქართული
ნაციონალური
ბიბლიოთეკა

ყველაფერი მოსპო ადმინისტრაციამ და თანაც ხარჯების, შესაძლოა, ღია
 ლათ, დაითხოვა 13 მუშა: „თქვენ აქ მეტი ხარო, წადით და სადაც
 გინდათ იქ ეძიეთ სამუშაო“, ურცხვით უთხრეს მუშებს. ასეთმა თვით-
 ნებობამ გააბრაზა მუშები და მათ გადასწყვიტეს გაფიცვა, თუ რომ
 მათ მოთხოვნილებებს არ დააკმაყოფილებდნენ. მუშებმა მოითხოვეს: 1)
 დაბრუნება 15 დათხოვნილი ამხანაგისა და 2) ძველი პირობების და-
 ლაში დატოვება. ადმინისტრაციამ არ დაუთმო მუშებს და 25 აპრი-
 ლიდან დაიწყო გაფიცვა. იმავე დღეს ადმინისტრაციამ გამოიწერა
 თფილისიდან სომეხი მუშები, რომლებიც 27 აპრილიდან შეუდგნენ
 მუშაობას. ახლათ ჩამოყვანილი მუშების დასაცველათ თითოეულს ექვს
 კაცზე დანიშნეს თითო ჟანდარმი.

ესეც არ ეყო მთავრობას! მან კარგათ იცის, რომ მუშები მი-
 ჩვეული არიან საერთო ბრძოლას და ყოველთვის მზათ არიან საქმით
 დაამტკიცონ თავიანთი რევოლუციონური მისწრაფება. იცის მთავ-
 რობამ ეს და თავ-რეტ დასხმული იბრძვის მათ წინააღმდეგ. 26 აპ-
 რილს დაიბარეს პოლიციაში 12 მუშა, ვითომდა როგორც მეთაუ-
 რები და განუცხადეს: „გუბერნატორის განკარგულებით თქვენ უნდა
 დატოვოთ ფოთი 24 საათში და წახვიდეთ სახლში“. პოლიციის ასეთ-
 მა თავ-გასულობამ საშინლათ ააღელვა მთელი ფოთის მუშები. 27
 აპრილს შუადღეზე პორტის მუშებმა დასტოვეს სამუშაო და გასწიეს
 პოლიციისაკენ. თავი მოიყარა 300-დე მუშამ და ერთხმათ მოსთხო-
 ვეს პოლიციას: „დატოვეთ 12-ვე მუშა ქალაქში და დააკმაყოფილეთ
 ვაგზლის მუშებიო“. პოლიციამ გადაჭრილი უარი განაცხადა პირველ
 მოთხოვნილებაზე. ხოლო მეორეს შესახებ ურჩია, მიმართეთ გუბერ-
 ნატორსო. მუშები 4 საათამდის იყვენ პოლიციის წინ. დიდი მღელ-
 ვარება იყო მათ შორის, განსაკუთრებით, როდესაც გაიგეს, თორმე-
 ტი გასაგზავნი მუშა დაუტყერიათ და ღამით ჩუმათ აპარებნო. მუ-
 შებმა დატოვეს დარაჯები პოლიციისთან, რომ დროზე შეეტყოთ, თუ
 გააგზავნიდნენ დაჭერილებს. საღამოს გავრცელდა ხმა, დაკავებულ
 ამხანაგებს აგზავნიანო. წამსვე შეიკრიბა 700 მუშა და მარსელიო-
 ზის სიმღერით გაეშურენ ვაგზლისაკენ. გზაში დროშის მაგიერ, აფ-
 რილებდნენ წითელ ხელსახოცს... შიში ტყუილი გამოდგა, იმ ღამეს
 არავის აგზავნიდნენ და მუშები სიმღერიცვე დაბრუნდნენ უკან.

მეორე დღეს მუშებმა თავისი მოთხოვნილებები წარუდგინეს
 გუბერნატორს, რაზედაც შემდეგი პასუხი მიიღეს: „მე ძლიერ მაშ-
 ფოთებს, რომ თქვენ აღარ ემორჩილებით პოლიციას! წინედ ასე არ
 იყო, უწინ უფრო ენდობოდით პოლიციას და პატივსაც ცემდით:
 ახლა-კი ვილაცყები გაბუნტებენ. ის 12 კაცი უთუოდ უნდა
 გავგზავნო სოფელში, მიტომ, რომ ისინი გალელვებენ თქვენ მთავ-
 რობის წინააღმდეგ“. შემდეგ გუბერნატორმა მიმართა ვაგზლის მუ-



შეხვედრის შემდეგ: „გინდათ თუ არა ძველ პირობებში იმუშაოთო“. მუშებმა ხმობა განუცხადეს. „არა, ახლა გვიან-ლა არისო“, წამოიყრანტალა მასხარა გუბერნატორმა. გუბერნატორის საქციელმა ააღელვა მუშე-ბი, გაისმა საწინააღმდეგო ყვირილი: „სიკვდილითაც რომ დაგვემუ-ქროთ, ჩვენ მაინც მუშაობას არ დავიწყებთ, სანამ ჩვენ მოთხოვნი-ლებებს სავსებით არ დააკმაყოფილებთ“. აღელვებამ უმაღლეს წერ-ტილამდის მიაღწია... შემინდა პოლიცია და მიმართა ჩვეულებრივ ზომებს. იმ დღესვე დაიბარეს 100 კაზაკი და სალდათები „მშვიდო-ბიანობის“ დასაცველათ. 12 დაჭერილი მუშა იმ დღესვე გაგზავნეს სოფელში, გზაზე გააყოლეს ერთი როტა სალდათი და ვაგზალზედაც დაახვედრეს 100-მდე კაზაკი. მუშებმა სალამოს მოილაპარაკეს და, რადგანაც დემონსტრაციის გაწყობა შეუძლებელი იყო, გადაწყვიტეს განეგრძოთ გაფიცვა. შეიმუშავეს მოთხოვნილებები ხელფასის მომა-ტებისა და სამუშაო დღის შემცირების შესახებ. მაგრამ, სამწუხაროთ, მრავალი მიზეზების გამო, თავიანთი გადაწყვეტილება მუშებმა ვერ აასრულეს... კაზაკები დათარეშობდნენ მთელ ქალაქში, მეორეს მხრით გამოაშკარავდა, რომ პორტის მუშებსაც დაითხოვდნენ ისე, როგორც ვაგზლისას უყვეს, მით უმეტეს რომ ფობში დასაცალი გე-მები გაგზავნეს ბათუმს და იქ დასცალეს. ამ მიზეზების გამო მუშებმა 29 აპრილს ნაშუადღევს დაიწყეს მუშაობა: 75 ვაგზლის მუშა-კი დარ-ჩა უადგილოთ...

— :: —

ქ ი ა თ უ რ ა (შორაპნის მაზრა).

საპირველ მაისოთ შავი-ქვის მუშათა შორის გავრცელდა პრო-კლამაციები ცენტრალურ, კავშირის და იმერეთ-სამეგრელოს კომი-ტეტებისა. პოლიციამ ყოველივე ზომა მიიღო, რომ დემონსტრაცია არ მომხდარიყო: მთელ რაიონში დარაჯები დააყენეს. ბოქაულები გვირაბებში დადიოდნენ და მამა-შვილურ დარიგებებს აძლევდნენ მუ-შებს, რამდენიმე ღამე სტრაჟნიკებს მუშებთან ჭერ-ქვეშ ეძინათ!

— 3 მაისს დაიწყო ჩალვადრების გაფიცვა, რომელიც გამოიწვია გადასაზიდავ ფასის დაწევამ (ფუთზე მეოთხედი კაპ.) გაიფიცენ 800 კაცი. გაფიცვა ერთ კვირას გაგრძელდა. თუმცა მოთხოვნილება ჩა-ლვადრებისა წინანდელ ფასის დატოვების შესახებ აო იქნა დაკმა-ყოფილებული, მაგრამ, გაფიცვამდი არსებული „სკიდკის“ მოსპობის გამო, ფასმა მაინც აიწია ცოტათი.

— :: —

თ ფ ი ლ ი ს ი.

დიდი შიში და მოუსვენრობა ეტყობოდა ქალაქს 18 აპრილიდან 1 მაისამდე. 18 აპრილი კვირა დღე გამოდგა და მთავრობა დემონ-სტრაციას მოელოდა. თითონ პოლიცმეისტერი მორიგეობდა გო-



ლოენის პროსპექტზე დილიდან საღამომდი; ყოველგან უმთავრეს ქუჩებზე კაზაკები იყვნენ ჩასაფრებული, პოლიციელების სადღესასწაულო ფორმაში და მათრახებით. ერთი სიტყვით, ყველაფერი „რიგზე“ იყო. დემონსტრაცია არ მომხდარა, რადგან არ ყოფილა განზრახული ადგილობრივ კომიტეტისაგან. მეორე კვირამ მშვიდობიანათ ჩაიარა. როგორც ნამდვილ წყაროებიდან შევიტყვეთ, პოლიცემისტერმა ტელეფონით შეატყობინა დამცველ განყოფილების უფროსს ზაპისკინს, რომ არავითარი მზადება პოლიციის მხრივ არ იქნება, რადგან ეს გააფრთხილებს მუშებსაო. სამაგიეროთ პირველ და მეორე მაისს შიმში და ძრწოლამ შეიპყრო პოლიცია. კვლავ ჰკრეს ბუქსა და ნალარას, გაღესეს ხმლები...

30 აპრილს საღამოს რკინის გზის მუშები, როცა სახელოსნოებიდან გამოდიოდენ, მეტად სასაცილო სურათს წააწყდენ: მთელი გროვა ჟანდარმთა ორ მოპირდაპირე რაზმათ გაყოფილიყო და ერთმანეთზე იერიში მიეტანათ—ვარჯიშობდნენ ხმლის ხმარებაში. ეს ერთგვარი მანიოვრი იყო, გამოსაცდელი ბრძოლა.

რკინის გზის მუშებში გაფიცვა 1 მაისს ვერ მოხდა. მთელი დღე მუშაობდნენ. ცოტაოდენი ბრალი ამ ჩვენთვის სამწუხარო მოვლენაში ამ ორგანაზაციას ედება, რომელსაც დავალებული ჰქონდა მოძრაობის ხელმძღვანელობა ამ რაიონში. სამაგიეროთ ბრწყინვალეთ ჩაიარა გაფიცვამ იარალოვის ქარხანაში, საცა 300 მუშათაგან მხოლოდ სამი კაცი მოვიდა სამუშაოთ და ისინიც ქარხნის მოსამსახურეებმა დაითხოვეს:—არ ღირს თქვენთვის მანქანის ამუშავებაო. იარალოვის მუშებთა შორის აგიტაცია იყო გამართული გაფიცვის შესახებ და ყოჩაღმა ამხანაგებმა ერთხმათ თანხმობა გამოაცხადეს ამ მეტად მნიშვნელოვან სიქმეზე პროლეტართათვის. საჭიროა მხოლოდ აღენიშნოთ, რომ იარალოვის მუშებთა შორის ძალიან ბევრნი არიან სომხები, რომელთა შორის ნაციონალისტებმა ოამდენიმე მომხრე მოიპოვეს. აი იმათში ბევრი შრომა დასჭირდა პროპაგანდისტებს, სანამ დაითანხმებდენ მათ ეუქმათ 1 მაისი. დეე, მეტის ყურადღებით წაიკითხონ მათ ამ ნომერშივე მოქცეული განცხადება ბაქოელ სომეხ-სლესრების, რომელთაც ასე ცხადათ დამატკიცეს თუ რა მშვენივრად ესმისთ მათ კლასობრივი პოლიტიკა პროლეტარიატისა; დეე, იცოდეს ამ ორიოდე მუშამ, რომ ყველა, ვინც-კი ეძიებს დღევანდელ აუტანელ პირობებისაგან თავის განთავისუფლებას გარეშე საერთაშორისო სოციალ-დემოკრატიულ მოძრაობისა, მოსტყუვდებოდა მწარეთ თავის იმედებში. ბევრს იმათგანს, ვინც ასე დაჟინებით ეძახის მუშებს ჩვენი ბანაკიდან და ურჩევს მათ ჩამოშორდენ ჩვენ პარტიას, და იწვევს ხან სომეხთა სოციალ-დემოკრატიის და ხან ნაციონალიზმის დროშის ქვეშ, ღრმათ სწამს სიმართლედ



და სიწმინდე თავისი საქმისა, მაგრამ ეს ხელს არ უშლის მათ ვისდა-უნებურათ შეცდომაში შეიყვანონ მუშები. ყველა ეს ისე, გაკვრით; საზოგადოთ-კი ვიმეორებთ, იარაღოვის მუშებმა გასაოცარი სოლიდარობა გამოიჩინეს და თფილისის მუშათა შორის პირველობის სახელი დაიმსახურეს. ამათ გარდა გაიფიქრენ რამდენიმე ტყავის ქარხანაში და ზოგიერთ სახელოსნოებში. კერძო გაფიცვები თითქმის მთელ ქალაქში მოხდა, მაგრამ ამან ვერ იქონია გავლენა თფილისის ქუჩების გარეგან შეხედულებაზე. კონკერა მუშაობდენ, მეეტლეებიც... ასე რომ, თუ არა კაზაკებისა და პოლციელთა განგაში, თფილისში მცხოვრები ვისაც-კი ხელში პრაკლამაცია არ ჩავარდნია, ვერც-კი გაიგებდა, რომ მის გარშემო დიდებული საქმე ხდება—იზრდება პოლიტაკური აზრი პროლეტარიატისა. ასევე ცუდათ ეძინათ, ან უკეთ რომ ვსთქვათ, სულ არ ეძინათ 1-ს ღამით არც მეფხოეთ და არც ძმათა მათა. ტელეფონი გაცხარებული მუშაობდა და გადაჰქონდა განკარგულებანი ერთი კუთხიდან მეორეში. შიში იქამდი მივიდა, რომ ჯარის უფროს ხელმძღვანელათ ვილაც პოლკოვნიკი დანიშნეს კიდევ. ჯარი და კაზაკები კაზარმებიდან სხვადასხვა სტრატეგიულ პუნქტებზე გადაყავდათ. დილით მტერი მზათ იყო. ხოლო ომი არ მომხდარა!.. ასე გაიარა ჩვენმა მაისმა!

— მე-IV კლასის გიმნაზიელი კრასიუკოვი, დაქრილი 11 აპრილს ღამის 10 საათზე, ერთ-ერთ თფილისის ქუჩაზე მხეც იუნკრისაგან 30 აპრილს გარდაიცვალა. მის ამხანაგებს სურდათ დასაფლავების დღეს დემონსტრაცია მოეხდინათ. ამ მიზნით კვირა დღე აიჩრჩეს, რომ ყველა მოსწავლეთ შესძლებოდათ მოსვლა. პოლიციამ ნება არ მისცა კვირით მოეხდინათ დასაფლავება, ნება არ მისცა აგრეთვე ამხანაგებს თავიანთი ორკესტრით გაყოლოდენ კუბოს. დასაფლავება მოხდა ორშაბათს, 3 მაისს. მიცვალებული მიაცილეს სასაფლაომდი მხოლოდ იმ გემნაზიელებმა, ვინც იმ დღეს სკოლაში არ წასულა: ვინც-კი გიმნაზიაში იყვნენ, არც ერთს ნება არ მისცა სასწავლებლის უფროსმა დასწრობოდენ ამხანაგის დასაფლავებას. ძნელია გაიგოს კაცმა დანამდვილებით ყველა ის, რაც პოლიციის კედლებთა შორის ხდება. მხოლოდ ამბობენ-კი დანამდვილებით, ვითომ კრასიუკოვის დაქრის შემდეგ ის მხეცი იუნკერი თითონ მისულა პოლიციაში და გამოუცხადებია, რომ მან დაქრილ გიმნაზიელში შური იძია ყველა გიმნაზიელების მიმართ, რადგან ისინი ვითომ აღდგომა ღამეს კავშირის პროკლამაციებს ავრცელებდენ „ომის წინააღმდეგ“. მისი პატრიოტული გული აღივსო სიყვარულით „მამა მეფისადმი“ და გადაწყვიტა ბოლო მოეღო 14—15 წლის ბავშვისათვის.

სად არი ის ველური, ის საძაგელი? სინამ ნამდვილი მართმსაჯულება ხალხისა არ განსჯის მას, მინამ იცხოვრებს, იფარფაშებს ის.



და ექვ გარეშეა მედიდურათ ატარებს რაიმე ნიშანს „პატრიოტულ“ საქმისათვის ნაბოძებს.

— :: —

ბ ა ქ ო.

ადგილობრივმა კომიტეტმ გადასწყვიტა, მოეხდინა პირველ მაისს საერთო გაფიცვა ერთი დღით. სამუშაოთ, უნდა შეენიშნოთ, რომ ეს გადაწყვეტილება განხორციელდა მხოლოდ რამდენიმე, ფაბრიკასა და სახელოსნოში. „პრომისლებზე“—კი უარესი რამეც მოხდა!.. იქ რუსი და სომეხი მუშები ერთმანეთს დაერივნენ და კინალამ ერთმანეთი ამოსწყვიტეს. ერთი ჯგუფი სომეხ მუშათა, კომიტეტის მოწოდების თანამოაზრე, მივიდა „პრომისლებზე“ და სთხოვა რუს მუშებს—დაენებებიათ თავი მუშაობისათვის პროლეტარიატისათვის ამ დიდებულ დღეს. უმეტესი ნაწილი რუსის მუშებისა უარზე დადგა, სომეხები თავისას თხოულობდნ და აი ორი მოძმე დაეტაკა ერთმანეთს! პოლიცია აქვე იყო და გულ-ხელ დაკრეფილი შესცქეროდა, თუ როგორ ამტვრევდნ თავ-პირს მუშები ერთი მეორეს; დანამდვილებით ამბობენ, რომ პოლიცია ბევრს ეცადა ეს ასე მომხდარიყო, რისთვისაც წინა დღით აუარებელი „ბოსიაკები“ მოასხა „პრომისლაზე“.

საუცხოვოთ ჩაიარა გაფიცვამ მიზარბეკიანცის თუთუნის ფაბრიკაში.

— აპრილში აქ რამდენიმე გაფიცვა მოხდა. აღენიშნავთ ზოგიერთს. ტანისამოსის მალაზიის „ეკსელანს“ სახელოსნოში 10—15 კაცი მუშაობს. სახელოსნოს უფროსმა მოინდომა ხელ-ფასის დაწევა. მუშები გაიფიცნენ. მეორე დღესვე პოლიცია, რაღა თქმა უნდა, ჩაერია. ბოქაულმა მოიწვია სამი ებრაელი-მუშა და დაუწყო ყვირილი: „აი თქვენ ამისთანა-იმისთანებო, როგორ ბედავთ ბუნტობას? თქვენ ხართ რაც ხართ ურიები, თორემ სხვები არაფერს არ იტყოდნენ“. ბევრი აბრა-ხუნა ფეხები ბოქაულმა, მაგრამ ამაოთ! სახელოსნოს უფროსმა განაცხადა, რომ ის მზათ არის მოუმატოს სომეხ მუშებს, მხოლოდ ურიებს-კი არა, მაგრამ სომეხი მუშები ამას არ დათანხმდნ და ბოლოს გაფიცვა მოიგეს.

— ეხლა გადავიდეთ ვაინშტეინის სახელოსნოში; იქ მოხდა საერთო გაფიცვა და წარუდგინეს სახელოსნოს უფროსს თავისი მოთხენილებანი. ვაინშტეინი თითქო დასთანხმდა ამ მოთხოვნილებებს და მოიწვია მუშები მოსალაპარაკებლად. ამ დროს-კი ჩუმათ პოლიციას შეატყობია, რომ სახელოსნოში „ბუნტია“. როცა მუშები მოვიდნენ სახელოსნოში, დახვდათ მთელი გროვა პოლიციელთა. დაიჭირეს 12 მუშა; ოთხი იმათგანი იმ დღესვე გაგზავნეს ბაქოდან. „ბუნტი“ ჩააქრეს...

— ყურადღების ღირსია შლაპების მკეთებელ მუშა-ქალთა ვაფიცვა. ქალები გაიფიცნენ, წამოაყენეს თავიანთი მოთხოვნებიანი, რომლებიც მაშინვე მიღებულ იქნა და ქალებმა ისევ მუშაობა დაიწყეს. ყველა ეს მოხდა წყნარათ, ჩუმათ, მაგრამ პოლიცია მაინც ჩაერია და ოთხი უდანაშაულო ქალი დაატუსაღა, გუბერნატორმა-კი თავისი ძალით თითო თვე ციხე გადაუწყვიტა ამ დაქერილებს და ყველა ეს კანონის ძალით!

— ბაქოს ზეინკლები თანდათან მქიდროთ — კავშირდებიან და მეტ კლასობრივ თვითცნობიერებას იჩენენ. შარშან ზაფხულში ვაფიცვის დროს იმათ ამხანაგურათ მისცეს ერთმანეთს ხელი. უმეტესი ნაწილი იმათგან სომხებია და აი ადგილობრივმა სომეხ სოციალ-დემოკრატიულმა ჯგუფმა, რომელიც ჩვენი პარტიის გარეთ დგას, წინადადება მისცა მუშებს შესულიყვენ მათ პარტიაში. მუშებმა უარი უთხრეს და აუხსნეს, რომ ისინი აღიარებენ საერთაშორისო პროლეტარიატის სოციალიზმს და მუშებს უცქერიან არა როგორც წარმომადგენელს რომელიმე ერისას, არამედ როგორც კლასს დაჩაგრულს და მოკლებულს ადამიანურ უფლებას.

კავშირის კომიტეტი.



1905 წ. რევოლუციის წითელი დროშა.

ეს დროშა ინახებოდა შორაპნის მაზრაში მეგრძოლ რევოლუციონურ გლეხებთან. შორაპნის მაზრის ღარიბი გლეხ-კაცობა რევოლუციონური საქმეების გასაკეთებლათ 1905 წლის რევოლუციის დროს ამ დროშის ქვეშ იკრიბებოდა. 18-19 წლის ისტორია აქვს ამ დროშას. ამ დროშის მომტანი ძველი კომუნისტი ამხ. პლატონ შიხელიძე შემდეგ გადმოგვცემს აპის შესახებ: „1905 წელს, როცა რევოლუცია დამარცხდა, შორაპნის მაზრის რევოლუციონური მოძრაობის ხელმძღვანელი შემდეგი ამბებია: კარზე მოდებამე, მიშა სტეპანოვი, ავრასიონ მერკვილამე, დათიკო ლოთქიფანიძე და კოტე ცინცაძე იძულებული გახდნენ ზესტაფონში დამალულიყვნენ. მათ აქ მე გადმომცეს შესანახათ ერთი წითელი დროშა, ერთი დინამიტი და ერთი ცთოფი. ამათ შორის ეს წითელი დროშა,—ჩვენი რევოლუციონური მოძრაობის სიმბოლო,—როგორც იყო შევქელი გადამერჩინა ჯალათებისაგან და მომელწვეინებინა იგი დღევანდლამდე“.

განყოფილება

= VI =

ტრიბუნა

პარტიის ისტორიიდან ზღაპრული ალაგანის უნდა განდავნილი იყო.

(წერილი რედაქციის მიმართ).

დაგვიანებით გავეცანი ჟურ. „რევოლიუციის მატინე“-ს მესამე ნომრის შინაარსს. ჩემი ყურადღება, სხვათა შორის, მიიქცია იმ შენიშვნამ, რომელიც რედაქციის სახელით დართული აქვს ამხ. რუბენის სტატია-მოგონებას (გვ. 159—160, სხოლიო). შენიშვნის ავტორს, თუ ავტორებს, უნდა ვიფიქროთ, ამოძრავებდა სურვილი ფაქტიური სინამდვილის სისწორით აღდგენისა, რაიც (სინამდვილე) ამხ. რუბენის წერილში, რედაქციის შეხედულებით, ერთგვარათ გადაჭარბებული და გამრუდებულია. მაგრამ გამოსწორების მაგიერ, შენიშვნა კიდევ უფრო ბუნდოვანათ ხდის საკითხს, თან საოცარ „ახალ ამბავს“ შეიცას.

ამხ. რუბენი მოგვითხრობს ორ მიმდინარეობის („ლეგალისტები“ და „არა-ლეგალისტების“) შესახებ, რომლებსაც თავი უჩინიათ ტფილისის ორგანიზაციაში 1920 წლის მაისიდან ე. ი. მას შემდეგ, რაც მოხდა რუსეთ-საქართველოს შუა ზავის ჩამოგდება, ჩვენი ამნისტია და საქართველოს კომპარტიის ცალკე ორგანიზაციად გამოცხადება.

„რევოლიუციის მატინე“-ს რედაქციას გადაჭარბებულათ მიაჩნია „საქართველოს კომ. პარტიის ჯგუფობრიობაზე ლაპარაკი“ ლეგალიზაციის პირველ დღეებში. არა თუ გადაჭარბებულათ, არამედ საესებით უსაფუძვლოთ მიმაჩნია პირადათ მე ამხ. რუბენისებური შეფასება მაშინდელი პარტიული ვითარებისა. ციხეების დაცლის შემდეგ ტფილისში მოხდა პარტიული თათბირი, რომელსაც დაესწრენ ყველა კუთხის ორგანიზაციების პასუხისმგებელი მომუშავენი, და ამ თათბირზე საკითხადაც კი არ დასმულა შენარჩუნება არა-ლეგალური ორგანიზაციის და სათანადო მუშაობის მეთოდებისა: ძირითად ფორმად პარტიულ ორგანიზაციისა და მუშაობისა აღიარებულ იქნა, თანახმად უმაღლეს პარტიულ ინსტანციისა (რ. კ. პ. ცეკა), ლეგალური ორგანიზაციები. საქართველოს კომპარტიაში ეს საკითხი არც შემდეგში ყოფილა სადაო, ყოველ შემთხვევაში ის არც ერთჯერ არ დასმულა პარტიული წესით. მაგალითად, 1920 წ. ნოემბერში შესდგა ცეკასთან ხელახალი თათბირი, რომელსაც კონფერენციის ხასიათი



უნდა ჰქონოდა მხოლოდ; მაგრამ დამსწრე დელეგატების ბის სურვილით, თათბირი „სიეზდათ“ იქნა გამოცხადებული. ბუნებრივად, ამ „სრულფლებიან სიეზდზე“ წამოიჭრებოდა ასეთი ძირითადი სადაო საკითხი და გადაიჭრებოდა, მაგრამ არც სიეზდს და არც ამ სიეზდზე არჩეულ ცეკას არ წამოუყენებია საკითხი—„ლეგალური თუ არა-ლეგალური ორგანიზაცია“?

და საოცარია ამას შემდეგ „მატიანე“-ს რედაქციის შენიშვნის ბოლო ნაწილი, რომელიც მომყავს:

„ეს დავა პარტიაში გალრმავდა, გამწვავდა დამოკიდებულება ამ ორ სხვადასხვა პარტიულ ხაზის მატარებელთა შორის 1920 წლის მიწურულში ოქტომბერ-ნოემბერში. ვერედ წოდებულ „ლეგალისტების“ ჯგუფს ამ დროს მეთაურობდა საქართველოს კომპარტიის ცეკას მდივანი ამხ. მამია ორახელაშვილი და საბჭოთა რუსეთის მისიის წარმომადგენელი საქართველოში ამხ. კიროვი, ხოლო „არა-ლეგალისტების“—დამოუკიდებელ მიზეზთა გამო საქართველოს საზღვრებს გარეშე მოქცეული (ბაქო-მოსკოვში იყო), ამხ. ფილიპე მახარაძე, საქართველოში მყოფ კომუნისტების დიდი ნაწილის გარშემო შემოკრებით“.

თუ რამდენი სიმართლე, ან და ხელოვნური, ქმნილ-ზღაპრული ელემენტია ასეთ განცხადებაში, ჩემს ზემო-ნათქვამ სიტყვებიდანაც სჩანს. დავსძენ მხოლოდ შემდეგს:

1) არავითარი „ჯგუფის“ მეთაური მე არ ვყოფილვარ. მე ვიყავი ცეკას წევრი, აგრეთვე წევრი „კავბიურო“-სი. ცეკას დანარჩენ წევრებთან ერთად (პირველ ხანებში—ამხ. გიორგი სტურუა, ბეკა-დიანი, მრავიანი; შემდეგში—ამხ. მალაქია ტოროშელიძე, სანდრო თუმანოვი, ვანო სტურუა და სხ.) მე გამტარებელი ვიყავი გამომუშავებულ და დადასტურებულ პარტიული ხაზის და პარტიის უმაღლეს ორგანოს დირექტივების.

2) რედაქციის ცნობა ამხ. კიროვის შესახებ აბსოლიუტურათ უსაფუძვლოა და შეცდომის ნაყოფი. ამხ. კიროვი არა თუ არ ხელმძღვანელობდა არავითარ ჯგუფს, მას არავითარი მონაწილეობა არ მიუღია ჩვენი პარტიის ცეკას მუშაობაში, ცეკას არც ერთ სხდომაზე არ დასწრებია. ოქტომბერ-ნოემბერში ის ვერ იქნებოდა „მოთავე და ხელმძღვანელი“ ვისიმე იმიტომაც, რომ ამ დროს ის უკვე გაწვეული იყო საქართველოდან რ. კ. პ. ცეკას მიერ.

მამია ორახელაშვილი.

„პარტიის ისტორიიდან ზღაპრული ელემენტი უნდა განდევნილ იყოს“

წერილი რედაქციის მიმართ.

გაზ. „კომუნისტში“ მოთავსებულია ამხ. მამია ორახელაშვილის წერილი რედაქციის მიმართ შემდეგი სათაურით: „პარტიის ისტორიიდან ზღაპრული ელემენტი უნდა განდევნილ იყოს“,

რომ „ზღაპრული ელემენტი“ უნდა განდევნილ იქნეს არა თუ „პარტიის ისტორიიდან“, არამედ საზოგადოთ ყოველი დარგიდანაც. ეს არავისთვის სადაო არაა. მაგრამ თუ კი ვინმე „ზღაპრულ ელემენტის განდევნის“ მომიზეზებით მოგვაწოდებს ზღაპარს, ეს პირდაპირ შეუწყნარებელია. ამხ. მამია ორახელაშვილი კი გვაწვდის სწორეთ ასეთ ზღაპარს (უნებლიეთ ალბათ, ვინაიდან ის პირდაპირ უშუალო მონაწილეობას მის მიერ დასახელებულ „ყრილობაზე“ არ იღებდა კონსპირატიულ მოსაზრებით).

როდესაც ამხ. მამია ლაპარაკობს ამხ. რუბენზე და მის მიერ შეფასებული მაშინდელი პარტიული ვითარება „უსაფუძვლოთ მიაჩნია“, ეს, რასაკვირველია, ისტორიულად სწორი და მართალია. მაგრამ გადადის რა პარტიის შემდეგ განვითარებაზე, ამბობს: „საქართველოს კომპარტიაში ეს საკითხი („ლეგალური თუ არა-ლეგალური ორგანიზაცია“) არც შემდეგში ყოფილა სადაო, ყოველ შემთხვევაში ის არც ერთჯერ არ დახმულა პარტიული წესით (კურსივი ამხ. მამიასია—ს. ჩ.). მაგალითად, 1920 წ. ნოემბერში შესდგა ცეკასთან ხელახალი თათბირი, რომელსაც კონფერენციის ხასიათი უნდა ჰქონოდა მხოლოთ; მაგრამ დამსწრე დელეგატების უმეტესობის სურვილით, თათბირი „სიეზდათ“ იქნა გამოცხადებული. ბუნებრივათ, ამ „სრულუფლებიან სიეზდზე“ წამოიჭრებოდა ასეთი ძირითადი სადაო საკითხი და გადაიჭრებოდა. მაგრამ არც სიეზდს და არც ამ სიეზდზე არჩეულ ცეკას არ წარმოუყენებია საკითხი—„ლეგალური თუ არა-ლეგალური ორგანიზაცია“—ო.

სიმართლის აღსადგენათ საჭიროთ მიმაჩნია აღვნიშნო, როგორც ამ სიეზდის მონაწილეთაგანმა, შემდეგი: ჯერ ერთი, დასახელებული სიეზდი იყო არა „ცეკასთან ხელახალი თათბირი“, არამედ ნამდვილი სიეზდი საქართველოს ორგანიზაციებისა, რომელიც მოწვეულ იქნა ამ ადგილობრივ ორგანიზაციების მოთხოვნით. მეორეთ, სწორეთ ეს სა-



კითხი -- „ლეგალური თუ არა-ლეგალური ორგანიზაცია“ იყო ძირითადი საკითხი ორგანიზაციულ დარგში, რომელსაც ყრილობამ მოანდომა ორზე მეტი სხდომა. არ ვიცი მასალები ამ ყრილობისა დარჩენილია თუ არა, ყოველ შემთხვევაში შეიძლება დაეასახელო ამხანაგები, რომლებსაც კარგათ ახსოვთ ეს დავა ამ ყრილობაზე: მ. ტოროშელიძე, ს. თუმანოვი, მარუსია ორახელაშვილი, ანდრო და თედორე დოლიძე, რაყდენ კალაძე, გ. ნუცუბიძე, ბ. მაჩაიძე, პ. ცინცაძე და სხვ. ყრილობის დიდი უმრავლესობა (თითქმის ყველა ადგილობრივი ორგანიზაციები, მათ შორის ტფილისის ორგანიზაცია) მომხრე იყო „არა-ლეგალური ორგანიზაციისა“, თუმცა მის დამცველებს ძალიან ბუნდოვანათ ქონდათ ის წარმოდგენილი და ვერ აშუქებდნენ საერთო პარტიულ თვალსაზრისით მის აუცილებელ საჭიროებას. მთავარი დამცველი „ლეგალური ორგანიზაციისა“ იყვნენ: ამხ. ამხ. მამია ორახელაშვილი (თუმცა ის, როგორც ზემოთ ვთქვით, ვერ იღებდა უშუალო მონაწილეობას ყრილობაზე, ვინაიდან იმყოფებოდა არა-ლეგალურათ), მალაქია ტოროშელიძე, სანდრო თუმანოვი და სხვ.

ასეთია ნამდვილი სიმართლე ამ ყრილობისა. ამის დამოწმება შეუძლია ყრილობის ყველა მონაწილეთაგანს.

ყოველგვარ გაუგებრობის გასაფანტავათ უნდა შევნიშნო, რომ პირადათ მე წინააღმდეგი ვიყავი საერთო რევოლიუციის თვალსაზრისით „არა-ლეგალურ ორგანიზაციის“ და დიდ შეცდომათ მიმაჩნდა და მიმაჩნია მაშინდელი „არა-ლეგალისტების“ პოზიცია.

P. S. ამ წერილის დაბეჭდვის შემდეგ „კომუნისტში“ მოთავსებულ იქნა ამხ. რ. კალაძის წერილი, სადაც ის ეხება ამ წერილსაც და „ქრიტიკას“ უკეთებს მას.

ის სწერს: „თუ ამხ. მამიას მომხრეები მალაქია და სანდრო ნოემბრის ყრილობაზე „ლეგალურ პოზიციას“ იცავდნენ, ეს მხოლოდ იმიტომ, რომ ის ვითომდა „არა-ლეგალისტები“ ჩაეჩუმებიათ, რომლებიც მხოლოდ თავის გულში და ისიც სიტყვით რევოლიუციონერობდნენ და მემარცხენეობდნენ... და არა იმიტომ რომ ისინი (მამია, მალაქია და სანდრო) თითქო არა-ლეგალური მოქმედების წინააღმდეგი იყვნენ“. (გაზ. „კომ.“ № 213.) ჯერ ერთი, უნდა შევნიშნოთ ამხ. რ. კალაძეს, რომ ის სცნობს შემდეგს: ამხ. მამიას მომხრეები მალაქია და სანდრო, ნოემბრის ყრილობაზე „ლეგალურ პოზიციას“ იცავდნენ... იმიტომ რომ... „არა-ლეგალისტები“ ჩაეჩუმებიათ“. („კომ.“ № 213).

მეორეთ, ჩვენ არ გვესაჭიროება აქ იმის დამტკიცება, რომ ის ჯგუფი, რომელსაც, სხვათა შორის, ეკუთვნოდა მაშინ თვით ამხ. რ. კალაძეც, მხოლოდ „სიტყვით რევოლიუციონერები, მემარცხენეები“ და „არა-ლეგალისტები“ იყვნენ, თუ საქმითაც

ამას აკეთებდენ. აქ „სიმართლის აღსადგენათ“ ეს სრულებითაც არაა საქირო, ვინაიდან ჩვენ გვესაქიროებოდა იმის გაგება: იყო თუ არა ბრძოლა ყრილობაზე „არა-ლეგალისტებსა და ლეგალისტებს“ შორის. ხოლო რომ ეს ბრძოლა იყო, ამას, როგორც დავინახეთ თვით რ. კალაძეც ვერ უარყოფს. მესამეთ, ამხ. რ. კალაძის მტკიცებით გამოდის, რომ არა თუ „არა-ლეგალისტები“ ყოფილან მარტო სიტყვის ხალხი (და არა საქმისაც), არამედ მეორე ჯგუფიც (მალაქია, მამია, სანდრო), ვინაიდან ეს უკანასკნელები თურმე იმიტომ კი არ „იცავდენ“ ლეგალურ პოზიციას, რომ ისინი თითქო „არა-ლეგალური მოქმედების წინააღმდეგი იყვენ“, არამედ იმიტომ, რომ ის ვითომდა „არა-ლეგალისტები ჩაეჩუმებიად“. ერთი სიტყვით ეს ყოფილა თურმე მხოლოდ ბრძოლის ფანდი და მეტი არაფერი. ასე რომ მთელი ყრილობა გამსჭვალული ყოფილა უკანა აზრებით, რაც პირდაპირ ცილის-წამებაა. ჩვენ ერთი წუთითაც არ შეგვიძლია დავუშვათ, რომ პარტიული ყრილობა ასეთ რამეს დაუშვებდა. ეს პირდაპირ არ ეწყობა საღ გონებას.

ს. ჩიხლაძე.

რედაქციისაგან

ვათავსებთ რა ამხ. მამია ორახელაშვილის წერილს — „პარტიის ისტორიიდან ზღაპრული ელემენტი უნდა განდევნილ იყოს“ და ამავე სათაურით გაცემულ ამხ. ს. ჩიხლაძის პასუხს, — „რევოლუციის მატრიანეს“ რედაქცია უმატებს შემდეგს:

1920 წ. აგვისტოსა და სექტემბერში, საქართველოში მენშევიკების ბატონობის დროს, როცა მენშევიკების დრაკონიული ზომები ბოლშევიკების წინააღმდეგ მიმართული, კომუნისტური პარტიის ლეგალურ აპარატს გასაქანს არ აძლევდა, ახშობდა მას და აქ ახლად შექმნილ საქართველოს კომუნისტურ პარტიაში ისახებოდა „მიმდინარეობა“ ლეგალური და არა-ლეგალური მუშაობის შესახებ, ამხ. კიროვი იმყოფებოდა საქართველოში და ემხრობოდა, იცავდა მართოდ და მხოლოდ ლეგალურ ჩარჩოებში მუშაობას. ამხ. კიროვს, შექმნილ პოლიტიკურ პირობებში დაუშვებლად მიაჩნდა არა-ლეგალური მუშაობა კომუნისტური პარტიისა საქართველოში, რა ფორმებშიც არ უნდა წარმოებულყო იგი. ეს აზრი გამოსთქვა სხვათა შორის მან, ამხ. ფ. მახარაძისა და ლადო დუმბაძის საპასუხო სიტყვის სახით ბაქოში — მაილოვის დიდი თეატრის დარბაზში, აღმოსავლეთ ხალხების კონგრესის დროს გამართულ მოწინავე ქართველ კომუნისტ-დელეგატების თათბირზე, საცა დასმული იყო სწორეთ ეს ერთი კითხვა: „ლეგალურთან არა-ლეგალური მუშაობაც ვაწარმოთ თუ არა?“

საქართველოდან წარმოდგენილ კონგრესის დელეგატები აღმატებოდნენ 60-80 კაცს.

ამათ შორის 90-95 პროცენტი იმას ლაპარაკობდა, აღნიშნავდა, რომ საქართველოში ლეგალური მუშაობის საშვალეება მოსპობილია, პარტია დნება, პარტიის წევრები ქრებიან. აე ეს გახდა მიზეზი თათბირის მოწვევისა ბაქოში, რომელიც შესდგებოდა ქართველ პასუხისმგებელ ამხანაგებისაგან.


X

მოხსენება დასმულ საკითხზე გააკეთა მოსკოვიდან დაბრუნებულმა ამხ. ფ. მახარაძემ, რომელსაც რ. ც. კომიტეტისაგან ჰქონდა ერთგვარი დირექტივები, პარტიის შენახვის მიზნით მოეწყო საქართველოში არა-ლეგალური პარტიული აპარატი და ეწარმოებია ამ სახით მუშაობა, — არა აუცილებლად აჯანყებისათვის. ამ მოხსენების

აზრი გაიზიარა და მიიღო შესაფერი რეზოლიუცია მთელმა თათბირ-
მა თითქმის; გამონაკლისს, რომელიც არ ღებულობდა რეზოლიუციაში
გამოთქმულ აზრს, ორი-სამი კაცი შეადგენდა.

დაახლოვებით ამ თათბირს დაესწრენ: ამხ. ფ. მახარაძე, კიროვი,
ლადო დუმბაძე, სილვა თოდრია, მარიამ ორახელაშვილი გალაქტიონ
ნუცუბიძე (უკანასკნელი თავმჯდომარეობდა), მიხა კახიანი, ს. თალა-
კვაძე, არჩილ მიქაძე, ვალერიან ვაშაკიძე, პ. საბაშვილი, ს. მეგრელი-
შვილი, პ. ცინცაძე, ს. მამულია, კატო მიქაძე, აკირტავა, გ. სტურუა
და სხვები, — სულ 25 კაცამდის.

P. S. ამავე ნომერში, მე-5 განყოფილებაში — „პარტიული არქივში“
იბეჭდება ბაქოში გადასახლებული ქართველი კომუნისტების კრების
ოქმი და რეზოლიუცია, რომელიც ნათელს ჰფენს ამ კითხვას.



სააკციონერო წიგნების გამომცემელი საზოგადოება

„წითელი წიგნი“

გამგეობა — ტფილისი რუსთაველის პროს. № 8, ტელ. 7—54. გამომცე-
მათა მთავარი საწყობი — იქვე.

დაიბეჭდა და იყიდეგა.

პოლიტიკურ-ეკონომიური ლიტერატურა:

1. მარქსი და ფ. ენგელსი — კომუნისტური მანიფესტი დ. რიაზანოვის რედაქციით. ფ. 2 მან. 20 კ. ოქროთი.
2. სტალინი — კრებული წერილებისა ნაციონალური საკითხის შესახებ. ფასი 50 კაპ. ოქროთი.
3. ა. ბებელი — დედაკაცი აწმყოში და მომავალში. ფასი 14 კ. ოქროთი (გაიყიდა).
4. ი. კაკაბაძე — ჩვენი სამეურნეო აწმყო და მომავალი. ფასი 25 კაპ. ჩერვ.
5. სტუჩკა — სწავლა რ. ს. ფ. ს. რ. სახელმწიფოს და კონსტიტუციაზე.
6. მარქსი და ფ. ენგელსი — კომუნისტური მანიფესტი. ფასი 25 კაპ. ოქროთი.
7. ფ. ენგელსი — კომუნიზმის პრინციპები. ფასი 15 კაპ. ოქროთი (გაიყიდა).
8. ტომსკი — რუსეთის პროფ. მოძრაობის ნარკვევები. ფასი 30 კაპ. ოქროთი.
9. ანდრეევი — წელიწად-ნახევარში. ფ. 35 კაპ. ჩერვ.
10. ტომსკი — პროფკავშირები ახალ გზაზე. ფ. 40 ჩერვ.
11. მენშევიზმის გახრწნა. ფ. 40 კაპ. ჩერვ. (გაიყიდა).
12. მე-12 ყრილობის რეზოლიუციები. ფ. 65 კაპ. ჩერვ. (გაიყიდა).
13. ი. სტალინი — ნაციონალური საკითხი. ფ. 30 კაპ. ჩერვ. (გაიყიდა).
14. ლ. ტროცკი — მწერლობის ძირითადი საკითხები. ფასი 50 კაპ. ჩერვ. (გაიყიდა).
15. ერთიანი სასოფლო-სამეურნეო გადასახადი. 25 კ. ჩერვ. (გაიყიდა).
16. ბრაუნნი — კომუნიზმი და ქრისტიანობა. ფ. 1 მან. 10 კაპ. ჩერვ.

- 17. ა. კოლონტაი — დედაკაცის მდგომარეობა მეურნეობის ევო-
ლიუციაში.
- 18. ა. ჩეკინი — ტრედ-უნიონიზმის ისტორიის ნარკვევები.
- 19. ა. მარტინოვი — ბოლშევიზმი და მენშევიზმი (გაყიდულია).
- 20. კონფერენცია პირვ. რაიონის ყოფილ მენშევიკების — რკინის გზე-
ლებისა (სტენოგრ. ანგარიში ქართულათ).
- 21. კონფერენცია მეორე რაიონის ყოფილ მენშევიკებისა.
- 40. ჰენრიხ-კურნოვი — წარმოშობა რელიგიისა და ღვთისადმი
რწმენისა.

სახწავლო სახელმძღვანელოები.

- 1. ი. გომელაური — ქართული მწერლები ნ. III. ფასი I მან. ჩერვ.
- 2. იგივე ნაწ. 4. ფასი I მან. 25 კაპ. ჩერვ.
- 3. იგივე ნაწ. II. ფასი 50 კაპ. ჩერვ.
- 4. იგივე ნაწ. III ფასი. 60 კაპ. ჩერვ.
- 5. იგივე ნაწ. IV. ფასი 80 კ. ჩერვონ.

მხატვრული ლიტერატურა.

- 1. ბლოკ — თორმეტი და სკვითები (ქართ). ფასი 40 კაპ. ჩერვ.

